

十朝东华录



光緒甲午仲夏上

海積山書局石印

乾
隆
朝

東華錄目錄

乾隆一 起雍正十三年八月己丑盡十月

乾隆二 起雍正十三年十一月盡十二月

乾隆三 起乾隆元年正月盡六月

乾隆四 起元年七月盡十二月

乾隆五 起二年正月盡六月

乾隆六 起二年七月盡十二月

乾隆七 起三年正月盡六月

乾隆八 起三年七月盡十二月

乾隆九 起四年正月盡六月

乾隆十 起四年七月盡十二月

乾隆十一 起五年正月盡六月

乾隆十二 起五年七月盡十二月

乾隆十三 起六年正月盡六月

乾隆十四 起六年七月盡十二月

乾隆十五 起七年正月盡六月

乾隆十六 起七年七月盡十二月

乾隆十七 起八年正月盡六月

乾隆十八 起八年七月盡十二月

乾隆十九 起九年正月盡六月

乾隆二十 起九年七月盡十二月

乾隆二十一 起十年正月盡六月

乾隆二十二 起十年七月盡十二月

乾隆二十三 起十一年正月盡六月

乾隆二十四 起十一年七月盡十二月

乾隆二十五 起十二年正月盡六月

乾隆二十六 起十二年七月盡十二月

乾隆二十七 起十三年正月盡六月

乾隆二十八 起十三年七月盡十二月

乾隆二十九 起十四年正月盡六月

乾隆三十 起十四年七月盡十二月

乾隆三十一 起十五年正月盡六月

乾隆三十二 起十五年七月盡十二月

乾隆三十三 起十六年正月盡六月

乾隆三十四 起十六年七月盡十二月

乾隆三十五 起十七年正月盡六月

乾隆三十六 起十七年七月盡十二月

乾隆三十七 起十八年正月盡六月

乾隆三十八 起十八年七月盡十二月

乾隆三十九 起十九年正月盡六月

乾隆四十 起十九年七月盡十二月

乾隆四十一 起二十年正月盡六月

乾隆四十二 起二十年七月盡十二月

乾隆四十三 起二十一年正月盡六月

乾隆四十四 起二十一年七月盡十二月

乾隆四十五 起二十二年正月盡六月

乾隆四十六 起二十二年七月盡十二月

乾隆四十七 起二十三年正月盡六月

乾隆四十八 起二十三年七月盡十二月

乾隆四十九 起二十四年正月盡六月

乾隆五十 起二十四年七月盡十二月

乾隆五十一 起二十五年正月盡六月

乾隆五十二 起二十五年七月盡十二月

乾隆五十三 起二十六年正月盡六月

乾隆五十四 起二十六年七月盡十二月

乾隆五十五 起二十七年正月盡六月

乾隆五十六 起二十七年七月盡十二月

乾隆五十七 起二十八年正月盡六月

乾隆五十八 起二十八年七月盡十二月

乾隆五十九 起二十九年正月盡六月

乾隆六十 起二十九年七月盡十二月

乾隆六十一 起三十年正月盡六月

乾隆六十二 起三十年七月盡十二月

乾隆六十三 起三十一年正月盡六月

乾隆六十四 起三十一年七月盡十二月

乾隆六十五 起三十二年正月盡六月

乾隆六十六 起三十二年七月盡十二月

乾隆六十七 起三十三年正月盡六月

乾隆六十八 起三十三年七月盡十二月

乾隆六十九 起三十四年正月盡六月

乾隆七十 起三十四年七月盡十二月

乾隆七十一 起三十五年正月盡六月

乾隆七十二 起三十五年七月盡十二月

乾隆七十三 起三十六年正月盡六月

乾隆七十四 起三十六年七月盡十二月

乾隆七十五 起三十七年正月盡六月

乾隆七十六 起三十七年七月盡十二月

乾隆七十七 起三十八年正月盡六月

乾隆七十八 起三十八年七月盡十二月

乾隆七十九 起三十九年正月盡六月

乾隆八十 起三十九年七月盡十二月

乾隆八十一 起四十年正月盡六月

乾隆八十二 起四十年七月盡十二月

乾隆八十三 起四十一年正月盡六月

乾隆八十四 起四十一年七月盡十二月

乾隆八十五 起四十二年正月盡六月

乾隆八十六 起四十二年七月盡十二月

乾隆八十七 起四十三年正月盡六月

乾隆八十八 起四十三年七月盡十二月

乾隆八十九 起四十四年正月盡六月

乾隆九十 起四十四年七月盡十二月

乾隆九十一 起四十五年正月盡六月

乾隆九十二 起四十五年七月盡十二月

乾隆九十三 起四十六年正月盡六月

乾隆九十四 起四十六年七月盡十二月

乾隆九十五 起四十七年正月盡六月

乾隆九十六 起四十七年七月盡十二月
乾隆九十七 起四十八年正月盡六月
乾隆九十八 起四十八年七月盡十二月
乾隆九十九 起四十九年正月盡六月
乾隆一百 起四十九年七月盡十二月
乾隆一百一 起五十年正月盡六月
乾隆一百二 起五十年七月盡十二月
乾隆一百三 起五十一年正月盡六月
乾隆一百四 起五十一年七月盡十二月
乾隆一百五 起五十二年正月盡六月
乾隆一百六 起五十二年七月盡十二月
乾隆一百七 起五十三年正月盡六月
乾隆一百八 起五十三年七月盡十二月
乾隆一百九 起五十四年正月盡六月
乾隆一百十 起五十四年七月盡十二月
乾隆一百十一 起五十五年正月盡六月
乾隆一百十二 起五十五年七月盡十二月
乾隆一百十三 起五十六年正月盡六月
乾隆一百十四 起五十六年七月盡十二月
乾隆一百十五 起五十七年正月盡六月
乾隆一百十六 起五十七年七月盡十二月
乾隆一百十七 起五十八年正月盡六月
乾隆一百十八 起五十八年七月盡十二月
乾隆一百十九 起五十九年正月盡十二月

乾隆一百二十起六十年正月盡十二月

後跋

高宗純皇帝 世宗第四子也 母孝聖憲皇后鈕祜祿氏原任四品典儀官加封一等承恩公凌柱之女以康熙五十年辛卯八月十三日子時生 上於雍和宮邸 上生而神靈天挺奇表珠庭方廣隆準順身發音鏗洪舉步嶽重規度恢遠巖然拔萃六歲就傳受書於庶吉士福敏過目成誦謀必兼治康熙壬寅年十二歲 聖祖於圓明園之樓月開雲霓即驚愛 命宮中養育無視

周摯備荷 旨顧恩慈親授書課教肅有加偶舉愛蓮說以試誦解融徹獎悅彌至 命學射於貝勒允禩學火器於莊親王允祿肆輒精能每呈毅宮門習圍南苑間體審機疊發奇中垂髫英武觀者莫不欽為天授而神槍實難準的具存 貽誨有深焉者其

年秋隨侍 聖祖巡幸避暑山莊 賜居萬松松風讀書其中一日望見 御舟泊晴碧亭畔聞 聖祖呼名即趨巖壁而下 顧請勿疾行恐致蹉跌愛護殊常獅子嶺北為 世宗藩邸屢躡時賜園 聖祖幸園中進膳 特命 孝敬憲皇后率 孝聖憲皇后問安拜觀 天顏喜溢連稱有福之人以 上豫信也木蘭秋籬入永安莽啞圍場 命侍衛引射熊南上馬熊突起 上控轡

自若 聖祖御槍殪之事畢入武帳語 溫惠皇貴太妃曰是命貴重福將過予雍正元年次辛祈穀禮成為 世宗登極初次大祀之典 召 上入養心殿 賜食一饗意已為他日付託之本仰告 昊蒼改俸承福受胙秋八月御乾清宮密書 上名緘固

召諭諸王大臣敬藏 世祖所書正大光明扁額上冬至月屆 聖祖周忌大祭 命代謁 景陵五年丁未年十七 賜成大婚禮於西二所踐阼後賜名重華宮者是也八年庚戌彙書閣所製詩文為樂善堂集告成十一年癸丑春正月封為和碩寶親王每歲 命代祀北郊準噶爾之役兩朝未竟陳師西北兩路 上實親聆運籌黔苗不靖繼有兵事 世宗命綜理軍機諮決大計

○雍正十三年乙卯八月丁亥 世宗不豫時 駕駐圓明園 上孝思純篤與和親王引晝朝夕謹視戊子 世宗疾大漸 召世宗崩 上趨詣御榻前捧足大慟號哭仆地王大臣哀請恭奉 大行皇帝還宮諸大臣等欽遵 遺命恭宣 詔旨曰寶親王

皇四子 秉性仁慈居心孝友 聖祖仁皇帝於諸孫之中最為鍾愛撫養宮中恩逾常格雍正元年八月間朕於乾清宮召諸王滿漢大臣入見面諭以建儲一事親書諭旨加以密封藏於乾清宮最高處即立 為皇太子之旨也其仍封親王者蓋令備

位藩封諳習政事以增識見今既遭大事著繼朕登基即皇帝位 上恭聽畢感慟號呼良久尋諭奉 大行皇帝遺命著莊親王果親王鄂爾泰張廷玉輔政鄂爾泰因病解任調理今既輔政著復任○安奉 大行皇帝於乾清宮○以 遺命尊奉 妃母為

皇太后復奉 皇太后懿旨以上之元妃為后○召朱載回京以栝匏鈞總理浙江海塘工程趙宏恩兼署江南河道總督

○大行皇帝大殮命以乾清宮南廡為倚廬席地寢苦慮 皇太后過哀每日詣乾清宮東暖閣問安○庚寅諭總理事

務王大臣等 皇考鞠育深恩昊天罔極今忽遭大故痛入五中况我 皇考十三年來肝食宵衣備極勞瘁是以薄海內外共享

哀痛

一月東華錄 一 乾隆一

昇平之福不獨朕心感切仰報無由也若服制一節仍遵定例朕心實為不忍惟有行三年之喪稍盡思慕之誠於萬一天下臣民仍照定例行○諭外省文武大臣等差員齎摺到京者照常啟奏無得沈滯○諭雍正八年六月欽奉 皇考諭旨張廷玉器量純全抒誠供職其纂修 聖祖仁皇帝實錄宣力獨多每日遵旨繕寫上諭悉能詳達朕意訓示臣民其功甚鉅鄂爾泰志乘忠貞才優經濟安民察吏緩靖邊疆洵為不世出之名臣此二人者朕可保其始終不渝朕萬年之後二臣著配享 太廟今朕欲將 皇考此旨入於 遺詔內頒發大學士鄂爾泰張廷玉履行固辭朕惟知遵奉 皇考聖旨復再三降諭而鄂爾泰張廷玉又懇切奏請稽古典禮朕以為必慮入於 遺詔鄂爾泰張廷玉既以稽古典禮奏請著王大臣備查古典詳議具奏尋以明洪武二年李善長等從祀舊典議得大學士鄂爾泰張廷玉配享 太廟應欽遵繕入 遺詔得旨報可○召張照回京以張廣泗總理苗疆事務適柱署湖廣總督由大學士署○辛卯諭內監等國家政事毋許妄行傳說外言亦無得傳入內廷犯者正法○命都統莽鵠立傳諭

曰 皇考萬幾餘暇聞外間爐火修鍊之說 聖心深知其非聊欲試觀其術以為遊戲消閒之具因將張大虛王定乾等數人置於西苑空閒之地 聖心視之與俳優人等耳未會聽其一言未曾用其一藥且深知其為市井無賴之徒最好造言生事 皇考向朕與親王面諭者屢矣今朕將伊等驅出各回本籍本莽鵠立傳旨宣諭伊等平時不安本分狂妄乖張惑世欺民有干法紀久為 皇考之所洞鑒茲從寬驅逐乃再造之恩若伊等因內廷行走數年捏稱在 大行皇帝御前一言一字以及在外招搖煽惑斷無不敗露之理一經訪聞定嚴行拏究立即正法決不寬貸○壬辰諭大將軍查郎阿駐肅州與劉於義同掌軍務北路大將軍平郡王福彭堅固防守○諭王大臣等苗疆事務關緊要時塵 皇考聖心從前 命朕與辦理此事之王大臣等屢經會議備聞 聖諭周詳深悉其中情事今遭 皇考大故朕哀痛不勝勉遵 遺命辦理天下政務朕思目前緊要之事無有過於西北兩

路及苗疆用兵者除西北兩路已經降旨外其苗疆勦撫賊眾總在領兵將帥合志和衷方為有益揚威將軍哈元生副將軍董芳俱受 皇考天高地厚之恩當此領兵重任自當同心協力兩人合為一人於一切軍務商酌妥協而行至於奏報軍務情形彼此俱當據實備存意見致有參差地方不即安謐則伊等之身家不足惜而貽誤國家軍務之事甚大朕必按法究治斷不姑貸○癸巳頒 大行皇帝遺詔○諭朕敬謹檢閱 皇考遺訓見有嘉獎怡賢親王之 旨謂王公忠體國裨益良多 命朕子孫等世世無忘賢王之美善王之子孫永當加恩厚待此 皇考於宮廷屢頒 上諭之外另收藏宮內之 旨也朕思叔怡賢親王當日竭誠致敬辦理國家事務不但為 皇考之賢輔實為 列祖之功臣此朕所親知親見者况 皇考遺命諄諄令我輩子孫無忘賢王之美善並加恩王之子孫今朕既即大位則獎功褒德之典怡賢親王在所當先其如何加恩之處著諸王大臣會議具奏尋

又諭 皇考時怡賢親王一德一心贊襄國政深蒙 皇考嘉獎優待今朕當仰體 皇考聖心眷念怡親王弘曉教誨作養之伊年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

年甫十四在內廷行走豈可無人護從著總理事務王大臣派妥善侍衛二員隨護○諭王大臣等黔省逆苗不法擾害地方哈元

生身爲提督節制通省官兵彈壓控馭皆伊專司乃平時辦理漫不經心既不能先事豫防及至逆苗反覆初尙無多若彼時即乘機調度弗誤機宜亦不難立即撲滅或卽潰散而哈元生猶自掩飾一任勾結迨至肆行焚掠蔓延數郡始自督兵聲言征剿先進駐楊老次移守清平觀望遲疑並不援救以至賊氛愈熾州縣失陷然猶曰兵力軍微難以分布援兵未到不得有以待以慎重調遣也乃滇楚兩粵官兵次第雲集堵禦接剿皆已數用而哈元生零星遣發若前若卻勇畧無聞所稱恢復不過空城所稱調通仍多阻截揀各處奏報情形約畧相同夫兵已數萬時已數月內地苗疆尙無一就緒近且有截糧傷官等事是哈元生籌謀無術調度失宜其所報斬獲報開通皆不無粉飾以圖掩過則人言非虛亦可以鑿見矣哈元生受 皇考深恩以微弁擢至提督於頑苗蠢動之時猶示原宥不加懲處旋授以將軍敕印者所以念其前功勉其後效冀其感愧奮勵敢勇抒謀誓期滅此朝食爲苗疆久遠計庶事可速竣邊方攸賴哈元生亦得藉以自免罪戾也乃數月以來並無寸效諸多可虞哈元生是何料理是何肺肝爾等可密行嚴飭哈元生若仍不痛自悔悛肅清內地底定新疆或復懷挾私心欲將就完事不特貽誤軍機罪有應得而背負 皇考之深恩其罪滋重尤難以姑寬矣○甲午諭王大臣等經理苗疆原爲安謐地方起見從前 皇考諭旨至爲明晰乃逆苗反覆不常近復騷擾內地百姓被其荼毒是以 皇考特命提督哈元生爲揚威將軍又因地方遼闊苗眾甚多恐哈元生一人料理未能周到復令湖廣提督董芳爲副將軍先後遣發滇楚兩粵官兵前往會剿又令尙書張照等總理撫定苗疆兵馬錢糧一切事務乃各省官兵陸續到黔已經數月而剿捕事宜尙未就緒今遭 皇考龍馭上賓事務殷煩部院大臣在京者甚少已降旨令張照回京其總理苗疆事務令張廣泗前往黔省料理當日 皇考以張廣泗曾任貴州巡撫熟悉苗疆情形且從前原係伊承辦之事故特用爲湖廣總督俾得就近接應辦理今張照既回京是以遣伊前往總理近聞哈元生董芳意見參差不能和衷以致軍務機宜俱未妥協張廣泗素日實心任事深蒙 皇考獎許今膺總理之任當一秉公忠悉心籌畫剪除兇逆無恤善俾地方卽速安謐爲一勞永逸之計伊到黔後哈元生董芳自必聽伊指授不容各逞私見儻張廣泗不能使伊二人同心協力仍復懷私不以國事爲念貽誤軍務朕惟於張廣泗是問王大臣等可傳諭張廣泗知之○丙申諭王大臣等自古人君爲治莫要於周知庶務通達下情我 皇考天縱生知猶聖不自聖十三年來廣采羣言以資治理自督撫提鎮外如學政巡察藩臬二司及出差官員等皆在具摺陳奏事件既可以周知在外情形又可以隨時批示以增長臣工之識見 硃批諭旨一書乃千古所罕見者朕以冲齡繼登大位正當廣爲諮詢以補見聞所不及其從前何等官員准其奏事或有 特旨令其奏事者俱著照前摺奏

解任仍帶尚書銜候朕另降諭旨○命果親王總理刑部肅親王總理工部鄂爾泰總理兵部以廿汝來為兵部尚書○己亥 上
即皇帝位於太和殿以明年為乾隆元年加恩中外罪非常赦所不原者咸赦除之○庚子定 大行皇帝聖諱上一字書允字下
一字書正字○諭諸王大臣奏三年之喪難以舉行請朕仍依舊制以二十七日釋服朕受 皇考顧復深恩昊天罔極中心哀慕
不能自已欲行三年之喪稍盡臣子之誼朕承 皇考付託之重惟期恪守 貽謀勉遵 先志使天下又安永享昇平之福乃朕
之孝非以持服三年遂為盡孝也自古帝王亦有行三年之喪者今諸王大臣所引杜預心喪之說後人多議其非朕自幼讀書與
未嘗披覽典籍者有聞此等議論豈可援以為據耶若以 遺詔有二十七日釋服之旨此乃為天下臣民而言非指朕一人也從
前 皇祖聖祖仁皇帝沖齡踐阼未得舉行我 皇考大行皇帝即位之時軍國重務速應辦理之處甚多是以俯准廷臣之請然
素服齋居三年如一日也今經 皇考十三年宵旰勤勞孜孜圖治舉凡大綱小紀莫不悉有章程今日遵守成規一如 皇考在
日朕親承指授一一奉行而已展轉思維三年之喪在朕今日實屬可行况昨日大學士等奏稱十五日以後應照例進本辦事朕
已允行豈行三年之喪遂不能辦理一切事務乎至 郊壇祭祀大典原可並行不悖諸王大臣所奏以日易月之說斷不准行朕
意已定毋得再請其如何行三年之喪著詳查典禮議具奏○諭各省督撫大臣有進貢方物之禮昨福建督撫齊到閩省果品
乃照例進獻於 皇考之前者朕不便發回已交所司敬謹收貯備 几筵供奉之用若遠省大臣進貢 皇考之物已齋送在途
者准其赴京交奏事官員轉奏其各省照例進獻之物槩行停止雖食物果品亦不許進俟三年之後朕再降諭旨著通行傳諭
各省督撫大臣等一體遵行○諭佛法以明心見性與善能仁含貪除慾忍辱和光為本而後世緇流竟借佛祖兒孫之名以為取
利邀名之具奸詐盜偽無所不為以致宗風頹敗象教衰微此皆不肖僧徒貽之咎也我 皇考聰明睿知天縱多能而於性宗之
理洞晰精微深通奧妙萬幾餘暇每召見僧衲指示提撕冀其勉力參悟俾佛教廣有傳人以為勸善去惡之一助此 大慈悲父
覺世之苦心也乃數年以來真能領會 聖訓者甚少 皇考嘗為歎息今陸續散出於外其間品行不一難保無借端生事之人
如昔年 世祖章皇帝時木陳忞大有名望深被 恩禮而其所著北游集則狂悖乖謬之語甚多至其誇張 恩遇處尤為庸鄙
又玉琳國師弟子骨巖行輩著侍香紀畧一書更為誕妄荒唐供人噴飯已蒙 皇考特降嚴旨查出銷毀此中外所共知者前事
可鑒朕不得不留心申飭著該部傳旨通行曉諭凡在內廷曾經行走之僧人理應感戴 皇考指迷接引之深恩及倒身心努力
參究方不負 聖慈期望之至意儻因偶見 天顏曾聞 聖訓遂欲借端誇耀或造作言辭或招搖不法此等之人在國典則為
匪類在佛教則為罪人其過犯不與平人等朕一經察出必按國法佛法加倍治罪不稍寬貸○諭朕欽奉 皇太后慈旨裕妃侍

大行皇帝多年誕生皇五子已蒙 聖恩封為親王今裕妃應封貴妃謙嬪誕生圖明爾阿哥今應封妃欽此著交該部將應行
典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

典禮查議具奏○諭王大臣等前蒙 皇考聖諭命張照前往黔省計議苗疆用兵事宜並撫定黔民之被難者 聖意甚為切至

實冀其殫心竭力以副委任今覽張照奏摺將目前用兵情形及何處已經清理何處尚未清理將來如何勦撫之處並未一分
晰明白陳奏至於被難之民深可憫惻張照摺內止言鎮遠清溪難民光景亦未言及如何撫恤安插之法其他被苗擾害之處張
照總未議及看其連篇累牘之奏竟以巧詞揣度有意迎合我 皇考至聖至明因物付物並無成見亦無成心張照何得以私心
鄙識妄爲得計其負 皇考之恩有虧大臣之義又伊奏稱新闢苗疆當因其悖亂而降旨棄絕此語尤爲乖謬前朕奉 旨與王
大臣會議時僉云苗人見在跳梁此時斷無棄置之理惟有俟事平之後再行計議彼時張照亦力主此說今何以自相矛盾如此
且摺內忽云棄置忽云痛剿仍是兩歧之見究不知其意之所在甚屬糊塗爾等可傳旨嚴行申飭看伊如此另具肺腸是苗疆事
宜伊必不能辦理妥協幸早有諭旨令其回京也○命朱軾協同王大臣總理事務○王寅總理事務王大臣奏孟冬頒朔請易時
憲下一字爲書字○鑄乾隆錢○甲辰諭陝甘督撫蘭州平涼諸府州縣收成歉薄宜加意賑恤○乙巳諭朕之兄弟等以名字之
上一字與朕名相同奏請更改朕思朕與諸兄弟之名皆 皇祖聖祖仁皇帝所賜載在玉牒若因朕一人而令眾人改易於心實
有未安昔年諸叔懇請改名以避 皇考御諱 皇考不許繼因懇請再四且有 皇太后祖母之旨是以不得已而允從厥後常
以爲悔屢向朕等言之即左右大臣亦無不共知之也古人之禮二名不偏諱若過於拘泥則帝王之家祖父命名之典皆不足懸
矣朕所願者諸兄弟等修德制行爲國家宣敵效力以佐朕之不逮斯則尊親上之大義正在此儀文末節開也所奏更名之
處不必行○諭王大臣等前次見張照奏事光景料其不能辦理苗疆事務是以將伊調回命張廣泗前往更換今又見張照陳奏
各件看其語氣全是懷挾私心妄爲揣度特降諭旨嚴行訓飭爾等可將諭旨鈔錄寄與張廣泗閱看其張照所奏各款內有應交
與張廣泗查辦者又不可以人廢言著照爾等所議寄去苗疆事務緊要惟有持平辦理不可驟存意見於胸中從前原係爾爾泰
獨任其事後來逆苗煽動張照在京時見 皇考申飭大學士鄂爾泰因其向來料理原未盡善也繼有解任之 旨而張照遂以
私意揣度每次陳奏過甚其詞不知鄂爾泰之解任原因其以病陳請即削去伯爵爵亦伊自行懇辭者及解任之後仍荷 天恩眷
注賜俸賜遺信極優渥使張照聞知未必有今日之奏也今朕用鄂爾泰爲大學士又總理事務張廣泗又不可以爲新主之所重
待而有迎合之心總之人臣事君之道惟有據實秉公無偏無黨此事之始末鄂爾泰之功過將來事竣之後自有定論不在此時
但言其過遂可謂經理苗疆之嘉猷也至於棄置新疆之說 皇考偶向朕與王大臣等商及以爲從前原不應料理非謂目下也
比時詢謀僉同力奏其不可張照即在與議之列 皇考深以爲然今張照以爲密奉棄置之 諭旨且將此轉告哈元生錯謬已
極可令張廣泗傳諭哈元生知之爾等可密寫朕諭與張廣泗總之苗疆一切全交伊料理當屏去私心惟公惟正不知有己不知
有人並不知有朕諭惟期盡美盡善爲經久萬全之計設目下勦撫事宜將來善後無策朕惟張廣泗是問○丙午命公慶復柱軍
營撥回平郡王○丁未 大行皇帝梓宮安奉 雍和宮奉 皇太后居東配殿 上仍居乾清宮南廡苦次○戊申諭朕自幼齡

賜後二十七月內成素服禮用禮服 皇子與諸王百官咸二十七日除服百日雖髮外省官員軍民人等俱照定例行奏入

上召總理事務王大臣面傳 皇太后懿旨曰諸王大臣議奏持服之禮酌古準今情理允協知道了欽此 上降旨亦以所議甚悉允行○諭王大臣等前內大臣海望自北路軍營回京時奏稱鄂爾坤發遣人犯在彼種地並無實濟且恐日久之後人數漸多致生事端似應改發他處彼時 皇考以鄂爾坤見有大兵駐紮豈有不能彈壓之理此奏不合曾經降 旨教導令總理事務王大臣辦理軍機大臣等議覆此事並無定議之語殊有觀望之心及朕降旨諭令再議而王大臣等尙未知 皇考聖意也伏思

皇考之意蓋以此等發遣之犯原係身獲重罪之人今發軍前種地者乃保全之大恩令其效力贖罪耳若其中果有情罪冤抑不應發往者乃辦理刑名大臣之錯誤自應聲明具奏寬釋其罪方於情理允協若本無冤抑之情止因其不善開墾遂爾改發內地以兵丁代之是獲罪之重犯又不肯急公趨事者轉得遂其僥倖之心矣且兵丁平日職業惟在騎射當差耕種之事非其所素習若以不能力耕爲詞則將遷移內地之民往耕邊塞之地乎此事之斷不可行者若以此處不應聚集多人則將嗣後發遣之犯改發他處尙屬可行似此已發之犯豈有更改他處之理且無論大軍在彼儘足彈壓即彼處無兵亦毫無可慮者若以伊等不能耕種自應令該將軍大臣等嚴加督率定爲賞罰之條以示懲勸况耕種本非難事非工作技藝之可比若肯用力人人能之其所以苟且因循未收實效者皆該管官員疏忽怠玩之所致也海望心地純良但識見平常且有固執己見之處伊所陳奏豈可盡以爲是爾等之思想以朕降特旨將海望署理戶部尙書且不時召見遂起觀望之心將伊陳奏之事向奉 皇考申飭者仍復含糊

議覆其屬不合凡辦理天下之事惟有物來順應不可豫存是非可否之見於胸中不但海望所言卽莊親王果親王大學士鄂爾素張廷玉爲朕所深加任用者亦不可以其所言盡以爲是蓋識見不到思慮未周人所常有也不甯惟是卽朕之諭旨儻有錯誤之處亦當據實直陳不可隨聲附和如此則君臣之閒開誠布公盡去瞻顧之陋習而庶政之不就理者鮮矣諸王大臣等日在左右尙不知朕心未免觀望之意則在外臣工之未曾接對者又當何如乎此事若非朕看出豈不至於錯誤向後當以爲戒並將虛公持平之道曉諭內外臣工共勉之○乙卯奉 皇太后還宮居景仁宮是日 上移居養心殿○論據大學士鄂爾素等奏請迴

避朕之御名上一字擬書宏字下一字擬書歷字朕思尊君親上臣子分誼當然但須務其大者以將恭敬至於避名之典雖歷代相沿而實乃文字末節無關於大義也中外臣工如身膺文職者當思宣猷布化裨益於國計民生官居武職者當思效力抒忠奏績於疆場牧圉土子讀書勵行黎民守法奉公方爲克盡愛戴尊崇之實若但於御名謹避將字畫更改並失其字之本義揆諸古人二名不偏諱之理既不相符且區區拘泥之見亦不足以明敬懼甚無取焉所請改寫宏字歷字不必行嗣後凡遇朕御名之處不必諱若臣工名字有同朕心自不安者上一字著少寫一點下一字將中間木字書爲木字卽可以存迴避之意矣爾部可傳諭

中外一體遵行○諭莊親王果親王召見便殿賜坐之時俱行拜禮朕心深爲不安王等皆 聖祖仁皇帝之子 大行皇帝之弟

於朕為叔行輩甚尊豈可常行拜禮於朕前乎君臣上下分義固所當遵然便殿宴見之時非朝會大典可比禮以義起古人所貴朕心所未安之處即禮之所當隨宜斟酌者嗣後如升殿朝賀典禮攸關之處諸王等仍遵定例行禮外若便殿宴見時朕親親均不必叩拜以昭朕敬長親親之意○命廷臣輪班奏事○詔大學士以下三品京堂以上平日深知灼見之人不拘品級資格據實密封奏聞○丁巳刑部奏援赦合例朝審人犯 上曰赦非善政但朕即位之初盡遵舊制詔布新恩凡此罪人亟宜改悔法司仍詳記檔案如既赦之人再干法紀朕必將伊等加倍治罪○戊午命五城煮賑○賞李紱侍郎銜管戶部三庫事務○已未諭各省民欠十年以上者已於恩詔內蠲免茲特再行降旨將雍正十二年以前各省民欠一併寬免其江南積欠內官侵吏蝕二項乃從民欠中分出者亦照民欠例寬免○論本年恩詔內凡文武官員見在議降議罰及住俸減罪者俱著寬免已頒布通行朕查我朝遠年恩詔內凡革職及赦督撫究擬者曾有寬免之例今朕即位之初切望內外大小臣工洗心滌慮痛改前非為國家宣力以圖後效特沛浩蕩之恩予以自新之路著將文武官員見在議革者亦准寬免至於赦下督撫究擬之案其情罪輕重不等著該督撫秉公酌量若所犯情罪應援恩詔寬免者俱著入於寬免之內以副朕宥過施恩之至意○諭歷代僧人披剃有給與度牒之制所以稽梵行重律儀也我 世祖章皇帝於順治八年停其納銀仍給度牒迨 聖祖仁皇帝康熙初年並給發度牒亦經停止蓋其時僧徒尚未甚多又當玉琳國師築溪禪師主持法席相繼振興之餘猶知共循道軌故不給度牒亦屬可行近日緇流太眾品類混淆各省僧眾真心出家修道者百無一二而愚下無賴之人游手聚食且有獲罪逃匿者竄迹其中是以佛門之日眾而佛法日衰不惟參求正覺克紹宗風者寥寥希親即嚴持戒律習學小乘之人亦不多見喪棄清規徒增塵玷此其流弊將不可勝言朕崇敬佛法秉信夙深參悟實功仰蒙 皇考嘉獎許以當今法會中契超無上者朕為第一則並無薄待釋子之成見可知特以護持正教之殷懷不得不辨其薰蕕加之甄別著該部仍行頒發度牒給在京及各省僧綱司等嗣後情願出家之人必須給度牒方准披剃仍飭府州縣等衙門嚴查僧官胥吏毋許借端需索擾累僧徒違者從重治罪爾部即遵諭行○諭王大臣等本年恩詔赦款甚多但奴僕告家主之案名分攸關情罪可惡毋得援恩詔赦免蓋凡官民人等身蹈過愆大干功令者自然不能掩蓋且無人不可舉首斷不容奴僕挾制短長妄行首告而紊尊卑之定分也嗣後遇有奴僕首告家主者雖所告皆實亦必將首告之奴僕仍照例重治其罪爾等即交該部通行曉諭永著為令○禁擅造寺觀神祠○庚申晉封公允禱為員勒守護 大行皇帝山陵

○詔開鄉會恩科命於乾隆元年八月舉行鄉試乾隆二年二月舉行會試○免貴州苗匪擾害州縣本年應徵糧米○壬戌諭從來帝王撫育區夏惟在教養兩端蓋恆心相為維繫教民之道必先之以養民惟期順天因地養欲給求俾民氣和樂民心自順民生優裕民質自馴我朝 列聖敬 天勤民垂統萬世 皇祖聖祖仁皇帝六十餘年久道化成惟是承平日久生靈日繁而

服器用無所置費宮室苑囿無所改營委賴中外諸臣共體朕心以成朕志於民生日用所由阜成民生樂利所由豐豫之處在在

求其實際事謀其久遠各殫誠心期登斯民於衽席勉之勉之○諭本年順天鄉試弊竇甚多解元許秉智係革職戶部員外郎

許秉義胞弟家貴甚富情弊顯然著將考試官顧祖鎮戴瀚革職擊交刑部請旨派大臣嚴審按律究擬朕當 皇考大事正哀痛

迫切之時豈復能留心文字是以今年鄉試十魁卷特旨命徐本福敏方苞楊超曾四人覆閱伊等毫末經心漫無覺察亦著交部

嚴察議奏原參一摺發出著原派之大臣按款審訊務在秉公辦理得其實情亦不必以朕降旨在先有意迎合顧祖鎮時為工部

學士○命清查叢林古剝齋田編入冊籍○大學士馬齊以年老乞休允之○乙丑蘇州巡撫高其倬奏江陰縣地棍夏壽等糾夥

至許墅關稅房肆行不法飭屬嚴拏究辦得旨海觀繩離任而卽有此事汝尚有顏面乎 皇考每以高其倬魏廷珍並論謂皆有

才而皆不實心任事汝毋以今日爲得計也朕之心卽 皇考之心朕之賞罰豈與 皇考有異乎土棍妄行大干法紀若再不能

拏獲重懲汝不辭縱盜之大譴乎且高其倬之柔奸 皇考能姑容之朕不能姑容也勉之戒之○漕運總督顧琮奏請蠲免江南

蘇松二府浮糧又請禁開稅贏餘逐年加增陋習得旨所奏浮糧開稅二件甚屬可嘉汝未陳奏之先朕早已洞悉敕交王大臣密

議因國家經費須當量入爲出通盤計算兼之求治不可太速一時未可輕舉然汝奏與朕意昭合朕甚忻悅覽焉

冬十月丙寅朔諭朕 皇考篤念怡賢親王公忠體國翊贊政治之勤勞加恩於嗣子怡親王望其有所成就以繼怡賢親王之遺

緒今當讀書務學之時著再揀選翰林官一員與林允旭一同課讀再誡親王自幼蒙 皇考慈愛令在宮中與朕兄弟同學讀書

乃王性耽安逸不知黽勉向學以副 皇考期望之意屢煩 聖心降旨訓飭而王尙未悛改皆朕所親見者今朕仰體 皇考愛

弟之心何忍視著選派翰林官二員爲王師傅用心教導務令學業有成儻王仍前怠惰當竭力規勸教誡之若勸誠不從卽奏

聞於朕候朕降旨儻不能盡訓導之職又爲王隱過朕必於該翰林是問○諭朕前降旨三年之內不准各省督撫進獻土產若有

進獻 皇考之物已在途次者准其進呈昨江南總督趙宏恩獻食物器具乃八月中旬齋發在 龍馭上賓之先朕不忍遣回謹

留爲 几筵陳設之用恐他省不知情由特行曉諭嗣後凡有進朕之物卽齋送到京奏事官員亦不准接受轉奏俟三年之後朕

再降旨朕仰承 聖祖 皇考福蔭凡服用器具之屬何一不備取之宮中而有餘正不待四方之入貢也在諸臣各懷尊君親上

之心固欲藉物產以伸其誠敬然此貢獻之物豈能自備於家而不取資於民力乎是朕多受一次貢獻卽諸臣多費一次經營諸

臣多費一次經營卽百姓多費一次供應朕不忍以無益之方物重煩吾民也諸臣果有愛戴之誠心惟當體朕子惠元元之意凡

一絲一粟皆思爲人民留其有餘使之家給人足則勝於朕之身受矣○諭近見直省督撫提鎮及藩臬等摺奏或勸朕節筵或請

叩謁 梓宮奉差在外大臣又有具摺請安並無陳奏之事者夫創鉅痛深中情所發雖欲自遏而其道無由豈疏遯之臣可以空

言相止者乎若夫毀不滅性經有明文記稱武王達孝乃在善繼善述朕受 皇考付託之重荷 列聖不基自當爲天下慎保此

身亦無事諸臣之勸勉也先王之禮制服者日祭侯服者月祀以其地至近本應有職事於王朝今以四海九州之遠乃欲置封疆民社而叩謁 梓宮毋乃明知其不可而姑漫言以自表歟朕茲政之初諸臣自宜各陳其職事及吏疵民瘼有裨於實政者而踰常襲改崇飾虛文朕何望焉至於具摺請安並無陳奏之事則雖有忠愛之忱而實未知朕之心也元后作民父母故古先聖王日戾不違暇食用誠和萬民以安之也必天下之民舉安而後朕之心安而後朕之身安使人君而惟務一身之安則天下之民必有不得其安者矣夫親民之吏催科不擾刑罰必中水旱無壅奸慝悉除所以安一州一縣之民也由守牧監司以至督撫進循良斥貪暴毋通貨賄毋聽請屬毋好讓諂毋惡耿直所屬臺史果有實德於民必愛惜曲成使得行其志所以安連州比郡通省之民也小大戎臣能固封守恤士卒軫其飢寒均其勞役所以交行伍之民也諸臣信能朝夕孜孜職思其居以安天下之民則所以安朕之心安朕之身者實效具見朕必嘉其忠誠繁文末節非所尚也朕所望於諸臣者惟在實心輔成治化自今以後凡無關於政事之實者不必具摺具本陳奏○命副將軍常德赴北路軍營○免四川襄陽巴塘土司及西甯番眾土貢一年○湖廣添平等所土司改設流官把總千戶各賞千緡○丁卯諭父母之恩昊天罔極而喪禮以三年為斷者所以節仁人孝子之哀而有所極也三年之喪猶不能終則百行皆無其本矣魯公禽父衰絰而即戎孔子以為有為為之也古者諸侯之大夫士雖有既葬而服國事之禮然古之仕者不出其鄉殯殮皆親窆窆既營雖使絰而即事義尚可安也今之仕宦近者猶數百千里舍殯不知宅兆未卜而宴然於官所情能自己乎往者道府以上要缺閒有督撫保題在任守制而 特旨從之者其後遂習為故常並及州縣微員其中有平日督撫所親信而欲留者有竟自願留者有多方營求以得之者而不得者且用為恥夫事親孝故忠可移於君使其人本仁孝而強奪其情則儼然不能終日必至愴怛昏迷廢弛公事若以為安則忍戾貪冒之人也國家安所用之而所治士民亦安能服其政教乎自後必其地其任其事其時決不可少是人而無能相代者乃在保題以憑覈奪餘俱停止永著為例○諭黔省逆苗不法地方文武官弁不能先事豫防及苗眾猖獗用兵征勦領兵大員又復各持己見不能和衷共濟加以張照舉動乖張以致辦理失宜用兵數月仍無頭緒朕心甚為憂慮因湖廣總督張廣泗才品優長且從前久任苗疆諸事熟練是以命其前往代張照之任今思用兵關繫緊要事權若不歸一難以早奏膚功張廣泗著授為經略自揚威將軍哈元生副將軍董芳以下俱聽張廣泗節制調遣○授大學士張廷玉三等子以長子張若謨襲以恩賞世襲一等輕車都尉副都統例○以王爾生為內閣學士由少詹事遷○戊辰刑部侍郎王紘年老乞休得旨王紘以年屆七旬難勝刑部繁劇之任懇請致仕朕念伊係 皇考簡用舊人事簡之部尚可辦理著勵宗萬以禮部侍郎管刑部侍郎事王紘以刑部侍郎管禮部侍郎事○己巳轉王鈞為工部左侍郎以張廷球為工部右侍郎由選○辛未諭洪範庶徵凡雨暘之愆和闕人事之得失所以著感應之理使修人事然水旱之災雖堯湯不能免惟有勤恤民隱竭力補救可化災沴而成太和總在積至誠以昭假不可萌一念之欺罔也督撫身任封疆重寄奏報收成數乃關繫地方民命必確

實無欺始得議行蠲賑以惠民困朕平日留心此事見各省奏報收成分數或有止據一方豐收數目爲定雨水過多之處以高阜所收爲準亢旱時有之年以低下所獲爲準並不分晰某處豐收某處欠收其意止圖粉飾以邀感名和氣之名而不知卽此一念欺罔已爲獲罪於民獲罪於君而獲罪於天矣夫至誠格天乃聖人體信達順參贊化育之事爾等督撫卽使辦理妥協亦不過仰承 皇考聖訓遵循罔越豈得因年歲之豐阜貪天之功爲己功乎若歲豐可引爲己功則必歲歉懼爲己罪捏報豐收不恤民難使飢凍流亡之慘不得上聞蠲免賑恤之恩不得下逮職思其故誰爲厲階清夜捫心何以自問且朕體 皇考敬 天勤民之意膺君國子民之任豈肯姑貸此等督撫以爲民害耶嗣後務各做省所奏報各地方收穫分數不得絲毫假飾以千重戾○諭督撫身任封疆之寄凡一切事宜俱應據實辦理而嚴緝盜賊所以甯輯地方尤關緊要夫盜賊豈能盡絕在地方官查拏嚴密使犯者無所逃隱然後未犯者始可望其畏法而改行所慮督撫昏惰柔靡不能覺察不肖州縣官希圖脫免處分隱諱盜案督撫受其家蔽以爲某州某縣絕少盜賊而不知盜賊方竊發而未已也更有督撫存心狡詭一取宵諡美名不恤民生之失所轉喻屬員使之彌縫盜案而地方官稟承其意每於踏看時窮詰事主鉤致隱微或誣以家賊或坐以妄報使失事之家不得不懇求銷案是不惟受盜劫之慘而更遭官刑之辱但有一二案如此則呈報被盜之累通省皆知人各惴懼吞忍不報終歲之間名爲無盜而不知縱盜殃民正使繼起者橫行而無所忌朕深悉此弊殊爲切齒儻或仍有此等喪失良心之督撫斷不姑貸以貽民害其地方不肖有司有拖累事主希圖諱匿者督撫若不卽行指參經朕訪聞亦必從重處分○諭據李禧奏稱在京漢軍兵丁可否照官員之例遇有喪事准借四月錢糧或懇格外施恩賞給資生銀兩等語王大臣等奏稱見奉諭旨令爲八旗籌議恆產爲兵丁久遠之計漢軍兵丁本應一併入議今李禧諸事敗露且將密奏之件宣揚於外欲以市恩其所奏姑且不必施行等語朕思天下事止論其應行與否不必論其爲何人所奏也李禧劣蹟雖已敗露其人甚屬可惡而其言未必一無可採此魯論所謂不以人廢言也至於以市恩歸咎臣下朕不爲也何則條陳在臣下而允行則出朕旨臣下之承流宣化卽朕之恩施臣民也若臣下恐居市恩之名將應行之事格而不行以致膏澤不能下逮朕實不忍推而廣之臣下之功卽朕之功臣下之過卽朕之過朕斷不敢以功過歸臣下也卽如各省之豐歉水旱其所以感天和而致天戒者亦惟在朕躬朕此心實可以對 上天 皇考惟願諸臣屏去私心緝熙百度直陳無隱以副朕望其賞給漢軍兵丁生息一事朕原與王大臣等商酌次第舉行者豈可因李禧陳奏而中止著交該部定議並將此旨曉諭中外臣工知之○諭徐元夢以年老衰邁不能辦理刑名事件懇辭刑部侍郎之任徐元夢著調補禮部侍郎其刑部侍郎員缺著木和林調補○以任蘭枝爲禮部尚書由吏部調任○壬申諭據果親王密奏江南等省漕項蘆課及學租雜稅等銀亦係雍正十二年以前之民欠似可照例豁免特行請旨等語朕思此等欠項實係應免者果親王分晰詳明據實陳奏甚屬可嘉著全行豁免並令嗣後遇有恩詔俱將各項入於豁免之內永著爲令果親王秉性忠直辦理部務悉本公心是以蒙 皇考深加優

獎推誠信任而王亦不屑以寬慈邀譽是以外間或有嚴厲之疑皆不知王之居心者又或有司員奉行不善之處亦未可定實與王無與今觀密奏鑿免漕盛等項舊欠一摺則王存心寬厚辦事公明即此可見著將原奏及朕此旨宣示九卿等共知之○論國家圖治以得人為先故以人事君者人臣之大義雖出於至公尚恐無知人之明况參以私意乎向來薦剡多屬黃緣朕深悉其弊今番特令諸臣各行保舉惟冀痛洗積習以展丹忱據陳樹堂奏保鹽大使陳樹芳係伊族弟又保優貢生陳長鎮詢之亦係伊同族殊可怪歎夫內舉不避親心自處實屬邪矣而為所舉者實屬邪矣而後可試問陳樹堂為人果足以比邪矣而所舉之陳樹芳等果足以方邪午耶且陳樹堂生平所知廷臣外寮豈竟無一二人足膺保舉而必於族黨求之耶陳樹堂向係卑鄙鑽營之流人人共知往年告假回籍生事不法會干重戾為督撫所嚴參 皇考念保陳鵬年之子格外寬宥姑留侍郎之任理合悔罪更新以贖前愆乃朕臨御之初輒敢如此妄奏既欲便己之私又欲博內舉不避之美名則其居心巧詐全未後改可知著革戶部侍郎任仍帶侍即銜前往奉天辦理 福陵工程如果殫心竭力承辦妥協朕另降諭旨○建爾爾坤城○轉劄基為吏部左侍郎以孫嘉淦為吏部右侍郎由著河東監政遷○癸酉諭阿其那塞思黑存心悖亂不孝不忠獲罪於我 皇祖聖祖仁皇帝我 皇考即位之後二人更心懷怨望思亂社稷是以 皇考特降諭旨削籍離宗究之二人之罪不止於此此我 皇考至仁至厚之寬典也但阿其那塞思黑孽由自作萬無可矜而其子若孫實 聖祖仁皇帝之支派也若俱屏除宗牒之外則將來子孫與庶民無異當初辦理此事乃諸王大臣再三固請實非 皇考本意其作何辦理之處著諸王滿漢文武大臣翰詹科道各抒己見確議具奏其中若有兩議三議者亦准陳奏○諭會靜大逆不道雖置之極典不足蔽其辜乃我 皇考聖度如天曲加寬宥夫會靜之罪不減於呂留良而我 皇考於呂留良則明正典刑於會靜則屏棄法外以呂留良謗議及於 皇祖而會靜止及於 聖躬也今朕紹承大統當遵 皇考辦理呂留良案之例明正會靜之罪誅叛逆之渠魁洩臣民之公憤著湖廣督撫將會靜張熙即行鎖鑿遴選幹員解京候番毋得疏縱洩漏其嫡屬交地方官嚴行看守候旨○特命八旗都統察舉孝廉方正○加左都御史福敏太子太保贈侍即蔡世遠禮部尚書加祭一次諡文勤○甲戌諭王大臣等治天下之道貴得其中故寬則糾之以猛猛則濟之以寬而記稱一張一弛為文武之道凡以求協乎中非可以矯枉過正也 皇祖聖祖仁皇帝深仁厚澤垂六十年休養生息民物恬熙循是以往恐有過寬之弊我 皇考紹承大統整飭紀綱俾吏治激清庶事釐正人知畏法遠罪而不敢萌傲倖之心此 皇考之因時更化所以導之於至中而整肅官方無非惠愛斯民之至意也 皇考嘗以朕為賦性寬緩屢教誡之朕仰承 聖訓深用儆惕茲當御極之初時時以 皇考之心為心即以 皇考之政為政惟思剛柔相濟不競不絀以臻平康正直之治夫整飭之與嚴厲寬大之與廢弛相似而實不同朕之所謂寬者如兵丁之宜存恤百姓之宜惠保而非謂罪惡之可以悉赦刑罰之可以姑縱與庶政之可以怠荒而弗理也朕親近日王大臣等所辦事務頗有遲延疏縱之處想以朕寬大居心諸臣辦理可以無事於整飭耶此則不諫朕心而

與朕用寬之意相左矣夫經世理物貴乎君臣惟日孜孜交勉不違朕主於寬而諸王大臣嚴明振作以輔朕之寬夫然後政和事理俾朕可以常用其寬而收寬之效此則諸臣贊助之功也儻不能如是恐相習日久必至人心玩愒事務廢弛激朕有不得不嚴之勢此不惟臣工之不幸抑亦天下之不幸更即朕之不幸矣朕與王大臣同辦國家政事實爲一體爰開誠布公將計慮所及時行曉諭期於共相勉勵以防將來之流弊○雲貴總督尹繼善奏駐防攸樂之普洱府同知應移駐思茅改爲思茅同知其原駐思茅之普洱府通判裁普洱府添設知縣一威遠地方改歸鎮沅府轄其原設撫夷同知改爲鎮沅府分防威遠撫夷同知一切刑名錢穀事務照大關同知之例仍合辦理從之○調徐本爲刑部尚書起涂天相爲工部尚書原任○乙亥諭朕登極恩詔內凡內外滿漢官員自一品以至九品均予封贈所以錫類敷恩遂臣子顯揚之願勵移孝作忠之風也查舊例丁憂人員不得均邀封典朕思丁憂之員乃恪遵朝廷定制自盡其爲子之情與廢斥在家告假回籍者不同况在任守制者俱得一體霑恩丁憂之員反不得邀榮以顯其親情既可憫而理亦未協著該部查明伊等原官品級一併給與封典以成孝思○諭直省州縣有沿河沿海衝繁疲難要缺例在該督撫題請調補其餘悉歸吏部銓選乃近各直省督撫題請調補者甚多有並非應行題請之缺亦一稟題請朕思調補一事督撫豈能盡出於至公即令至公而取舍豈能盡出於至當且督撫一人之耳目安能周知通省之屬員勢不能不寄耳目於他人既寄耳目於他人則營求請託之弊均不能免即督撫不以他人之耳目爲憑而一己之好尚亦易以啓屬員之迎合喜諂媚者以阿諛見容喜才能者以紛更干進在督撫以爲得人不知已默受屬員之欺而於地方全無裨益也况政治必歷久而後諳銓選必按例而無弊若他省州縣員缺不論其有無緊要及題請合例與否而驟從外省調補則地方官員既遷徙靡定而更治民情未能熟悉其在部候選之官終年不得員缺而至於壅滯皆流弊所必至者嗣後各直省督撫務遵定例除沿河沿海衝繁疲難要缺仍准題請調補外其餘繁歸部選不得濫行題請儻要缺之外實有人地相宜必須題請調補之處聲明本內以憑覈奪○諭各直省勸令開闢荒地以廣種作以資食用俾無曠土游民原係良法美意然必該督撫率所屬官吏實力奉行毫無粉飾俾地方實有開闢之田民間實受耕穫之利以此造報升科方於國計民生有裨益乃朕見各直省督撫題報開墾者紛紛不一至於河南一省所報畝數尤多而閩省繼之經朕訪察其中多有未實或由督撫欲以廣墾見長或由地方有司官欲以升科之多迎合上司之意而其實並未開墾不過將升科錢糧飛灑於見在地畝之中名爲開荒而實則加賦非徒無益於地方而並貽害於百姓也嗣後各該督撫宜仰體 皇考愛民至意誠心辦理凡造報開墾畝數務必詳加查覈實係墾荒然後具奏不得絲毫假飾以致閭閻之擾累若不痛洗積弊仍蹈前轍經朕訪聞必從重處分不稍姑貸○諭王大臣等乃者因準噶爾連使乞和故令北路大兵撤回駐鄂爾坤其許準噶爾乞和之事雖尙未定朕意以爲和與不和總無關繫惟在我籌辦妥協計及久遠耳蓋大兵之興原欲保護喀爾喀等若曠日持久我兵屯駐之地悉喀爾喀之地一切需用牲畜及游牧行走不免有害於喀爾喀之生計既於喀爾

喀無益而糜費國帑勞瘁兵力常在極邊屯駐亦非國家之長計遠慮且戍守之處太遠仍屬無濟富量其近邊要害之地以鎮守之縱使準噶爾賊寇復萌侵擾喀爾喀之意但越阿爾台嶺遠行數千里兵力微豈能獲利如欲大集其眾而來近者自額爾德尼招大創之後銳氣已折又歷年經我兩路大兵拒截人馬傷殘亦安能遽為整理其外况有哈薩克布噶特與之毒難設不自顧悉其游牧以全力深入我境斷不能獲利何以旋歸耶然在我惟當嚴為之備雖賊寇潛窺不使得逞必令負創而還則自知震警邊境可以永固於蒙古生計與我之兵力國帑俱受其益至於辦理之道成兵宜於何處駐紮喀爾喀內扎薩克游牧之地宜如何守護卡倫如何安設糧餉如何辦運均俟平郡王到日會同總理事務王大臣及傅鼐等詳悉確議具奏事雖未定而先事裁審則條理精詳於久遠之計庶幾有裨○命宗室覺羅因罪革退者子孫分賜紅帶紫帶附載 王牒○以李紱為戶部左侍郎仍管庫務○丙子命旗務宜遵舊制務從簡易○諭內務府總管太監等尊卑有一定之體統上下有不見之禮儀自宜循分遵行豈容稍有僭越太監等乃鄉野愚民至微極賤得入宮闈叨賜品秩已屬非分隆恩况朕八旗滿洲舊人甚多豈盡得如太監等日親天顏出入內廷乎爾等當自揣分量敬謹小心常懷畏懼庶幾承受皇恩得免罪戾凡諸王大臣皆國家屏藩輔弼之入爾等尋常接見自應恭謹盡禮豈得與奉旨宣諭時一樣舉止乎至內廷阿哥等我朝舊制無論王公大臣俱行跪見請安之禮惟有親伯叔行乃免跪見至尊重也何况爾等微末太監諺云一歲王百歲奴上下之分秩然豈得以阿哥等年尚冲幼遂爾恣忽耶即如蘇培盛乃愚昧無知人耳得蒙 皇考加恩授為宮殿監督領侍賞賜四品官職非分已極乃伊不知惶愧感恩竟敢肆行狂妄向日於朕兄弟前或半跪請安或執手問詢甚至與莊親王並坐接談毫無禮節莊親王總管內務府事務凡內廷大小太監均屬統轄蘇培盛即目無內務府獨不思莊親王乃 聖祖仁皇帝之子 大行皇帝之弟乎昔者塞思黑之子弘最呼魏珠為伯父 皇考會嚴切教訓此風不可長也前朕與和親王等在九州清宴瞻禮時值蘇培盛等在彼飲饌伊等不但不行迴避且復延坐共食而阿哥等亦有貪其口腹與之同餐者朕躬後至稍坐而出嗣是朕不復在九州清宴用飯夫阿哥等一時失於檢點而蘇培盛狂妄驕恣公然與皇子等並坐而食似此種種悖亂不可枚舉此皆朕躬所親見者也再張爾泰從前亦甚驕縱及獲罪革退之後見朕兄弟猶敢竟行執手問詢不法如前此二人之行止如 皇考察知自必早行懲治決不姑容也至張起麟乃效力最久之人年紀老邁見朕兄弟猶必長跪請安不敢怠忽或我輩賜坐伊必叩頭席地而坐此宮中太監所共見者至今思之殊可憫念陳福李英暨王常貴張玉柱向會屢奉 皇考訓旨傳諭朕宮及和親王等設有嚴飭教訓旨意必皆正顏厲色告誡周詳毫無瞻顧之私甚合大體及至尋常進見則復敬謹小心周旋盡禮設彼時伊等傳宣 諭旨而稍有曲意迎合不顧體統之處朕必鄙薄而問其罪豈復肯加恩任用乎蓋傳旨有傳旨之體統而自見有自見之體統此四人者較蘇培盛張爾泰何啻天淵今朕紹登大寶恐太監之風漸熾故降旨訓諭蘇培盛等此時必心懷憂懼與其憂懼於今日何不敬謹於當時朕今即將蘇培盛問以不敬之律未為不可

節揆之於理亦未爲過當然朕君臨天下惟以大公至正爲心因念蘇培盛之偶爾失儀尙屬糊塗可赦之罪未至漢唐宋明宦寺之放縱也然星星之火尙能燎原涓涓不杜終成江河從前 皇考因太監等敬謹畏法小心供役是以 特而殊恩賞賜官職實爲榮幸伊等在 皇考前固知戒謹恐懼而愚昧無知之輩於外面遂漸加驕縱不似 皇祖時之守法矣伊等既不能仰副 皇考加恩之至意朕獨不能執法以懲其罪乎儻蘇培盛等仍復怙惡不悛朕不但重治其罪必將眾太監之官職盡行削革伊等縱不自惜獨不爲眾太監稍留餘地耶嗣後爾太監等各宜懷遵制度恪守名分如遇奉宣諭旨之時朝廷自有儀制設有嚴飭之旨自宜莊厲傳宣不可稍顧情面而尋常以公事接見王公大臣時禮貌必恭言語必謹不可稍涉驕縱以失尊卑大體即在街市行走不可出言詈人父母若太監等有詈人父母者許被詈之人卽行重責至接奉內廷阿哥等事件必當莊重敬謹不可曲意順從而奉朕旨傳宣又當仰體朕意告誡諄諄不可稍有瞻徇尤不可略通信息設總管太監自行見阿哥等必當拜跪請安阿哥等賜坐必當席地而坐卽宮內之宮眷雖答應之微爾總管不可不跪拜也阿哥之家眷雖宮女子之微爾總管不可不跪拜也此朕防微杜漸之舉後世子孫世世遵行若總管太監等仍敢蹈襲前轍妄自狂縱不遵定制經朕察出將首犯之人立行正法眾太監官職並行革退著將此旨亦曉諭阿哥等知之內務府總管衙門仍登記檔案若太監略有放縱許內務府總管先率後奏○以劉勳爲直隸河道總督由河東調○丁丑釋園禁宗室○左都御史孔毓璞以侵奪革職○戊寅命恭遇 列祖 列后忌辰均照 陵寢時饗禮○諭吏部國家政務殷繁需才辦理遇有部院員缺一時不得其人是以舊令兼攝非得已也朕昨觀張楷彭維新俞兆晟陳世倌等均係罷斥負罪之員但伊等獲罪之由尙非貪婪犯賊者比且尙有可用之才曾經 皇祖 皇考錄用任使朕今格外施恩獨棄前愆特加拔擢彭維新著署理都察院左都御史張楷著署理戶部侍郎俞兆晟著在內閣學士裏行走副都御史陳世倌見在出差其副都御史員缺著陳世倌署理陳世倌回京日朕另降旨彭維新等務各悔過更新感 皇考生成之德念朕任用之恩奮志報效實力奉公儼不痛加滯滯復于咎戾則不惟不知畏罪亦並不知感恩朕必加倍卽置重典親詳新等以○己卯命江蘇開爐鑄錢○順天學政錢陳羣奏凡三十歲以內守節之婦人後因子貴受封請一體旌表從之○辛巳諭朕聞各省地方於關稅雜稅外更有落地稅之名凡輻輳其帚薪炭魚蝦蔬果之屬其值無幾必查明上稅方許交易且販自東市既已納課貨於西市又復重徵至於鄉村僻遠之地有司耳目所不及或差胥役徵收或令牙行總繳其交官者甚微不過飽奸民猾吏之私囊而細民重受其擾矣著通行內外各省凡市集落地稅其在府州縣城內人煙輳集貿易眾多且官員易於稽查者照舊徵收但不許額外苛索亦不許重複徵收若在鄉鎮村落則全行禁革不許貪官污吏假借名色巧取一文著該督撫將如何裁革禁約之處詳造細冊報部查覆儻奉旨之後仍有不實心奉行暗藏弊竇者朕必將有司從重治罪該督撫並加嚴譴此旨可令各省刊刻頒布務令遠邇僻壤之民共知之○諭朕閱督撫奏屬員及題請改教本章每有書生不能勝任及書氣未除等語夫讀書所以致用

凡修己治人之道事君居官之理備載於書故傳說之告其君曰學於古訓乃有獲又曰念終始典於學成王訓其臣曰學古入官
議事以制政乃不迷又曰不學牆面莅事惟煩人不知書則偏陂以宅衷操切以處事生心書政有不可救藥者若州縣官果足以
當書生二字則以易直子諒之心行寬和惠愛之政任一邑則一邑受其福莅一郡則一郡蒙其休朕惟恐人不足當書生之稱而
安得以書生相戒乎若以書生爲戒朕自幼讀書宮中講論二十年未嘗少輟實一書生也王大臣爲朕所倚任朝夕左右者亦皆
書生也若指屬員之迂謬疏庸者爲書生以相詬病則未知此正伊不知書所致而書豈任其咎哉至書氣二字尤可寶貴果能讀
書沈浸醞釀而有書氣更集義以充之便是浩然之氣人無書氣卽爲麤俗氣市井氣而不可列於士大夫之林矣是書氣正宜從
容涵養以善培之安可勸之使除而反以未除者爲病乎且朕聞外間斥人之短每云伊欲做好人朱子云學者通病在思作貴人
而不思作好人人果欲做好人行好事則甚有益於民生有益於國事造福無窮若以好人爲戒不幾相率而拂人之性乎凡此皆
係識見蠢鄙不知治體不明大義之言朕今姑發其蔽而教戒之尙各翻然思悔○命釐正文體毋得避忌○命刑部尙書徐本軍
機處行走○總理事務王大員議准大學士朱軾奏民間田地丈量首報宜一併永遠停止所貴開墾者原爲人無恆業地有遺利
督令耕畜爲足民計非爲增賦起見且區區報墾之糧於國課無加毫末不但丈量不可行卽責令首報之條嚇詐攤派大吏名爲
急公小吏兼以牟利請飭督撫將見在報墾田地詳確查明如係虛捏據實題請開除若護短文飾察出嚴治得旨依議速行○王
午諭從來審究案件參奏之人不在承審之列蓋恐參奏之人承審不無懷挾私心而被參之人卽有屈抑難於伸訴也是以外省
題參事件定例督參撫審撫參督審席被參者情不得抑而用法始平况八旗參奏之事在旗員未諳律例問擬情罪恐不無舛錯
嗣後八旗參奏事件俱著刑部秉公審理原參之人不得從中撓越至於八旗內務府高墻原因旗人定罪之後不便與民人一處
監禁是以暫於各旗設立高墻分禁今遇恩赦一切雜犯俱已寬免其餘重犯仍應歸入刑部監內分別旗民收禁其八旗內務府
高墻不必安設○癸未諭內務府總管太監等固明園阿哥處太監王自立前日來請 皇太后安未候見朕徑回固明園去今
皇太后向朕說固明園阿哥請安稱朕爲汗阿哥阿哥年小如何知道請安之禮自然是王自立教阿哥如此此時不向好處導引
候阿哥長大倚恃 皇太后照看性情自然驕縱稱慣了汗阿哥字樣朕雖不見責經王大臣聞知必然參奏豈不貽誤阿哥如今
阿哥年幼傳諭王自立盡心往好處導引阿哥係朕之弟日後成立知感朕恩卽是朕之輔佐爾等將王自立傳來重責四十板令
伊回去小心導引阿哥俟明年阿哥進宮來一併令謝成照管與永瑛永璉同住齋宮阿哥等朝夕相見必按長幼禮節若因是朕
之子令固明園阿哥事禮相見斷乎不可○命設張家口至鄂爾坤臺站接運軍米○以圖理琛爲內閣學士係任○甲申諭大義
覺迷錄著回徐本所請停其講解其頒發原書著該督撫彙送禮部候朕再降諭旨○停候選舉人進士分部學習例○實授海望
戶部尙書○乙酉諭朕聞利不十不變法害不十不易制蓋以政有恆則易守法數變則奸生而况州縣之隸屬有常文武之職業

有定者乎往者直省一一州縣理宜改隸及員弁宜增設者 皇考會允督撫之請敕部議行而督撫中遂有借此以見其整飭地方留心吏治而絕無關於利害之實者不知改隸一邑則獄訟錢穀改易簿書百弊叢生急難綜察增設一官則文移期會事緒益紛供給送迎閭閻滋擾且封域驟改好宄或致潛藏官吏日增責任轉無專屬自後必州縣離府遠遠實宜改隸市鎮繁雜之地定須添官彈壓者方准具題酌度其餘不許濫奏至於守土之官必久於其職而後政教可行故周室邳隆居官者以爲姓氏兩漢之盛爲吏者長其子孫是以上下相親利病周知而民安其政教也近見道府州縣員缺督撫多題請更調有二三歲而更或一歲而更者如此則雖有循良不能從容展布民何由被其休澤諸督撫身爲大臣當實心體國凡無關利害之事不宜陳奏况此類皆無利而有害乎○諭古之葬者厚衣之以薪葬之中野後世聖人易之以棺槨所以通變宜民而達其孝心也本朝肇迹關東以師兵爲營衛遷徙無常遇父母之喪棄之不忍攜之不能故用火化以便隨身捧持聊以隨其不忍相離之願非得已也自定鼎以來八旗蒙古各有安居祖宗墟墓悉隸鄉土喪葬可依古以盡禮而流俗不察或仍用火化狃於沿習之舊而不思當年所以不得已而出此之故也朕思人子事親送死最爲大事豈可不因時定制而痛自猛省乎嗣後除遠鄉貧人不能扶柩回里不得已攜骨歸葬者姑聽不禁外其餘一槨不許火化儻有犯者按例治罪族長及佐領等隱匿不報一併處分朕又聞漢人多惑堪輿之說購求風水以致累年停柩漸致子孫貧乏數世不得舉葬愚悖之風至此爲極嗣後守土之官必多方勸導俾得按期葬埋以妥幽靈以盡子職此厚人倫美風俗之要務也務各懷遵毋忽○諭比來殷富之家有願出己財以賑恤鄉里者即周官五黨相勸通財救荒之遺意是以 皇考恩賜議敘以鼓勵風俗而又恐因是或滋弊端於本年五月間山西巡撫石麟奏稱太原府紳衿士民捐銀貯公以備周恤一摺 特降諭旨以爲樂善好施者大都由地方之水旱飢饉捐資賑助即平常無事時或置義倉義田及養老育嬰等事必出於本人之誠心而又能親身料理始可以惠鄉閭而收實效石麟於地方見無應辦之事而乃奏紳衿士民捐銀以備公用直是另開捐納之條而胥吏土豪乘此得以侵蝕與所降旨不合曾經嚴加申飭並令向後不得無故捐銀交官是 皇考於獎誘善良之中而豫防其流弊至深且悉也朕觀各直省捐助一事或督撫欲博化民成俗之譽投意屬員或有可欲邀勸輸宣力之名多方迎合竟至抑勒誅求計家資之豐約定捐輸之多寡甚且假公苛斂中飽侵漁名曰利民而適以病民誠有如 皇考諭旨中所慮及者嗣後各州縣如遇荒歉及修城築隄公事果有殷實良民實情樂輸者許親赴布政司具呈詳請題奏地方官不得自行申報其他如倡立義田義倉義冢許具呈本州縣詳報上司立案仍聽本人身自經營不許胥吏土豪希圖漁利該督撫秉公覈實大者題請議敘小者量行旌獎僅有官吏勒派該督撫失察及徇庇者均照例分別處分至於道不拾遺蓋以孔子至聖德輝化神所治僅冀爾之魯故偶一有之成康之際周召輔治百度修明刑措四十餘年不聞有此則非人情所常有之事而政治之美不徒恃此子子之小義可知矣近見該督撫以此陳奏者漸多若不加禁漫恐滋奸民邀賞有司干譽之弊諸督撫果能實心體國子育

蒸黎休養化導使衣食滋殖仁讓相先太平之象自有薰蒸而不可掩者亦不在道不拾遺之一節也嗣後即果有此該州縣量行

獎賞不得申詳該督撫亦不得以此陳奏○諭果親王為 皇考宣力多年公忠誠直 皇考稱為一德一心朕即位以來止因總

理事務加給雙俸今當仰體 皇考交愛之至意再行加恩履郡王在朕諸叔之中年齒最長且實心辦事朕意欲晉封親王貝勒

允禧幼好讀書識見明晰辦理旗務亦屬妥協朕意欲封為郡王著總理事務王大臣會同宗人府定議具奏○授鄂爾泰一等子

世襲罔替以恩賞世襲一等將軍都統○丙戌命查開國軍功世職准立嗣承襲○調中珠渾為戶部侍郎由刑部調○工部議准閩浙

總督郝玉麟奏閩省灘河危險請於建甯府浦城縣至福州府古田縣水口大灘七十六處河心石塊徧行鑿鑿修築緯道立柱指

迷監製官船八隻豫備協救以資利濟從之○戊子諭周官王朝之獄訟雖鄉鄰都家公邑之士分掌之而一人獄訟之詞大司寇

必集羣士司刑公聽之使各麗其法以識其義其有疑獄則又訊之羣吏訊之萬民王與三公六卿共議之誠以刑為天

討或出或入一成而不可變適輕適重隱深而難得其情不可不慎也故刑部之任視別部尤重吏兵二部銓選失宜不過一二人

資格之不當先後之或濬戶工二部稽察不精不過為胥吏所侵欺微虧國帑非民生之劇害也刑部乃天下民命所關直省督撫

撥擬不過據州縣之獄詞州縣賢不肖溷淆即無以貽獄之奸心亦未必盡有明清單辭之卓識其間輕重倒置情罪不符者多

矣而况謾上行私改易供招枉法出入乎若刑部不能悉其聰明原情酌理慎測誠偽淺深之介以定出入輕重之衡則殘民命而

傷天和此其負國曠官豈他職所可比耶且律條有定不足以該事之變故引例以斷即呂刑所謂上下比罪也不肖有司及胥吏

巧法舞文出入輕重皆由於此苟不能詳察則失入固以戕良民而失出亦以縱奸宄誤重則受刑者不服誤輕則含冤者不伸夫

一夫不獲時予之辜我君臣代天討以用五刑必至虛至公必誠必懇務盡乎天理之極而不可執成心儻督撫擬罪有於律例未

安必悉心詳察另議奏聞不得稍涉疏忽即如近日湖廣督臣具題臨時行強毆傷僧人以恩身死之鄧正一案刑部擬照殺人強

盜例斬決臬示題覆朕思強盜殺人有明火執杖殺人而取其財物者有起意行竊被事主追毆希圖脫身因而回毆至傷事主身

死者其中情罪原有分別今鄧正穿窬入廟以恩執棍出視鄧正頓起強心持鎌向敵致傷以恩身死與殺人強盜亦微有差別其

應否臬示尚宜斟酌朕已著九卿另議具奏諸凡此類刑部皆須細心體究使絲毫不爽書日與其殺不辜甯失不經朕深望於明

刑弼教之臣工焉○己丑諭從前允穉允禔狂肆乖張不知大義罪戾種種皆獲罪 皇祖之人我 皇考悉皆寬宥因恐其在外

生事復罹重譴不得已加以拘禁乃委曲保全之大恩也今朕即位念二人收禁已經數年定知感 皇考曲全之恩悔己身從前

之過意欲酌量寬宥予以自新著總理事務王大臣宗人府九卿會議具奏○諭從前三阿哥年少無知性情放縱行事不謹 皇

考特加嚴懲以教導朕兄弟等使知儆戒今三阿哥已故多年朕念兄弟之誼仍收譜牒之內著總理事務王大臣酌議具奏○晉

封公允祁為貝勒○以來保署工部尚書開張麟○庚寅諭今之書吏即古之府史胥徒也各部院衙門皆額設名募所以檢收檔

案總寫文書乃後滿之後復復改撰姓名畧入別部義又作弊更有一種缺生己身並未充役居然盤踞都中呼朋引類遇事生風影射撞騙靡所不爲此十數年以前之積弊也 皇考洞悉此種惡習屢降諭旨著都察院五城坊官嚴查訪緝其有潛匿京師及附近州縣者該地方官定以失察處分有能拿獲者以名數多寡分別議敘載入 欽定條例中俾各實力奉行用是元二年以後奸徒漸知斂戢部務得以整齊此 皇考之所以憂勤履薄而滋植良苗民生吏治均受裨益也朕御極以來仰遵 皇考遺詔每

事務從寬厚凡八旗直省以至窮邊極壤無不殫慮精思周詳體恤冀臻懋大成裕之治然寬厚二字非可一槩視也厚民生紓民

力加惠於兵丁施恩於百姓乃爲寬厚朕所以仰承 先志而日夜孳孳者此耳若夫姑息以養奸優柔以縱惡聽若輩貽民害而

蠹國事以待善良者待奸盜則適所以成其慘刻殘忍而爲不寬厚之尤者也朕深恐此輩不知朕所以用寬厚之意而故智復萌

以身試法用是特爲申諭著都察院五城坊官順天府大宛二縣及九門提督各文武衙門不時嚴查訪緝儻有此輩潛匿京城或

潤入貼寫之中並有罪遞回原籍之後仍潛入京師或附近地方者事發之日除本犯治罪外定將失察各衙門照例處分必不姑

貸○辛卯諭前李禧參奏肅德貴續營行賄一案奉 皇考諭旨著該都統會同該部審理隨據李禧等審訊以貝子弘春得受肅

德貴銀一千兩違法貪賄是實應交宗人府查議續經宗人府議將弘春革去貝子在家園禁此本年六月開事也此時 皇考

聖心深知其中情罪不確特降諭旨交與兵部另行確查今據兵部查奏弘春並無受賄情事其指名撞騙者乃尼克里所爲而從

前尼克里與伊家人黑子誣賴弘春受賄者實係李禧欺誣等將尼克里主僕非刑夾訊逼令供扳人人知爲冤抑我朝宗室甚多

其中不肖之人或性情暴戾或行事乖張容或有之至於枉法婪贓貪污敗檢者則從來罕見今李禧欺誣等串謀取供鍛鍊成獄

必欲誣弘春以受賄之罪是何肺腸者交與刑部一併嚴審究擬具奏從前兵部等衙門審訊之案著發回另議具奏等語朕從後

處決○追封 孝敬憲皇后會祖透訥巴圖魯祖布克查文費揚古俱爲一等公晉封費揚古之子一等侯武格爲一等公

世襲罔替○免雍正十二年以前旗退地畝及入官地畝民欠○壬辰停舉人充鄉省鄉試同考官初以科舉出身之例○吏部議

刑部尚書徐本奏請復知縣行取舊例應行知各省督撫遵行取之年於正途出身知縣內揀選賢能出眾之員不拘資格大省保

舉五六員小省保舉三四員送部引見以主事用至所奏行取知縣揀補御史之處查御史見改爲正五品於翰林編檢各部郎中

員外郎內保舉簡用若知縣即得升補未免過優且與康熙四十四年定例不符應毋庸議從之○癸巳諭弘春蒙 皇考聖慈望

其成立晉封郡王加恩優渥此中外所共知者乃伊秉性巧詐愆過多端於上年奉 旨革去郡王仍留貝子之職真其悔過自新

伊仍不知悔改家庭之間不孝不友其辦理旗下事務貽則紛更多事後則因循推諉種種不安之處深負 皇考天恩著革去貝子不許出門令宗人府將伊諸弟帶領引見候朕另降諭旨○諭傅爾丹岳鍾琪石雲倬馬蘭泰失誤軍機曠恩欺罔之罪不可勝數本應卽正典刑以彰國法但我 皇考從前未卽降旨今朕仰體 皇考還回降旨之意著將傅爾丹岳鍾琪改爲應斬監候秋

後處決石雪俚馬蘭秦之罪駁傳爾丹岳鍾琪稍輕亦著改為斬監候○甲午歲八旗委參領副佐領等官停部院司員協辦旗務
 ○改易州秦高協為鎮守使○閩浙總督郝玉麟奏請修理海塘捐納條款酌增六條得旨浙江修理海塘工程該督郝
 玉麟等奏請捐納條款經九卿會議准行朕思捐納一事原為一時權宜無益於吏治並無益於國帑朕知之甚悉浙省增捐之處
 不必行海塘工程著動正項錢糧辦理○吏部議奏浙江海塘工程潰決應將承辦之副都統隆昇總督銜管巡撫事程元章大理
 寺卿汪澹內閣學士張垣麟均降一級調用得旨隆昇程元章汪澹張垣麟係特簡辦理塘工之大員且蒙 皇考訓誨諄諄望其
 和衷共濟自應堅固修築以資捍禦乃伊等私心蔽竊意見參差惟為苟且塞責之計以致隄岸易於衝潰此乃關繫民生切要之
 務不應援救寬免隆昇程元章汪澹張垣麟著照部議各降一級從寬免其調用仍令督工效力贖罪倘再有怠忽之處朕必加以
 嚴懲○管兩海鹽運布政使高斌奏辦理運口江工請於鹽務巡費節省銀內動支得旨捐修之事朕所不取應動何項即動用何
 項况急公奉上原不在此也若從汝所請恐天下督撫效尤保無刻民之事乎

乾隆東華續錄二

十一月丙申朔命纂修 大行皇帝實錄○諭各省教職乃師儒之官所以訓迪約束為多士之表率也若不賞給品秩則與雜職
 無異恐地方之人不加禮貌而本人亦遂以先散自居不知殫心課士以盡職任其應如何加給品級以示鼓舞實成之意著吏部
 議奏尋議教授係從九品加為正七品學正教諭訓導係未入流學正教諭加為正八品訓導加為從八品升轉仍照舊例從之○
 丁酉諭朕聞外省百姓有生計稍裕之家每遇喪葬之事多務虛文修廣過費其甚者至於招集親朋却族開筵劇飲謂之鬧喪且
 有於停喪處所連日演戲而舉殯之時又復在途扮演雜劇戲具者從來事親之道生事死祭皆必以禮得為而不為與不得為而
 為之者均為非孝是知各循其分乃能各盡其孝初不以奢靡相尚也况當哀痛迫切之時而顧聚集親朋飲酒演劇相習成風非
 惟於禮不合抑亦於情何忍此甚有關於風俗人心不可不嚴行禁止著各省督撫等通行明切曉諭嗣後民間遇有喪葬之事不
 許仍習陋風聚飲演戲以及扮演雜劇等類違者按律究處務在實力奉行毋得故為寬縱○諭辦理天下事務責得其平必是非
 輕重無絲毫或爽而後可以協天理而當人心况刑罰尤宜慎重萬不可因奉旨發審遂存迎合避嫌之心與其失出甯為失入而
 輒置人於重法也即如戴瀚科場一案朕因未得真情特命王大臣會同刑部審理今議以戴瀚聞 大行皇帝升遐之後言笑自
 若照忌辰演戲之例擬斬監候具奏戴瀚如科場舞弊果真即宜置之重典若場中談笑自若乃無實據可憑者豈可因此以入重
 罪乎况比照忌辰演戲之例更不相符許秉書鈔寫文字正副考官分東西校閱以及刪改進呈試卷各係情節審訊俱未周到著
 王大臣覆加詳審另議具奏請旨大凡發審事件因是非真假不能一時遽定故命廷臣讞鞫若其初情罪確實無復疑似便可即
 置於法不待聲明矣至發審之後重案無辜何妨即行開釋黨因朕發審之故而恐審虛免罪有礙前旨必欲周內其罪則竟視朕

爲飾非文過之主矣夫觀爲飾非文過之主何如待朕爲虛吏慎刑之主乎况係欽案而擬罪加重則刑法失平啟眾人之議論何以服遠近而昭勸懲乎若欽犯案件一例擬斬是視爲固然不應斬者固屬冤抑而應斬者亦爲不應斬之人矣至於恩出自上之說尤爲不可儻朕一時不能詳察則失入者必多粵稽我太祖高皇帝諭旨凡有罪之人執訊不可不嚴而定罪不可不慎洵足垂戒萬世爲用刑之準則嗣後凡各直省有刑名之責者毋執成見毋挾偏私務各虛心聽斷焉歸平允以共體上天好生之心用憂國家祥刑之治○以岡理琛署工部右侍郎由內閣學士署○已亥轉木和林爲刑部左侍郎以納延泰爲刑部右侍郎由學士署○國棟署刑部侍郎○庚子諭張照自到黔省以來挾詐懷私擾亂軍務罪過多端張照來京時著交總理事務王大臣會同刑部確查嚴審定擬具奏○改廣西思恩協爲營鎮安營爲協○辛丑諭四民之中惟農夫作苦自食其力最爲無愧飭庀八材以利民用非百工莫備士則學大人之學故錄其賢者至於商賈阜通貨賄亦未嘗無益於人而古昔聖王尙慮逐末者多令不得衣絲乘車推擇爲吏以重抑之今僧之中有號爲應付者各分房頭世守田宅飲酒食肉並無顧忌甚者且畜妻子道士之火居者亦然夫一夫不耕或受之飢一女不織或受之寒多一僧道卽少一農民乃若輩不惟不耕而食且食必精良不惟不織而衣且衣必細美室廬器用玩好百物爭取華靡計上農夫三肉袒深耕尚不足以給僧道一人不亦悖乎朕於二氏之學皆洞悉其源流今降此旨並非博不尙佛老之名也蓋見今之學佛人豈特如佛祖者無有卽如近代高僧能外形骸清淨超悟者亦稀今之道士豈特如老莊者無有卽如前世山澤之癯能凝神氣怡養壽命者亦稀然苟能遵守戒律焚修於山林寂寞之區布衣糲食獨善其身猶於民無害也今則不事作業甘食美衣十百爲羣農工商賈終歲竭蹶以奉之而蕩檢踰閑於其師之說亦毫不不能守是不獨在國家爲游民卽繩以佛老之說亦爲敗類而可聽其耗民財瀆民俗乎著直省督撫飭各州縣按籍稽查除名山古剎收接十方叢林及雖在城市而願受度牒遵守戒律閉戶清修者不問外其餘房頭應付僧火居道士集眾面問願還俗者聽之願守寺院者亦聽之但身領度牒不得招受生徒所有贖產如何量給還俗及守寺院者爲衣食計其餘歸公留爲地方養濟窮民之用並道士亦給度牒之法該部詳細妥議具奏○諭吏部月選官員引見每先期考試履歷蓋看其通曉文義與否若有條奏事宜更可觀其識見卽虞廷敷奏以言之意也朕近覽月官履歷率多頌聖泛語鋪張功德滿幅盈篇閱之殊爲可厭夫先資拜獻貴於抒寫誠悃似此粉飾浮夸豈朕樂聞頌揚之詞而爲廷試之舉耶嗣後考試月官履歷如果伊等於政治確有所見准其據實條陳或自述何以居官何以莅事亦准敷納若胸中無欲吐之言止許繕寫履歷其濫用頌聖套語者槩行禁止○王寅吏部等部議准署湖廣總督邁柱奏忠尙宣撫司田光祖十五土司公懇歸流分設一府五縣以資治理請於恩施縣地方建設府治以原設恩施縣爲附郭首邑施南司桐子園大田鎮官渡壩四處各設縣治隸新設知府轄新設府及先設之彝陵府歸荊州道統轄其歸荊州道原轄之安陸府改隸襄陽道德安府改隸武漢黃道統轄一府五縣營制汛防應設副將一員馬步守兵千五百五十七名聽彝陵鎮總兵統轄四

川夔州府屬建始縣去恩庵不過百里改歸新設府轄議定府名曰施南附郭縣曰恩施屬縣曰恩恩來鳳咸豐利川移建始來屬從之○乙巳論國家久道化成人文蔚起 皇考樂育羣材特降諭旨令直省督撫及在朝大臣各保舉博學鴻詞之士以備制作

之選乃直省奉詔已及二年而所舉人數寥寥朕思天下之大人材之眾豈無足膺是舉者一則各懷慎重觀望之心一則衡鑒之明視乎在己之學問或已實空疏難以物色流品此所以遲回而不能決也然際此盛典安可久稽朕用再為申諭凡在內大臣及各直省督撫務宜悉心延訪速行保薦定於一年之內齊集京師候朕廷試儘直省中實無可舉亦即具本題覆○諭朕聞江南太平府蕪湖縣有雜辦江夫河運錢糧歲徵銀二千三百零四兩歷年已久房屋傾圮而額稅仍存小民輸納艱難頗為地方之累朕

即位以來勤求民隱已降旨禁革雜稅此即雜派中之先宜豁免者著該督撫遵旨將此項錢糧二千三百零四兩即行寬免永著為例○諭朕聞吉凶異道不得相干故娶在三年之外而聘在三年之內者春秋猶以為非禮記稱大功之末可以冠子可以嫁子父小功之末可以娶婦已雖小功既卒哭可以冠娶妻三年之喪痛深創鉅苟有人心者必宜於此焉變矣乃愚民不知禮教起於

卓隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間為之而入旗效之朕實憫焉自今伊始自齒朝之士下逮門內有生監者三年之喪終喪不得嫁娶違者奪爵褫服其極貧卓隸編氓父母卧疾呻吟床褥必賴子婦以躬薪水治饘煖者聽其迎娶傭僕疾愈喪畢而後成婚古者禮不下庶人其斯之類歟曾子問親迎女在途而婿之父母死女改服布深衣縞總以趨喪亦此義也其商賈中家不必以士大夫之禮繩之然人性皆善朕知其必有觀感興起而不忍自同於瑛隸者矣○丁未恭上 大行皇帝尊諡曰 敬天昌運建中表正文武英明寬仁信毅大孝至誠憲皇帝 廟號

世宗○戊申追封 皇太后曾祖額宜騰祖吳祿俱為一等公父凌柱封為一等公世襲罔替○晉封貝勒允禩郡王允禧貝勒允祜允禔之母追封誠親王允祕之母俱為嬪○追封皇一兄弘暉皇八弟福慧為親王○召邁柱來京以史貽直署湖廣總督由

允祜允禔之母追封誠親王允祕之母俱為嬪○追封皇一兄弘暉皇八弟福慧為親王○召邁柱來京以史貽直署湖廣總督由

一項向例按里徵收腳價距倉三四百里者每石增至腳價銀三四錢不等輸納太重民力難支此不但與通省錢糧之火耗懸殊即以大湖二府所屬州縣相距倉庫遠近而計離倉愈遠腳價愈多亦不免偏枯嗣後除離倉最近之州縣向係糧戶自行赴倉交收者仍聽民便令其自運不徵腳價外其餘州縣每石米豆止徵車腳銀一錢此外不敷之運價著於司庫存公耗羨銀內撥給添

補合各該州縣官承領雇運不得絲毫剋減及私行派擾再聞每米豆一石向例徵收加耗糧八升亦覺太重嗣後每石免耗糧四

將軍○增設廣西右江鎮遊擊一員○免雍正十二年以前兩淮窳戶舊欠○癸丑歲禁銷毀制錢○甲寅諭貴州古州台拱等處

自古未沾王化其地實在數省疆域之中是以調兵進剿朕即位以來內外咸與維新即彼生苗亦在血氣之倫若能聞詔輸誠當

自古未沾王化其地實在數省疆域之中是以調兵進剿朕即位以來內外咸與維新即彼生苗亦在血氣之倫若能聞詔輸誠當

悉貫其罪○論果親王為 皇考宜力多年向因氣體稍弱 聖懷時時體恤今在邸第辦事以保護精神即 遺詔中亦奉諭

及自朕即位以來王總理事務夙夜勤勞今天氣正寒朕心深為廬念俟過百日後或隔數日一入內直或天氣晴暖時隨便入見

所有應辦事宜即在邸第辦理○免貴州三年內耗羨銀兩○丙辰恭上 孝敬憲皇后尊諡曰 孝敬恭和懿順昭惠佐天朝聖

憲皇后○諭河南地方自田文鏡為巡撫總督以來苛刻搜求以嚴厲相尚而屬員又復承其意指剝削成風豫民重受其困即如

前年匪災不報百姓至於流離蒙 皇考降旨嚴飭遣官賑恤始得安全此中外所共知者乃王士俊接任河東不能加意惠養且

擾亂紛更以為幹濟借墾地之虛名而成累民之實害彼地民風瀆樸竭蹶以從罔敢或後甚屬可嘉然先後遭督臣之苛政其情

亦可憫矣王士俊著解任來京候旨河南仍照舊例止設巡撫即著工部侍郎富德補授並將朕旨宣示豫民咸使聞知○丁巳諭

往者 聖祖仁皇帝特製皇省之箴以專言責 皇考世宗憲皇帝諭旨亦諄諄及之洵以耳目之司乃國是所由彰官常所由肅

也朕以藐躬繼承丕緒一日萬幾常恐措置失宜以負 皇考付託之重繩愆糾謬正爾諸臣得自竭其忠誠之會也中外大臣或

有詭法行私及昏庸不能任職者近者實迹有微遠者輿論不協皆宜據實彈劾以廣朕之聰明而近觀諸臣所奏大率毛舉細故

無關體要朕以實心求言而專司言責者乃以虛文塞責無乃內負夙心而外慚清議乎其各自砥勛凡有關於國政民依者知無

不言若仍以不急之務漫充奏牘或其人已自敗露而後摭拾其非又妄用此言官為耶至於懷私挾怨受人指屬互相攻訐乃

聖祖之箴所謂尤為不減者有或蹈此乃自貽伊戚也勉之○實授鍾保湖南巡撫召常安來京以俞兆岳為江西巡撫註太

憲○戊午以平郡王福彭協辦總理事務○調木和林為吏部侍郎起法敏為刑部侍郎註在朕○己未諭朕聞東省泰山碧霞靈

應宮凡民人進香者俱在泰安州衙門輪納香稅每名輸銀一錢四分通年約計萬金無力輸稅者即不許登山入廟此例起自前

明迄今未革朕思小民進香禱神應聽其意不必收取稅銀嗣後將香稅永行蠲除如進香人民有願捨香錢者各隨願力不得計

較多寡亦止許本山人收存以資修葺祠廟山路等費不許官吏經手絲毫染指永著為例○諭王大臣等揀張廣泗奏抵黔省

鎮遠地方查詢苗疆情形雖用兵數月仍茫無頭緒大路雖可行走而逆苗時出燒劫生苗內為首大寨全然負固從前起事之時

元展成以熟苗必不致反哈元生又以苗人不難撲滅而張照立意阻撓以巧詆為能而置應辦之事於不理及調集各省兵丁

數萬餘名哈元生但於大路沿途密布而所用以攻勦之師不過一二千人東西奔救顧此失彼董芳駐守八弓僅以招撫為可了

事較之哈元生更全無實際張照於董芳所辦之事極口贊揚於哈元生所辦之事痛加醜詆分兵分地以致哈元生束手無措張

照倚董芳為援董芳以張照為可恃文移往來互相攻訐一切軍機事宜皆各行其意從無一字相商所以大兵雲集已經數月而

毫無成效等語張照受 皇考深恩伊又自請前往苗疆辦理效力乃居心深險行事乖張種種揀詐懷私擾亂軍務昨已交刑部

嚴訊今據張廣泗奏前來張照著革職等因將前後事情及張廣泗摺內所參各件一一嚴審定擬具奏董芳自請前往黔省領

兵效力蒙 皇考賜以副將軍職銜厚加賞賚合其與哈元生同心共濟早奏膚功乃伊以張照爲可時與哈元生有意齟齬事事各行其意並不彼此相商且駐守八弓臨敵不前僅以招撫爲可了事董芳著革職解來京嚴審定擬元展成身爲巡撫親在地方不能撫綏以致逆苗猖獗且文武不和互相推諉及至逆苗全煽黔民受其荼毒 皇考及朕先後屢降諭旨令其不可惜費不可苟且務使殫心竭力撫綏安插昨奏報已經賑恤難民事竣回署被竄窮民皆不致失所今覽張廣泗所奏是難民並未安頓就緒元展成耽玩公事視民命甚賈 皇考倚任之恩元展成著革職解來京候審其巡撫印務即著經畧張廣泗兼管哈元生身爲黔省提督軍務是其專司乃逆苗蠢動不能防患於未萌及至調集大兵又不能卽行進剿遲延觀望用兵半載有餘尙毫無就緒應與元展成一併加以嚴懲姑念其在領兵進剿著革去揚威將軍暫留提督之職交與張廣泗差遣委用聽其指示調度若能奮勉效力尙可稍贖前愆若再有怠忽貽誤及剛愎自用之處著張廣泗嚴參將前事一併治罪德希壽與張照同奉差委庸茲重任乃張照如此狂悖乖張伊但隨聲附和今又與張廣泗一同列名陳奏事件竟以張照之罪與伊毫無干涉者德希壽甚屬無恥亦著革職解來京一併審擬至張廣泗所奏苗疆情形及辦理機宜甚爲明晰其料理賑恤事宜亦甚屬妥協各項動用錢糧准其報銷俱著照張廣泗所奏辦理王大臣等可傳諭知之○論直隸營田乃 皇考教稼養民之至意但事關地方必須本地方有司實力奉行始得裨益朕意將營田觀察使撤回專交地方官管理其如何派遣府大員督率稽查之處著總督李衛妥議具奏○癸亥諭向來州縣徵收錢糧因銀色有傾銷之耗折解送有路途之盤費故於正項之外徵收耗羨原無定額其廉潔者尙知自愛不肖者任意徵求而督撫至道府等員於中收受節節陋規互相容隱弊難究詰嗣經巡撫諾敏田文鏡倡爲提解歸公之法各該督撫就本省情形酌定分數徵收以爲各官養廉及地方公事之用除所定分數外絲毫不得濫徵蓋以耗羨原屬格外之項與其聽地方官私行徵取不如明定分數使有節制不敢違越也然在未提解以前尙爲私項既提解以後或恐不自官員視同正課又得於耗羨之外巧取殃民從前 皇考洞見流弊屢降諭旨欲俟將來虧空全情府庫充裕之日漸減漸革 聖心屢念未或忘之朕紹承大統切念民依孜孜軫恤日與王大臣等悉心籌畫期使吾民於正項之外絲毫無擾而一時勢有未能尙須從容計議惟是提解耗羨之法行之已十有餘年恐日久弊生奸吏竄緣肢削羨外加耗重困閭閻不可不爲深慮著各該督撫嚴飭有司咸聽朕意知耗羨一項可減而決不可增可於格外從寬而斷不可額外多索儘於所定分數之外又借估色添裁爲名多取絲毫者該督撫卽行題參重治其罪儻督撫徇隱不舉或經科道糾參定將該督撫等一併嚴加議處再各省耗羨分數率在加一上下然江南賦重之區如蘇松常鎮四府額賦較之他省幾及數倍雍正六年以前每兩加耗僅五分雍正六年以後增至加一且有司又復巧取苛索民何以堪其令江南督撫詳加酌定量減分數徵收不得仍前重耗困民儻敢陽奉陰違朕必於該督撫是問○論朕聞山西大同偏關老營水泉三汛兵丁尙有交納徭銀一項該汛兵丁並無承種田地一經充伍卽按名額徵悉在餉銀內坐扣交

納每年約徵收銀六百人十兩有奇相沿已久至今未革朕思三汛營兵既無營業地畝而派納徭銀扣除月餉未免減其養贖之資朕心軫念著從乾隆元年為始將此項蠲免該前行文首巡撫提鎮遵照朕旨永著為例○諭諸王貝勒貝子公等朕惟治天下之道在親親而親親之道在慎終追遠凡我宗室皆 太祖 太宗之子孫理宜親睦無致疏迷昨據衛等具奏服制一事各分文派朕以未為允協敕令再議及至晚間覽內廷尊藏 皇考在 皇祖時所奏一摺乃知裕親王太福晉薨逝時 皇祖駕幸

圍場猶令在宮諸太妃往弔而 皇考及諸皇叔亦俱奏請及服由此觀之彼時古道猶存也迨皇叔怡賢親王薨逝時 皇考令朕兄弟詣王府弔慰又令五阿哥成服彼時眾以為異數之優加並不以為事理之當然由此積漸以往將來皇家子孫互相驕侈而篤親之誼將至湮沒矣朕每以此為懼古云以父母之心為心天下無不和之兄弟以祖宗之意為意天下無不睦之宗族爾諸王貝勒貝子公等皆當以 太祖 太宗之心為心視國事如家事互相規勸以底於善如此則可以副朕篤親之意而 列祖鴻

基亦以丕振於億萬世矣夫親族者天地之常經務當永遠一例豈可因君上一時愛憎所降之旨姑任意辦理乎嗣後即朕之子孫如遇近支尊長之事亦應令成服其諸王屬下人等仍照從前所定支派遵行外諸王貝勒貝子公等應如何成服齊集之處務須準理酌宜以盡篤親之意旨內事理著諸王貝勒貝子公等公同詳議具奏○賞已革宗室阿其那塞思黑紅帶收入 玉牒○甲子諭向來道府缺出俱係吏部開單請旨補授蓋 皇考聖意以郡守監司皆有察吏安民之責必慎選用始能勝任也在

皇考勤政十有三年周知人才之優劣故能如此辦理今朕即位之初正在延訪之時向少真知灼見可當特簡之選者昨廷臣條奏內有請照往例仍歸部選之奏見交該部議覆朕思道府等缺若槩歸部選恐繁劇緊要之地不得勝任之員若槩由特用不但目前朕意中之人且恐資深俸久者至於壅滯朕再四思維嗣後道府缺出或衝繁疲難四者俱備或兼有其三者則令該部開單請旨其餘悉歸部選如此則於循資較俸之中仍有進才舉能之義各員既得升補而要地又可得人似於情理允協著該部定議具奏○諭總理事務王大臣會同刑部審問李禧耿翰之案因伊不吐實情至於夾訊辦理實為錯誤夫李禧耿翰存心奸險罪惡

多端其人固不足惜但伊等官職已在大臣之列國家之名器則宜惜古者刑不上大夫蓋以維國體而勵臣節國體不維則無尊卑上下之辨臣節不勵則大臣擁高爵大官而有徒隸無恥之心此實誼所以諄切辨論也朕欲風勵天下使人各自愛共敦節行尤宜自大臣始大臣有不自愛者朕仍設廉恥以養之庶動其天良激勵鼓舞嗣後三品以上大員身罹罪譴即奉旨革職等語問者法司亦不得遽加三木如有不得不夾訊者亦必請旨示著為例○乙丑經畧湖廣總督張廣泗奏欽奉 聖旨敬摭微忱得旨古

州八萬一事實非我 皇考之本懷彼原屬化外不入版圖之人一旦制之以禮法賦之以租稅雖云最薄最少以示異際猶之縛虎狼以皮革與夫縛之以絲麻其為不快於中而將擯事則一也故今年逆苗之動至於此極朕覽 皇考批賜尹繼善之摺至於流涕觀卿此奏猶有護過之意此則不可措內已批示矣朕惟以大公至正治天下敬 天勤民為本懷既為天子惟有代 天子

民以盡為民父母之職而已夫為民父母而忍視其子之投於水火而莫之救耶汝等大臣更代朕為一省之父母者也即云古州一事為將來久遠慮朕恐人遠未及慮而貽害目前之譏雖大學士鄂爾泰暨汝等始事之人百口置喙不能辭也夫人孰無過過而能改則無過矣今日之事正我君臣改過之秋若護過則大不是矣諸凡已悉前論即此批示朕亦與王大臣觀之朕之待諸臣凡事無隱於中因見卿有護過之意故此訓諭至於苗疆一切事宜惟賴卿盡心料理因恐元展成有所掣肘有旨命卿署理黔撫矣卿摺奏云明年秋冬事可告竣但一勞永逸即再遲一二年亦不妨不可再蹈彼數人之轍而苟且因循此事乃我 皇考所貽我君臣之最要最重事件於 皇考顏面所關我君臣不可不慎也○大將軍公履復奏呈噶爾丹策零來書得旨本日閱爾奏到噶爾丹策零之書札朕思賊仍望請和又礙難遣使故將伊所攜去之二人妥為遣回而言詞中復略形誇大在伊之意以為若准請和伊便稍得餘地若被伊言詞激發如前此與兵伊必得微幸且糧餉立見消乏斯二者均不可行見在我近疆固守伊即無計可展然彼既投書前來我亦應回覆朕已有旨諭令王大臣等議奏矣並著軍營王大臣等會同將發給噶爾丹策零文書編纂一道迅速由驛發來候朕閱看汝等意見看來形勢秋閒防守甚為緊要惟王大臣等知之若洩漏於兵丁等致形畏懼於事無益其喀爾喀津巴之發回與否事尚未定須將此旨大意諭兵丁等知之庶軍情可固矣又奏準噶爾情形得旨朕仰遵 皇考眷愛生靈之意統計國家錢糧數目無論準噶爾之和與不和謹守我疆域以養民力彼來時不過挫折銳氣自取敗虧是以深慮遠謀始建息兵之議但一切事務愈加詳細始能有益多用思慮方致妥善今觀四部落喀爾喀所議請我兵者有三議息兵者一處而已看來我兵似難遽議撤回昨沁拜亦以暫留見有緣營兵丁奏請已交王大臣等覈議矣朕思準噶爾賊心甚詭譎若二三年間尚不致起事惟數年之後我兵盡撤伊若潛過阿爾台山梁擾動喀爾喀等游牧地方惟時歸化城兵不能速到必至喀爾喀等寒心此亦應籌畫之事若一味坐守則數萬兵丁遠戍鄂爾坤等處何時休息汝曾任戶部尚書此數年所費錢糧汝豈不知見在之糧雖足充數年之用若數年後又作何計較見在大軍情形如此錢糧情形又如此總未得一人遠善全之策朕反復思之若將東三省兵亦如歸化城兵令攜帶家口在鄂爾坤駐紮數千在彼耕種而食仍由京城支運錢糧是否相宜之處朕將此旨大槩亦論額駙策凌伊到彼時爾等相其地勢悉心籌畫詳議具奏若稍有未當之處勿因朕旨遽爾遵循俟汝奏到時朕再思之

十二月丙寅朔命纂八旗氏族通譜○改陝西金塔營遊擊為副將○丁卯諭王大臣等前令滿漢文武大臣官員科道等輪班條奏自後不必拘定班次隨時陳奏○復設川陝總督裁四川總督以黃廷桂為四川提督因軍務漸竣仍照舊制○轉徐元夢為禮部左侍郎以勵宗萬署禮部右侍郎○以納延泰為刑部左侍郎○總理事務王大臣奏覆審考試官戴瀚擅改文字進呈欺詐依律杖一百徒三年聽從私改之同考官徐煥然扶同進呈之考試官顧祖鎮杖九十徒二年半從之○己巳諭大學士鄂爾泰張廷玉莊親王果親王曾奏請各迎 如母於邸第朕聞奏心甚不安今再四思維人子事親誠欲各遂其願自今以後每年之中歲時伏臘令節

壽辰二王及各王員勒可各迎 太妃於廟第其餘仍在宮中則王等孝養之心與朕敬奉之意庶可兩全和親王分府後亦照此禮行○諭凡官員丁憂守制者遇有恩詔例不准封朕前已降旨加恩給予封典其養親回籍之員皆因父母年高棄官歸養幸遠親存途逢曠典而亦格於成例不得請封情殊可憫著將回籍終養之員照伊等原官品級一併給予封典遂其孝思○庚午諭據正藍旗蒙古副都統布延圖奏稱福建廣東廣西貴州雲南等省地處極邊界連外國且山林險阻苗民雜處而統兵大員尚未補放滿洲請將此五省提督總兵官參用滿洲等語夫人主君臨天下普天率土均屬一體無論滿洲漢人未嘗分別卽遠而蒙古番夷亦並無歧視本朝 列聖以來 皇祖 皇考遠於朕躬均此公溥之心毫無畛域此四海臣民所共知共見者蓋滿漢均爲朕之臣工則均爲朕之股肱耳目本屬一體休戚相關至於用人之際量能授職惟酌其人之相宜更不宜存滿漢之成見邊方提鎮亦惟朕所簡用耳無論滿漢也昨從尙書來保之請議令緣邊古北口一帶提鎮副參遊守官兼用滿洲者良以滿洲騎射比漢人爲純熟於控制北邊爲相宜並非有意歧視滿漢也無知之徒妄生揣摩以爲滿洲當親形之奏牘紊亂成規甚爲不合布延圖著嚴飭行嗣後若有似此分別滿漢歧視旗民者朕必從重議處布告天下使明知朕意○諭民間買賣田房例應買主輸稅交官官用印信鈐蓋契紙所以杜奸民捏造文券之弊原非爲增國課而牟其利也後經田文鏡創爲契紙契根之法豫用布政使印信發給州縣行之既久書吏貪緣爲奸需索之費數十倍於從前徒飽吏役之壘甚爲閭閻之累不可不嚴行禁止嗣後民間買賣田房著仍照舊例自行立契按則納稅地方官不得額外多取絲毫將契紙契根之法永行禁止至於活契典業者乃民間一時借貸銀錢原不在買賣納稅之例嗣後聽其自便不必投契用印收取稅銀其地方官徵收稅課多者亦停其議敘仍著各該督撫嚴飭藩司時加訪察儻有吏書索詐侵蝕等弊立即嚴行究處無得稍爲寬縱再在京兩翼收稅之處亦照此例行○甲戌實授圖理琛工部右侍郎○乙亥諭王大臣等八旗大臣等在 皇考時辦理旗務錯謬之處甚多屢蒙 皇考訓誡開導諄復周詳伊等總不能領會 聖訓所辦事務深刻煩苛以爲如此方可立身無過之地且恐怨歸於已動云出自 聖意此種惡習甚可痛恨朕積承大統以來諸臣條奏旗務頭緒繁多章程不一是以略加斟酌去其繁冗俾從簡易蓋以事繁則難於辦理事簡則易於遵循所以使之率作興事專心竭力於應辦之件也近聞八旗都統副都統等於會議之時多不到班其到班者往往不以正務爲意或彼此相譎言笑無忌向來公豐盛額性奸嬉戲想八旗大臣等從而效之耶凡人於閒居無事之時嘖笑尙且檢點何況身爲大臣在集議緊要之地而肆無忌憚若此有是體乎至於會議到班皆係奉旨事件如不親王公訥親等日在內廷協辦總理事務自不得分身前往其海蘭旺扎爾策楞永興等皆在御前行走向且到班與議而專理八旗事務之大臣轉晏然怠惰輕視公事是何意見著伊等明白回奏若伊等奉到此旨之後又復不諭朕意但捺尋一二事參劾一二人以爲奮勵振作則又伊等從前苛刻之故習而非朕申飭之本意也總之辦理事務寬嚴當得其中若嚴而至於苛刻寬而至於廢弛皆非寬嚴相濟之道嗣後若不悛改朕必

嚴加處分朕降此旨非於即位之初申飭諸臣以示欲其畏懼也蓋以旗務廢弛所關甚大不得不嚴加申飭本欲召入諸臣面降諭旨恐伊等仍不能領會朕意不過免冠叩首於事仍無裨益王大臣等可傳旨切諭之伊等俱受國重恩自當各加猛省痛改前非以副朕之期望○丁丑命各直省酌糶常平倉穀○戊寅恭上 皇太后徽號曰 崇慶皇太后○己卯諭王大臣等準噶爾雖遣使之和防邊之事自宜豫籌縱彼極其恭順遵旨定議亦不保其久而不變朕意彼之乞請誠與不誠俱可勿論惟嚴備邊疆而已其嚴備之道又當計其久遠而便益者蓋我大兵之興原為保護喀爾喀而駐紮多年既占彼遊牧之地又用其供運之力在彼誠不免拮据而內扎薩克蒙古之在軍營者或有一二無知之徒不免以我等為喀爾喀故以致惡此艱苦為辭殊不知眾扎薩克蒙古等首先歸順於我 太祖 太宗之時與滿洲無異奔走效力即如一家喀爾喀等雖在後歸順蒙我 皇祖 皇考歷年惠愛視伊等亦同一家初無一致此次行師非特保護喀爾喀亦為徧安眾蒙古之計也但為時既久人事多未便經我 皇考洞鑒念黃教生靈欲息軍旅曾降諭旨朕惟仰體 皇考聖心欲悉撤大兵休息眾人見今在喀爾喀戍守之兵宜如何撤回應否仍留駐若干駐紮應在何處其喀爾喀之游牧如何防護卡倫後殿如何安置之處著詳悉定議具奏再與準噶爾議定邊界之事已經往召額駙策凌王丹津多爾濟俟其到時令與爾等公同酌議此定界之事乃關繫眾喀爾喀之游牧永遠生計必諮詢部眾公同商定始可受益而扎薩克甚多不便並令至京著行文喀爾喀眾扎薩克等將應如何定界及伊等游牧或用己力防守或仍須內扎薩克與滿洲兵保護著各出己見以聞俾知朕之撤兵並非不念伊等而外視之也特籌其生計有益久遠可行伊等其知朕恩恤之意共計久遠便宜之道定議具奏朕詳覽眾議其言是者朕將斟酌採用即有未協朕亦容之不加責備也○改總管內務府大臣內閣學士俱為從二品○庚辰調傅篤為刑部尚書仍兼管兵部○論禮部議覆僧道給與度牒一事虛文多而實際少與朕意尚不相符朕之諭令清查僧道者並非博不尚佛老屏斥異端之名也蓋僧道之中有應付火居二種借二氏之名而作奸犯科肆無忌憚恐將來日流日下更無所底止是以酌復度牒之法辨其真偽倘有志於修者永守清規而市井無賴之徒不得竄入其中為佛老之玷此乃培護二氏法門之深意望其肅清嚴整若朕有沙汰僧道之心則何不降旨勒令伊等還俗而乃酌復度牒之制慎加甄別有何為乎至於給發度牒一事若經由僧道錄司之手勢必又滋苛索之弊且禮部議稱度牒一張交銀三錢夫交官者雖僅三錢而本人之所費恐十倍於此矣此等之人亦吾赤子朕豈忍歧視而使之不得其所乎僧有宗門教門律門之分皆遵守戒律清淨焚修者即應於此中選擇僧錄司以為綱流之領袖或亦可行至於應付僧徒皆令受戒給予度牒若不願受戒者勒令還俗此事禮部所議多有未備著總理事務王大臣會同九卿定議具奏若有以此舉為多事無益僧道而徒滋煩擾者亦准奏聞請旨○實授陳世倌左副都御史○何師儉因病解任以魏定國署西安按察使原任直隸按察使○辛巳諭從前陝省地丁火耗經年幾耗巨鍾琪先後定為加二以一錢五分作為各官養廉及一切公費其五分則採買社會穀石以資積貯後因積穀已

多無事採買則以此五分補助軍需盤費之用此向來情形也今大兵漸撤軍需簡省而仍存加二之耗羨殊非朕愛養黎民之至意著將此五分即行裁減備末了軍需項下有應用之處即於公費項下支給該督撫務體朕意督率有司實力奉行俾黎民均沾惠澤○壬午諭朕臨御以來加惠元元將雍正十二年以前各省民欠錢糧悉行寬免誠以民爲邦本治天下之道莫先於愛民愛民之道以減賦蠲租爲首務也惟是輸納錢糧多由業戶則蠲免之典大槩業戶邀恩者居多彼無業貧民終歲勤動按產輸糧未被國家之恩澤尙非公溥之義若欲照所蠲之數履畝除租繩以官法則勢有不能徒滋紛擾然業戶受朕惠者十苟捐其五以五惠佃戶亦未爲不可近聞江南已有嚮義樂輸之業戶情願捐免佃戶之租者聞閩興仁讓之風朕實嘉悅其令所在有司善爲勸諭各業戶酌量減佃戶之租不必限定分數使耕作貧民有餘糧以贍妻子若有素豐業戶能善體此意加惠佃戶者則酌量獎賞之其不願者蠲之亦不得勉強從事此非捐修公項之比有司當善體朕意虛心開導以興仁讓而均惠澤若彼刁頑佃戶藉此觀望遷延則仍治以抗租之罪朕視天下業戶佃戶皆吾赤子恩欲其均也業戶沾朕之恩佃戶又得拜業戶之惠則君民一心彼此體恤以人和感召天和行見風雨以時屢豐可慶矣○諭河防隄岸開墾等項一切工程凡有開運道民生者定例俱動正項錢糧應用乃各省竟有於田畝捐派者豈果出自小民之願大都上司因節省錢糧起見授意屬員爲粉飾之計相沿日久官吏藉端苛索民間所費必致數倍不特苦累民生亦於國計無補朕聞山東省挑空運河每年有派幫民夫工食銀五萬三千四百餘兩江南松江海塘歲修有每畝捐錢五文京口挑空運河每年於蘇松常鎮太等府州照數徵漕糧正耗米協解銀三千八百餘兩蘇松常鎮太通六府州應修河渠開墾令長洲等三十三州縣按畝派錢五文三文二文不等以供大修並令每畝又酌量捐錢以爲歲修四川歲修隄堰令每畝派銀一二釐不等直隸運河芟淺於天津等州縣每畝幫銀一釐以上各款總於田畝正賦之外派令捐輸合計捐數共十萬餘兩而官吏之情端苛派必不止於此者正帑之所省有限官吏之中飽無窮著該部行文四省督撫即將該省捐輸各項於乾隆元年爲始一槩革除仍嚴飭所屬官吏無得行私徵派以爲民困其挑之運河等項工程需用銀兩著該督撫覈實奏明於公項內酌撥動用報部覈銷○准內外未補實缺各官恩詔給封○吏部議准署湖廣總督趙柱等奏湖南永定九谿二衛經前任巡撫王國棟題請改爲安福縣第所徵屯糧界不清應請於永定衛添設一縣歸澧州轄其界內之慈利永順桃源桑植四縣攪雜田糧各就附近統歸方圖繪造圖冊送部從之定縣名曰永定○甲申諭審案不許株連婦女○自靜張熙伏法○丙戌諭隆昇剛愎自用怙過不悛若仍留浙江於海塘無益著解任來京其副都統織造二缺候朕另降諭旨程元章身爲巡撫不知和衷共濟乃懷挾私心貽誤公事亦不應留於浙省著解任來京其巡撫印務即著大學士楊曾筠兼管俾地方管轄與海塘工程歸併一手自無掣肘牽制之患張坦麟汪濂俱照司道例裁補曾筠節制委用江南總督趙宏恩駐紮江南難以兼管河務江南總河員缺著高斌補授其管理兩淮鹽政候朕另降諭旨○命歸化城設駐防將軍副都統二員協理○己丑諭朝鮮國感戴朕

朝之恩度修職貢甚為恭敬凡大臣官員之差往彼國者向有餽送儀物之舊例朕以厚往薄來為念若令使臣照例收受恐該國不免繁費若樂不收受又恐該國王以使臣違涉缺儀禮之禮有歉於心著從此大詔使始凡餽送白金儀物等項悉按舊例裁減一半永著為合該部即行文該國王遵行○命追諡賈祠人祀諸臣○以王士俊著兵部侍郎原任河東總督○辛卯諭 聖祖妣仁皇后外家俱蒙恩賜公爵惟 孝昭仁皇后外戚未曾加封二等公訥親向蒙 皇考嘉獎以為少年大臣中可以望其有成者今朕即位以來訥親行走勤慎實心供職著晉封一等公世襲以示推錫恩榮之典○諭督撫之於屬員體統雖分尊卑均有辦理地方事務之責屬員惟當實心供職不宜以趨走逢迎為尚督撫亦宜體恤屬員減其傳喚恕其末節俾得舒暇以理本任之事朕聞附省之首府首縣不論有無要緊公務每日伺候督撫衙門侵晨而往日午未歸率以為常恬不知怪其督撫同城者撫傳未歸督傳又至僕僕於道奔走不遑夫附省郡縣催科獄訟較他處更為殷繁即令專心致志猶恐精神不逮乃以此竭蹶趨承必致廢弛本任事務是以播謗為重而以職事為輕矣朕聞閩廣督撫司道等官彼此宴會廢時失事屬員效尤此風至今未改諸凡積習甚非大吏之所以表率屬員與有司之所以恪恭厥職也嗣後各宜留心改易凡附省郡縣有司督撫非面商之事不得無故傳喚其離省各屬官尤不得輕離職守如有逢迎應酬作無益以害有益并啓貢錄弊竇者更玷官方朕必加以嚴譴○禁各鈔關例外討取○王辰纂修明史成○是歲朝鮮來貢

乾隆東華續錄三

乾隆元年丙辰春正月丁酉諭為治之道在於休養生民而民之所以休養在乎去其累民者使其心寬然自得以各謀其生各安其業而後富足可期此在親民之吏隨事體察惟恐毫末有累於民而已朕思我 皇考世宗憲皇帝誠求保赤有孚惠心竊免額數寬減浮糧偶有水旱災禱卽行賑恤如救焚拯溺仁心仁政千載莫並而民生猶不得寬裕者大率由督撫大臣不能承宣德意而有司中刻覈居心昏庸寡識者或以苛察為才能或受豪蔽而不寬以致累民之事往往而有也卽如催徵錢糧而差票之累數倍於正額拘訊訟獄而株連之累數倍於本犯抽分關稅而落地守口給票照票食民之受累數倍於富商巨賈至查舉賭博黃銅以及私宰私鹽之禁宵役營兵因緣為奸貳雜職橫肆貪酷一案而化為數案一人而波及數人如此等者不可枚舉以此擬累吾民無怪乎民多不得自安其生業而朝廷之德施終不能盡致閭閻於康阜也嗣後各直省督撫所以董率屬員者務以休養吾民為本而一切擾累之事速宜屏除庶民生可遂而民氣以舒然督撫之不善會朕旨者又恐因此而謂諸事可以不辦將轉成廢弛之習不知寬大之與廢弛判然不同不顧民生專務紛更以幹幹濟者外似振作而實則廢弛也勤恤民隱安靜悃愾以培元氣者乃非廢弛而真能振作也其向各體朕意○命柏修在刑部侍郎上行走本任刑部○戊戌准漢軍兵丁與滿洲蒙古一體挑往莊慎涼州駐防○己亥命易州旗營貯穀每歲春秋還並令盛京一體貯穀備荒○癸卯總理事務王大臣議覆直隸總督李衛奏

○乙已經畧張廣泗奏苗疆獲勝情形得旨貴州逆苗侵擾內地從前辦事諸臣措置失宜歷時甚久毫無就緒朕是以特命張廣泗爲經畧專其事權俾得悉心辦理據奏見在分兵三路合力並進上游九股與雜講首逆各寨分布弁兵四千餘名清江下游各逆寨分布弁兵五千餘名同時進剿三方首惡衆悍巢固爲各處逆苗所倚恃者俱已搗毀其附從黨羽皆知畏懼紛紛求請招安者不下數百寨等語張廣泗辦理苗疆軍務以來一切調度俱合機宜其在事官弁兵丁奮勇戮力甚屬可嘉著詳記檔案俟事竣之日分別議敘具奏又奏黔省軍需銀張照任意糜費令支用將完軍需未竣請撥銀八十萬兩來黔接濟得旨從前張照辦理苗疆事務將撥解黔省軍需銀一百萬兩收貯貴東道庫總不令本省藩司與聞及元展成因軍需緊急司庫無項可支咨明張照促其協濟乃張照覆稱與伊全無干涉並不理論身爲總理而公然膜視如此誠不知其是何肺腑及其動用錢糧又復錯雜生謬如運送軍糧並不按程途里數以致夫役任意延挨所運米數遞減而運費日增徒滋糜費其採買馬匹則將草料銀兩俱給馬夫承領以致馬匹餓斃疲瘦者甚多種種任意乖張甚屬可惡今據張廣泗奏前來著該部查明前項糜費應賠錢糧勒限嚴追在張照名下賠還十分之二又據張廣泗奏稱見在軍需未竣請撥銀八十萬兩來黔接濟等語著戶部卽撥銀一百萬兩交與張廣泗料理動用○丙午署甯遠大將軍查那阿等奏巴里坤大兵撤後請仍於哈密地方駐兵五千大兵出征數年不便再行留駐應於甘涼西肅安西各提鎮兵內派出更換布隆吉赤靖等處應分駐五千於內地標營兵內輪班派往安西鎮營向有分防汛守加以肅州甘涼原設戰兵及分駐涼莊滿兵以之接應口外兵力已屬寬裕原不在安西防兵之多寡俟數年後邊界大定或應量減則將布隆吉赤靖等處防兵陸續議撤哈密距安西甚遠不可無重兵彈壓此五千兵應永遠分駐以靖邊徼下總理事務王大臣議行○準噶爾噶爾丹策零遣使奉表貢方物○丁未諭河東總河嗣後修築河南孟縣小金隄動支公項毋派民捐○己酉總理事務王大臣議覆御史蔣炳奏請升契神主於崇聖祠中與五王並祀查契爲明倫敦教之始應入祀典禮惟契爲有商之始祖於孔子有君臣之分祖孫之派其請升主於崇聖祠恐有未安請敕部詳議具奏尋奏自商以後契祀無徵蓋契爲有商配天之祖未便以從祀帝王廟而列於兩廡於上世有數教之功其祀與不便亞於孔廟世遠年湮教澤不似孔子之親亦不便將於孔廟契未與祀前人實有深意律以諸侯不敢祖天子大夫不敢祖諸侯之義孔子雖嘗自謂般人斷不敢以有商配天之祖爲始祖又不便升契於崇聖祠祀典固宜於備禮制亦求其合遷就附會於典禮反有未協應無庸議從之○壬子賜準噶爾使臣吹納木喀入覲諭曰去歲守邊大臣奏爾等已至朕甚忻悅特爲爾準噶爾求和之故思仰副我皇考闡揚黃教休息生靈之意也今閱噶爾丹策零表文並不遵皇考諭旨定界漫指前奏未允之哲爾格西喇呼魯蘇等處爲爾部邊界欲於喀爾喀境內更留空閒之地是誠何言又云既經和好不必分界我大國視準噶爾之和不定界與否原無關體要但定界之事起於伊父義旺阿

拉布坦奏請其初意止欲得阿爾台山外哈達里哈達清吉勒布拉克等處而已 皇考尚不允其請後因撤兵息民竟以其地賜之以克木齊克汗騰格里循阿爾台山梁下索勒畢額至哈卜塔克拜塔克之中過烏蘭烏蘇至噶斯口爲界又允伊父所請呼遜托輝至喀喇巴爾楚克作中閒地今爾等至京請和若不議定疆界何以爲信且能保邊境小人異日不起爭端乎若噶爾丹策零但求喀爾喀無諭哲爾格西喇呼魯蘇尙可俯允不然朕遣使何爲爾等至此亦何爲朕知噶爾丹策零本無求和之意特借此牽率奏請希圖通市之利耳所見如此能不爲朕所恥笑若能遵 皇考諭旨定界朕必格外施恩所得不更多乎我 皇考惟以闡揚黃教休息生靈爲心朕深體 皇考之心興教安民而外初無用兵之意縱爾部欲激發朕怒亦斷不動兵於遠也朕不但欲合我內部喀爾喀各安其生視爾等亦如我赤子業已議定撤兵止少量留守邊此爾等所共知朕欲天下之民舉安卽守邊之事亦與和不無涉也噶爾丹策零嗣後能體 皇考與朕之心則遣使來不然各保其境可也備更不自揣量犯我邊境朕自有辦理之道以天朝之威靈兵臨爾部尙不獲全利爾等雖力勞師涉遠豈能有濟爾還其明告噶爾丹策零令更熟思番處定議具奏吹納木喀奏稱 大皇帝諭旨當謹記歸告噶爾丹策零其所陳奏實遵 成佛大皇帝旨意欲振興黃教安逸眾生所以輸誠上請非敢借遣使以圖通市又諭噶爾丹策零如無此意甚善興教安民乃 皇考與朕之事非噶爾丹策零之任也縱彼實力行之止及準噶爾一小部落耳俾天下萬國蒙被床澤其事自在朕躬且爾言實遵 成佛大皇帝旨今日噶爾丹策零之奏與前次 皇考諭旨合乎否乎果欲定議當就事論事何得牽引遠年噶爾丹之事如此演陳往復真無了期矣爾等不過奉使之入成則與有榮施不成則空勞往返定界之事誠非爾等所得擅議朕當另遣大臣前往爾起程時有敕書付爾噶爾丹策零能體朕意謹遵 皇考原旨定界可再遣使來不然亦無庸復遣其遣使尙仍遣爾來至我邊界時可告我守邊大臣噶爾丹策零表文內有違旨定界之語方許入境如無此語決不許入也聞爾等仍攜貨來不忍復令攜歸可留住數日貿易事畢起程可也○癸丑西北兩路大兵凱撤酌留鄂爾坤及烏里雅蘇臺駐防兵丁召大將軍慶復回京派參贊大臣二員協同策凌辦事○召劉章來京以徐士林爲河南布政使由福建汀漳道遷○乙卯諭私鹽之禁所以除蠹課害民之弊大夥私梟每爲盜賊通數務宜嚴加緝究然恐其展轉株連故律載私鹽事發止理人鹽並獲其餘獲人不獲鹽獲鹽不獲人者梟勿追坐至於失業窮黎肩挑背負易米度日不過四十斤者本不在查禁之內蓋於裕商足課之中而卽以寓除奸愛民之道德意如是其周也乃近見地方官辦理私鹽案件每不問人鹽會否並獲亦不問販鹽人數多寡一經捕役汛兵指拏輒根追嚴究以至挾怨誣叛畏刑逼認千累多人至於官捕業已繁多而商人又添私雇之鹽捕水路又添巡鹽之船隻州縣毘連之界四路密布此種無賴之徒貌法生事何所不爲凡遇奸商夾帶大梟私販公然受賄縱放而窮民擔負無幾輒行拘執或鄉民市買食鹽一二十斤者並以售私拏獲有司卽具

率差捕竇擊奸商大梟勿令疏縱其有愚民販私鹽四十斤以上被獲者照例連結不得拖累平人至貧窮老少男婦挑負四十斤

以下者柴不許禁捕所有商人私鹽應捕及巡鹽船隻幫捕汛兵俱嚴查停止毋得滋擾地方俾良善窮民得以安堵○丙辰諭西

北兩路用兵以來一應軍需皆取給於公帑不肯絲毫累民而費用繁多不得不資藉捐納以補國用之不足此中外所共知者當

日 皇考聖意原欲俟軍需告竣即行停止今大兵漸撤軍需減省將京師及各省見開捐納事例一槩停止夫議捐納者未嘗

不出於士子之口而留生童捐納一款是士子首以捐貲為進身之始矣其應停應留之處著漢九卿翰林科道會同確議具奏尋

議生童捐監係士子一進取之路順天鄉試例有南北監生定為皿字號中式且游學隨寓在京者亦得藉為應試之階應留戶部

捐監一條各省一槩停止不令照前考職並請以每歲捐納之銀留為各省一時歲款賑濟之用從之○諭教職乃師儒之官有督

課士子之責蒙 皇考世宗憲皇帝加恩優待屢次訓勉與有司一體賞給封典朕即位以來念伊等官秩卑微恐以充散自居不

思殫心盡職特加品級以鼓勵之查舊例教職兩官同食一俸未免不敷養廉著從乾隆元年春季始照各員品級給與全俸示著

為例○命乾隆元年二月鄉試迴避試卷另行考試取中○高其倬因病解任以顧琮署江蘇巡撫○丁巳召張廷枚來京

以王任任署福建布政使由監署召袁承龍來京以高學尹署湖北按察使原任福建按察使○己未署湖南永州鎮總兵崔起潛疏劾鄂

爾泰張廣泗中外欺蔽迎合 上曰苗疆一事關繫重大 皇考當日即命朕會同王大臣辦理情形原委尤所熟悉比來張廣泗

之經畧哈元生之暫留領兵董芳元展成張照之革職擊問皆朕特降諭旨大學士鄂爾泰未嘗贊一詞此廷臣所共知者崔起潛

捏詞妄奏著即革職解部審擬具奏○庚申 上啟鑾謁 陵○癸亥 上謁 昭西陵 孝陵 孝東陵 景陵回鑾○是月經

畧張廣泗奏分勦新疆首逆各寨俱已搗毀各請招安俟辦理妥協即進攻高城一帶分兵部署大小丹江並八寨山苗等處得旨

黔省逆苗不法擾害地方自上年四月以來用兵征勦以蕞爾蠡苗而合五省之兵力歷七八月之久尚未甯帖此皆從前張照等

乖張錯謬之所致朕以卿熟悉苗疆情形且從前係自家辦理之事是以即位之初即將張照撤回命卿更換旋即授為經畧今據

奏征勦情形較前已有頭緒是以明降諭旨特加褒獎以鼓士氣且使中外咸知苗疆漸次就理也但朕細閱情形首惡逆寨雖經

攻克而其餘附逆尚多又八寨尚復告警黃平內地猶有餘孽且調川兵三千名之多則勦撫之事不但未有十之六七且未及十

之四五也此時正當慎重籌畫勦力同心以期早奏膚功斷不可因畧有頭緒侈然自足又不可苟且塞責以圖了事從前張照元

展成輩或有掣肘之處今伊等皆解回京哈元生又受卿節制權既歸一時日亦不為不久卿更何所諉乎若今年四五五月間尚

無成效朕則惟卿是問至於請兵請餉一如卿奏請部運行矣朕以苗疆關繫甚大因見張照不能勝任是以即位第二日即簡命

事爲重不爲目前之謀爲遠大可久之計俾地方甯謐百姓又安方爲不負倚任朕知卿固無所觀望但君臣交勉有不得不然者卿卽體朕相期之意以滿朕望可耳又奏調集外省官兵擬於四五月間新疆定局之後酌量撤回得旨朕原命卿酌非強令撤兵也萬里之閒遙制軍機可乎一以委卿矣所云爲君之難非身歷其地者必不知之卽如逆苗一事從前 皇考會命朕兄弟與聞見數省摺奏皆係觀望意旨委曲迎合從未見以實心奏對者卽朕今日非不日念苗疆也若朝下一令焉爲苗疆善下一令焉爲苗疆則汝等大吏不知所適從矣然恐號令之繁而欲省其言詞則又將觀望以爲皇上之意不在苗疆也卽此一事之爲難而他事可以類推此意非指卿亦不過幾暇之筆耳

二月丙寅 上還京師○諭任土作貢國有常經無論士民均應輸納至於一切雜色差徭則神祇例應優免乃各省奉行不善竟有令生員充當總甲圖差之類者殊非國家優恤士子之意嗣後稟貢生員等著弊行免派雜差俾得專心肄業備於本戶之外別將族人借名濫免仍將本生按律治罪○詔山東巡撫修理少昊陵帝堯廟及周公顏子曾子孟子等廟○令內務府三旗照滿洲蒙古漢軍例各立米局備糶○總理事務王大臣議覆兪都御史李徽奏請訂孝經人四子書進程子顛入 大成殿二條據稱聖言稱經自孝經始諸經以此稱經等語謹按經解名篇著於禮記離經辨志載於曲禮則經名早見孝經稱天之經地之義乃舉經常之道而言安得以擬議之辭指爲定名之義又稱古文孝經劉炫僞作朱子亦未深考吳澄據許慎說文始爲考證等語謹按孔安國古文孝經獻之祕府者未及施行許慎亦未得見劉炫僞作詳於隋書辨於唐會要見於陸德明釋文先儒早知其非不待吳澄之辨安得謂朱子亦未深考又稱孝經以前六章爲根柢中三章爲體要後九章爲會通三者人數六者地數九者天數合爲十章等語謹按孝經第一章乃全部綱領自天子以至於庶人皆以孝爲本此次孝治次聖治歸於紀孝行反是則有五刑推此則爲至德要道道有經權常變皆可通於神明而復申言事君結以喪親則孝道純備而宗義開明俱從第一章脈絡貫注天地人本一理固於數無涉且數於孝經何涉李徽強分之數又於天地人何涉至請以孝經同學庸訂爲一冊自乾隆元年爲始遇鄉會試與學庸一體命題等語謹按四子之書乃朱子所自訂刊於臨漳宋理宗頒行學宮至元明以及我朝遵行已久大學中庸程子從禮記摘出朱子訂入四書孝經單行篇章無多何可與四書並列朱子爲孝經刊誤疑其非盡聖人之言說得都不親切吳澄亦曰今文亦不無可疑疑其所可疑信其所可信去其所可去存其所可存朱子意也制科取士第一場首試四書文三篇二場用孝經論一篇與性理互出所以尊崇聖經總期發明經義文與論何擇李徽欲請訂入四書將使天下後世謂四書訂於朱子五書訂於李徽殊不自量之甚朱子熹羽翼經傳闡發義蘊蘊萃羣言衷於至當四書集註章句親切詳明使學者涵泳細繹具見聖賢立言精意我 聖祖仁皇帝特進朱子熹入配 大成殿所以爲天下萬世學者樹之標準俾知所趨向非以朱子熹爲賢於周程諸儒也如李徽所言程子顛亦宜入 大成殿周子敦頤以下均可以次詳酌則周子敦頤二程子頤張子載邵子雍皆宜附於十哲之列

孔子及門如南容有君子賤諸賢不亞於程周諸子並不亞於十哲亦未盡人 大成殿講事日增將貽後議探諸尊聖至聖以師表萬世之至意亦豈有當至性善之說詳於孟子皆淵源之論李微以人性之善為支派謂程子顛解繼之者善亦人性之支派指此為有功性旨是不獨有悖孟子亦大非程子之意敷陳陳粹學術攸關誠恐無知效尤或詆毀先賢或穿鑿經義或託名理學自便其私人為世道人心之害請嚴申飭得旨這所奏是著交該部頒發天下學政咸使遵行○己巳甘肅甘州涼州等府雍正十二年歉收且有牛疫該督撫未經奏報 上降旨切責議賑○封理密親王允礽之子弘曉孫永璣為輔國公○命考試八旗廣員精於國語者充八旗滿洲教習○以補熙署漕運總督由於○召七克新來京調奕德慎為盛京工部侍郎由工部○庚午免宣化府門稅以口鹽歸張家口徵收○壬申詔直省生員監生年七十以上者優免一丁八十以上者給與八品頂帶○封莊親王允祿之子弘普為貝子○癸酉諭治道貴乎得中矯枉不可過正前屢降諭旨訓迪廷臣見八旗辦事情形及諸臣條奏事件尚有未合大公至正者如八旗事務頭緒繁多章程不一朕是以畧加斟酌去其繁冗俾從簡易而都統副都統等竟於會議之時多不到班更有乾清門奏事亦不到者且有交辦事件遲至一年半年而後議奏者有朕面詢所奏之事情節而茫然不能應對者如此則日漸廢弛鮮能振作豈朕料理旗務之本意乎又如諸臣條陳關稅者甚多而皆未得其樞要夫鈔關之弊如額外巧取違例橫徵奸胥猾吏多般需索自當嚴行禁止違者重治其罪故鄉村落地稅苛累細民已經特諭革除若將關稅正項槩行議減不過官更中飽上有損於國課而下無益於商民乃事理之顯然可見者又如有請除學校煩苛之弊欲更成例者在國家養育人才士子原當優恤儻學臣等約束規條過於嚴厲俾多士有束縛之苦而無優游之樂固不可行若一味寬縱不繩以禮法則蕩檢踰閑如前明之紳衿武斷鄉曲凌虐庶民貽害於風俗人心而本身亦罹法網豈國家優待士人之道乎其他矯枉過正與此相類者不一而足是皆狃於一偏而不知其流弊者也大抵 皇祖聖祖仁皇帝之時久道化成與民休息而臣下奉行不善多有寬縱之弊皇考世宗憲皇帝整頓積習仁育而兼義正臣下奉行不善又多有嚴刻之弊朕繼承統緒繼述謹懼惟日孜孜止欲明作有功以幾惇大成裕之治近視諸臣奉行漸有銷會朕旨而趨於怠弛之意朕滋懼焉天下之事有一利必有一害凡人之情有所矯必有所偏是以中道最難先儒謂子莫所執乃楊墨之中非義理之中也必如古聖帝明王隨時隨事以義理為權衡而得其中乃可以類萬物之情成天下之務故寬非縱弛之謂嚴非刻薄之謂朕惡刻薄之有害於民生亦惡縱弛之有妨於國事爾諸臣尙其深自省察交相勸勉屏絕揣摩迎合之私心庶幾無曠厥職而實有補於政教戒之慎之○甲戌賞江南佐雜官養廉○救陝西停禁商販俾晉屬民食有資○遣準噶爾來使吹納不喀起程召入乾清宮諭曰此次爾等來時朕未曾派出大員與爾等議定疆界者非朕不受爾等請和意欲興戎也以爾台吉噶爾丹策零未能遵奉 皇考諭旨酌定疆界且又假詞陳請朕雖派員定議亦屬無益况疆界一事爾等豈可專主是以未經定議將諭旨命爾等齎回噶爾丹策零又奏請遣使先是 皇考軫念黃教眾生曾經遣使

爾等並未遵奉定界今朕遣使何益噶爾丹策零誠能遵奉 皇考諭旨酌定疆界具奏即一言足以歲事不然雖往返遣使何為

且定界之事不過從爾所請於我天朝無涉朕仰體 皇考聖心闡揚黃教安養眾生斷無與爾興戎用兵之事今將官兵撤回各

歸本處惟稍留弁兵以衛疆圉想爾等亦有所聞此等守衛疆圉之兵無論與爾和好與否防守地方在所必設朕為大君既經降

旨斷無復改之理諭旨內俱經備載噶爾丹策零接奉此旨誠能遵奉 皇考諭旨留意黃教眾生酌定疆界遣使具奏抑或遵照

諭旨指示以喀爾喀遊牧不過哲爾格西喇呼魯蘇一事為請亦屬可行朕自降旨指示爾使臣惟思王成此事始屬有益亦不

致徒勞往返朕兩次所降諭旨爾須謹記俟去時諭噶爾丹策零當思久遠之策勿顧目前小利噶爾丹策零係一部落為首台吉

豈不知此且爾等激朕興師不過希圖小利耳今不用師止守內地邊疆爾等何利之有總之和則於爾有利否則於爾無利此皆

事之顯然者將此曉諭噶爾丹策零一切利害詳細酌定○以晏斯盛為安徽布政使由滿洲寺○丁丑諭朕聞河南武陟縣木藥

店沁河隄工關繫民居盧舍每年派農夫修築以防水患里民按畝派錢約計二千四百餘兩頗為地方之累若設立長夫二十名

歲支工食三百六十兩即可省民間二千餘金之幫點著該部傳諭河南總河白鍾山照此辦理其設立長夫每年應領工食即動

豫省存公銀兩給發不得絲毫累民永著為例儻胥吏棍等仍有借名科派者交與該管官嚴查從重治罪○以士子入闈遇兩

各賜銀三兩○命福建額徵屯糧歸州縣徵收○己卯賜準噶爾台吉噶爾丹策零敕書曰噶爾丹策零朕繼承大統繼述 皇考

世宗憲皇帝之志無分中外一視同仁以振興黃教安養眾生為務今爾遣吹納木喀來奏稱阿爾台本我游牧之地杭愛乃喀爾

喀游牧之地既經和好此疆彼界原不必條分縷析今因遵旨定界故敢奏聞又稱諭旨所示哲爾格西喇呼魯蘇等處雖已指明

我部疆界尚未定喀爾喀游牧之界故未敢定議祈再稍展空地遣使來此酌定令喀爾喀與我部邊界彼此關遠伏乞允行按定

界之事本起於爾父策旺阿喇布坦奏請乞以阿爾台山外哈道里哈達清吉勒布拉克兩隅賜爾初尚未蒙 俞允其後

皇考一意休兵息民方可其請令以克木齊克汗騰格里循阿爾台山梁下索勒畢嶺由哈卜塔克拜塔克之中過烏爾烏蘇至噶

斯口為界爾父又請以呼遜托輝至喀喇巴爾楚克為居中間地毋與喀爾喀游牧牧區近致彼此猜疑 皇考降旨此事亦屬可行

今爾誠恪遵我 皇考聖訓奏請則我原設卡倫不必動移但令喀爾喀游牧牧稍內徙朕自當體 皇考興教安民之意降旨俯

允爾乃並不違我 皇考之訓竟欲以哲爾格西喇呼魯蘇為爾邊界專令喀爾喀內徙別留中間關遠之地牽率奏請明係託故

枝梧如此則朕更遣使何為朕為萬方共主當使羣生皆得其所不但軫恤內地蒙古即爾準部亦在我撫綏之內仰承 皇考仁

育萬物之心以息兵端業已降旨撤兵豈復更張爾若不恤爾部起釁殃民勞爾部眾擾我邊疆則朕亦無如之何矣爾台吉其圖

及久遠將一切利害得失之故再四思維詳悉定議一遵 皇考諭旨則遣使來奏否則不必更遣使矣特降敕諭付爾來使齎還

隨敕賜各色段俱十端○庚辰諭朕自繼序以來勤思治理廣開言路俾大小臣工皆得密封措奏蓋深慮民隱或雍庶事失理故

公聽並觀以求濟於實用諸臣必宅心虛公見理明徹處事周詳各忤忠愫實有切於國政民依官方吏弊然後可以在朕不違故凡言有裨益立見施行而邇來諸臣所奏或不能適合厥中徒有陳奏之名而不計及實有裨於政治與否或瑣屑而昧於大體或空言而無補於國事非朕求言之本意也故前降諭旨諄諄訓迪其中尤可詫怪者謝濟世請用其自註學庸易朱子章句頒行天下獨不自揣己與朱子分量相隔如雲泥而肆口詆毀狂悖已極且謂明代以同鄉同姓尊崇朱子之書則直如變下老婢陳說古事雖鄉里小兒亦將聞而失笑也李徽欲以孝經與四書並列爲五立義支離屬辭鄙淺於宋元大儒所論孝經源流離合會未寓目卽欲變亂歷代論定列於學宮數百年不易之舊章亦不自量之甚矣至於在任守制事本不可常行考之禮記諸侯既葬王政入於國大夫士既葬公政入於家故戴德喪服變除言古者壓降之服其居處飲食哭泣思慕一如其常期蓋禮有以權而制者苟能自盡居喪之責心亦可無憾也今薄海奏請勒令從前在任守制者雖喪期既滿仍令解任追服朕令羣臣守制者原以行於將來非以論其已往且時過事遠而勒令喪經三年於傳所謂喪事卽遠之義亦未有當至配享孔廟千秋禮教所闡典至鉅也兩漢傳經之儒久升孔廡後代復議繼之者且數數然也陳世倌乃連舉數人無乃輕率至若準噶爾侵擾藩屬部落我聖祖爲邊疆久遠之計設兵彈壓本非有耀武窮荒之意皇考念我軍屯戍日久彼國亦甚困弊故遣使宣諭減撤戍兵休養土馬皆因時制宜以撫綏中外陳世倌請修方畧意涉違迎如謂調兵籌餉之屬可爲後式則各部具有冊籍何用別爲一書凡此類皆無當於實用而有關於國體夫此數人者皆輿論所推服爲讀書人而久不見用者也今朕拔而用之而數人之識見若此陳奏若此豈不有愧於士林之清議與朕特擢之恩乎朕若因其妄行稟奏交部議處不爲無名但朕志切求言諸臣言雖不當不惟從寬免其體詞亦並不介意然不得明白訓示者恐無知之徒爭相效尤肆言無忌天下無識者之聽聞志慮未免爲所惑亂則所關於世道人心者非淺鮮故使言者自省而聞者知戒各務竭忠效誠指事當物以副朕諄切求言之本意○諭朕聞江南淮安府屬之桃源縣徐州府屬之宿遷縣睢寧縣濱臨黃河沿河地畝淹涸靡常雍正五年因朱家口潰決之水復循故道其舊淹田地始得涸出而河臣爲地規所欺遂以此地爲新淤之熟產睢寧縣報升地五千三十九頃宿遷縣報升地四千七十二頃桃源縣報升地三千八百四十二頃嗣蒙皇考世宗憲皇帝勤求民隱特頒諭旨以淤地勘報不實令河臣會同督臣委員查勘共淤地七千二百餘頃萬民感頌所有存留地五千七百餘頃俱照各縣成例折算實地三千五百餘頃科則亦經減輕其潼安一衛裁汰改歸州縣徵收乃比年以來應納錢糧仍催徵不前蓋此淤出之地畝卽舊有之糧田是以民力維艱輸將不繼也朕以愛養百姓爲心旣洞悉其中情事自當加恩開除以紓民力著將宿遷睢寧桃源三縣見存新淤涸復改科地糧額徵銀六千五百四兩全行豁免其雍正十三年淤地未完錢糧亦免徵收至水沈地畝仍照例歸於每年冬勘該部卽遵諭行○命喀爾喀每歲選兵三千屯駐鄂爾坤防秋又命扎薩克圖汗格勒克雅木不勒等於扎卜堪台西里等處仍設內卡座蒙古游牧無過察罕和羅等處○加楊名時禮部尚書

銜兼管國子監祭酒事係任吏部尚書○辛巳諭翰林以讀書為職業然讀書將以致用非徒誦習其文辭也古來制誥多出詞臣之手必
 學問淹雅識見明通始稱華國之選有裨於政事今翰詹官員甚多於詩賦外亦當留心詔敕掌院學士以下編檢以上可各以己
 意擬寫上諭一道陸續封呈朕覽既可以規其文藝之淺深並可以觀其胸中之蘊蓄倘有切於吏治民生者朕亦即頒發見諸施
 行則詞曹非徒章句之虛文而國家亦收文章之實用矣嗣後庶吉士散館後即照此例行○癸未諭翰林撰擬王貝勒貝子冊文
 如朕叔朕兄等皆呼為爾某於朕敬長之意未符此心有所不安凡遇叔兄等皆當稱叔稱兄自弟姪以下則用爾字永著為例○
 令宗人府查諸伯叔之子孫年未及封者挑在侍衛章京上行走○召吳騫來京以黃叔琳為山東按察使原任江蘇○甲申諭兩浙
 鹽務向來廢弛自李衛為浙江總督以來留心整理諸事妥協及李衛離浙程元章接任其性辦事迂惰鹽政漸不如前是以 皇
 考諭令布政使張若震暫行兼管前據張若震奏稱藩司之職經營通省錢糧頭緒繁多難以兼顧鹽務且緝私全賴官弁協力未
 免呼應不靈恐誤公事等語張若震准解鹽政之任俾得專心於職守大學士嵇曾筠見為浙江巡撫著照從前李衛之例改為浙
 江總督兼管兩浙鹽政其管轄地方節制官弁等事悉照李衛前例行總督既為浙江總督嵇玉麟著以閩浙總督銜專管福建
 事務朕聞浙省濱海之地向來鹽價每斤不過數文今加一倍且有不止一倍者小民甚為不便其如何先賤今昂之故大學士嵇
 曾筠可細心體察多方調劑使之平減俾商民均受其益又聞官弁兵役捕緝私鹽之時每遇大梟不敢過問往往縱之使去至於
 肩挑背負之窮民資以餬口者則指為私販重加懲處種種弊端不可悉數前降諭旨甚明尤當加意稽查實心辦理以除弊竇○
 免河南祥符等四州縣雍正十二年民欠○乙酉以二格為兵部右侍郎即左副都御史○丁亥命候考博學鴻詞人員每名月給膏火
 銀四兩○戊子尊 世宗憲皇帝陵曰 泰陵○己丑諭朕前以應付僧火居道士竊二氏之名無修持之實甚且作奸犯科難於
 稽查約束故酌復度牒之法使有志修行者永守清規而無藉之徒不得竄入其中以佛老之玷其情願違俗者量給贖產其餘
 歸公留為養濟之用此亦專為應付僧火居道士而言也名山古剎開戶清修者在所不問前降諭旨甚明見交與王大臣九卿會
 議乃聞外省傳述錯誤一切僧道皆有惶惑不安之意恐將贖產歸公遂爾弊端百出有將己身田宅詭寄他人戶下希圖藏匿者
 有謀屬書吏分立花戶詭名以多報少者有減價速求售賣變銀入囊者且有局外匪類從中借名索詐者夫此等僧道既謀利戀
 財如是揆之仙佛之法乃穢穢稂莠也即收其私囊歸公以養濟窮民亦何不可之有天下後世自有公論但朕之本意原以天地
 好生之心為心一物不得其所如己推而納之溝中此庸愚無知之僧道亦天下之一物耳朕何忍視同膜外况朕先所降旨甚明
 原以護持僧道而非有意苛刻僧道今觀伊等情形是愚昧無知被人恐嚇而不知原降之諭旨也著該部先行曉諭去其迷惑至
 於應付僧火居道士之贖產因無所歸著是以有養濟窮民之說究竟國家養濟窮民豈需此區區之財物亦不可不審查歸公此
 處著另議具奏○諭各省督撫無越次保題○達賴喇嘛遣使貢方物優賞之○辛卯以程元章為漕運總督○以杭奕祿為領

外內閣學士調補○王臣諭貴州軍營員弁著照舊其營例自副將以下准擬廣西酌量題補○准滿洲蒙古舉人補內閣中書○河南巡撫富德奏參前任督臣王士俊報懇多借輸累民得旨富德前因豫省開墾一事辦理不安民多怨言是以朕令王士俊解任來京於稠人之中特簡用爾為巡撫以冀其後實望汝竭力殫心秉公據實除從前之弊端收後來之利益俾豫民永永受福也今覽汝奏第一摺內則稱王士俊虛報開墾種數而第二摺內又稱豫省地畝隱匿者甚多除十二三兩年首報之外猶有欺隱與其恩施於查隱既明之後不若思遠於查隱未明之前可否特降諭旨嚴行豁免等語是汝同時兩奏而自相矛盾如是朕竟不解汝意之所在也夫無田有糧固為足粟而有田無糧亦豈國體汝果能公平寬厚辦理妥協自有以服百姓之心為地方久遠之計今乃束手無策不能辨其為繁為簡留塵去而巧為陳奏欲朕下一諭而免汝之查察以圖苟且了事人臣以忠誠事君者固如是乎且果係實在欺隱王士俊已查查出者朕方當獎賞王士俊以為汝等無能庸碌督撫之勸舉而委棄之可乎所謂公平之政非汝等婦寺之仁弱秩之才所能望也夫無才尚可無才而加以詐將何底止此事汝不能辦理又兼胸有成見無怪乎措置失宜敷陳巧偽也為今之計可將老荒及鹽灘河灘之地確無可疑者悉行開墾以慰民望至於夾荒地界在疑似者從容查訪不必急遽即欲定局俟布政使徐之琳到任時汝與伊熟商經理之或不至於大誤至豫省動輸銀兩既屬勉強可停其催交○雲貴總督尹繼善奏官兵攻克空稗等寨經略張廣泗奏攻克大小丹江暨高坡山苗等處均得旨嘉獎

三月乙未朔諭朕聞浙江紹興府屬山陰會稽蕭山餘姚上虞五縣有沿江沿海陸岸工程向係附近里民按照田畝派費修築而地根衙役於中包攬分肥用少報多甚為民累嗣經督臣李衡奏行府縣定議每畝捐錢二文至五文不等合計五縣共捐錢二千九百六十餘千計值銀三千餘兩民累較前減輕而為之者仍不免有借端苛索之事朕以愛養百姓為心欲使閭閻毫無科擾著將按畝派錢之例即行停止其陸岸工程遇有應修者著地方大員委員確估於存公項內動支銀兩興修報部覈銷永著為例

○丙申增設阿拉善山下滿州牧廠○戊戌諭陝西甘肅二省兵人屢年轉運軍需朕親批諭旨令許容寬裕料理勿使災民稍有失所乃許容不但無痾瘵乃身之意並朕旨亦不承遵朕意朕親何以稱撫接之職許容著解任來京巡撫員缺著劉於義署理○庚子赦汪景祺查嗣庭兄弟族屬何籍○辛丑諭各省鹽價昂貴每百斤自二兩四五錢起竟有賣至四兩以上者邊地百姓物力艱難僻壤愚民更為窮苦每因鹽價大賈有三年而終之事朕心深為軫念查該省鹽課除正項外有增添贏餘以備地方公事之用朕思贏餘之名原係出於民食充裕之後民食不充自無仍取贏餘之理著總督尹繼善悉心妥辦將贏餘一項即行裁汰務令鹽價平減縱使昂貴亦止可在三兩以下一著去贏餘之後公用有不敷處可另行酌議諸旨○壬寅諭朕聞奸宄不斂不可以安良善風俗不正不可以興教化閭閻之大害有兩一日盜賊三代聖王所不待教而誅者也二曰賭博干犯功令貽害父兄以視周官之罷民未履於法而繫諸嘉石收之罰之善罪有長矣三日打架即周公所謂亂民孟子所謂賊民也四曰娼妓則

朕卽位以來深知從前幸行之不善留心經理不過欲減去繁苛與民休息而諸臣又誤以爲朕意在寬遂相率而趨於縱弛如盜賊賭博之類漸已露其端倪而天津一帶鹽梟糾合多人肆行無忌若非總督李衛明曉政體參奏羣其爲地方之害正非淺鮮又如寬賦一事諸臣動輒以關稅爲言不知關稅正額本無害於商民其爲商民之害者乃胥役之需索額外之誅求耳胥撫大吏身任地方於此等事不能留心查禁以黠商因而但欲妄減惟正之供可乎見在各省督撫皆昔年 皇考簡用之人卽朕偶有除授亦係從前曾任封疆者乃當年條奏則專主於嚴而近日條奏又專主於寬以一人之身而前後互異如此是伊等胸中毫無定見並不計理之是非事之利病而但以迎合揣摩希冀保全祿位固結恩眷而不知大違乎 皇考與朕之本意適成爲庸鄙之具臣而已若循此以往不知省改勢必至禁令廢弛奸宄復作良善受其擾害風俗漸就澆漓將我 皇考十三年教養整理之苦心功虧一簣此朕心所大懼者不得不懇懇過慮懇切告誡繼自今務去偏私之鋼習各以大中之道佐朕辦理天下事務永底平康之治若因此諭又復錯會意旨以嚴刻苛細相向則識見更爲庸劣其谷不可道矣可將朕旨各書一道密寄各省督撫其中才識兼長不蹈此弊者原不乏人毋庸朕旨訓飭戒勉但伊等既任封疆之重均有化導屬員之責亦一併傳諭知之○命鄂爾泰張廷玉等舉翰林科道部屬內品學兼優者考覈試差○丙午諭江南長江一帶向有貢獻鱗魚之例至康熙年間停止因而地方改爲折價向網戶徵收解充地方公用乃歷年既久或網戶改業或移徙他方展轉牽連又加胥吏借端苛索遂致沿江捕魚之人代受追呼之累朕思當年 聖祖仁皇帝停止貢鮮乃愛惜民力之至意何用此些須折價煩擾小民若該督撫查明豁免永著爲例○頤十三經二十一史於各省會及府州縣學○設盛京宗學覺羅學○戊申諭兵部尚書傅鼐朕聞今科會試遺卷內尚有佳卷目今場事已竣朕於科場事宜不能深悉應如何加恩增中之處爾可會同大學士鄂爾泰朱軾議奏○癸丑命續修國史○命鄂爾泰等取會試薦卷三十卷年老舉人試卷五卷准一體殿試○福建按察使覺羅倫達禮請定遇赦人犯再犯罪名條例 上曰遇赦人犯如再犯加倍治罪之旨係恐其再犯使之知儆勉爲良民耳朕何忍薄待吾民與定一例以待人之再犯乎○甲寅以索柱爲左副都御史仍兼內閣學士○乙卯諭廣東山海奧區貧民多以捕魚爲業各縣俱有額徵漁課爲數無多相沿已久後因歸善縣不肖知縣私取陋規加於額徵十數倍遂經無臣定議加增漁稅一千餘兩作爲贏餘而海豐惠來潮陽三縣亦仿照加增海豐縣則增至四千餘兩惠來縣增至五百餘兩湖陽縣增至七百餘兩朕思粵東山多田少小民生計艱辛故以捕魚爲養贍之計今他縣漁租皆仍舊額而歸善等四縣獨徵收加重恐漁民輸納維艱非國家愛養黎元之意著將四縣加徵之數悉予豁免仍照原額徵收其捕魚小船尤不應在輸稅之內再查粵東有墾租一項亦民間自收之微利前經地方官通查歸公爲湊修圍基之費今圍基既動公項銀兩修築則墾租一項亦著一體免徵以免閭閻之煩擾該督撫轉飭有司實力奉行毋使好胥地棍借端私取致窮民不得均沾實惠○諭昨據尚書傅鼐奏稱各省來京會試舉人內有年歲七十八十以上者四十餘人志切觀光可否酌量加

恩錄用朕因合查落卷之大臣等一併簡閱續取中五人其餘未取者交與禮部驗看酌量分別作何賞給職銜之處妥議具奏此等年老舉人朕格外加恩乃一時之曠典在伊等無心遭過則可若心存希冀強赴公車以致貽首寒儒跋涉辛苦既啓優倖之心亦非朕愛士恤老之意此事後不為例著禮部通行曉諭知之○丁巳宗人府議處果親王允禮於三月初一日 皇上親詣

堂子安棹祭祀時託病不到應照例削去王爵奏入得旨允禮原應照所奏治罪但伊自辦理部務以來尚屬勤奮著免其削去王爵將特恩賞給親王之雙俸裁去並將加給一倍親王之護衛官員及護軍馬甲撤回○戊午命雲貴川廣福建舉人未經中式者著照雍正十一年例揀選○頒 聖祖仁皇帝御製周易折中性理精義朱子全書 欽定尚書傳說彙纂詩經傳說彙纂春秋傳

說彙纂儲於太學刊示諸生○命修舜陵並設歷代帝王各陵陵戶○己未諭劉於義奏許啓盛董仲俱非常赦所不原請准其贖罪朕前因官箴有關名器仕途不宜冒濫是以降旨停止捐納至於贖罪一條原係古人金作贖刑之義况在內由部臣奏請在外由督撫奏請皆屬酌量情罪有可原者方准納贖其事尚屬可行嗣後將贖罪一條仍照舊例辦理○辛酉諭士子倚恃青衿抗欠

國課定例禡革追比原以懲戒不率使知禮法至革後如能清完者准予開復所以廣自新之路也今直省所有雍正十二年以前舊欠錢糧俱已豁免此等革生內容有所欠錢糧亦已陸續完納止緣尾欠未清未曾循例開復而所欠又奉豁免之恩詔遂令所革衣頂永無開復之期情殊可憫著各督撫轉飭各州縣查明前經欠糧革退之舉貢生監等實係抗欠不完禡革之後並未完納

者仍不准開復若所欠錢糧曾於革後陸續完納止有未清之尾欠而適逢赦免之恩詔將禡革之案准其開復俾得改過自新並將姓名登記檔冊備此次邀恩之後將來再有抗欠之事著該督撫嚴參治罪○壬戌吏部議覆御史鍾衡奏請加國子監從八品助教為從七品正九品學正從九品學錄為正八品正八品監丞加為正七品從八品博士加為從七品滿洲蒙古助教等缺品級均歸畫一應如所請從之○癸亥諭提督總兵出境照例具題無許擅離汛守○降圖理琛為內閣學士以杭奕祿為工部侍郎○

甲子張廣泗奏報合攻牛皮箐苗寨首逆就獲投勒餘黨無算

夏四月庚午禮部遵旨詳議清釐僧道之法請令順天府奉天府直省督撫轉飭該地方官於文到三月內將各戒僧全真道士年貌籍貫焚修處所清查造冊取具印結申送彙齊到部發給度牒轉飭地方官當堂給發各僧道收執遇有事故追出彙繳嗣後情願出家之人必請給度牒方准簪剃受戒如有信名影射及私行出家者查出治罪至於應付僧人令地方官一體給與度牒若不願受戒者即行勒令還俗其中老邁殘疾既難受戒又難還俗者查實給與度牒看守寺廟以終天年又如深山僻壤不能遠出受

戒及俗家並無可歸者亦姑給與度牒仍另行註冊永不許招受生徒至清微正一道士除龍虎山上清宮由真人給與印照各直省清微靈寶道士仍給部照毋庸給牒外火居道士俱令還俗年老不能還俗者亦暫給部照永不許招受生徒又尼僧亦應照僧道之例願還俗者聽其還俗不能還俗者亦暫給度牒永不許招受年少生徒嗣後婦女必年逾四十方准出家年少者嚴行禁止

傳爲湖北巡撫右○乙亥命保舉賢良方正○丁丑諭山東泰安州香稅朕已降旨豁免近聞湖北太和山凡遠近進香者亦

有香稅一項小民虔禮神明止應聽其自便不宜徵收香稅以滋擾累所有太和山香稅著照泰安州之例不行豁免○命歸化城

設立養濟院○戊寅召楊祕來京以王士俊署四川巡撫田兵部○庚辰以隋人鵬爲河南按察使由沙○辛巳以貴州提督哈

元生遲誤軍機命拏解來京○裁直隸副總河以總督兼管河務○壬午諭捐納候選之貢監舉人仍准鄉會試○諭部員奉差學

政闕缺後仍准推升○癸未命各部降革漢司員開復後准通算前俸○以陳惠榮爲貴州按察使由江西廣德○丙戌諭八旗爲

國家根本從前敦崇儉樸尙敦龐風俗最爲近古迨承平日久漸卽侈靡且生齒日繁不務本計罔思節儉朕卽位以來疊沛恩

施無非欲令其家給人足反撲遠瀆惟是曠典不可數邀亦不可常恃儻伊等不知痛改前非仍蹈覆轍則是下愚不移自取罪戾

可通行曉諭官兵人等其各敬聽朕言無負期望○戊子賜金德瑛等二百四十四人進士及第出身有差○辛卯諭從來經學盛

則人才多人才多則俗化茂稽諸史册成效昭然我 皇祖聖祖仁皇帝道隆義項學貫天人凡藝圃書倉靡不博覽而尤以經學

爲有才 御纂周易折中尙書彙纂詩經彙纂春秋彙纂等編又有朱子全書性理精義正學昌明著作大備我 皇考世宗憲皇

帝至德同符孝思不匱特敕直省布政司將諸書敬謹刊刻准士子赴司呈請刷印蓋欲以廣 聖教振儒風甚盛典也乃聞各省

雖有刊板而士子刷印寥寥蓋由赴司遞呈以俟批發既多守候之勞且一生所請不過一部斷不能因一部書而特爲發板開刷

士子所以欲多得書而其勢不能也朕思諸書實 皇祖惠教萬世 皇考頒行天下之典籍安可不廣爲敷布著直省撫藩諸臣

加意招募坊賈人等聽其刷印通行審覈嚴禁胥吏阻撓需索之弊但使坊賈皆樂於刷印斯士子皆易於購買庶幾家傳戶誦足

以大廣厥傳朕又思 聖祖仁皇帝四經之纂實綜自漢迄明二千餘年羣儒之說而折其中視前明大全之編僅輯宋元講解未

免庸雜者相去懸殊各省學臣職在勸課實學則莫要於宣揚 聖教以立士子之根柢每科歲案臨時豫飭各該學確訪童生中

有誦讀 御纂諸經者或專一經或兼他經者開名册報俟考試文藝之後該學政就四經中斟酌舊說有所別異處摘取數條另

期發問止令依義條答不必責以文采有能答不失指者所試文稿平順童生卽予入泮生員卽予補廩以示鼓勵務宜實力奉行

以副朕尊經育才之意○壬辰布魯克巴都諾顏林沁齊皇喇卜濟親至西藏恭請 聖安並賈方物恩賞有加○癸巳免江南阜

甯等州縣雍正十二年遺賦○吏部議准署湖廣總督通柱奏湖南上崗下崗茅岡大刺等處改土歸流上下二崗請歸桑植縣轄

大刺歸龍山縣轄茅岡歸永定縣轄從之

五月戊戌諭據兩廣總督鄂爾達奏本年二月內欽奉上諭凡行鹽地方大夥私販自宜嚴加緝究其貧窮老少男婦挑負四十斤

乃省城各處竟有梟賊成羣手執印刷小票稱奉廣東按察司明示許令販私不服盤查及查白映棠告示竟未遵奉諭旨分別老幼混稱貧難百姓四十斤以下者不許緝捕儻敢私自查緝許被害之人指名赴本司衙門控告等語以致強壯奸徒無不藉口貧民公然販私成羣結黨目無法紀白映棠以刑名之官攬越鹽政率意妄行逞私債事其咎難道理合奏聞臣今酌定規條凡有近場實在貧難無可資生之人如年過五十以外或在十五以內及並無依靠之貧獨老婦許其挑負四十斤以下在本境易米度日不許透越外境違者以私鹽論該場埠巡丁如有將貧難合例之人騷擾盤查者即以誣指平民販私治罪其有年屬壯強者即四十斤以下仍以私鹽究擬若有人鹽並獲審非大夥私梟仍照舊例立即詳結不得株連至見設之巡丁巡船其界連場地者必須扼要巡查不便槩行停止又如廣西銷鹽各埠以及界連交趾私鹽衝賺之鎮安等處再福建之長汀江西之甯都皆大夥私梟出沒之地亦難遽行停止仍請照前設立惟有責成各地方官隨時稽查備有生事擾民者嚴加懲治等語朕因各省鹽務向來辦理未妥不自官吏往往縱放大梟拘拏小販以致濱海近場之窮民藉肩販以度日餬口者胥受擾害是以諭令寬其禁約毋許苛求原以惠養貧民並非縱容匪類聽其作奸犯科也豈知無賴之徒妄稱奉旨肆行無忌在直隸則有天津之事在江南則有鎮江之事在廣東則有廣州之事遠近一轍不約而同若不速加嚴懲則各處聞風效尤將大為地方之擾害李衛之嚴密查拏鄂彌達之據實參奏此二人辦理乃深知朕心而洞悉政體者若天下督撫皆似此居心而不存觀望之念秉公執法則兇暴咸知斂迹必無長奸貽患之慮鄂彌達著交部議敘其鹽務條規即照所奏行白映棠職司刑憲不特禁約私梟反出示給票縱民為匪甚屬溺職著解任來京候旨朕自臨御以來時時以我 皇考愛養百姓之心為心凡從前官吏之奉行不善涉於煩苛者皆次第革除務期與民休息若天下民人體朕此意改過遷善化頑為良則朕寬大之政可以永遠施行此天下臣民之福即朕之福也今則不然即於私鹽一事朕本欲酌寬其禁以養恤窮黎而奸民乘機伺隙結黨呼羣凡向來之畏法而不敢輕犯者今則公然肆橫無所憚懾觀此情形是奸頑之民不容朕行寬大之政也朕為天下主惟有執兩用中期與天下臣民休養生息以成久道化成之治豈肯姑息養奸貽風俗之憂釀閭閻之患哉為此切切曉諭俾遠近百姓各自醒悟洗心滌慮務為善良奉公之民以承受朕恩著各省督撫將朕此旨刊刻頒布務令遠鄉僻壤咸共知之○己亥以王恕為廣東按察使由江安○庚子論國家以科目取士廷試之後分別任用或選授庶常或分部學習或以縣令銓補此因材器使之道欲令士子各展所長裨益政治原非有用舍去取於其閒也聞向來士子因詞林地望資格優於外任每以得預是選為幸及至引見後輒於內用外用妄生計較此狂於習俗見聞之陋而於朝廷優待士子之心實未深悉蓋今時縣令所轄土地人民等於古者侯伯子男之國撫綏經理實賴通材故親民之官所繫最重果其材猷政績卓然表著類皆不次超擢膺其任者何得不力圖報稱而更生企羨乎若身預詞林之選者其名實尤難相副蓋文

意至於在部學習人員分曹佐理各有攸司當念外省官吏措置偶或失宜尚有內部爲之較正至部中所定章程一經奏准通行將來卽引爲成例稍有舛錯貽誤不少安得不倍矢精勤期免隕越總之百司庶府悉非營利之階梯政事文章各有當修之職業務宜屏除私意勉效忠良庶幾識見日增堪爲日著士風吏治漸臻上理朕實於爾等有厚望焉○諭朕因李紱保舉新進士過多又聞伊在朝班將新進士派令九卿保舉特降諭旨詢問今據李紱奏稱同在朝房有諮詢擬議者從旁勸助臣實有之且曾向趙之垣言及新進士原承欽文藝頗工勸其保舉等語是李紱將伊私人派令九卿保舉之處已自認不諱伊又稱懷承訓誨惟有承絕妄言等語朕卽位以來並未因臣工多言卽加以處分者今李紱明係妄舉乃自謂妄言避重就輕希圖蒙混著交部嚴加察議尋降補○辛丑命改進士單月選班銓選舉人○停止山西巡察○吏部議覆兵部侍郎吳應棻奏督撫衙門設七品幕職二員兩司設八品記室二員三年一考報部存案六年考滿送部揆選道府州縣設一九品掾司申報督撫本人有出身者計考先用本官降革不准與考本官以職階不能救正定議處分後官得辟留前任幕賓升調亦可帶往他省等語查各省督撫幕賓雍正元年奉 旨令分別保題議敘布按二司爲通省錢穀刑名之總匯應准照督撫之例分別保薦其道府州縣各員到任卽將幕賓姓名籍貫申報督撫存案六年勤慎無過辦事幹練准令本官出考申送各該督撫詳加考覈具題議敘濫行保舉照例議處至各衙門幕賓既未設有定額去留來往聽其自便從之○壬寅諭朕聞河南彰德一府七縣共漕米三萬餘石而臨漳縣辦米三分之一他邑每畝徵米四五合或七八合不等獨臨漳每畝徵米一升三合有奇從前兌糧水次在臨漳境內同陸鎮是以額徵本色獨多今水次移在湯陰縣五陵鎮臨漳運米必越安陽湯陰地方始到五陵且地方產米無多漳民辦運維艱等語朕思臨漳所辦漕米果多於他邑小民不無苦累若欲減運又有關於額賦其可否照附近水次之安陽湯陰等縣則例撥徵米起運其餘改徵折色之處著傳諭巡撫富德查明酌議具奏○癸卯諭三代以前不言水利溝漕之制時蓄洩備旱潦尙書周禮所載爲田功計若其利甚溥開渠引水溉田育穀始於戰國蓋因阡陌既開溝漕尋丈已失其舊也歷代言水利者得失參半總以相土宜順水勢近不擾民遠可利人爲主今江南所屬蘇松常鎮四府太倉一州見在興修支河激河工海塘之例督撫分委降革廢員及本籍候選考職人等效力承修朕思渠港圩壩附近溉田原宜開濬以備旱薄但開濬之法須河身深廣蓄洩得宜其挑取淤泥遠移他處或培窪下之地或築隄岸之上方爲久計若雇夫挑土堆貯河旁兩淋水濘旋卽入河不久淤塞務名無實徒滋煩擾至古隄舊渠僅遇旱潦不爲田害便宜仍舊紛更改築甚無謂也今蘇松等處內地支河原不比河工海塘之險古隄舊渠如元和至和等塘民利往來田資灌漑至今受益吳本澤國三江震澤支流四溢如邱與權單調郝重趙霖夏原吉周忱等所論水利考據精覈得失瞭然今效力承修人員相度形勢諳練自選前人儻有夾塘蓄水石梁洩河止宜加修不必改築若有必應開濬建築之處督撫留心細勘並飭州縣協辦工程一應調遣指臂易使至長洲等州縣接款派錢以供大修朕已降旨停止儻有官吏藉端中飽及絲毫派累經朕

訪聞必加嚴處嗣後督撫以至州縣建言為民興利或利小而害大或利在目前而害伏於後或有利無害而其事易創難成皆宜詳審熟籌慎之於始以體朕惠養元元至意○甲辰諭聞山東青州府益都縣有前明廢藩更名地一項在當日為藩封之產不納課糧招人承種輸租各佃止更姓名無吝過制謂之更名地較之民糧多二倍至四倍不等在當日居民投靠藩勢借佃護身積漸增加沿為陋例今則同為民田而納糧尚仍舊額名為欽租地糧多賦重小民輸納維艱朕心軫念著將欽租名色裁革照依該縣上等民地按畝承糧每大畝納銀二錢一分零每小畝納銀六分四釐零歸入民糧項下一體徵收俾循惟正之供永除偏重之累○諭朕聞各直省鹽政辦理之法各異如雲南所產井鹽俱係府州縣領銷派定額數由各鹽井領運分銷辦課不許越界販賣通行已久但府州縣繁簡不同民間生齒多寡不一凡兩道衝繁之處人民輻輳不難照常銷引閒或缺鹽借之鄰近州縣協濟其山僻州縣鄉村寫遠居民鮮少地方官恐蹈鹽壟之咎關礙考成遂將鹽斤分派里甲挨戶分食官鹽按限繳課名曰煙戶鹽小民家口多者可以照數納銀若貧民家口無多餘鹽未會食盡及期催追前課未完後派之鹽又至展轉積累懸欠難償夫鹽為小民日用必須之物慮民違涉是以因地制宜不徒為銷引計也乃一則患鹽之不足一則患鹽之有餘俱非均平之道著該督撫酌量變通悉心妥議務使官不墮銷民無偏累毋得拘於成見又聞雲南陸涼州地方馬廠等處瀕水低窪以樹藝升科未久其徵收夏糧秋稅有無累民之處該督撫一併查議具奏○丁未諭河南永城縣地方本年四月黃水忽發從江南陽山縣南下衝坍申公隄等處已切諭豫省巡撫加意賑恤潘家道口一帶地方年來屢遭水患自應亟為疏通但此水下流多在江南宿虹等州縣若止挑濬上源則水無歸宿著河南巡撫會同江南總督總河勘辦○命州縣修建六房公廨○庚戌諭江南浙江大吏化導士民痛改奢靡積習○免會靜張熙親屬緣坐○壬子命河南河副總河移駐徐州○乙卯諭朕聞宣化府屬之懷來縣僻處山邊向有保字號墾荒地七十一頃徵糧八百六十餘石始於前明時防禦邊患募兵戍守即以近山地土令其耕種每軍土一名種地五十畝者准作半年糧六十種地一頃者准作一年糧十二石彼時應募屯軍不過圖免本身雜差遂不計地之多寡荒熟今歷年既久其間有地荒而糧存者有地少而糧多者官民不免貽累之苦且該縣徵糧科則上地每畝徵糧五升六合中地三升六合獨此項地土則每畝徵糧至一斗二升民力尤難輸納著該督委員確查將山地不可耕糧無所出者共計若干奏聞豁免其可以耕種之地則按照本縣科則分別定議俾邊塞黎民永沾實惠○暹羅國王參立拍照廣拍馬噶六坤司尤提雅普埃表謝 欽賜扁額並貢方物賞賚有加○丁巳諭刑部審訊出差朝鮮國正使兆德副使釋伽保知伊等須詔彼國時於餽遺正禮外復照舊日朝鮮陋例開都請別請兩單私行授受自認不諱朕已降旨將兆德釋伽保交部嚴行治罪因思朝鮮歸順我朝恪守藩封之職蒙我 列祖 皇考怙冒深恩至優至渥即如貢獻一節亦屢經裁減厚往薄來無非加惠遠人之至意朕即位以來又將該國餽送使臣禮儀令減半以示體恤乃兆德等於正禮之外復受陋規其罪固不可道而該國王即照陋例應付亦屬不合若該國王能體朕心自當以恪遵諭

旨爲恭順不當以私厚使臣爲恭順也者禮部行文與該國王嗣後凡有使臣奉差被國務宜遵朕前旨將體送正禮知銀兩物件之類裁減一半至陋規所有都請別請等項悉行禁止不得私與一件既干功令復負朕懷遠之恩○己未諭朕夙夜孜孜任賢圖治惟期內外大小臣工共砥廉隅以襄邇理今列茲庶位者讀書科目之人不少正宜宣力國家以副朕望迺人品不齊拜官除職之際竟有不念官守之當如何而盡政事之當如何而舉輒咨問於缺地之豐蓄計較於養廉之多寡者士大夫聞之毫不爲怪民可慨歎抑或身任繁要而致羨於優閒或位列清華而垂涎於豐庶豈先資拜獻者之所宜出此哉董子曰正其誼不謀其利明其道不計其功士子稽古入官當以遠大自期安可謀食懷居甘自菲薄且朝廷設官各有分司惟當各盡職守主錢穀者必許出納之數理刑名者必諳律例之條大僚有恭儉惟德之思一命有存心愛物之志豈可萌出位願外之妄想自曠當官之職業哉爲諸臣者務宜痛自儆省咸思精白乃心靖共爾位不負讀書二字嚴義利之界立廉恥之防庶幾風俗古而人心端斯吏治清而民生厚朕實有深望焉○庚申諭朕前訪聞得原任江西巡撫常安同京船過仲家淺開口於不應放開之府嚇令開關讓從多人關官畏其威勢躲避不敢過問常安遂行越漕起板將船放行朕隨傳旨詢問常安伊乃多方掩飾蒙混回奏朕復降旨詢問總河白鍾山令其據實奏聞今據白鍾山奏常安於三月開船過仲家淺關僕從多人勒令開夫起板放船關夫不敢私起伊家人復扭關夫蜂擁關署倚勢嚇偏凌辱關官以致關官躲避常安遂起板前行反將關夫掌嘴洩忿又常安盤至安山關時伊家人兩次到關喝令起板關官任其無狀不敢違例放行等語常安身爲大臣於朕卽位之初輒敢橫行如此此皆 皇考臨御時所未經見聞者及朕降旨詢問伊復枝梧巧飾不將實情陳奏甚屬可惡常安著革職交刑部及伊生事家人一併嚴審定擬具奏朕御極以來見從前內外臣工不能仰體 皇考聖意諸凡奉行不善遂有流於刻覈之處是以去其煩苛與民休息並非寬縱廢弛聽諸弊之叢生而置之於不問也而內外臣民不喻朕意遂謂法令既寬可以任意疏縱將數年前不敢行爲之事漸次干犯即如鹽禁稍寬乃朕優恤窮民之意而直隸江浙閩廣諸省私梟鹽棍輒敢招集無藉之徒肆行無忌見在查拏究處然此不過編戶小民不能深悉朝廷德意一時觸法犯禁猶可云愚昧無知至於常安乃封疆大吏豈不知憲典之當遵而亦爲此市井跋扈之舉乎朕看此等情形天下臣民竟有不容朕崇尚寬大之勢傳曰寬則得眾易曰元者善之長也朕以天地好生之心爲心豈肯因一二無知之輩卽自改其初志但治貴得中若於玩法之徒亦用其寬則所謂積莠不除將害嘉禾儻不速爲整理恐將來流弊無所底止是以近日處分工工數案如李紱之濫舉進士朕卽將伊降級調用勵宗萬之擅將監場御史咨送吏部處分福敏之辦理廢員推諉遲誤朕卽將伊等交部嚴察議處又如王常出口多騎驛馬數匹乃總理事務王大臣偶爾疏忽亦見在吏部察議蓋此等事件在 皇考時或可格外從寬而朕此時辦理則不便稍有假借良以玩忽縱肆之風漸不可長此風一長則寬不成其爲寬而民反有受其累者如李紱勵宗萬之事卽營私作弊之漸常安之事卽目無功令之漸懲一儆百爲治之道固當如是朕豈忽變而爲嚴刻者哉大

凡人臣居心惟當以義理為權衡而不可稍存迎合之見君所謂可臣或以為否君所謂否臣或以為可雖明旨已降尚不可依違遷就而况妄行揣度以為迎合乎且妄行揣度亦未有不至於大誤者即如 皇考當日至仁如天寬大慈祥慮懷保時時以百姓為念上年朕奉 命辦理苗疆事務時 皇考憫恤黔民至於墮淚此朕與著王大臣所親見者其他不可枚舉乃臣下妄行揣度頗以 皇考意主於嚴此豈能知 皇考之聖心者數月以來又復妄行揣度以朕意在於寬是豈知朕之存心者若見朕於常

安李紱輩玩法營私之不少假借輒復妄行揣度以朕欲轉寬為嚴而於辦理兵民之事有意過刻致百姓或有失所是則私心蔽細識見卑汚其罪更不可追矣總之治貴得中事求當理不當寬而寬朕必治以廢弛之罪不當嚴而嚴朕又必治以深刻之罪內

而九卿百職外而督撫庶司咸當洗心滌慮各加儆省毋蹈前轍自干咎戾朕之百姓可以永久受朕寬惠之澤矣事關上常

免寬諭朕聞甘省以糧載丁從前辦理未善致多偏枯屯民甚屬苦累見有民戶丁銀攤入屯戶者九千二百二十五兩屯戶輸納維艱朕心深為軫念再四思維此種丁銀乃國家惟正之供並非無著之項止因從前岳鍾琪任意增減遂致苦樂不均今應酌籌變通之法以惠甘民著將此多攤九千餘兩暫為豁免下屆編審之時將平慶臨鞏四府及新改直隸之秦階二州所屬各州縣新編人丁應完丁銀均勻攤入民地糧內漸次補額即分作二三次編審逐漸補足亦可務令徐徐增補以紓民力俟補足之後

即行停止永不加賦著署督查即阿劉於義悉心妥議辦理朕又聞康熙五十七年伏羌通渭秦安會甯等縣及岷州衛有地震傷亡缺額之七千六百八十丁該銀一千四百八十六兩有零人口既無丁銀自應蠲免乃岳鍾琪亦攤入田糧之內尤屬錯謬著該督等即查明豁除毋貽民累朕又思甘省從前多係衛所管轄屯戶其屯戶額徵悉係糧料草束為兵丁必需之物是以蠲免地丁

時此項不在蠲免之內惟雍正十年 皇考格外加恩將民戶屯戶應徵各色糧草一槩豁免此從來未有之曠典也朕意民屯均為赤子所當一視同仁兵食或不敷再當別為籌畫嗣後遇有蠲免地丁之年著將屯戶應納之糧草蠲免三分之一永著為例

○頌 聖祖仁皇帝御製律歷淵源於直省學宮書院○命直省州縣門軍毋以里民充○癸亥命科道內升外轉未得缺之先仍

准食俸辦事○經略張廣泗奏捷勦大菁擒獲首兇並回兵辦理內地情形得旨寬勵奏報捷勦逆苗之事已有八九分就緒曷勝欣慰此皆卿調度得宜將士奮勇之所致也在事人員應各詳記俟事定後朕皆加恩賞賚趁此兵威大振之時切不可有欲速圖

功之志善後事宜切須計及萬全莫復遺後日之慮有人建議以為牛皮大菁係逆苗窟穴恃以為惡之一道若趁此兵力將大菁用火攻之法焚毀無遺則永無逆苗之害云云不知可行與否矧其酌量○江西巡撫俞兆岳奏民間斗斛之制宜畫一禁演扮淫

戲以厚風俗等語得旨王者之道同律度量衡蓋以此民間日用最切之事而風俗之所關也宜令畫一之奏是不可有欲速之心致民間有所不便則得矣先王因人情而制禮未有拂人情以發令者忠孝節義固足以興發人之善心而嫫褻之詞亦足以動人

心之公憤此鄙衛之風夫子所以存而不刪也若能不行抑勒而令人皆喜忠孝節義之戲而不觀淫穢之齣此亦移風易俗之一

端也治諸姑行之

六月甲子朔諭古者鄉學之秀始升於國其時諸侯之國皆有學今府州縣學並建無遞升之法國子監雖設於京師道里遙遠四方之士不能胥會則書院即古侯國之學也居講席者固宜老成宿望從遊之士亦必立品勤學爭自濯磨俾相觀而善庶人材成就足備朝廷任使學臣三年任滿諮訪考覈如果教術可觀人材興起各加獎勵六年之久著有成效奏請酌量議敘諸生中材器尤異者准令薦舉一二以示鼓勵○加禮部堂官雙俸○調揚汝穀為戶部侍郎以姚三辰為兵部侍郎由內閣○丁卯諭國家制科取士經義代聖賢立言當循循矩矱先民是程非四子六經濂洛關閩之粹言不可闕入前蒙 皇考世宗憲皇帝特降諭旨以清貢雅正為主誠以文品人品恆相表裏雅鄭之分淄澠之別辨之不可不精也主司務矢公矢慎以襄盛典○諭朕御極以來日理萬幾早夜孜孜惟恐政事稍有曠廢屢頒諭旨訓誡臣工務期百度具舉無稽留滯之弊以副朕勤精求治之心近因天氣炎暑聞八旗六部大臣惟恐朕躬煩勞欲將當奏之事擇其緊要者奏聞引見之人擇其緊要者引見其餘則俟之秋涼之後此則不知朕心者朕辦理天下事務寒暑有所不避豈肯自圖晏安况批閱奏牘引見官僚亦不至過於勞瘁即彼引見之人雖受暫時之熱而得早被錄用諒亦不以為苦嗣後可照常奏事引見不必有意減少○禮部議覆山東巡撫岳濬奏奉旨修葺堯陵廟宇因備精史傳俱稱堯陵在濮州境內東平一陵實屬沿誤應移東平堯陵估計重建工料改建濮州堯陵等語按呂氏春秋兩漢志水經注文獻通考堯陵在漕濮間無疑考一統志所載亦俱相符其祀堯於東平州者緣金末河決舊迹無存明洪武間始於東平葺陵建廟應令該地方官確勘濮州城東南六十里穀林舊址詳加料估動項興修於陵前設堯母靈臺祠配以中山夫人悉如舊制逢祭告大典遣官行禮東平一陵有司以時展祀從之○戊辰諭各省學政俱已賞給養廉資其用度惟雲南舊有文武新生餽送費儀數金之例足敷公署之用相沿已久是以未曾議及養廉朕思新進寒士即指辦數金仍屬拮据此項應行禁止其學政養廉著每年另賞銀四千兩於司庫銅息內照數支給永著為例○命各省提督總兵進京照舊撫例不必赴部投文○己巳禁私造烏槍○命修築貴州苗疆州縣城垣○以慶復署吏部尚書仍兼管戶部事務○辛未諭易名以諡古之制也自周公定為諡法後世帝王未有無諡者明建文為太祖之嫡孫繼承大統在位四年固儼然天下共主矣及成祖既立有其天下並去其年號而史官所書則仍稱為建文元年二年三年四年此國之所賴有信史也然不繫之以諡而稱之曰建文皇帝此俗稱非史體也傳之後世殊為譏典考之太祖有元之天下而諡元主為順帝我 世祖章皇帝代明之天下而諡明主為愍皇帝雖更姓改物之君尚且追諡而無所嫌忌况當其世者乎宏治以來如楊循吉諸人屢以為諡追寤不行皆以後世子孫席有成祖之業故不敢變亂舊章而不感其貽議來世也我國家諡崇禎而不諡建文者以明史未竣非當時所急今史書既成若不及此追諡良為遺憾著大學士九卿會議確擬具奏候朕親加裁定○定江南水利歲修○癸酉授張廣泗貴州總督兼管巡撫事以尹繼善為雲南總督專辦雲南事

州料進善領文事 ○以劉統勳為內閣學士 由魁 ○甲戌頒工部見用營造官尺式於直省凡工程俱用部頒 ○乙亥革提督衙門

白役 ○丙子諭明罰教法國之大典而肆赦所加原以昭法外之仁也恩詔之頒期以息事甯人使遠邇咸知遷善改過共為良民

以成太平之治聞各省於一切案件仍行提審駁審嚴刑酷吏恣意株連使無辜之人困於囹圄細微之時刻為鍛鍊含冤稱屈所

在多有夫罪名未定案情未協或仍有須審詳者但既非犯在不赦則斷識亦易成招若使合於款款之人不得即邀赦免之澤而

已酷刑斃命或因拖累破家則後即審明援赦亦已無及是朝廷已生全之而有司故戕害之貌視功令殘虐民生莫此為甚且頒

詔之後已逾半年而題結咨結批結之案尚屬寥寥遲玩已極著刑部即行文各該督撫速行嚴飭各屬立即詳慎查明逐一詳報

歸結省釋如有仍前濫刑極累及詹延滋弊以阻抑國家德意者一經察出罪有攸歸斷不輕貸即刑部所有案件亦應速為剖晰

勿致沈閣以副朕哀矜庶獄之意 ○己卯諭旨我 皇祖聖祖仁皇帝闡明經學嘉惠萬世以大全諸書駁雜不純 特命大臣等

纂集易書詩春秋四經傳說 親加折衷存其粹去其枝蔓頒行學校昭示來茲而禮記一書尚未修纂又儀禮周禮二經學者

以無關科學多未寓目朕思五經乃政教之原而禮經更切於人倫日用傳所謂經緯萬端規矩無所不賅者也昔朱子請修三禮

當時未見施行數百年間學者深以為憾應取漢唐宋元以來註疏詮解精研詳訂發其義蘊編輯成書俾與易書詩春秋四書並

垂永久其開館纂修事宜大學士會同該部定議具奏 ○諭國家以經義取士將使士子沈潛於四子五經之書含英咀華發摠文

采因以覘學力之淺深與器識之滄薄而風會所趨即有關於氣運誠以人心士習之端倪呈露者甚微而徵應者甚鉅也顧時文

之風尚屢變不一苟非明示以準的使海內士子於從違去取之介曉然知所別擇專意揣摩則大比之期主司何以操繩尺以度

羣才士子豈能合矩矱以應投羅乎有明制舉之業體備各種如王唐歸胡金陳章黃諸大家卓然可傳本朝文運昌明英才輩出

劉子壯熊伯龍以後作者接踵莫不根柢經史各抒杼軸此皆足為後學之津梁制藝之科律者自坊選之禁垂諸功令而大家名

作不得通行士子無由觀斯文之炳蔚率多因陋就簡剽竊陳言襲取腐語間或以此俸獲科名又展轉流布私相效馴至先正

名家之風味邈乎難尋所繫非淺鮮也朕欲哀集有明及本朝諸大家時藝精選數百篇彙為一集頒布天下以為舉業指南學士

方苞工於時文著司選文之事務將入選文逐一批抉其精微與窾之處俾學者了然心目間用以奉服摩擬再會試鄉試墨卷若

必俟禮部刊發勢必曠日持久士子一時不得觀覽嗣後應弛坊間刻文之禁儻果有學問淹博手眼明快者不拘鄉會墨卷房行

試牘准其照前選刻但不得徇情濫薦及狂言橫議致釀惡俗朕實嘉惠士子望各精勤厥業以底大成尙悉敬體朕意共相勉勉

○諭朕惟州縣為親民之吏自宜廉平不擾慈善循聲乃獄訟催科之際官民情意易致睽隔百姓潛受苦累而無由自訴者則以

書役之為害甚劇州縣官不知所以振刷而剔除之也朕訪聞直省州縣衙門經承之外每多有貼寫正役之外每多白役此數十輩

無賴之徒假託公務橫肆貪婪其為小民擾累何可勝言故有訟獄尚未審結而耗財於若輩之手兩造已經坐困者矣額糧向未

收納而碎費於催徵中飽於量膏已什去二三矣其餘句緝命盜因緣舞弊過事風生株連無辜賄縱要犯大率賄寫白役之爲害居多各直省督撫務宜嚴飭各該州縣將所有吏役按籍鉤考其有私行充冒者悉行裁革設正額書役實不敷用不妨於貼寫幫役中擇其醇謹者酌量存留亦必嚴加約束毋得非時差擾至於經承正役務須時刻稽查儻有壞法擾民之事立即按律重懲庶使若輩知所顧忌不得肆其伎倆儻或明知故縱姑息養奸又或喜其巧於趨承受其蒙蔽此則不愛百姓而愛吏役卽屬戕害吾民之甚者也爲民父母其忍出此乎且胥吏之爲害不止州縣衙門已也凡徵解錢糧上司書吏輒向州縣書吏索取費用因而縣吏假借司費紙張名色派索花戶又如徵解漕糧時糧道衙門書吏需索縣吏規禮因而縣吏遂勾通本縣家人盤踞倉廩於正額外多收耗米稍不遂意百般留難遠鄉小民以得收爲幸守候爲艱不得不飽其貪婪又聞司院衙門凡州縣申詳事件每先發各房書吏擬批送籤書吏從此作奸射利遲速行駁之閒得以上下其手蓋衙書之爲擾自上及下正不自州縣始也是在爲督撫者整肅紀綱立圖省之表率而監司守令各奉厥職互相糾正則弊絕風清民安衽席庶幾養元元之恩意得以周浹閭閻矣○癸未諭國家命官分職亮采宜猷固欲各矢公忠共襄國事然必俯仰無憂而後可以專心效職朕臨御以來洞洞京員俸祿所入未足供其日用深爲慮念止以量入爲出國有常經必須籌畫周詳始可施行久遠今查得戶部有平餘銀兩係各省與正供隨解之項每年約有十六七萬金不等此項銀兩在內在外原存儲以備公事之用者若卽以分給部院辦事之人作爲養廉於情理亦爲允協著總理事務王大臣等查明部院各衙門事務之繁簡官員之多寡其原有飯銀已足敷用者無庸賞給其不敷者酌量加添其向來並無飯銀者酌量給與至翰詹京堂等衙門雖事務不繁而淡薄較部院更甚均當令其一體沾恩可撥數分派詳悉妥議具奏再外宮武職俸祿之外尙有心紅紙張及親丁名糧之屬而旗員別無養廉此亦久虞朕懷者前已加恩將步軍營之章京等量給空糧賞其用度今參佐等員其有空糧者無庸賞給外其未經賞給者亦應照例分別賞給以昭朕優恤文武臣工之至意其妥議具奏○乙酉禁百工當官貼費○丙戌諭朕聞三代聖王緣人情而制禮依人性而作儀所以維一海內整齊萬民而防其淫侈救其彫敝也漢唐以後羸備郊廟朝廷之儀具其名物藏於有司時出而用之雖縉紳學士皆未能通曉至於閭閻車服宮室飲食嫁娶喪祭之事皆未嘗辨其等威議其度數是以爭爲侈恣而耗代儒者雖有書儀家禮等敗亦由之將以化民成俗其道無由前書而儀節繁委時異制殊士大夫或可遵循而難施於黎庶本朝會典所載卷帙繁重民間亦未易購藏應奉歷代禮書並本朝會典將冠婚喪祭一切儀制斟酌損益彙成一書務期明白簡易使士民易守著總理事務王大臣會同該部從容定議○以程元章署禮部侍郎實授補際漕運總督由松江○丁亥禁四川松潘各鎮將私款番民○戊子諭外省知縣由正途出身任內無參劾者按其資俸行取來京以主事補用其有廉明公正之員或因公呈誤與例不符者亦准督撫保題此古三載考績之意所以簡賢能錄功最也但各部主事設有定額一年之中出缺無幾又有應補之人則行取來京之員挨班題授三年內必不能用完而下次行

取之期又至日積日多勢將有遲至四五年不能得缺者朕思此等人員服官供職著有成效故特予行取以優待之今令其遞離原任需次選書在彼不免守候之苦而外任轉少一諳練之縣令殊為可惜所當酌量變通者嗣後行取屆期該部將合例之人具題後知會督撫照武官保舉註冊之例仍留本任辦事俟單月缺出接俸銓補得缺之後給咨引見再赴新任庶各員不至去官才選轉多壅滯之虞而外吏得以駕輕就熟仍司牧民之職其如何定例之處吏部詳議具奏○前任甘肅巡撫許容以隱憂災荒營私樹黨革職解京治罪○辛卯諭國家設官所以甯人也京師為輦轂之地五方之人雲集輻輳是以於五城分命滿漢御史及兵馬司正副指揮吏目等官糾察而稽查之又有步軍統領專掌九門巡捕營員查匪類緝盜賊察賭博等事犯者輕則自行懲治重則送部究擬立法亦甚詳矣嗣以外城街巷孔多慮藏奸匪各樹柵欄以司啓閉因而設巡檢官數十員於在京考職候選雜職人員內揀選補用此等之人本係微職一廝斯任妄謂得操地方之權所用衙役率皆本地無藉之徒望風應募遂於管轄之內欺詐愚民遇事生風多方擾累甚至卑陋無恥敢帖紋分苛索銀錢官役分肥於地方並無查察防範之效而司坊各官反得推諉卸咎又安用此冗雜之員也蓋將巡檢槩行裁革其柵欄仍照舊交與都察院五城及步軍統領酌派兵役看守至裁退之各巡檢若都察院分別等次交部酌量補用其未補者仍歸伊等原班銓選○命查勘江南江西被水村莊酌免本年額賦○命直隸新舊營田歸州縣管理○壬辰諭督撫為封疆重臣一省數千里之閒吏治民生寄焉所以激濁揚清風示羣吏者莫要於糾劾貪暴刻深苟且昏惰之守令所以移風善俗綏靖良民者莫要於訪拏地棍衙蠹生事不才之生監然是一者真知確見而盡得其實其道甚難何則督撫所寄耳目者不過二三投契之監司或朋好族姻及多年相信之家僕凡人公正無欲忠信不欺而才智又能不為人所欺者千百中無十一儻奇耳目非其人則將以除奸而轉為售奸之藪將以剔弊而適開叢弊之門其顛倒枉直擾害閭閻有不可勝言者蓋守令之巧詐者多工於掩飾周旋而安靜恬恬清白自守之吏率不能迎合監司彌縫督撫之左右苟奇耳目者以私意為愛憎以毀譽為公評漫聽浮言捏構條款督撫信為誠然或且惟恐不然則彈章朝上眾口多譁縱復自悔孰能認過深文苛法務實其事以自直朕所前聞往往若此至於劣生棍蠹訪聞不實片紙發行即時扭解縱能虛心體察昭雪釋除而其人已身殘家破矣又况簞楚之下何求不得証證屈服者沈冤豈能更白乎夫政責有經事求實實無果能公忠體國實意為民於所屬守令平日訟獄催科馭吏臨民之實蹟一一留心而察之其人之明暗公私仁暴十可八九得然後驗以民情之向背酌以眾論之參差則舉劾自無大謬矣至於劣生棍蠹剝蝕地方良懦編氓莫不痛心切齒特無力首告恐轉為所害耳如果諄切曉示凡被書之家許據實上控不以越訴格而不行立即親提證據審實無慮重懲不貸其誣告者罪亦如之則法在必行民知可信將宿惡寒心朋奸欲迹既無用以蜚語流言循訪拏之故事而懷怨挾讐欲相傾陷以快其私者更何以逞焉繼自今各直省督撫宜爭自砥礪布實德於新民以無負朕委心倚任傳專制一方之至意也○直隸總督李衛奏巡查鹽泉情形得旨此事阿揚阿並未陳奏卿但盡

心辦理若果問心無愧他人之妻妾豈能動朕是以朕之保全諸臣皆諸臣之自保全也何則朕豈能以己之好惡爲朝廷用人去取之章本乎○河南按察使隋人鵬奏巡撫富德吏治廢弛操子難信定例故違紛更滋弊四款得旨撫臣之去留豈汝等藩臬一摺所能搖動朕聽或能贊助者竭力贊助之不能贊助者虛心平氣聽撫臣之自處若撫臣有大過亦終不能逃朕之洞鑒也若此摺之奏功過居半何則富德之器原非朕十分賞識但汝若一字不密則是自取罪戾也

乾隆東華續錄四

秋七月癸巳朔以黔苗擾害民多就食沅州諭免沅州本年額賦及耗羨○甲午諭朕思宗社大計莫如建儲一事自古帝王卽位首先舉行所以重國本定鴻基朕卽位已逾半載未經降旨非視此事爲後圖良以人心不古往往有因建儲太早以致別生事端是以 皇祖當日於建儲一事大費苦心 皇考御極之元年 聖心卽默注朕躬不肯宣布中外傳集諸王大臣九卿特加訓諭親書密旨收藏此我 皇考監古宜今寶愛玉成之妙用也今皇子冲幼雖者可緩而國本攸繫自以豫定爲宜再四思維惟有循朕之諄諄告諭誠恐天下讀書泥古者以不早建儲爲疑用是特爲宣曉今日朕親書密旨著總理事務王大臣親看宮中總管太監謹收藏於乾清宮正大光明扁額之後○丁酉諭州縣查勘水旱雜費俱動用公帑毋許派累○署甯古塔將軍都賽議覆都統巴爾岱條奏請裁伯都納地方新設長甯縣所募民人附近歸永吉州安插其牛馬雜稅等項交副都統徵收從之○己亥設 泰陵官○諭積儲平糶之法原以便民乃聞各省州縣於倉穀出入竟有派累百姓者當出糶之時則派單令其納銀領穀若干及買補之時則派單令其納穀領銀若干納銀則收書重取其贏餘納穀則倉胥大肆其勒抑甚至以霉爛之穀充爲乾潔小民畏勢不敢不領惟有隱忍賠累而已更有山多田少之地產穀無多而該地方官不能向他處採買但接田畝册籍算發價派令百姓將田畝歲收之穀交倉絕不爲民間計及蓄藏至有十餘畝之田而亦責其承買穀石者在附近居民去倉厥不遠尙可就近轉輸至於遠鄉僻壤離城或百里或七八十里之遙亦一槩令其領銀納穀小民肩挑背負越嶺登山窮日之力始至交納之所而奸胥蠹吏又復任意留難及平糶之日而寫遠鄉村更不能均沾實惠是徒有轉運之苦而不獲蒙積儲之益夫良法美意行之不善流弊種種其作何變通之法使閭閻實受糶糶之益而無有擾累各該督撫大吏當悉心籌畫令有司實力奉行以副朕愛養斯民之意○免貴州通省本年額賦及耗羨○設蘇州海防道專管海塘歲修及校太一屬水利○停稽查歸化城御史○庚子申禁科場舞弊○辛丑諭貴州古州等處苗眾從古以來未歸王化我 皇考世宗憲皇帝如天之仁特允督臣所請不忍棄置僻壤之外遂因伊等俯首傾心輸誠歸順之切收入版圖使得沾濡德澤共享昇平之福原非利其土地人民爲開拓疆圉之舉也卽如從前所定糧額本屬至輕至微不過畧表其向化輸租之意俟數年之後原欲並此加恩寬免此 皇考撫恤苗民之聖心向朕與諸王大臣曾經再三宣諭

者詎苗眾生性反覆靡常於上年三四月間騷擾內地並句引熟苗攻掠城池燒毀村落百姓被其荼毒兇惡頑梗法所必誅是以遣發大兵分別進討勦撫兼施其中建逆抗拒者或就誅夷或被擒獲而脅從附和之苗寨又各擒縛為首之犯相率投赴軍前呈繳器械悔罪歸誠軍務漸次告竣朕思此等逆苗孽由自作固王法所當重懲者而在 皇考與朕視之則普天率土皆吾赤子此特赤子中之不肖者耳今身罹刑辟家口分離朕心仍覺不忍且見在就撫苗眾多屬脅從附和其中尚有並未從逆始終守法之

各寨均當加意撫恤俾得生養安全因思苗人納糧一事正額雖少而徵之於官收之於吏其閒經手重疊恐繁雜之費或轉多於

正額亦未可知惟有將正賦悉行豁免苗民與舊吏終歲無交涉之處則彼此各安本分難欲生事滋擾其費無由况錫免新疆

苗賦原屬 皇考聖意朕此時當敬謹遵奉見之施行者也是特頒諭旨著總督張廣泗出示通行曉諭將古州等處新設錢糧

盡行豁免永不徵收伊等既無官吏需索之擾並無輸納賦稅之煩耕田鑿井俯仰優游永為天朝良順之民以樂其妻孥長其子

孫苗眾亦具有人心豈有舍衽席而蹈湯火之理至於建立營汛分布官兵乃國家定制原以詰奸禁暴安戩善戾各省內地且然

况苗疆險要防範尤不可不嚴且設兵之意所以綏約漢奸播弄構釁又以查察熟苗私入句引朋比為奸非特以新附之苗為不

可信而以重兵彈壓之也其設兵事宜仍著總督張廣泗遵照前旨悉心妥議辦理至駐守弁兵均當謹守法度不得借端滋事如

有絲毫擾累該管官即行詳報題參從重治罪若或隱匿不報經朕訪聞定將該管文武各官一併重處苗民風俗與內地百姓迥

別嗣後苗眾一切自相爭訟之事俱照苗例完結不必繩以官法至有與兵民及熟苗關涉之案件棘文官者仍聽文員辦理隸武

官者仍聽聽武弁辦理必秉公酌理毋得生事擾累貴州總督張廣泗可一併臆論知之○癸卯吏部議覆雲南巡撫張允隨奏請停

老農總吏之例查歲舉老農給以八品頂帶所以勸民稼穡乃各州縣中往往有似農非農之輩覬覦鑽謀恃職不法雍正七年改

為三年一舉較前更難賄屬益甚請停止如果有務本力農者仍不時獎賞又定例州縣到任揀選殷實老成書吏二人充錢糧總

吏五年毫無虧空各部以九品雜職即用雖為慎重倉庫其中縱容狗隱挾夾責綠之弊甚多請將總吏停止仍責成該管上司盤

查均應如所請再直隸州縣向設有提平典史與總吏事同一例亦應停止從之○以德沛為古北口提督調普泰為兵部左侍郎

由東○甲辰建奉天府屬新設復州永吉南海義州四州縣 文廟○乙巳停麻吉士開列順天鄉試外廉官○戊申定五等世職

漢文以精奇尼哈番為子阿思哈尼哈番為男阿達哈番為輕車都尉仍各分等拜他喇布勒哈番為騎都尉拖沙喇哈番為雲

騎尉○辛亥追諡明建文皇帝為恭閔惠皇帝○癸丑諭聞各直省老民老婦從前已經旌賞者遇有恩詔不得再行給賞即如豫

省新鄉縣老婦劉氏今年一百十五歲因雍正十二年間年登一百二十三歲曾經題准建坊賞賜此番恩詔不得入冊朕思劉氏躋此罕有之貞壽自應一體霑恩以昭曠典著該地方官仍造入恩賞冊內使伊得被光榮各直省老民老婦凡年登百歲從前已蒙施表者俱照劉氏之例仍加賞賜以示朕優待壽民之意將此永著為令○甲寅減徵陝甘兩省雍正十三年未完耗羨○乙卯命

五城掩埋鬻幣○丙辰張鐵因病解任以楊錫紱署廣西布政使由廣東舉○戊午給佐雜官離任身故回籍路費○給山西佐貳

官養廉兼署者桂支一半○調高其倬為湖南巡撫鍾保為湖北巡撫○實授郭善吏部左侍郎○己未吏部議准湖南巡撫鍾保

奏沅州地處邊隘最關緊要今鎮道俱移駐鎮軍地方沅城內僅副將知州兩員似覺單薄請改沅州為府治附府設縣一附近沅

州之黔陽麻陽二縣改歸知府轄從之○庚申飭直省修文廟祭祀樂器○署四川巡撫王士俊密摺陳奏四條得旨朕乘暇錄

用實是憐汝才幹尚屬有為故汝臨去之時朕何等訓諭乃汝巧偽居心私欲不能盡除而為此藉直言之名遂已私之事汝試思

朕豈不能察汝之主哉不能察汝則朕不用汝矣汝四條所陳謂今之條陳率欲翻駁前案羣臣之翻駁前案即朕之翻案也朕翻

案者何事大學士之兼部乃皇考之成憲汝欲朕改之非翻案乎惟部議舉人兩條目下不無其弊但此弊亦非一日矣即使汝

在部汝能免乎故論語云為君難且莫舉天祖付託之重民物仰賴之殷為難即此用人一端千難萬難者也但此亦自知其

難耳旁無一人可語而汝輩貪邪之人又安足與語哉汝藉直陳之名而行己私天理何在汝不畏哉昨日傅爾弼亦如此舉動大覺

可笑汝等姑靜俟之若謂朕為拒諫汝再明白回奏來○辛酉上御養心殿召入總理事務王大臣九卿諭曰昨王士俊密奏一

摺朕洞見其巧詐居心背理害道沽直言之名以自遂其私披覽之下不勝痛恨比即嚴批申飭並將原摺發與總理事務王大臣

及是日在乾清門奏事之九卿等公同閱視朕意以為王大臣九卿深明大義次日必有參劾王士俊者乃止據口奏其陳奏之非

而未効其巧偽之罪今日御史舒赫德封章特參備陳王士俊喪心病狂妄發悖論不宜復加寬宥仍罪封疆之寄朕用是召入王

大臣九卿等面諭之據王士俊第一條云近日條陳惟在翻駁前案甚至對眾揚言止須將世宗時事翻案即係好條陳之說傳

之天下甚駭聽聞等語夫指羣臣為翻案即謂朕為翻案矣此大悖天理之言也從來為政之道損益隨時寬猛互濟記曰張而不

弛文武勿能弛而不張文武勿為一張一弛文武之道文武豈有意於張弛哉亦曰推而行之與民宜之耳昔堯因四岳之言而用

鯀鯀治水九載績用勿成至舜而後殛鯀於羽山當日用鯀者堯也誅鯀者舜也豈得謂舜翻堯之案乎我皇考即位之初承

聖祖仁皇帝深仁厚澤垂六十餘年之久休養生息物燾而豐厥後遂有法網漸弛風俗漸玩之勢皇考加意振飭使綱紀整肅

弊革風清凡此因勢利導之方正所以成繼志述事之善也又豈得謂翻聖祖之案乎皇考初政峻厲至雍正九年十年以來

人心已知法度吏治已漸激清未始不敦崇寬簡相安樂易見臣工或有奉行不善失於苛刻者每多救其流弊寬免體恤之恩時

時下逮是即十三載之中而剽酌盈虛調適競練前後已非一轍矣至朕繼承不緒泣奉遺詔諭令向後政務應從寬者悉從寬

辦理朕祇遵明訓交德紹聞凡用人行政就兢以皇考誠民育物之心為心以皇考執兩用中之政為政惟恐膠固成見有

違時措成宜之理弗勝負荷之重御極以來與廷臣敬慎斟酌庶曰陟降庭止克綏予乎蓋皇祖皇考與朕之心原無絲毫間

別如果內外大小臣工俱能仰體使政治清平民生安樂可以垂之永久而無弊又何必更有因時制宜之舉無如法入自必弊生

奉行每多過當不得不因時重畸輕之勢而為之維持調劑以歸於正直蕩平之道此至當不易之理乃王士俊嘗為翻駁前案是誠何言是誠何心耶夫朕躬有所闕失朕惟恐諸臣不竭慮盡心直言規切至於事關 皇考而妄指 前猷有意更張實朕所怵惕靡甯而不忍聞者也又據王士俊第二條稱大學士不宜兼部之說尤見其自相矛盾挾私懷詐之情形纖毫畢露大學士之兼部正 皇考之成憲王士俊欲朕改之是又導朕以翻案也彼意不過為大學士鄂爾泰而發以冀感朕之聽夫朕豈為僉王所惑之主哉多見其不知量矣即如王士俊墾田一事市與利之美名而行剝民之虐政中外共憤人人切齒設使此案敗露於 皇考之時豈能稍為寬宥乎彼回京時畏首畏尾一言不發今見朕之復加擢用遂欲掩飾從前之罪且中傷與己不合之人撰為邪說以覆護之以為前案不宜翻駁此則其設心之機詐有不可勝詰者至於第三條所云各部辦事豫存一私意計較某省督撫正在哀嘉其事宜惟某省督撫方得不是其事宜駁不論事之當否而專以逢合為心及第四條所云廷臣保舉人員率多瞻徇情面甚至有巧索酬謝之事等語朕思部件題駁懷挾私心或所不免保舉徇情實緣賄屬亦難保其必無即以近日廷臣論之如勵宗萬之引薦不但徇情受託其保舉河員聞竟有納賄之事又傅靈為人奏求恩廕一事亦屬瞻顧情面爾廷臣受朕深恩豈因王士俊之妄言而遂不駁一事不薦一人乎惟當清夜捫心此等陋習有則痛自前除無則益加電勉勿為僉王王士俊輩所訛笑以全朕簡用委任之顏面也古稱為君難即此用人一節已千難萬難矣但亦自知其難耳旁無一人可語者而王士俊僉邪小人又安足與語哉王士俊為人巧詐眾所共知朕格外保全棄瑕錄用原念其向有才幹或可造就姑令署理川撫陞辭之日朕何等諄諄訓諭乃巧詐之習牢不可破外飾縵直以便己私取將悖理之言妄行陳奏關繫重大不可姑恕將舒赫德參奏原摺交與王大臣九卿等會議具奏尋奏奸惡暴著國法不可暫弛請將王士俊擊解來京交法司嚴審定擬明正其罪以為人臣怙惡亂政罔上行私者戒從之嗣經法司照大不敬律擬斬立決得旨改為斬監候秋後處決○准貢生酌補佐貳○命楊勳回四川巡撫任○湖南巡撫高其倬奏城步綏甯苗徭不靖飭汛兵設法誘擒若不能擒出諸兇即行勦捕得旨夫兵者凶器不得已而用之者也朕思苗疆甫定又為此舉不涉於驢武乎但史貽直與卿尙非好事喜功者比若地方中有萬不可已之勢亦不可姑息者也諸凡酌量為之八月甲子召金鉉來京以楊超曾署廣西巡撫由刑部請旨○丙寅禮部左侍郎徐元夢以年老乞解任允之命加尙書銜食俸在史館內廷等處行走○己巳諭朕愛養元元凡內地百姓與海外番民皆一視同仁輕徭薄賦使之各得其所聞福建臺灣丁銀一項每丁徵銀四錢七分再加火耗則至五錢有零矣查內地每丁徵銀一錢至二錢三錢不等而臺灣則加倍有餘民間未免踴躍著將臺灣四縣丁銀悉照內地之例酌中減則每丁徵銀二錢以紓民力從乾隆元年為始永著為例○減江南崑山新陽二縣浮糧○庚午兵部尙書傅霖綠事革職○壬申諭朕聞山東章邱縣有缺額糧銀三千九百一十餘兩因從前地方官報糧壘荒以致糧無抵補相沿已久事難究追其見在已攤入地畝者雖每畝為數不多而其實則在正供之外民力未免艱難其未攤入地畝者更

屬虛懸無著有司亦難賠墊朕心軫念官民著將已攤入地畝者於乾隆元年查明開除免其徵收其未攤入地畝者從雍正十三年起悉行豁免俾閭閻永無加派之苦而有司亦無賠補之累該撫可董率地方官實力奉行○乙亥轉木和林為禮部左侍郎以滿色為禮部右侍郎由通選○丁丑諭後食為事君之心而重祿乃勸臣之道從前在京文員俸入未足供其日用時塵 皇考聖懷是以雍正三年 特旨增添漢官俸米而各部堂官又 加恩給與雙俸其餘大小各員原欲次第加恩俾得均沾渥澤今朕仰體 皇考嘉惠臣工至意彷彿雙俸之例將在京大小文武俸銀加一倍賞給令其用度從容益得專心於官守所給恩俸著自乾隆二年春季為始再從前賞給各部堂官雙俸時欽奉 皇考諭旨遇有罰俸事件止罰正俸其恩俸仍行支給今各員所加之俸亦照此例行○己卯賞原任侍郎胡煦原銜子胡季堂准作廕生○乙酉諭今年伏秋交會之際朕深為黃運海塘等處緊要昨據

江南河道總督高斌大學士嵇曾筠河東河道總督白鍾山等摺奏在在保護平穩南北河工與浙江海塘關繫國計民生最為緊要仰荷神明默佑俱各循流順軌朕心不勝感慶理宜修祀典以答神貺○諭朕聞浙省屯糧向來每石徵銀一兩因軍丁等輸納維艱於康熙年間 特恩減免改徵銀五錢五釐計算每畝徵銀八分有零彼時惟嚴州一所遺漏開報未經查明減免每畝仍徵銀二錢一分五釐查杭州前右二衛屯田與嚴所地方相距咫尺每畝止徵銀一錢二分八釐零而嚴所地土比通省較薄賦額則比通省較重實屬偏枯所當酌量變通使一體均沾恩澤為此特頒諭旨將嚴所屯糧循照杭州前右二衛科則徵收以紓軍力其應豁減銀兩若干著大學士嵇曾筠確查報部永著為例○諭浙江濱海地皆斥鹵向來鹽價甚賤居民稱便十餘年來鹽價增長近則加至二三倍不等夫以小民日用必須之物而昂貴若此朕心深以為憂即中外之人亦無不知兩浙鹽貴之為累者朕屢次切諭大學士嵇曾筠令其悉心經理乃數月以來雖據奏報鹽價漸平然較之十數年前仍屬昂貴朕再四圖維並留心諮訪鹽價之貴固在於場鹽少產亦由於商本艱難惟有使商人鹽斤充裕則鹽價自然平減今酌定增斤改引之法將杭嘉紹三所引鹽循照兩淮舊額每引加增鹽五十斤連包索共重三百三十五斤至松江一所原屬濱海產鹽之區向因額設季引九萬餘道分別上中下三則徵收正課公費銀五萬四千餘兩遂使近場州縣多有鹽貴之苦今循照沿海溫台等處之例改行季引九萬餘道每引給鹽四百斤令商人設店住賣如此增斤改引一為變通則商本寬裕轉輸便易商人不受減價之累百姓多受減價之益大學士嵇曾筠再為多方調劑加意體恤庶可復還十數年之原價以便民用著該部行文嵇曾筠遵旨辦理○遣官賑喀喇沁饑○丁亥通智免以那蘇圖為兵部尚書由奉天將軍遷○辛卯免河南永城縣水災漕糧

九月乙未諭王大臣等據辦理 秦陵事務愾恆王弘旺內大臣戶部尚書海望奏稱 世宗憲皇帝梓宮安奉 秦陵地宮請照景陵之例安設龍山石其隨入地宮之分位並萬年後應留之分位相應請旨等語朕敬將萬年後應留分位之處奏請 皇太后懿旨奉 皇太后懿旨 世宗憲皇帝梓宮奉安地宮之後以永遠肅靜為是若將來復行開動揆以尊卑之義於心實有未安

一 月 更 查 錄 乞 查 回 二 一 九

現有我朝 昭西陵 孝東陵成憲可遵 奉陵地宮不必豫留分位朕伏承 懿旨仰見 皇太后坤德恭謹 聖慮周詳自當

恪敬遵奉做照 昭西陵 孝東陵之例另卜萬年吉壤候朕詳酌再降諭旨至 皇考梓宮奉安地宮時著照例安設龍山石其

隨入地宮之 皇妣孝敬憲皇后梓宮應居左稍後 敦肅皇貴妃金棺應居右比 孝敬憲皇后梓宮稍後○丙申總理事務王

大臣刑部議奏遵旨會審古州苗疆一案革職刑部尚書張照懷私挾詐擾亂軍機革職貴州提督哈元生觀望逗遛失陷城寨均

應擬斬監候革職湖廣提督董芳擅調官兵革職貴州巡撫元展成無駁乖方均應發妻發邊遠充軍革職副都御史德希壽巧詐

不實應枷號鞭責再張昭德希壽糜費兵餉俟查明確數勒限嚴追得旨從前經理古州苗疆原非 皇考聖意因臣工陳奏降旨

詢問大學士鄂爾泰以為可行然後命張廣泗從事比時規模釐定而善後未周鄂爾泰即離總督之任上年逆苗蠢動擾害地

方鄂爾泰具疏引咎請削伯爵又因患病懇解大學士之任我 皇考允其所請削去伯爵並解大學士任是鄂爾泰經理未善之

處已奉 諭旨處分結案矣及解任之後 聖心深為眷注賜俸賜藥恩禮類加此廷臣所共知者八月二十三日欽奉 遺詔輔

政迄今一載恪共厥職在朕今日若泯其見在佐理之功而復論其從前已結之案大非情理况鄂爾泰節制三省時其所定之苗

疆甚多皆至今甯謐民無擾累其勞績不可念乎至張廣泗奉鄂爾泰之委辦理古州鄂爾泰遠在雲南張廣泗身在黔省凡區書

布置之不協張廣泗無可推卸此亦中外所共知者但伊自為經略以來殫心調度悉合機宜蕩滌苗氛無綏黎眾是此日之功已

可掩從前之過揆諸聖人罪疑惟輕功疑惟重之義張廣泗仍當交部議敘以獎軍功至於哈元生身為全省提督乃苗人造逆不

能覺察於機先及賊眾肆行又復稽遲於臨事按律治罪亦復何辭但念伊夙部武夫知識短淺尚非有心貽誤軍機且從前征剿

高蒙曾經效力今既革職擊問著從寬免死釋放張照受恩深重且自請經理苗疆茲鉅任而乃懷私挾詐種種妄行罪莫可道

朕是以降旨將伊革職擊問但念伊浮躁性成又誤聽道路傳聞播弄之言遂立意與哈元生齟齬哈元生之罪既已從寬張照亦

著免死釋放至於元展成本屬中材適值地方難辦之事兼之文武不和諸凡掣肘遂至倉皇錯亂莫展一籌董芳身為副將軍不

能和衷共濟負恩實甚但伊初到黔省辦理軍務為時尙淺德希壽一無所知諸事聽張照之指使此三人者雖有應得之罪尙有

可原之情既已革職擊問其治罪之處俱著寬免古州苗疆一案上年起事之時朕即奉 皇考諭旨同王大臣計議辦理仰蒙

聖諭指示凡地方之情形軍機之得失與官弁之優劣賢否無不洞悉周知即位以來深知張照董芳元展成哈元生等在彼各逞

私懷但以彼此攻擊為事斷無益於公務是以陸續降旨將伊等擊解來京而以經略之任專畀於張廣泗俾伊一無牽制庶可迅

速成功夏秋以來軍務漸次就緒今王大臣及法司衙門將哈元生等分別定擬具奏朕酌其情罪特降斯旨凡從前諸人革職擊

問先後之不同與此次之從寬赦宥悉皆斷自朕心惟期膚功克奏永靖苗疆不但大學士鄂爾泰未曾旁置一語即總理事務王

大臣亦未曾襄贊一詞也且此數人者豈皆與鄂爾泰不合者乎則非其所主亦已明矣儻無知之人復有如崔起潛者妄生疑議

以爲朕目之陳表如此其事而發公正大臣之有所偏黨則愚昧錯謬之甚將此一併曉諭知之○丁酉諭禮部尚書楊名時係皇祖簡用舊臣服官年久學問醇正品行端方朕仰體皇考聖意宣召來京正資委用今聞溢逝深爲惻惻著賞內庫銀一千兩遣內務府官一員經紀其喪派散秩大臣帶領侍衛十員賜奠茶酒再加贈太子太傅准入賢良祠應得卹典該部察例具奏尋子祭葬諡文定○戊戌以慶復爲刑部尚書仍兼管吏部事起傅無署兵部尚書○壬寅賞哈元生副將銜發往西路軍營效力○甲辰定披甲凌虐遣犯罪並免有職人員爲奴○丙午賞已故原任禮部侍郎胡煦內庫銀五百兩治喪○戊申命董芳發往雲南以副將用張照在武英殿行走○庚戌諭大學士朱軾品行端方學術醇正爲皇祖簡用之大臣皇考眷注有加簡任機務純修清德望重朝端朕自幼讀書宮中嘗聞講論卽位以來正資老成襄贊昨聞抱恙沈篤朕親往看視尙冀調治痊可今聞溢逝朕心深爲震悼特命輟朝一日親臨祭奠以昭敬禮賢大臣之誼又兩賜內庫帑金經理喪事茲覽遺疏拳拳以吏治民生爲念具見忠悃著加贈太傅入祀賢良祠應得卹典該部察例具奏尋子祭葬諡文端○壬子命內閣翰林院精選本朝臣工奏疏入選諸臣內有素行端純者准入祀賢良祠○召戴永椿來京以元展成爲山西按察使○癸丑諭致仕大學士陳元龍耆舊大臣服官宣力五十餘年今乞休在籍朕仍望其頤養林泉以承恩眷忽聞溢逝深爲軫惻應得卹典著察例具奏尋子祭葬諡文簡○實授王仕任福建布政使○丁巳諭朕卽位以來屢下求言之詔至再至三出於誠切並非尙納諫之虛文誠以朕躬闕失無由自知必賴直言匡正而隨時納諫者乃臣子事君之大義胸有所見卽當直陳於君上之前使言之果當朕當卽時改易收轉圜之益卽使其言之不當朕亦得以己意明白剖示釋其疑心亦開誠布公之道也今覽蔣炳所奏直據所見剴切敷陳不負朕求言之意乃近日言官中所罕見者朕甚嘉之但伊奏稱哈元生董芳元展成張照等既明知其罪犯顯見其劣蹟不宜授以高官大職等語哈元生身爲提督貽誤封疆朕所痛恨因念其尙有勇力嘗著軍功是以從寬免罪發往西路軍營以副將銜效力贖罪並未昇以見任官職董芳到黔不久因與哈元生齟齬以致軍務稽遲時日其罪尙輕此中外所共知者今發往滇南止以副將效力亦未復其原官元展成本屬中材適當地方最難之事遂至經理周章至巡撫無領兵之責情尙可原今補用臬司令其效力而官階已降數等矣至於張照不過令在殿中修書行走亦未授以職任也况乘取錄用或降旨訓諭後而仍改用他途予以自新之路者此從古帝王罪疑惟輕愛惜人材之意朕亦或做而行之若事關名節大玷官箴者朕斷不輕貸也此數人之用舍黜陟原出於朕之大公而並無偏私之見爰因蔣炳之奏將朕意宣示之然先事防微人臣事君之大義設因此而用舍任意則大非慎簡庶僚之意此朕所時時自儆而羣臣皆當隨事繩糾者也蔣炳知朕求言之心直陳已見應加獎賞以爲言官勸著交部議敘朕願大臣及言官等時時以匡弼爲懷意所欲言卽直陳無隱言之而當朕自加以優待卽言之不當朕亦不加譴責惟是公私之辨不可不嚴儻有借直諫之名以自行其私妄意惑亂朕聽者亦斷不能逃朕洞察也○己未御試博學鴻詞一百七十六員於保和殿○追封黃氏格

格為儀嬪○庚申諭粵西舊有軍屯田畝當日原係給與各屯兵領耕不與民田一例編徵四差等項是以糧額較重於民田其他州縣偏重之數無多又無別項差徭民間尚不至苦累惟武緣一縣所徵糧額較之下則民田每畝多出銀二錢二分未免過重小民輸納維艱著該撫將武緣縣軍田舊額酌減每畝定以一錢徵收永著為例示朕優恤閭閻之意○經署張廣泗奏清理內地熟苗情形自本年八月以來各路官兵暨各該地方文武員弁梭窺查拏共斬獲逆苗一千三百八十餘級生擒苗犯並逆屬男婦二千四百餘名口見在新疆剿撫事宜俱已全竣所有內地餘孽惟附近八弓黃平一帶尚有十餘寨未盡清理者見有提督王無黨等在各該處清查辦理指日可竣得旨知道了苗疆一事卿料理得宜庶朕筆不能宣惟有深慶得人耳至於善後事宜惟期一勞永逸不在慮忙就緒也

冬十月壬戌至乙丑卿雲三見○吏部引見月選官得旨掣得貴州平遠州之季治國奏稱伊母年老難以遠離著以近地知州補用所遺平遠州員缺該部另行揀選此等掣得遠缺人員既奏稱親老不能遠離若不令其改補近地非朕以孝治天下之意但其中有因遠缺不願前往而借端規避者亦未可定嗣後有似此等奏稱親老不能遠離者准其改補俟將來丁憂服闋之後仍令補授從前所掣之遠缺如此則目前既可遂其養親之念亦可杜不肖規避之端永著為例並曉諭伊等於掣籤後將親老緣由具呈吏部引見時該部奏明請旨李治國即照此例行嗣於八年四月內閣查出李治國面奉諭旨一道奉旨此旨內丁憂服闋四字著改為養親事畢四字應行處通行文改正又於十三年九月奉硃筆改正並傳旨嗣後俱著寫應補之日○顧琮丁憂以邵基為江蘇巡撫由吏部左○甲子諭朕聞外洋紅毛夾板船到廣時泊於黃埔地方起其所帶礮位然後交易俟交易事竣再行給還至輸稅之法每船按樑頭徵銀二千兩左右再照則抽其貨物之稅此向例也乃近來夷人所帶礮位聽其安放船中而於額稅之外將伊所攜置貨見銀另抽加一之稅名曰繳送亦與舊例不符朕思從前洋船到廣既有起礮之例此時仍當遵行何得改易至於加添繳送銀兩尤非朕嘉惠遠人之意著該督查照舊例按數裁減並將朕旨宣諭各夷人知之○吏部議准雲貴總督尹繼善奏廣南為粵西交趾分界之區地方遼闊事務殷繁知府一員實難綜理請於廣南府添設附郭縣一其土富州錢糧仍歸土州經徵由府報解土同知知州二員仍屬府轄從之○乙丑命廣東廣州等二府沿江建築石隄○引見考取博學鴻詞劉綸等十五員得旨

劉綸潘安禮諸錦干振杭世駿俱著授為翰林院編修陳兆崙劉玉麟夏之葵周長發程恂俱著授為翰林院檢討楊度汪沈廷芳汪士鏞陳士璠齊召南俱著授為翰林院庶吉士查照康熙年例一等授編修二等由科甲出身者授檢討未中舉者授庶吉士○兵部尚書通智以協辦歸化城事務任意更張將土默特官員恣意用刑革職○丙寅命纂修世宗憲皇帝本紀○丁卯命建設遠城於歸化城東北○大學士晉川陝總督奎阿等奏陝省屯田更名地畝其額賦本重於民田雍正五年間前督臣岳鍾琪又請將通省之丁糧攤於通省之地糧其屯更地畝每本屯糧一石亦照原折銀一兩之例均賦丁銀一錢五分有奇以致屯更百姓於正供外增派銀二萬四千兩實為

甚重請將甘肅餘屯丁之例辦理又督票火器營領丁之例亦照原折銀一兩之例均賦丁銀一錢五分有奇以致屯更百姓於正供外增派銀二萬四千兩實為

苦累請照甘肅除屯丁之例辦理又督糧火器營額兵一千名乃拔於咸長等州縣之屯丁每名每月止領餉銀七錢外皆屯民
膏貼請照鎮標步兵之例召募領餉免其在屯衛提補從之○戊辰裁陝西屯兵歸農○命各省鄉試設內簾監試官○己巳諭內
閣學士劉統勳著大學士嵇曾筠帶往浙江學習工程○庚午以俞兆岳爲吏部左侍郎調岳濬爲江西巡撫以法敏爲山東巡撫
由刑部石○辛未 世宗憲皇帝梓宮發引 上奉 皇太后恭送至 泰陵啓鑾○丙子 世宗憲皇帝梓宮至 泰陵敬奉
梓宮於 享殿○丁丑行奉安 享殿禮 上奉 皇太后回鑾○以王蘭生署刑部右侍郎_{由內閣}○戊寅 上詣怡賢親王墓
前奠酒○庚辰 上恭奉 皇太后還宮○辛巳增設江南河兵戰糧○癸未諭朕查兩淮鹽法從前浮費繁多商力日困欽奉

皇考諭旨徹底清查革除浮費覈定應留之項以備地方公用乃原任鹽政臣噶爾泰於酌定存公之外又以商人具呈餽送鹽政
銀八萬兩名曰公務餽送運司銀四萬兩名曰薪水奏請歸公蒙 皇考批諭此係噶爾泰等應得之項若有需用之處聽其自行
支用伊若不用則退還眾商不必歸公欽此噶爾泰又奏稱眾商力量寬裕此項實出情願又奉 皇考諭旨俟有地方公事將此
應用是 皇考聖意不肯令其歸公諭旨實爲明切後據噶爾泰經手辦理雖每年按綱具奏其實商人未能照數完繳丙午丁未

兩綱未完銀十二萬三千餘兩商人具呈分作六年帶徵經部議准行在案至己酉庚戌未完銀兩曾經鹽臣題請寬免部議未允
朕卽位以來仰體 皇考愛養商民之心屢加優恤務使商力寬餘以受國家恩澤此項公務薪水銀兩既在額課之外著永行停
止以惠商民至從前己庚兩綱未完公務薪水之項歷年已久著悉行豁免○甲申諭湖北丁隨糧派一案前蒙 皇考疊沛恩膏
多方調劑減免以除閭閻之累其江夏等十九州縣攤納之重丁原經廷議俟有升科丁銀可以漸次攤抵則輸納可得其平今朕

聞得原墾之荒頗多不實則難抵之期一時難必念此十九州縣獨受重丁之苦輸納維艱朕心深爲軫恤今仰體 皇考子惠元
元之聖心將江夏等十九州縣未經攤減之丁銀八千三百有奇自乾隆二年爲始全行豁免○乙酉諭今日王大臣奏辭總理事
務朕臨御以來已經一載敬念 皇考付託之重兢兢業業夙夜 天勤民之大端不敢稍有怠忽一切政務幸無大過但庶務繁
多朕豈能事事熟悉正賴賢王大臣共相贊助以成邦治况 皇考當日登極年已四十有五在藩邸日久國事民情無不洞悉尙
簡用總理事務王大臣怡親王等協理三年然後報罷朕之才識遠不逮 皇考之萬一王大臣正當竭力抒誠仰佐朕躬何可遽

辭總理事務若辭奏之心出於至誠又不若公忠體國和衷辦事凡朕政事有失卽爲規諫思慮未到代爲籌畫以克盡股肱心膂
之任較之辭解總理不更善乎著照常辦理不必再辭○丙戌刑部左侍郎勵宗萬以徇私保薦河員革職○戊子諭西陲用兵以
來陝甘百姓急公效力甚屬可嘉今大兵旣撤正與民休息之時著將乾隆二年甘肅錢糧全行豁免西安等屬蠲免額賦之半○

諭朕聞永平府屬州縣凡徵收錢糧率皆以錢作銀每銀一兩運打耗銀一錢五分共折交制錢千一百五十文見今該處錢價昂
貴民間交納錢文比之完納銀兩爲費較重朕思民間完納錢糧銀數在一錢以下者向例銀錢聽其並用原以便民若數在一錢

以上又值錢價昂貴之時亦令交錢轉致多費是便民而適以累民殊未妥協著直隸總督飭行各屬民開完納錢糧在一錢以上者不必勒令交錢在一錢以下者仍照舊例銀錢聽其自便○贈從祀 文廟之原任御史陸隴其為內閣學士兼禮部侍郎○郭朝鼎緣事解任以戴永椿署江蘇按察使原署山西○是月經略張廣濟奏報軍務全竣應酌撤官兵並辭騎都尉世職得旨此次平定逆苗實賴卿忠勇素著才智兼全用能膚功克奏永靖妖氛了 皇考未了之聖心成青史難成之功業朕惟深慶得人豈宜賞罰倒置在卿責己之誠並非掩飾而朕酬功之典自有權衡忻悅覽之題到仍有旨諭部又奏覆布政使馮光裕條奏苗疆事宜一伐山通道一飭禁師巫一從容化導以變苗習得旨料理俱屬妥協議論實皆公平至云使其漸染華風變為內地朕意千百年之貴州總督皆似卿則千百年之久安長治皆可保若法待人行則不若仍其苗習而順導之使彼知有恩而不忍背有威而不敢犯如是而已矣何係區區古州之苗盡歸王化然後成一道同風之盛哉

十一月庚寅準噶爾台吉車林等內附授車林為三等侍衛○辛卯改湖北彝陵鎮為宜昌鎮○壬辰加尊 聖祖仁皇帝四太妃為 壽祺皇貴妃 溫惠貴妃 順懿密妃 純裕勤妃○詹事王奕清奏各部主事銓補壅滯宜酌量變通請以應用主事者或兼用同知或改用通判下吏部議尋議覆凡廢生應得主事引見請旨如堪以外用者及保舉七品小京官歷俸已滿三年者並准以通判改補中書科中書行人司行人大理寺評事太常寺博士向止升用主事者准以同知兼用從之○癸巳轉楊超曾為刑部

左侍郎仍署廣西巡撫授王蘭生刑部右侍郎○甲午加大學士稽曾鈞太子太傅○命徐本為東閣大學士兼禮部尚書仍兼管刑部事以孫嘉淦為刑部尚書楊汝穀為左都御史姚三辰為吏部右侍郎孫國璽為兵部左侍郎劉永澄為左副都御史由江

總河○乙未 上恭奉 皇太后移居壽康宮○丙申諭四川各土司向有貢馬之例其所貢本色則添補各營倒斃之馬而折價之馬每匹納銀十二兩此舊例也查通省營馬近已做照驛馬例每匹給銀八兩而土司貢馬折價仍是十二兩之數蠻民未免多

費朕心軫念著從乾隆二年為始土司交納馬價每匹裁減四兩止收銀八兩永著為例○設四川救生船隻○允徐士林回籍省親以溫而遜為河南布政使原任山西○甲辰辰山西偏關等三汛兵廠馬夫餼銀○調馬爾泰為刑部右侍郎以柏修為工部左

侍郎調程元章署刑部右侍郎命王蘭生以刑部右侍郎原銜管禮部侍郎事○乙巳轉趙殿最為戶部左侍郎以呂耀曾為戶部右侍郎崔紀為倉場侍郎由

後事宜朕降旨交王大臣會同該部妥議今朕思張廣濟所奏第一條請於新疆內地添設官兵駐紮彈壓自應照所請行但所添兵丁計一千三百餘名以之分布各處朕意以稍覺不敷見在安設營汛是否足敷巡防之用目前斷不可以節省錢糧而為遷就

之舉第二條請設立郡縣在目前似可不必或因地方遼闊所有同知通判營官難於統轄酌設道員彈壓巡查似可行至第三

條奏請將內地新疆逆苗絕戶田產酌量安插漢民領種朕思苗苗性反覆靡常經此番兵威大創之後雖畏懼懾伏而數十年後豈

能稼者於新墾各處州縣有進產招集漢民耕種萬一苗人滋事蠢動則是以內地之民人因耕種苗地而受其害朕心深為不忍此必不可行者朕意逆苗因罪入官之地自無復賞給逆苗之理與其招集漢人不若添設屯軍即令兵丁耕種俾無事則盡力南畝萬一有警就近即可抵禦且收穫糧石又可少佐兵食以省內地之輓運較屬有益其交設屯軍於額設汛防兵丁之外就地畝之多寡酌量添設或專令屯種或令與汛防兵丁更番屯種則苗疆駐紮之兵數較多而兵氣自奮且省添兵之費朕意如此可先行寄信張廣泗知之苗疆善後事宜關繫重大亟宜詳慎籌畫俾可永遠遵行張廣泗切不可因從前原欲郡縣其地目今仗此兵威遂欲週護前議也總之苗疆之事可省而不可繁可拒卻而不可招徠即今之添兵設防亦不過因已經如此辦理於國家顏面有關係於全撤耳尚須妥協計議使地方永遠甯謐○王子改直隸井田為屯莊分隸霸州固安防禦○乙卯賜馬員書等九十八人武進士及第出身有差○己未免福建永安所福甯衛浮糧○是月三禮館總裁大學士鄂爾泰等奏擬定纂修三禮條例一曰正義乃直詁經義確然無疑者二曰辨正乃後儒駁正舊說至當不易者三曰通論或以本節本句參證他篇比類以測義或引他經與此經互相發明四曰餘論雖非正解而依附經義於事物之理有所發明如程子易傳胡氏春秋傳之類五曰存疑各持一說義皆可通不宜偏廢六曰存異如易之取象詩之比興後儒務為新奇而可欺惑愚眾者存而駁之使學者不迷於所從然後別加案語遵折衷彙纂之例庶幾經之大義開卷了然而又可旁推交通以曲盡其義類得旨此所定六類斟酌允當著照所奏行○江西巡撫岳溶奏辦理山東武關事竣再赴江西新任得旨知道了江西自常安諸務廢弛之後俞兆岳復徒務小節而不能整飭大綱所以特命汝往汝其勉力為之以副簡任之意

十二月庚申朔命常安管理北路糧餉○辛酉除湖北漢陽縣衝坵屯地及下稅地應攤丁銀○癸亥諭朕聞近日督撫中於屬員餽送土宜物件間有收受一二者此風斷不可長夫吏治以操守廉潔為本而持廉之道莫先於謹小慎微是以懸魚留犢前史著為美談而陸贄亦云鞭撻不已必及珠玉古名臣持身之謹恪如此我 皇考世宗憲皇帝宵旰勤勞日以整飭官方激清吏治為惠養斯民之要道十餘年來直省督撫類能稟守 訓諭砥礪清操用使大法小廉以倉壘為懼而閭閻共受其福朕繼續以來實意中外臣工恪遵 聖訓實力奉行一如 皇考臨御之時豈可以交際之微開苞苴之漸且從前州縣陋規未革所入本豐即餽送上司亦非盡剝削小民所得自酌定養廉各有定數多者千金少者數百金僅足為養贍家口延致暮容之資安有餘力交接上司勢必額外巧取吾民深受其患督撫為一省表率既收州縣土宜則兩司道府餽遺又不可卻而州縣既送督撫土宜則兩司道府餽送又不可少層累遞及督撫所收有限而屬員之費已不貲矣且我 皇考酌定養廉之意原欲使上司下屬無絲毫之授受則舉劾悉出公心無所瞻徇週護至督撫養廉之項頗為寬裕一絲一粟不必取辦於有司而屬員亦不得藉端獻媚俾督撫得潔己養公盡察吏安民之職設因些微土產而於黜陟之間稍干物議抑豈遠嫌之道我 皇考激清整飭之良規萬世所當遵守者

何忍稍有踰越漸致縱弛用是特申諭務各慎遵如有暗中收受者或經朕訪聞或被風聞參劾必嚴加議處以為懲儆不飭之

戒○命故太子太保內大臣哈世屯戶部尚書米思翰入祀賢良祠○乙丑改壽春協為鎮○增翰林院滿漢官二員○丙寅諭仰

惟 皇考世宗憲皇帝德並高深恩覃海宇駿烈鴻功垂裕萬世允宜配享 郊壇永崇禋祀朕思來年三月之吉 梓宮奉安地

宮 山陵事畢升祔 太廟之後配享之禮理宜敬謹舉行第其時夏至伊邇冬至尚遙若先奉配 方澤恐前後之未協若俟冬

至 南郊然後舉行又覺時日之久曠敬稽我朝舊制順治十四年三月 世祖章皇帝奉 太宗配享 闕丘翌日配享 方

澤康熙六年十一月丁未時屆 南郊 聖祖仁皇帝奉 世祖配享越十日配享 方澤兩朝典制均係特行禮隆儀備樂垂

史冊且稽之經傳成周郊祀后稷以配天宗祀文王於明堂以配上帝即月令所謂季秋大享帝也召諸載三月丁巳用牲於郊釋

者謂非常祀而祭天以告即位也又宋仁宗皇祐二年以大慶殿為明堂合祭天地三聖並侑一如闕丘南郊之儀則是古來因事

郊祀之禮不必定在二至之時明矣我朝舊制盡孝盡誠與古符合來年 世宗憲皇帝配 天大禮宜遵照舉行其應行典禮詳

議具奏尋議乾隆二年三月初五日 世宗憲皇帝升祔 太廟後謹遵兩朝舊制於夏至前敬選吉日奉 世宗憲皇帝配饗

闕丘夏至配饗 方澤三年孟春上辛日配饗 大饗殿從之○諭朝鮮歸順我朝恪守藩封之職累世恭謹向來八旗臺站官

兵於每年二八月間攜帶貨物前往中江與朝鮮貿易朕思旗人等俱有看守巡查之責原無販賣且亦不諳貿易之事遠人到

邊恐致稽遲守候多有未便嗣後著內地商民與朝鮮國人貿易即令中江稅官實力稽查務須均平交易毋得勒措滋擾以示朕

加惠遠人之至意該部並將此傳諭朝鮮國王知之○丁卯諭湖北鶴峯州長樂縣原係容美土司地方每年徵秋糧銀九十六兩

自前年改土歸流該督撫題明俟設立州縣後確查成熟田畝照內地科則輸糧今鶴峯州成熟田地共六百五十四頃應科條餉

銀四百七十九兩長樂縣成熟田地一百八十三頃應科條餉銀一百六十七兩朕查雍正八年湖南永順等土司改土歸流之時

蒙我 皇考念其地瘠民貧將土民承種成熟地畝應納錢糧即照原額秋糧二百八十兩之數分則升科仍寬免一年在案今容

美事同一例且聞彼地山田壟确土瘠水寒物產涼薄若照內地科則徵糧土民不無拮据著將鶴峯長樂二州縣見報成熟田畝

-5 128 40 945" data-label="Text">

亦照永順之例即以原徵秋糧銀九十六兩之數作為定額於乾隆丁巳年為始造冊徵收嗣後若有招徠勤懇荒地再行奏報酌

-55 128 100 945" data-label="Text">

量升科至裁改土司以後未經查丈以前雍正十二二十三等年及乾隆元年共應徵秋糧銀二百八十八兩悉著寬免不必補徵以

-105 128 110 945" data-label="Text">

示朕愛養土民至意○壬申吏部議覆內閣侍讀學士德通奏滿洲官員由別衙門升授翰詹等官者向仍兼原衙門行走但以堂

-155 128 160 945" data-label="Text">

官兼理司務體制未協等語應酌令翰林院講讀學士詹事府少詹事庶子國子監司業等官各回升任其由員外郎升侍讀侍講

-205 128 210 945" data-label="Text">

諭德洗馬由主事升中允由小京官升贊善者品級不甚懸殊仍兼兩處行走如侍讀等官兼主事中允兼小京官品秩已逾二級

-255 128 260 945" data-label="Text">

亦照例開缺從之○戊寅命科道等官不兼部務○甲申命開塔毛城舖引河○是歲朝鮮南寧道縣安南來貢

乾隆二年丁巳春正月癸巳諭各省屯糧科則輕重不一朕聞山西所屬太谷祁縣徐溝清源交城朔州馬邑左雲右玉偏關等十州縣之屯糧有較之民田過重者有同一屯地而徵糧之本折多寡不同者有同一科則而額糧之輕重相去懸殊者念此屯民皆吾赤子若地瘠糧重未免輸納維艱著該撫石麟轉飭各州縣有司秉公確查各就原額糧則之重者酌量裁減具題請旨俾輕重各得其宜輸糧不致竭蹶以示朕愛養屯民至意○給浙江佐雜官養廉以浙省差務繁多○甲午諭向來臺灣丁銀重於內地朕已加恩做照內地之例酌中減則每丁徵銀二錢以紓民力今聞臺地番黎大小計九十六社有每年輸納之項名曰番餉按了徵收有多至二兩一兩有餘五六錢不等者朕思民番皆吾赤子原無歧視所輸番餉即百姓之丁銀也著照民丁之例每丁徵銀二錢其餘悉行裁減該督撫可轉飭地方官出示曉諭實力奉行務令番民均霽實惠又聞澎湖廳淡防廳均有額編人丁每丁徵銀四錢有零從前未曾裁減亦著照臺灣四縣之例行○免雍正十二年以前各省截漕應追行糧漕贈○庚子諭據原任江南巡撫俞兆岳奏報乾隆元年九江贛州兩關稅課贏餘銀兩較前任共減收九萬有餘此事見已交與該部及新任巡撫岳濬查覈奏聞朕前因各省關稅於正額之外每多無名之費恣意苛索苦累商民是以降旨整剔弊端將應行減除者槩令禁止全在督撫大臣等督飭司權之員潔己奉公實力遵行以副朕輕徭薄賦加惠商民之至意今就江西一省言之已少收銀十萬兩推之各省則約計百有餘萬矣如果商民得沾實惠即更逾此數亦朕所樂聞有何吝惜但從來關權稅務與百貨價值原係相為表裏如果關稅減輕則物價亦必平賤若稅輕而價仍不減羣情亦不能帖服此一定之理也今京師貨物價值日見騰貴而外省亦復不減於前是各關所減課銀商民並未沾被恩澤徒飽胥吏之囊橐耳我 皇考臨御以來激清吏治凡此等官侵吏蝕之習久已弊絕風清今督撫諸臣如不能稽察屬員被其蒙混則庸懦無能有忝封疆之任若或己身稍有染指則名節有虧朕一經擯斥之後斷不復加錄用也可將此旨傳諭各省督撫令其各行稽查深自儆省若錯會朕釐剔弊端富於民之意又欲多報贏餘以致商民受困識見鄙陋其罪更不可逭矣○召趙宏恩來京以公慶復為兩江總督調那蘇圖為刑部尚書以訥親為兵部尚書由內大○乙巳實授楊超曾廣西巡撫以金鋐為刑部左侍郎○丙午釋王士俊回籍○庚戌諭雲南離京甚遠遇青黃不接之處著疆吏即調劑奏聞○召辦理海塘之大理寺卿汪滙內閣學士張坦麟回京○癸丑免京師至易州七州縣乾隆二年額賦○丙辰諭在璣衛以齊七政視雲物以驗歲功所以審休咎備修省先王深致謹焉今欽天監麻象考成一書於節序時刻固已推算精明分釐不爽而星官之術占驗之方則闕焉未講但天文家言互有疏密非精習不能無差海內有精曉天文明於星象者直省督撫確訪試驗術果精通著資送來京該部奏聞請旨

二月庚申停榜後保舉庶吉士及改用額外主事例○甲子諭前據御史薛福條奏各款內有限田一條頗有關繫是以交與總理

事務王大臣閱看今據王大臣等議稱限田之說種種擾亂為害甚大斷不可行而薛祖以此悖謬之說見之章奏理應交部家議等語朕念切求言若因此加以處分恐阻人進言之路且伊所敷陳者尚有直釐之氣近理之語即如養德性謹好尚二條雖尋常迂闊之談眾人所習聞而朕十二三歲時所熟悉之論君德修明惟在躬行實踐不徒尚喋喋講論之虛文然使此等之言時聞朕等語則自 皇祖 皇考以及朕躬從未披覽記注不知出於何耳以補朕之遺忘亦未為不可至所稱起居冊檔不應進呈御覽人之謬傳也蓋人君政事言動萬國觀瞻若有闕失豈能禁人之不書儻自信無他又何必觀其記載當時唐太宗索觀記注朕方以為非豈肯躬自蹈之乎又稱法司衙門辦理特交之事必引重律一條朕辦事以來詳閱刑部本章亦並無此弊薛祖職司言責分宜進言雖限於識見自成固陋然言不必其有當意猶本乎抒誠著從寬免其察議又今日御史舒赫德奏稱近來九卿多有委靡習氣不實心辦事即如周琬一件九卿中無一人能斷此事者又稱雷霆雨露均屬天恩又稱九卿應時常接見以察其居心行事激濁揚清等語當日 皇考時時召見九卿諄切訓誨反覆周詳至十三年之久而能祇承 聖訓深知愧勉者能有幾人且錯

會 聖意以為揣摩得當而失之毫釐謬以千里者不知其凡幾也朕自分學力識見不逮 皇考之萬一即使朕時常召見諄諄告誡又不能免訓誨過切啓眾人以非禮待臣工之譏誠不若九卿追思 皇考之遺訓各自奮勉之為愈也况朕未嘗不接對九卿諸臣之居心行事豈惟悉其梗槩亦能察其所安其中能矢志公忠才識明達可為國家棟梁時時勤咨訪大有裨於政治為朕所深服者尙未見其人也爾等九卿惟當夙夜匪懈厚自期待為國家倚賴之人慎勿自輕自棄以貽小臣等之訾議是則朕心所切望者至於該御史等所稱既惇大成裕必兼明作有功等語其意以惇大成裕明作有功分為兩事不知惇大非寬縱之謂明作非嚴刻之謂要惟不競不厭無怠荒大中正庶可幾到隆之上理我君臣其共勉之○乙丑建歸化城○丙寅安南國王黎維祐卒嗣子黎維禱遣使告哀附貢方物○丁卯命親老改補人員應補日准通算前俸○立河南南召縣學宮○己巳 上以登

極詔內赦款奉行遲延特旨切責○庚午恭繕 世宗憲皇帝上諭告成○癸酉諭朕因外省軍田糧額輕重不等年來留心訪察聞浙江温州衛見徵屯田三百一十二頃每畝額徵銀一錢七分零台州衛見徵屯田二百二十頃每畝額徵銀一錢四分零比本地民田較重丁民輸納未免艱難查杭州前右二衛科則均係一錢二分八釐溫台二衛屯田著照此例畫一徵收永著為例俾沿海丁民受減賦之益○丁丑復命揀選下第舉人發本省以教職用○戊寅遣翰林院侍讀高壽修撰陳俊册封黎維禱為安南國王○庚辰 孝敬憲皇后梓宮發引 上恭送往 泰陵啓鑾○辛巳召劉於義來京以德沛為甘肅巡撫由古北口○甲申 孝

敬憲皇后梓宮至 泰陵 上詣 世宗憲皇帝享殿恭奠安奉 孝敬憲皇后梓宮於 享殿○乙酉詣 孝敬憲皇后梓宮前行暫安奉禮○是月安慶巡撫趙國麟奏懇曲賜訓誨有所遵循得旨學問戒乎自欺莅政臨民尤戒乎自欺要當以學問與政事

行暫安奉禮○是月安慶巡撫趙國麟奏懇曲賜訓誨有所遵循得旨學問戒乎自欺莅政臨民尤戒乎自欺要當以學問與政事

管川陝總督查耶阿奏三渡河西之七兒堡地方添設濶甯一營據撫臣楊勳委勘之鹽源令王秉鑑稱濶甯處萬山之中陰雨不時原修城工旋補旋倒實難垂久而濶甯同知宋虞凱又稱實係山坡地勢傾側猛雨不時山水衝激倒塌傾圮勢所必至隨檄令建昌鎮總兵趙儒建昌道李學裕會同前赴濶甯秉公查勘得旨知道了此皆王秉鑑宋虞凱不實心任事或有冒銷爲楊勳無能卿在蜀省之故所當查參追究而不可姑息者也○四川巡撫楊勳奏前任督臣黃廷桂議奏河西七兒堡添設濶甯一營臣委員查勘並據建昌鎮臣趙儒札指情形不獨城工旋修旋塌萬難垂久抑且兵糧輓運阻隔派累滋擾所設營制亦多種種未善得旨朕未看汝摺卽先批示查耶阿摺中矣此皆出於汝與黃廷桂不和彼卸督而留提汝尙不敢爲此奏必至伊來京汝始敢爲此奏汝試思汝尙具人面貌乎查耶阿摺中朕尙疑出於宋虞凱輩之玩公營私觀此則保明出汝意矣汝若謂實因地勢如此不妨摺奏前來朕另差大臣一員前往相度若如汝所言朕必重處黃廷桂以爲妄生事端者戒如其不然汝亦不能免將此奏與查耶阿觀之

三月庚寅葬 世宗憲皇帝於 泰陵 孝敬憲皇后附 上回鑾○辛卯實授程元章刑部右侍郎○壬辰 上還京師○癸巳

世宗憲皇帝 孝敬憲皇后升祔 太廟○丙申諭給與僧道度牒一事朕前後兩頒諭旨明切曉示冀督撫有司辦理妥協昨問及安徽巡撫趙國麟據伊奏稱有此番濫汰嗣後便可不必再給度牒等語朕不知趙國麟之意將以度牒爲多事滋擾而不必給耶抑謂釋道之教應行禁絕而嗣後無庸給發遂永不許人爲僧道耶恐直省督撫未必能如是精明強固不動聲色遂使天下無一僧道也夫朕之酌復度牒本以僧道徒眾太繁賢愚洞雜其中多童稚孤貧父母親戚主張出家而非其所願者亦有託迹藉黃利其財產仍然蕩檢踰閑者甚至匪類作奸犯科不得已而雜髮道裝以避盤詰藏垢納污無所不至是以發給度牒令有所稽考亦如民間之有保甲不致藏奸實監之有執照不容假冒果能奉行盡善則教律整飭而民間亦覺肅然豈欲繁爲法禁苦累方外之民耶夫釋道原爲異端然誦讀經書而罔顧行檢者其得罪聖賢視異端尤甚焉且如星象雜流及回回天主等教國家功令原未嘗禁行禁絕彼爲僧道亦不過營生之一術耳窮老孤獨多賴以存活其勸善戒惡化導愚頑亦不無小補帝王法天立道博愛無私將使天下含生之類無一不得其所僧道果能閉戶焚修亦如隱逸之士遐迹山林於世教非有大害豈忍盡驅還俗使失業無依或致顛連以終世哉至於少年爲尼常恐心志未定別生事端故待年已老成始許披髮亦非盡絕其教也若云僧道多一人則盡力南畝少一人恐目今爲僧道者未必皆肯盡力南畝朕令直省督撫年終彙題卽欲徐徐辦理之意而並非謂目下盡行禁絕人之爲僧道也據趙國麟此奏誤會朕意恐他省督撫尙有似此者故再行申諭務體朕撫育羣生物各得所之意詳悉妥議徐徐辦理又前年以民賜喜建寺廟而舊時寺廟傾圮者多特諭止許修葺舊寺舊廟近聞舊址重修者絕少聞有新建寺廟者地方官並不將朕諭旨宣布開導此亦奉行不謹怠忽從事之一端並諭令直省督撫知之○飭各直省增孤貧口糧遇閏加給

○革廣西桂林臨江二廠雜稅○甲辰諭工部尚書涂天相在學士裏行走命兆晟乃降調革職之員朕以其曾在部中辦事之人故特加錄用乃二人一無建白惟以庸懦保位為事大負朕擢用之意且年皆老邁著給以三品頂帶各回原籍工部尚書著趙宏恩補授○以顧琮協辦吏部尚書事○禮部議江甯總督趙宏恩奏上下兩江士子分闈鄉試建造貢院各事宜應如所請得旨從前陝西甘肅奏請分闈考試經總理事務處議不准行安徽赴江甯應試既不若湖南有洞庭之險並不若陝甘道路遠闊徒以增廣解額延議遂加以應否分闈令該督撫議奏之語而趙宏恩等遂有分闈之請今部議准行明係九卿中江南人多而甘陝無人遂致事同而議異此風斷不可長這本著發回趙宏恩等不顧事理之當否遽議分闈殊屬不合著交部嚴察議奏其江甯安徽既經增額分中則房考官應否酌添並見在貢院應如何拓展修理俾士子得以從容考試著該督撫另行妥議具奏○乙巳廣西巡撫楊超曾奏刑部左侍郎金銜於廣西巡撫任內向蒼梧道黃岳牧私借銅務充公銀兩得旨革職交刑部審奏○戊申給事中畢誼奏請特赦史臣取經史諸書及古來奏議不論卷帙亦無拘忌諱日派二人各寫數幅進呈伏乞聽政之餘必賜披覽得旨朕在潛邸六經諸史皆嘗誦習自承大統劬勞萬幾少有餘閒未嘗不稽經讀禮今年練既逾畢誼所奏令諸臣日繕經史奏議理得施行在朕廣挹羣言可以因事監觀隨時觸發而覽諸臣所進亦可考驗其學識或召見講論則性情心術並因此可覘但畢誼所奏止及史臣而朕意科道職司獻替應令一體錄呈其規條應如何酌定並分日按班呈奏事宜著總理事務王大臣定議具奏○己酉程仁圻丁憂以帥念祖署西安布政使由中書科署○庚戌總理事務王大臣議奏歸化城蓋造新城去右衛僅二百餘里無庸添設將軍請將右衛將軍移駐新城止添副都統二員其右衛之副都統二員仍留原處亦歸併將軍管轄從之○辛亥諭朕因楊畝不勝川撫是以命伊來京而以王士俊代之既而王士俊因事革職一時未得其人是以仍命彼前往臨行之際復諄諄告誡以吏治民生之故今自回任後並無悛改之心而玩視民瘼一味挾私於吏治民生毫無裨益大負朕擢用之恩著革職在川以己力保固濶甯工程五年再行請旨四川巡撫著碩色調補陝西巡撫員缺著倉場侍郎崔紀署理○壬子諭朕即位以來屢下求言之詔實冀科道諸臣各抒忠盡凡有見聞即據實陳奏俾無壅蔽乃近見進言諸臣仍多揣摩迎合之習竟有悉屬浮言毫無實際如御史謝濟世所奏者據稱有罪復用之人如隆昇者國人皆曰不可近來如隆昇者更多等語果如謝濟世所言伊身為言官即應指明事蹟實舉姓名不應為此含糊之論又稱王士俊速勘赦回頃聞清問及之議者以為將來不藩司必臬司等語王士俊之罪彰明較著原無可復用之理前日朕問及者欲令其赴軍臺效力因其已經回籍故未降旨今謝濟世乃謂欲用為藩臬不知何所見而為此臆度之語又稱官員在任守制已奉特諭停止而近日督撫又漸次請行等語近來督撫並未陳請官員在任守制者惟湖南辰永靖道李珣因承辦貴州軍糧在途遇有親喪曾經該撫高其倬題請暫留部議令其事竣回籍守制亦非竟在任守制也今謝濟世漸次請行之語又何所指乎又稱監生不准考職經九卿翰詹科道議准不行停止昨恩詔內有監生仍准考職一款

夫考職者入仕之路也既著捐監又准考職者是復開捐例之張本等語貢監考授職銜原屬舊例蓋因州縣佐貳既不用科甲又不便用吏員出身之人是以將貢監按年考職揆次補用從前候選人員壅滯尙可議停今既不開捐例若再永停考職則十數年後佐貳一官無人銓補今謝濟世乃以考職爲開捐張本夫考職與開捐有何關涉而爲此支離之語乎又謝濟世奏稱半年以來非無可言之事而無進言之人此臣之所以不能已於言等語夫半年以來既有可言之事謝濟世職司獻納何以不行陳奏且半年以來何嘗無進言之人豈謝濟世獨聞知乎乃稱因無進言之人而不能已於言則顯懷觀望之私且多詭譎之意前後語言誕妄支離本應交部嚴加議處以爲妄行瀆奏者戒但朕念切求言豈因一昏愚無知之謝濟世遂阻進言之路故寬免交部著嚴行申飭伊若以爲事有確據著將伊摺內所陳一一明白回奏從來言官陋習相沿多由迎合若人主意爲絲數臣工率刻意吹毛求疵巧避瞻徇之迹而置君德於不問若人主意在樂聞已過則又往往於朝廷之政事吏治之得失不一言及甚有臣工不能靖共羣僚或植黨援會不敢一指摘以遠嫌避咎爲事摭拾陳言以自沽能攻君心之名是其居心之陰巧乃國家之大蠹也朕孜孜求治常恐不及使偶有關失言官果能據實彈劾亦足爲用人鑑戒若徒剽襲膚詞則史冊具在儘足披覽何用伊等喋喋陳奏乎今觀謝濟世所奏多係揣摩迎合之意是以一一剖晰開示諸臣儻錯會朕意轉生畏惡之念則又不知朕推誠布公之心者也著傳諭各科道知之○召鍾保來京調楊永斌爲湖北巡撫由湖南調○甲寅以王暮署廣東巡撫由山西布政使署○召富德來京以尹會一署河南巡撫由兩淮鹽政署○乙卯以劉統勳爲刑部左侍郎由內閣學士選○起許容署山西布政使○丙辰命恩赦以前人犯情輕者均免通緝○是月湖南巡撫高其倬奏報湖南城步嚴甯之兇格蒲寅鳳老一等劫殺多案拒戕兵役今仍出山戕害民人攻卡拒傷弁兵不法已極見在設法勦懲以除此害得旨知道了此事汝於去年具奏時朕即諭以持重得體爲要今既釀成事端而不可中止切莫又欲苟且完局以圖了事而傷國體也

夏四月己未朔諭日來廷臣奏事甚稀得無謂天久不雨朕心憂惻恐重以煩朕以是爲愛君耶陽愆陰伏正宜君臣交儆勤思治道以仰邀 天鑒諸務尤當直陳不諱以踐畏 天懼民之實其咸喻朕意毋忽○壬戌禮部奏朝鮮國王咨請中江每年二八月開貿易懇仍舊例遵行得旨朕前以臺站官兵每年二八月開攜帶貨物前往中江與朝鮮貿易兵丁既不諳貿易之事且不無需索擾累誠恐遠人到邊守候遲延殊多未便是以降旨令內地商民前往均平交易內地商民即指附近臺站之百姓而言並非於京師關內另有派遣此朕體恤遠人之意也今該國王既請仍如舊例著照所請仍循舊例與兵丁等按期交易可傳諭該國王知之○癸亥諭水利所關農功甚重雲南跬步皆山不通舟楫田號雷鳴民無積蓄一遇荒歉米價騰貴較他省過數倍是水利一事尤不可不講也朕常籌慮會面詢大學士鄂爾泰據奏前任雲南凡可以疏濬處所已漸次興舉因廣西省產米甚多如通舟即能接濟會委開廣西剝隘地方至雲南屬廣西府河道雖已有頭緒猶恐未能深通再四川省亦產米之區滇屬尋甸州之牛欄江

其下有車洪江流水可通川江若能開通川江舟楫可直抵嵩明州之河口亦會委員查勘因形勢險窄啟議難行特已進京遂爾中止此外川河前經引導見有可達昭通者若由昭通次第開鑿或可通牛欄江亦大有裨益等語可將此情節寄字與尹繼善令其悉心籌畫無論通粵通川及本省河海凡係水利及凡有關於民食者皆當及時興修不時疏濬總期有備無患要須因地制宜事可謀成斷不應惜費如難奏效亦不必強作著並諭張允隨知之○甲子諭聞得江浙兩省民間輸納白糧較漕糧費用繁重甚屬艱難朕心深為軫念諭令該部詳查具奏兩省歲運白糧二十二萬餘石太常寺光祿寺各賓館需用二千餘石王公官員俸米約需十五六萬石內務府禁城兵丁及太監食用等項需一萬石尚餘五萬石存倉等語朕思光祿寺等處所支原以供祭祀及賓館之用在所必需其王公百官俸米應用白糧者可酌量減半以粳米抵給至賞給禁城兵丁及太監米石亦可將白糧減給以粳米如此則每年所需白糧不過十萬石仍照常徵收起運其餘十二萬石著漕運總督會同該督撫酌行改徵漕糧其經費銀米俱照漕例徵收以紓民力至減除白糧數內應作何添放粳米之處戶部詳議具奏○諭朕前因蕭永等處屢遭水患應作何辦理為又安百姓之計令該督撫總河等勸明妥議嗣據該督撫等奏請疏濬毛城鋪池下一帶河道經徐蕭肅宿靈虹等州縣下至泗州之安河陡門紆回曲折六百餘里以達於洪澤湖復出清口仍與黃會已經該部議行隨據淮揚京員夏之芳等聯名陳奏以為未便朕以為該員等生長淮揚所奏毛城鋪引河不便開通之處果有所見亦未可定此事關繫重大是以復降諭旨令總河會同該督撫悉心籌畫不可固執己見亦不可曲徇人言務期於運道民生萬全無弊今據高斌趙宏恩來京進呈河圖面奏情事乃知夏之芳等所奏俱非見在情形據夏之芳等稱毛城鋪減水壩原因徐州一帶兩岸山勢夾束河水屢屢為患是以前河臣靳輔於康熙十七年題明建設減下之水使歸洪湖以助清刷黃六十年來上下河道民生均受其益等語但見今毛城鋪濬河乃因毛城鋪壩以下舊有之河身淤阻量加挑浚使水有所歸並非開鑿毛城鋪之壩也乃夏之芳等妄行添入開毛城鋪之一語使朕亦不能無疑會屢次批示高斌不可固執己見而王大臣遂亦不能定此案淮揚百姓因夏之芳倡議於京遂浮論百出而莫可止遏今據高斌趙宏恩來京奏稱乃舊有之河並非昔無而今始開運況減下之水紆回曲折六百餘里經由楊壩等五湖為之滯蓄一入湖邊即已激清從無挾沙入洪湖之患亦無洪湖不能容納之處又豈如夏之芳等所言危高堰而妨淮揚之民生運道乎朕披閱河圖毛城鋪口門外近年以來刷深支河十餘道前經高斌奏明見將毛城鋪上游洩黃近溜支河全行堵閉惟留旁流之郭家口支河一道與下游倒勾水之定國寺支河一道相機分洩不令過多則將來毛城鋪所洩之水較之從前尚為減去大半豈從前多洩之水不為淮揚之害而此後少洩之水轉為淮揚之患乎况今高斌等議於毛城鋪口門中間築亂石滾壩俾無衝深旁溜之虞則引河之水勢自不至奔湍迅疾從來洪湖之水蓄以濟運刷黃水少則淮弱黃強水多則高堰可虞數年以來湖水微弱黃水每致倒灌入運今清口見議疏濬寬深則清水暢流無阻正慮清水暢洩有傷全湖元氣今如所議毛城鋪洩下之水則足以助清刷

黃面清水不思其說且高舉一隅 聖祖 世宗屢發帑金修築堅固足爲淮揚保障而天然一塢又經總理事務王大臣會同九卿定議非遇異漲不得輕開則淮揚州縣之水患自由此可免此見今毛城鋪引河之應行開濬情形也朕令高斌趙宏恩公同總理事務王大臣與夏之芳等悉心講論而夏之芳等身未親歷其地徒以臆於浮言復回執偏見及王大臣等略爲辨論即多遁詞其原無定見可知矣今日忽據御史甄之璜鍾衡抗疏陳奏甄之璜奏稱毛城鋪開河淮揚百萬之眾憂慮惶恐因致直隸地方雨澤愆期等語夫淮揚與直隸相隔數千里直隸之亢旱與毛城鋪引河何涉而乃爲此支離誕妄之語鍾衡條奏二摺皆係毫無裨益之事將毛城鋪一案牽引敘入尤屬巧詐河防重務必須明白指陳尤須詳細斟酌固不可偏執已見又豈可曲徇人言從前邵基晏斯盛等所奏尙不過狃於眾論拘於識見而畢諛之奏亦止論眾議紛紜原未指陳可否今甄之璜鍾衡並未親歷河工確知河務且非淮揚本籍乃毅然奏請停止明係受人指使爲先入之言挾黨營私豈爲公論從來地方重務每妄生議論動有阻撓乃明季相沿之陋習此風斷不可長甄之璜鍾衡著革職交部嚴審定擬具奏夏之芳等既以冒昧之識阻撓河務於前又以巧詐之私希冀掩過於後此並非尋常奏對不實者比著交部嚴察議奏毛城鋪斷自朕見事屬應行著照九卿原議令總督慶復會同高斌確估定議具奏並將見在辦理情形有利無害之處曉諭淮揚士民知之○以早命刑部清理庶獄○乙丑諭從來國家廣開言路原期明達聽集思廣益以有神國是也無如人心不古率多觀望揣摩如不導之使言則緘默苟容以保祿位若屢下求言之詔則又或勦襲膚詞以博能攻君心之名甚至結黨植援欲阻撓公事以遂其私若不加懲創則經理庶務每致眾議紛紛羣言淆亂鮮不至僨事而傷道者此明季之陋習不可不防其漸也此來如河南鄭州一案孫嘉淦富德吳應棻等各持意見周璇一案都察院與鄂善互相攻訐今毛城鋪一事又復眾論參差若踵此而行徒有妨於國體毫無益於公事且毛城鋪一案高斌趙宏恩來京面陳情形甚爲詳晰朕命總理事務王大臣等面詢夏之芳俱係遁詞伊等見事不能行又有甄之璜鍾衡爲之陳奏其指使朋比更屬顯然而雅爾哈善援引漢文帝唐太宗故事欲寬其處分夫甄之璜鍾衡所奏並非規諫朕躬之失也國政所關不容擾亂是以治其阻撓之罪此乃進退賞罰之大要豈可避有妨言路之嫌而置是非於不問乎雅爾哈善所奏甚屬錯誤因伊尙係拘於識見而非由於請託故從寬免其議處王大臣等可嚴行申飭並將朕旨曉諭總之言路不可不開而公私不可不辨如果朕躬某事未當能直言其失朕必樂於聽受諸王大臣某事有誤能直指其非朕亦必爲之獎許若無稽之言弗詢之謀既古聖人所不聽不用而懷私挾詐希圖溷淆政務尤當懲一儆百此並非阻塞言路也科道諸臣中有誠心爲國者必不因一二人所言不當致懼處分遂阻其直言敢諫之氣自當更有嘉謨嘉猷以圖入告其觀望迎合之輩或因有所悚惕而不敢進言是本無忠愛之誠無非爲身名之計即使進言其所進之言亦槩可想見曾何足以匡君德而輔政務乎朕萬幾在握中有定見必不因拘墟之見而有所清惑也○丙寅 世宗憲皇帝齊妃薨駕至五龍亭殯所奠酒○戊辰命侍衛承襲往河南松福往山東查勘旱災○刑部遵

旨審覆廣西巡撫金鉞用印票借支耆耆道庫銅務充公銀一案應請照例枷責得旨前因楊超會參奏金鉞借用充公銀兩一摺內稱金鉞在廣西巡撫任內各項錢糧收支不清者甚多容臣陸續查參等語朕意其必有貪劣實蹟是以交部嚴察議奏後楊超會查參到來皆係瑣屑無關重輕之事則金鉞尚無劣蹟可知今覽刑部所審此案原非正項錢糧且金鉞用印文借而黃岳牧用印冊申報亦非暗相侵蝕可比部議金鉞枷責之處著寬免所借銀兩亦不必著追黃岳牧俟到京後該部帶領引見另降諭旨○己巳總理事務王大臣遵旨會議一議清口前據夏之芳等奏稱疏濬清口臣等以清口疾隘湖流勢難以敵黃議令總河高斌會同該督撫詳加相度悉心妥議嗣據巡撫邵基奏稱河臣籌議清口之處與臣意見相同今據趙宏恩高斌奏稱清口會黃東注入海全資洪澤湖蓄洩得宜其尾閘之山圩天然南北二壩非遇異漲斷不輕開俾全湖之水蓄聚有力暢出清口至冬春湖水微弱每逢東北大風則黃水灌入應籌抵禦之策查萬賑於工案內開挑七道引河之三汊河今議再加寬深俾水道通利雖遇泛寒水微之候亦得引流暢出抵禦黃流但清口固宜暢流而亦不可過洩應於霜降水落之後將清口西壩增長一二十丈以資收蓄至伏秋清水盛漲將清口東壩酌量開寬一二十丈則清黃足以相抵而蓄洩俱為得宜查清口之水所以刷黃蓋運河臣與督撫諸臣籌議挑濬清口引河俾暢流無阻並蓄洩機宜所見既屬相同應悉照河臣所奏行一議運河前據御史常祿奏准揚運河日久淤淺請大加挑濬嗣經河臣議於天妃正越兩閘之間各建草壩三座再建正石閘二座越河石閘二座又於開尾各建草壩三座重重關鎖層層收蓄將運河淤淺之處一律估挑幫築隄岸經九卿議准請俟運河大工告竣之後再令總河會同督撫相度次第酌辦亦應照原議行以上各條臣等公同總河高斌尚書趙宏恩悉心籌議事關重大仰祈 聖鑒訓示再請敕下九卿公同覆議施行得旨此事朕已洞悉原委王大臣與高斌趙宏恩所議俱屬合宜不必再交九卿著依議速行○裁貴州清平等二十三處驛站○免福建閩縣侯官二縣缺額銀米○庚午諭朕因天時亢旱齋戒虔禱憂惕靡甯亦惟引為朕躬之責未嘗委之臣下在九卿大臣等既膺簡畀重任自當仰體朕心共矢寅恭以邀天鑒原不待朕之訓飭也今覽春山奏請自內閣部院各大臣及翰林院科道郎中等官除照常辦事外俱各輪班赴 壇祈禱至夜則於各衙門齋宿等語朕思諸臣所禱齋宿亦止奉為具文詎能昭格而庶官人數甚多儻有一二人其心以為不使而出於勉強則禮製尤甚春山所奏無益且未悉朕不諉責臣下之意特曉諭廷臣知之○以張照為內閣學士原任刑部尚書○辛未諭各省督撫題補人員因格於部例而要地需人遂許其摺奏允從所請以致違例升用者頗多在各省督撫忠於國家為人材起見者豈無其人而因許摺奏遂於其中或同鄉或世誼或世誼之同鄉違例奏請補用者實繁有徒矣夫朝廷之官階豈可為私門之桃李嗣後督撫摺奏補用人員者著於摺內聲明本人科分籍貫以憑朕酌奪焉○准包衣佐領管領與入旗聯姻○癸酉諭昔年 皇考軫念部務繁多之尚書侍郎 特恩加賜雙俸並令遇有罰俸處分免罰

堂之例不罰加增之俸是在京文員竟無罰俸之事何以示懲且與武員事不畫一未免偏枯勢不可行嗣後大小京員遇有罰俸案件將本身應得俸銀按年按月計算不必分別扣除○諭王大臣等蘇州巡撫邵基在上書房行走數年資性聰明曉世務朕深知其爲人料伊亦必知朕之用人理政多能察自當小心奉公恪守繩墨不敢稍有踰越則封疆重寄尙可勝任此朕簡用邵基之本意也乃自伊到任以來所辦事件尙未見何如而題補官員一節則不能無私如臬司戴永椿知府王喬林石杰知州褚鞠書皆其同鄉道員李梅賓盧見曾皆其同年今又具摺將革職通判王廷熙署直隸通州知州通州知州張桐請署淮安府知府查王廷熙又係伊之同鄉而張桐卽大學士張廷玉之姪也夫督撫薦舉人材乃封疆第一要務卽循例保題者尙當稍避嫌疑越格逾例題升題補而可任意行之乎觀邵基意中竟以朕之待彼深信不疑而爲此舉動不知檢束是朕知邵基而邵基竟不知朕矣若踵此而行將來必致大負朕恩爾等可傳旨嚴行申飭嗣後當洗心滌慮痛自檢改毋蹈前轍自取罪愆○甲戌祀 天於

圖丘恭奉

世宗憲皇帝配享○乙亥諭禮部奏本月十六日恭奉

世宗憲皇帝配享

圖丘禮成甘霖正沛仰見

皇上至孝

至敬之誠感格天心其應如響自後可望雨澤時行今禁屠祈禱將近彌月可否謝雨之處具奏請旨等語朕恭奉 皇考配享

圖丘辰刻雖經得雨尙未霑足且昨晚今早仍復多風如我君臣遽以得雨爲昭格天心朕衷實爲抱愧吾誰欺欺天乎卽爾等王大臣亦不當如此存心如此陳奏也但禁止屠宰已將彌月物價漸至騰貴民間多有未便其僧道誦經原屬儀文亦非切務著

照禮部所請停止至於朕在齋居躬行減膳虔誠祈禱自不敢稍減於前况朕慮念農功爲民請命當該部未經求雨之時早已積誠於中無時有閒惟 上天鑒此忱悃朕亦不以此宣示臣民也該部所奏謝雨之禮且不必行應俟霖雨既渥之後再竭誠仰答

神貺○丙子諭傳爾丹陳泰岳鍾琪貽誤軍機罪無可貸我 皇考念傳爾丹陳泰祖父俱有勳而岳鍾琪從前亦曾效力是以未將伊等正法朕仰體 皇考聖心將來秋審時亦必不行句決但前此用兵之際不便遽行釋放今軍務已竣朕矜恤之意不忍使之入繫囹圄俱著寬釋令其自愧○以畿輔缺雨免直隸今年額賦○丁丑諭允祿允禩前因獲罪削爵國禁論其獲罪原委

並無屈抑之處但朕念伊等爲天潢一派自加恩寬釋以來亦皆深知前非自悔自艾安分家居未嘗生事今復加恩賜給伊等公爵空銜不必食俸仍令在家居住其各安靜守法以副朕篤厚宗文之意○諭朕前因御史夏之芳等陳奏毛城鋪之事惑於浮言

復固執偏見王大臣等正在考訂間而御史甄之璜鍾衡復爲陳奏顯有指使附和阻撓公事之意是以將甄之璜鍾衡革職交部

嚴審夏之芳等交部嚴察議奏蓋國政所關不容紊亂若以私意阻撓則害理而傷治此風斷不可長並非以言官所言稍有不當而卽加以處分也今朕思伊等固有應得之處分但恐識見卑陋之人謂朕加罪言官或畏蕙觀望卽確有見聞亦緘默不言則大

非朕求言之本意矣甄之璜鍾衡從寬免其治罪著降三級仍留御史之任夏之芳等以淮揚之人言河工之事雖所言失實而情尙可原著一併免其議處○諭王奕清爲伊父大學士王揆求請典情詞懇切王揆當日不能深知 皇祖默定儲位之聖心昌

味漬奏固屬不合但伊身居政府爲國本起見尙屬分所應言今朕垂念舊臣加恩有過其應得卹典該部察例具奏尋子祭葬○免雲南乾隆元年帶徵秋糧○庚辰武都等族番民改土歸流○總理事務王大臣等議覆據定邊左副將軍額駙策凌奏貝勒青滾雜卜報三月初十日噶爾丹策零遣人送還去秋被掠津巴鄂羅斯且有致重臣汗等書書中所言仍欲得阿爾台似應覆與一書等語臣等觀準夷此舉大有窮蹙向化之意但阿爾台斷不可與前此救書業已詳備毋庸再給應令額駙策凌作書答之臣等恭擬呈覽從之擬書曰固倫額駙策凌致書準噶爾台吉今年四月津巴來得台吉書云我欲取阿爾台台吉尙未曉 大皇帝之意我果有取阿爾台之心大兵豈肯盡撤我撤大兵卽可知 大皇帝之意矣阿爾台乃天定交界爾父渾台吉時阿爾台以南原無厄魯特游牧自滅噶爾丹博什克圖以來我等建城駐兵其地眾所共知其不令爾游牧者原欲以阿爾台爲開地兩不相取彼此隔遠庶永和相好不起爭端耳今台吉反云難以相讓給試思阿爾台果係誰地誰能讓給 大皇帝據理諭爾斷斷基明白台吉尙爾飾說是不願意眾生也論說滋多空勞往返總之阿爾台可以給爾與否台吉宜再詳思不可偏執利己之見也又謂備處則有害我等游牧彼此相持誰受其害尙在未定 大皇帝洞鑒留作隙地正欲廣教安民耳台吉若欲如前者首禍興兵是勞苦眾生皆爾之故於我無涉也來書又言興兵構怨違亦可至我 大皇帝諭令分畫疆界原欲爾我自息兵爾誠遵旨定議我兵必不爲禍始亦不復向科布多居住儻爾復造釁端我惟坐待其來並不煩內地兵惟盡我喀爾喀之力上報 主恩孰是孰非孰好生孰不好生自有天鑒我部惟體 大皇帝仁育之心防邊居守弗爲禍始勞苦士馬而已台吉其知之又謂我卡倫逼近阿爾台故爾生疑擒此二人自今卡倫宜向內撤按我等見在卡倫乃 聖祖仁皇帝時設立至今並未外移卽議定地界卡倫豈可立今欲令我內撤是強以難行之事也又謂毋近阿爾台游牧或致生事台吉果遵 大皇帝諭旨止議定界於理甚合於爾亦無甚難行今反言生事是猶意在興兵也惟末云當告知部院大臣奏聞 大皇帝以廣黃教以安眾生知台吉雖多飾詞仍意在求和耳我已舉大略奏聞欽奉 大皇帝諭旨噶爾丹策零遣吹納木喀來時諸事俱經降旨曉諭何彼尙未深悉朕意彼既行文於爾爾可再以朕諭曉諭之書至台吉其詳審是非利害遣使達誠如爾難於遣使我當代奏令爾使赴京共成和好若仍率軍借端於事何益○癸未諭朕查閩省澎湖地方係海中孤島並無田地可耕附島居民成置小艇捕魚以餬其口昔年提臣施琅倚勢霸占立爲獨行每年得規禮一千二百兩及許良彬到任後遂將此項奏請歸公以爲提督衙門公事之用每年交納率以爲常行家任意苛求漁人多受剝削煩爲沿海窮民之累著總督郝玉麟宣朕諭旨永行禁革其見在捕魚船隻飭令該地方官照例編號稽查辦理此項陋規既裁若水師提督衙門有公用必不可少之處著郝玉麟將別項銀兩酌撥數百金補之○丁亥除廣東雲南雜稅○是月刑部左侍郎劉統勳奏浙省海塘工程惟朱軾所建五百丈至今堅固其餘舊塘俱難經久至於培築尖山開空引河費用浩繁成功難必此督臣盛曾筠所以專主建築魚鱗大石塘之議也我 皇上不惜百萬帑金以衛浙民田廬今歲北岸海沙漸漲

南寧江浦清運可望成功○甯城城南石塘五百丈見已完密鐵長橋平鋪巨石灌以米泔灰漿以鐵釘鐵線後來工程若始終如一可保永遠無慮查向來保固之法於塘外鐵橋石層累而上作爲坡陀之形名爲坦水此項工程在今日有不得不修之勢計海塘與河工形勢迥不相侔河工有應築應開應濬之不同卽有不得不築必不可築之異海塘之內皆屬寸土寸金之地一有衝決民命攸關且雨水一入數年之內必致顆粒無收旣議築塘捍禦自不容有兩歧之議此實在情形也得旨知道了久而悉其情形再久而識其作法原不可以欲速者也

五月戊子朔減山西太谷等十一州縣屯田額賦○己丑諭朕聞福建丁銀一項雍正二年經原任巡撫黃國材請照各省之例就

田勻派每田糧一兩勻丁銀一錢至二錢不等通省願以爲便獨有龍巖州屬之甯洋縣福甯府之壽甯縣因地糧少而丁額重若照勻入地畝之例則有田之家卽成加賦勢有難行止得仍循其舊查通省丁銀中則不過二錢而甯壽二邑每丁徵至四錢二三

錢不等民力未免艱難朕愛養黎元欲其均霑膏澤不忍令其竭蹶於輸將著將二縣丁銀照中則每丁徵收二錢其餘盡行寬免

○辛卯賜于敏中等三百二十四人進士及第出身有差○壬辰諭翰林乃文學侍從之臣所以備制誥文章之選朕看近日翰詹等官其中詞采可觀者固不乏人而淺陋荒疏者亦不少非朕親加考試無以鼓勵其讀書向學之心自少詹讀講學士以下編修檢討以上滿漢各官著於本月初七日齊赴乾清宮候朕出題親試儻有稱病託詞者另行具奏朕必加以處分考試之日著乾清門侍衛察視○癸巳命京城四鄉設廠平糶○予故刑部侍郎銜兼禮部右侍郎事王蘭生祭○甲午赦發遣人犯妻子回籍○

丙申諭養民之政多端而莫先於儲備所以使粟米有餘以應緩急之用也夫欲使粟米有餘必先去其耗穀之事而耗穀之尤甚者則莫如燒酒燒酒之盛行則莫如河北五省夫小民日營其生稍有錙銖輒以縱飲爲快無裨於喪祭賓客老病之用而適以啓謔譁屑鬪之嫌特以飲少輒醉其價易隲人皆樂其便易故造之者多而耗米穀也較他酒爲甚往者 皇祖 皇考屢嚴燒鍋之禁有司陽奉陰違必待眾口嗷嗷始不得已而稽查禁約及薄有收穫仍然公行無忌夫與其禁於已飢之後節省於臨時孰若禁

於未飢之先積儲於平日今卽一州一邑而計之歲耗穀米少者萬餘石多者數萬石不等則禁止之後通計五省所存之穀已千餘萬石矣雖有穀之家不能皆分所有以周貧乏而所存之穀自在民間可以通融接濟較之無米之炊不啻霄壤矣况遇歲稔豐收穀必甚賤貧民之生計益饒家有蓄藏之效未必不由於此而無識之人或以造酒之家不免失業爲慮不知董斷市利率由黠

悍之富民因其貲財串通胥役敢於觸禁肆行並非貧民無力者之生業也是禁之則貧民裕養生之資不禁則富民獲漁利之益其間得失利害較然可觀朕壽之已熟北五省燒鍋一事當永行嚴禁無可疑者至於違禁私造之人及賄縱之官吏如何從重治罪其失察之地方官如何嚴加處分之處著九卿卽行定議具奏○戊戌 御試翰林詹事等官擢陳大受等三員爲一等餘升黜

留節有差○准本年新進士條奏地方利弊○庚子諭向來 列祖實錄聖訓告成之後皆藏之金匱石室廷臣罕得見者朕思

列祖聖訓謨烈昭垂不獨貽謀於子孫亦且示訓於臣庶自應刊刻頒示俾人人知所法守今朕次第敬覽 皇祖 皇考五朝實錄聖訓應將閱過之 聖訓陸續交與武英殿敬謹刊刻○諭農桑為致治之本我 皇祖嘗繪耕織圖以示勸農德意 皇考屢

下勸農之詔親耕藉田率先天下所以敦本計而重田功意至厚也朕思為耒耜教樹藝皆始於上古其播種之方耕耨之節與夫備早驅蝗之術散見經籍說各有取宜蒼萃成書頒布中外著南書房武英殿翰林編纂農書進御○丁未諭朕自幼齡仰蒙 皇祖慈愛撫育宮中又命 太妃皇貴妃 太妃貴妃提攜看視 兩太妃仰體 皇祖聖心恩勤備極周至朕心感念不忘意欲為

兩太妃千秋之後另建園寢令王大臣稽查舊例王大臣奏稱古有另建園寢之制今若舉行於典禮允協朕奏聞 皇太后欽奉 懿旨允行可傳諭該部於 景陵稍後附近處敬謹相度擇地營造其規制稍加展拓以昭朕敬禮之意○己酉以鍾保善工

部左侍郎北原任湖○庚戌諭滿洲進士選授庶常向例俱學習漢書去年因徐元夢條奏滿庶吉士復令分習清書朕思滿語係滿洲自幼所習止須漢文通順人人皆能繙譯且授職之後自可令辦繙譯清文亦不致荒廢何必於選館時專令學習乎嗣後滿洲庶吉士習清書之例著停止○辛亥祭 地於 方澤恭奉 世宗憲皇帝配享○命各關遇歉歲免收米稅○除廣東開建恩平

二縣米稅○乙卯除湖南雜稅○丁巳諭在京八旗文武各官遇有親喪例於持服百日之後即入署辦事原以旗員人少若令離任守制恐致誤公而伊等在二十七月之內仍各於私居持服以自盡其心惟是朝會祭祀之期或有執事或有陪祀之處仍俱一體行走未加分別俾盡孝思嗣後在京旗員有親喪者二十七月之內凡遇朝會祭祀之禮應一槩免其行走

六月己未 上念農桑為國家本務命直省疆吏俾周禮遂師之制州縣量設熟諳農務者董勸○上御養心殿召入九卿等論曰我 皇考當年時時召見九卿面加訓諭諄切周詳實望在廷諸臣共矢公忠勉為臬藪稷契以勤至治且欲使上下交而志同太和之氣充盈於朝宇也無如聽受者多領會者少竟有親承 聖諭而出茫然不知所謂者間有巧偽之人妄逞胸臆以為 聖訓如此 聖意別有所在似此私心揣度其間毫釐千里之謬更不可言矣我 皇考深悉此弊是以雍正八九年以後召見諸臣

不似從前之密此朕當時所熟聞而習見者假使諸臣祇受 聖訓之時心領神會身體力行則稷藪稷契何難再見於今朕臨御以來日與總理事務王大臣辦理一切機務亦非疏遠九卿大臣也以國家政治自有應密而不可槩以宣示眾人者如召對九卿而九卿中有啓心沃心以裨益政教者豈不盡善使九卿而尚待朕之訓誨則縱極反復丁甯豈能有加於 皇考聖訓之外至於

勸勉之意既殷則訓飭之言必切又恐諸臣以為督責太過非待大臣之體年來言路諸臣頗有以頻接大臣為請者是不知朕心者也但爾等既置身朝列即係朕之股肱心膂但當視國事為己事休戚相關大者在匡維君德次則於國計民生及本身職業之要務亘作夜思一有所見即據實入告毫無欺隱方為無忝厥職今觀九卿中能訓朕之期望者甚屬寥寥即如春夏以來直隸山

東兩省歉收朕宵旰焦勞無一時之或釋而九卿中以此為念者不過十一二難應行經理之事朕已與總理事務王大臣多方

籌畫大業乃運然此乃民命所繫至為重大九卿之

東兩省歉收朕宵旰焦勞無一時之或釋而九卿中以此為念者不過十一二難應行經理之事朕已與總理事務王大臣多方

卿反緘默不語竟以置身局外耶韓愈詩有云中朝大官老於事詎肯感激徒媿媿古今如出一轍矣夫君臣之間必誠意通達始能感召太和若稍有間隔卽於和氣有乖方今致早之故未必不由於此朕爲此言非欲委過於臣下也無非欲我君臣誠意交孚一心一德盡化觀望迎合之習悉屏偏徇固執之私耳卽如燒鍋一事朕已降旨嚴禁而孫嘉淦摺奏以爲有不便於民之處朕復降旨令九卿毋得曲從朕旨迴護孫嘉淦再行詳確定議夫以已經降旨之事朕尙不難收回成命爾等九卿又何所用其瞻顧耶九卿於朕躬尙且不必瞻顧則於同朝寮友更何所用其依違耶如果各有所見不能強同何妨兩議三議以待朕之裁定總之大臣任事以和衷爲貴而和必出於公斷未有公而不和者蓋是非曲直本有一定若有意周旋則求合於此必有拂於彼到處皆成掣肘豈非自貽伊戚乎若果能一秉至公卽意見偶有不同而事理總歸至當雖有不和之迹而心本無他此聖人所謂和而不同者也九卿等受朝廷簡畀之隆爲國家所倚賴當竭誠矢公以古大臣事君之道厚自期待不可安於苟且其於寮策之中善則相勸過則相規互相砥礪以爲同舟之誼如此則事君交友兩無所歉將見政治清明太和洋溢不負我 皇考多年教養之深恩朕於爾等實有厚望焉○壬戌裁廣西雜稅○甲子命設明惠帝神牌於明太祖神牌之次○乙丑總理事務王大臣九卿議奏禁止燒鍋事得旨禁止燒鍋一事爾等九卿兩議具奏其大旨皆以燒鍋當禁朕前所降諭旨爲是而以孫嘉淦陳奏爲非夫泛論燒鍋當禁卽不宜開禁則固朕旨是而孫嘉淦之言非亦無庸朕之頒發是旨矣何則入經禁止而未開之事復何用更張耶朕以法入不行視爲虛文故欲嚴禁以重穀而孫嘉淦則以爲難行嚴禁不能積穀而反於民間不無紛擾滋弊是兩說不可並行者也今觀王大臣所議尙不無迴護朕旨之慮殊非朕慮衷求言期於利用厚生之意卽如一議內稱燒酒之害最甚本宜嚴禁但加重本犯之罪條嚴定官吏之處分恐小民無犯法吏胥緣以爲好於民情有所未便應照從前已行之成法爲之懲治等語一議內稱燒鍋本犯仍照舊例治罪應將官員處分分別定例其已經造成之燒酒仍准其售賣等語據此則禁止仍屬虛文但嚴官吏之處分而本犯之治罪如舊則造酒之人既無所畏懼而官員或轉以干涉造成多方迴護仍於禁約無益况造成之酒仍准售賣則奸民私造者皆以沽賣陳酒藉口遷延歲月雖禁猶不禁也可用王大臣之兩議爲哉若能直指利弊或欲行嚴禁燒鍋則必詳議查察之法以爲端本澈源之論若以爲比戶搜查轉形滋擾則朕旨可以收回如此兩議朕自然就其中酌一是否而行之斷不固執己見也今兩議各爲兩面實則一不過向來如是禁止今則添一官員處分耳試思於嚴禁燒鍋以裕米穀一節爲有益乎爲無益乎王大臣皆 皇考簡用之人不得爲是兩可遷就之論尙其詳酌事理或應行嚴禁或因事制宜必期於民生日用之攬有利無弊斯稱朕咨訪之意其各抒己見或一議或兩議皆可○丙寅諭朕聞各省出借倉穀於秋後還項時有每石加息數一斗之例朕思借穀各有不同如地方本非歉歲正因春日青黃不接民間循例借領出陳易新則應照例加息若值歉收之年其乏食貧民國家

方賑恤無緩之不遑所有借領倉糧之人非平時貸數者可比至秋後還倉時止應完納正穀不應令其加息將此永著爲例各省一體遵行○己巳裁湖北雜稅○免江南康熙五十二年未完民欠○命江西開爐鑄錢○庚午諭劉元燮奏李紱張坦麟二事朕實並未降旨亦未將旨收回而外邊遽爾傳說此風斷不可長伊有風聞言事之責此奏甚屬可嘉著交部議欽此等妄行傳說不已將來嚇詐生事之弊皆從此出此向來南書房之陋習經 皇考十三年以來教訓殷勤此書已漸改革嗣後九卿及南書房翰林等務當小心恪遵凡有關繫之事倍加慎密不可纖毫洩漏遇風影之談尤不可轉言傳播以惑眾聽如有仍蹈前轍者經朕訪聞或科道等官糾參必加嚴懲至於汪由敦陳辨一摺如伊果有其事雖強辨何益如實無干涉則不辨自明亦當靜聽乃朕甫交總理事務王大臣詢問劉元燮伊何由得知劉元燮奏中有伊名乎卽此已足見其耳目頗廣必招搖生事不安分之人也著革去內閣學士在侍讀學士上效力行走○刑部左侍郎劉統勳奏新任督撫提鎮往往奏請隨帶人員以備委用在封疆大吏平日親知灼見自應有幹練之才足收指臂之益惟先寄耳目於數人卽付腹心以要缺補用不循資格輿論指爲私交更相做效滋弊多端嗣後請文員除河工效力武員除軍前效力外榮停其隨帶如本省本標人員不敷任用則奏請由部揀發若調任之後如屬員內果有才能出眾之人則據實保奏仰候 皇上諭部引見量才任使如此可以杜封疆大臣偏袒之陋習才能人員鑽營之故習似於政體官常均爲允當從之○辛未諭今年五月間山東雨少運河水淺以致糧艘不能銜尾而進沿途空淺起釁甚費經營而臨清以北更多阻滯朕細加訪察臨清以北全賴衛水合汶濟運而衛水發源於河南衛輝府至臨清五百餘里沿河居民往往私洩以爲灌溉之用每致運河水淺糧艘難行經前任河臣靳輔題定每年於五月初一日盡堵渠口使衛水全歸運河以濟漕運此歷年遵行之成法也今因日久法弛衛水來源小民不無偷放之弊遂致運河水勢長落不常重運難於北上目前正當緊要之時所當稽查嚴禁者著北直南河總督速行辦理務使衛水涓滴不至旁洩糧運通行無阻若地方有司有視爲故套者卽行查參○是日京師雨○甲戌內閣學士圖理琛年老乞休允之○庚辰兩江總督慶復奏刑部侍郎俞兆岳在江西巡撫任內巧取捐受餽各款得旨革職命岳濟查奏○辛巳調程元章爲吏部右侍郎王鈞爲刑部右侍郎王紱爲工部左侍郎以方苞爲禮部左侍郎由內閣學士遷○癸未以凌如煥爲內閣學士原任內閣學士○乙酉以張坦麟署安徽按察使由內閣學士○是月署陝西巡撫崔紀奏農事以水利爲要陝屬地方農民待澤於天遇旱卽束手無策晉省蒲屬五邑及陝省富平蒲城二縣井利頗多擬更爲推廣除延安榆林二府鄜鄜綏德三府所屬地土高厚不能鑿井外其餘西安同州鳳翔漢中四府並商鞫興安三州可鑿之地甚多見在民間亦有行者今據各屬報到西安府屬可鑿井者共田三千一百餘頃同州府屬可鑿井者共田六百五十五頃乾州武功縣可鑿井者共一百十餘村落又漢中九屬渠水最盛半係稻田可鑿井者十分之二仰冀恩在將地丁耗羨銀兩借給無力貧民以

乾隆東華續錄六

秋七月戊子以渾河水發派侍衛策楞五十七等各帶銀二千兩分往盧溝橋良鄉撫恤○辛卯以裁缺長甯縣民戶地畝徵收審

驗等事改設州同一仍隸永吉州管轄○壬辰以陳時夏為內閣學士由朔州營田○癸巳命侍衛松福等各帶銀二千兩往文安

霸州等處撫恤○乙未以永定河隄工衝決命協辦吏部尚書事顧琮前往會同李衛劉勳籌畫辦理○丙申減廣西土司貢馬折

價照四川例減四兩○命再撥庫銀三千兩撫恤良鄉○丁酉命直隸山西熱河等處邊外地畝改徵本色○戊戌諭部院會議事件

聲明至囊衙門○壬寅 御試續到博學鴻詞於體仁閣授萬松齡張漢為翰林院檢討朱銓洪世澤為翰林院庶吉士○癸卯諭

自古致治以養民為本而養民之道必使興利防患水旱無虞方能使蓋藏充裕緩急可責是以川澤陂塘溝渠隄岸凡有關於農

事豫籌畫於平時斯蓄洩得宜潦則有疏導之方旱則資灌溉之利非可諉之天時豐歉之適然而以臨時賑恤為可塞責也朕御

極以來宵旰憂勤惟小民之依是咨是詢前後諭旨諄復再三但化導自在有司而督率則由大吏近日直省督撫惟甘肅巡撫德

沛到任後即以興水利裕倉儲為請署西安巡撫崔紀亦有勸民鑿井灌田之奏尚能留心民食知本計之所當先其餘能盡心於

吏治官方命盜錢糧諸事尙不乏人而於民生衣食本源未能切實講求地方守令亦惟於刑名錢穀自顧考成至以愛養百姓

為心留意於稼穡桑麻如古循吏所為者益不可得即如直隸今年夏初少雨深以暎旱為憂及連雨數日尙不甚大而永定河隨

有漲溢之患決口至四十餘處極窪之地多被水淹雖因山水驟發然水性就下其經行之地自有定所設豫為溝渠以洩之為塘

堰以蓄之自可以分殺水勢不至匯為洪流衝突漫衍如此之甚是皆平日不能豫先籌畫所致也東南地方每有蛟患考之於古

季夏伐蛟載在月令今土人留心者尙能豫知有蛟之處掘地得卵去之則不為害且蛟行資水過溪澗而其勢始大田疇雖不可

移而廬舍塗厝尙可遷就高阜之地以避之是以未嘗不可先事豫防惟在實心體察耳該督撫有司務體朕痼疾乃身之意刻刻

以民生利賴為先圖一切水旱事宜悉心體究應行修舉者即行修舉或勸導百姓自為修理如工程重大應動用帑項者即行奏

聞妥協辦理興利去害俾旱潦不侵倉箱有慶以副朕惠愛黎元至意○諭天下親民之官莫如州縣州縣之事莫切於勤察民生

而務教養之實政夫所謂知州知縣者欲其周知一州一縣之庶務悉心經理四境即其一家精神必須貫注有事則在署辦理無

事則巡歷鄉村所至之處詢民疾苦課民農桑宣布教化崇本抑末善良者加以獎勵頑梗者予以戒懲遇有爭角細事就地剖斷

以省差拘守候之苦煙戶牌甲隨便抽查使不敢玩法容隱鄉愚無知則面加開導庶幾上下之情通達無阻而休戚相關親愛之

誠油然而生而提撕易入如此從容歲月始可以收循良之實效不愧為民父母之稱乃今之州縣有司止以簿書為事平日安坐

衙署除驗相人命因公踏勘外足迹不至鄉間以故鄉民非有事匍匐公庭目不覩官長之面耳不聞官長之訓無論窮瘡疾苦未

能周知卽四境情形亦茫然莫曉胥役約保等蒙蔽之弊因之以起顧名忠義親民之謂何而情誼睽隔如此也凡州縣所管地方大率不過百餘里最廣者二三百里周遭巡歷爲時亦不甚多卽事繁之處亦未必朝朝聽訟日日比糧果能精勤勿怠斷不至於經理無暇遂置閭閻於膜外也至於農田之事尤爲養民之要務春耕秋斂之時各宜下鄉察其勤惰稽其數數儻有應先事圖維臨時酌辦者悉心計議申詳上司定議舉行但往來鄉村必須輕騎減從絲毫不得擾里民方爲有益若失於覺察以致書吏徇保及跟隨人役等借端生事擾累百姓則較之就逸偷安端居不出者其過爲更大朕必加以嚴譴著各督撫遵朕此旨董率有司實力奉行務使官民上下情意流通聯爲一體以副朕敦養斯民之至意○諭四川民賴廷珍賴可年王茂榮俱從寬改爲應斬監候秋後處決朕思國財該部議稱例應不分首從皆斬立決等語但汪九錫並未身死賴廷珍賴可年王茂榮俱從寬改爲應斬監候秋後處決朕思國財害命原同強盜之例查盜案尙有分別不盡立決而謀財之案或以數人而抵一人之命於法未免稍重大凡圖財害命者若無起意爲首之人必不能行事今若將起意爲首者一人立置重典其餘改爲監候使天下人人知起意之罪不同於脅從之人難緩須臾之死不敢造謀糾約則此等兇惡之事無倡先之匪類未必不漸次減少其如何定例之處著九卿詳悉定議具奏尋議圖財殺人之案此等人犯實屬兇殘應將造意爲首並爲從加功者依律擬斬立決其爲從未加功者改擬斬監候秋後處決至圖財傷人未死之案雖被害幸而未死但已豫存致死之心於法實無可貸應將造意爲首者亦依律擬斬立決其爲從加功傷人較之造意有開改擬斬監候秋後處決若爲從未加功傷人則情有可原照例減等發遣請增入律例冊一體遵行下部知之○轉程元章爲吏部左侍郎以崔紀爲吏部右侍郎仍署陝西巡撫○丁未諭朕臨御以來凡入旗部院及直省虧空銀兩施恩豁免已不下數千萬溯其虧空之源或係侵蝕或係那移侵蝕者以公家之帑金充己身之私囊其罪固無可追而那移之項則由辦理不能妥協苟且遷就之所致亦屬罪所應得者是以當年我 皇考世宗憲皇帝分別著追以示懲儆原出於不得已卽朕今日之加恩寬免亦出於不得已並非以伊等數十年之虧欠一旦豁免遂謂人人蒙澤而以爲快舉也朝廷體恤臣工詔精授祿原以厚其身家長其子孫卽爲臣子者服勤宣力亦自應思世沐恩榮長叨覆露豈有以身犯法虧欠帑項累及子孫而倖逃國典轉相慶幸以爲得計者乎是朕心實不願於此等事加恩天下臣工亦不當於此等處望恩也夫公爾忘私爾爾忘家乃人臣事君之大義今縱不能屏棄身家之念亦當思所以保全身家爲長久之計若苟圖一時之利罔顧後害以致身敗名裂貽累後人則下愚之甚者及至虧空被劫身家已傾子孫並獲罪戾而後希冀豁免又何如謹身節用遵守法紀早自立於無過之地以長沐國家養育之恩乎况虧空國帑必須稽查縱能掩飾於一時不能不敗露於異日至敗露之後而得恩免乃朝廷格外之曠典尤非可以屢邀者內外臣工有應得之俸祿養廉於仰事俯畜亦足自給所當各自猛省嚴義利之辨審禍福之關毋得縱慾敗度自貽後悔至於題奏虧空案件勅云家產盡絕夫所謂家產盡絕者心上無斤瓦下無立錐飢不得食寒不得衣有不可終日之勢若今所謂家產盡絕之人衣食

未常虧缺家口仍得支持不遑無力完務遂過甚其辭以邀恩免而實非至於此極也夫國家享億萬年無疆之休惟冀大小臣工永沐恩膏於勿替若至於家產盡絕豈厚待臣工之意况本無實事而徒存此虛名又何為者嗣後一切虧空案件仍照舊例辦理如有實在不能完納者但當云無力完納出具保結不得用家產盡絕字樣著將此旨傳諭內外臣工知之○壬子增築江南山陽等五州縣隄工○癸丑直隸河道總督劉勳以疏防革職○以陳世倌為倉場侍郎由吏部調○丙辰諭蜀免錢糧所以紓民力而惠黎元或偏災偶見尤宜急加寬恤故周禮荒政以薄徵為先乃不肖州縣一聞蠲免恩旨往往於部文未到之前差役四出晝夜催比追呼之擾更甚平時迨詔旨到日百姓已完納過半朝廷有賜復之恩而閭閻不得實被其澤甚至官吏分肥侵漁中飽情弊種種深可痛心我皇考世宗憲皇帝洞悉其弊雍正十一年八月內蠲免甘肅地丁銀兩奉旨將已完在官之項准抵明年正課此誠萬世之良規所當遵奉者嗣後凡有豁免俱以奉旨之日為始其奉旨之後部文未到之前有已輸在官者准作次年正賦永著為令如官吏蒙混隱匿即照侵盜錢糧治罪

八月己未湖南巡撫高其倬奏擒獲城步等縣兇穉在事官弁賞卹有差○壬戌命巡漕御史四員分駐淮安濟甯天津通州○癸亥給遞解人犯口糧○甲子諭數年以來各省督撫往往奏稱某道某府不勝外任請調京改補朕欲驗其人才常允所請令迭部引見酌量補用今馬宏琦奏稱黜陟本有恆規內外無容偏重徵特衰廢者不宜復占曹司即平常者亦不應數行改補等語朕思內外原屬並重部言亦為要職督撫等於所屬道府內有不能勝繁劇之任者即當奏請調簡若並不能勝事簡之任即應勒令休致何得輕視京職而為苟且姑容之計以便其私耶人君日理萬幾所降諭旨豈能必其盡當司言責者果能據理直陳於政務自有裨益殊非託之空言而無濟於實用者可比馬宏琦所奏可嘉著交部議敘並將伊原奏發各督撫知之○乙丑命河南永城等十九州縣改徵折色銀兩○甲戌命大學士鄂爾泰詳勘直隸河道水利○丙子以顧琮著直隸河道總督○辛巳以趙之坦為左副都御史由通政使遷○壬午復設貴州威甯鎮總兵官○築浙江魚鱗大石海塘○貴州總督張廣濟奏遵旨籌畫苗疆業將叛苗絕戶田產安設屯軍並查餘苗見種之田凡墾入絕田內者令指明坵段撥歸屯軍另查開田給還苗人其有應遷移者均飭令承辦官量給銀米以資其費前計算絕田約可安屯軍五六千戶見據各具報清江可安屯軍二千六百餘戶古州三保可安一千一百餘戶八寨可安八百餘戶丹江可安九百餘戶其餘尚有古州山苗一帶暨臺拱凱里黃平施秉勝秉清平等處約計可安五六千戶此皆清出叛苗絕產分布安屯其應設屯堡一百餘處亦皆形勢扼要若去營汛稍遠不宜安屯者皆撥還苗人並賞無業窮苗並未嘗如尙書顧琮所奏於深山邃谷招募屯田盡奪生苗衣食之地也見細察苗人無不悔過自新及時耕作前經奏請添兵二千餘名各查出田畝又可安屯軍一萬餘名分布險要於經久之計已屬萬全得旨苗疆經此一番料理自必有數十年之安謐無事然經久之計不可不圖而用人之際尤所當慎不然法雖良而無人經理所謂徒法不能以自行也

九月戊子諭御史舒赫德奏請將各省稅務歸併旗員管理此奏甚無識見彼意以為旗員生計艱難若管理稅務則可沾餘潤以資養贍不知國家設立關隘原以查察奸宄利益商民並非為收稅之員身家之計也若以旗員食之而差遣之是導之使貪矣朕日以砥礪廉隅訓勉臣工尚恐其不能遵奉而可以謀利之見為之導乎况當日旗員管理關務者亦指不勝屈惟視此以為利藪故貪黷之風侵蝕之弊不一而足因而身罹罪譴籍其家產累及子孫是今日旗員之貪之未必不由於當年收稅之所致也豈可使之復蹈前轍且各省委辦稅務率多道府等官並無滿漢之別如滿洲有任道府廉潔自愛者何嘗不可派委而必定以為例乎總之為上者施逮下之仁惟有勵以忠勤示以節儉固其根本之圖為下者皆當早作反思宣力供職以承受國家惠養之恩方可謂之計長久蓋厚其生計之道不可不思而長貪風以為惠下則利未見其利而且貽害於後日此理甚明非所以教旗員之道亦並非所以愛旗員之心也朕御極之初圖理琛即為此奏總理事務王大臣亦以為可行朕並未允後此陳奏者紛紛朕聽不雅行亦未交議今舒赫德又條奏及此可將朕旨宣布於外使咸知朕意毋得以斷不可行之事再行妄奏○給順天府府丞以下官養廉○辛卯以大挑運河淮安等府屬漕糧准改徵折色○給江蘇蘇州等衛所養廉○癸巳命河南山東河兵樁手准食戰糧○乙未諭邵基簡任江蘇巡撫正資料理昨聞患病沉重特遣御醫馳驛前往調治冀其痊可今聞遠逝深為憫惻著該督委員經紀其喪送回本籍應得卹典該部察例具奏尋子祭葬○調楊永斌為江蘇巡撫以張楷著湖北巡撫傅師著○丙申除雲南陸涼州早馬廠瘠地額賦減水馬廠魚課○諭 至聖先師孔子天縱聖神師表萬世尊崇之典至我朝為極盛 皇考世宗憲皇帝尊師重道禮敬尤隆闕里 文廟 特命易蓋黃瓦鴻儀炳煥超越前模朕祗紹 先猷夔念切思國子監為首善觀瞻之地辟靡規制宜加崇飾 大成門 大成殿著用黃瓦 崇聖祠著用綠瓦以昭展敬至意○丁酉頒 聖祖仁皇帝御製文集 世宗憲皇帝硃批上諭 御製樂善堂集於官學○庚子除江西豐城縣每年增修江隄捐項○癸卯實授鍾保工部右侍郎○甲辰諭國家設立科道官員專司建言之責必心本無私又能通達治理乃為無忝厥職若識見雖未明通而居心樸誠則其言雖愚戇而尚無害於事理朕亦鑒其忱悃而優容之惟胸懷愛憎之私借章奏以展其巧計者則有玷臺垣國法不可輕恕即如並未深悉地方民情而奏稱某地某事甚善而承辦之人已暗受推薦奏稱某地某事不善而承辦之人已暗被中傷是其欺陳之時並非據實秉公匡勸政務而言在於此意注於彼其居心尚可問乎看來近日科道中此等氣習頗不能免亦難逃朕之洞察今年毛城鋪一案即其明驗也朕所以已敕部糾察而復寬恕者特以伊等職在言官過為初次然寬大之恩不可屢邀而獻納之實所當躬踐至如前日御門御史謝濟世露章奏參九卿刑部秋審不公其意本於摠誠尚近於愚戇一流而非出於愛憎之私者此事已交總理事務王大臣查奏即使所奏非當朕亦取其意直斷不以所言未協輒加斥責也其餘科道官員當捫心自問知稍有愛憎之私未泯於中者各宜猛省校改毋蹈罪戾○召史貽直回部辦事以德沛為湖廣總督元展成為甘肅巡撫○丙午黃土傑卒以馮

元方爲廣西按察使由廣東調○丁未降隨冷諒爲山西按察使調丁承祖爲廣東布政使以阿蘭泰爲江西布政使由內閣侍

○名鄭禪寶來京以黃叔琳爲山東布政使白映棠爲山東按察使由陝西漢○戊申命直隸籌補倉糧○以嚴瑞龍爲湖南按察

使由湖南調○己酉命江蘇揚州等六府州屬夏麥改徵米石○庚戌定滿洲郎中保送道員例○辛亥命州縣以下官養廉就近

垂吏○癸丑免雲南安甯州乾隆元年夏稅○除甘肅河西等三府州縣衛馬糧

閏九月丙辰朔諭川省耗羨銀兩向因公用不敷每兩完銀二錢五分朕御極以來加惠閭閻減去一錢止存一五之數無非欲使

民力寬餘受國家休養之澤也今據碩色奏稱該省相沿陋規於火耗稅羨外每銀百兩提解銀六錢名爲餘平以充各衙門雜事

之用等語聞之不勝駭異火耗之報官原以杜貪官汚吏之風若耗外仍聽其提解此非小民又添一交納之項乎一項如此別項

可知一省如此他省可知朕思此等浮多之費雖爲數無幾而取之商民層層剝削其數必不止此難免地方之擾累著巡撫碩色

不行革除以杜官吏借端需索之弊儘公用內有必不可少之項著於存公耗羨內支給報銷別省有如此者著各該督撫查明具

奏○除江南高郵等五州縣河隄屋租嗣後禁止增建○戊午濬直隸涑水縣拒馬河○庚申諭刑部奏江西巡撫岳濬參奏原任

巡撫俞兆岳缺少九贖一關盈餘銀兩一案應令該撫按款審明分別定擬朕因各省司權官吏於正稅之外巧立名色多方需索

有累商民以是屢降諭旨各令裁減爲恤商之計但恐不肖之徒外託減稅之名陰行侵蝕之事徒飽私橐而恩惠不得下逮又不

可不嚴加查覈以清弊竇原非爲錢糧起見也俞兆岳辦理關務未久而缺額至十萬餘兩較之他省爲數甚多朕恐其中不無情

弊特令岳濬詳細稽查乃伊通至半年之久而奏稱無著者僅有二萬五千餘兩又皆不得確據是俞兆岳於稅務無甚情弊而岳

濬誤會朕意參請究追豈朕經理關權之本意乎俞兆岳著暫行保釋其中有應令該撫查察之處俟審明具題到日另行定議○

乙丑定八旗武職年老休致酌給全俸半俸例○命福建酌賞浙江教習蠶戶養贍田畝○丙寅總理事務王大臣九卿會議禁止

燒鍋一事據河北五省督撫各抒所見陳奏內有請仍照舊例查禁者有請宜寬於豐年而嚴於儉歲者有請不必禁止者有請永

行查禁者有請嚴禁躉租與販者臣等公同詳議因地制宜者國法之備因時立法者王政之經王制有曰修其教不易其俗齊其

政不易其宜凡謂居民服食器用之不能盡一也燒鍋一事各省之情形不同所以各省督撫之陳奏亦不能盡一應令各於本省

因時制宜實力奉行以觀成效至躉租一項係燒酒盛行之源眾論僉同自當嚴禁惟所請治罪之處互有異同宜改歸畫一請將

躉租販運者定以杖一百枷號兩箇月以示懲儆從之○丁卯諭王大臣等貴州總督張廣泗奏內地新疆逆苗絕產請酌量安插

漢民領種彼時朕降諭旨以苗性反覆靡常若新疆招集漢民耕種萬一苗人滋事蠢動是內地之民人因耕種苗地而受其荼毒

此必不可行者不得已而思及屯軍乃指相近內地之處而言隨經王大臣議交張廣泗再行詳議具奏復據張廣泗奏稱逆苗絕

戶叛產俱令自行首舉苗人等爭先首報一無抗違且歡忻踊躍毫無疑忌但此等叛產安設屯軍以資分布防維必須接聯營汛

一月更查錄 卷六 七 四十一

以及糧運商旅經由水陸通衢處所而叛苗絕產與餘苗見種田畝多有攙雜應將見戶之田凡有攙入絕田內者令其指明若干
坵段歸併屯內即以絕田之在旁列不宜安屯之處令該苗自行相度撥還當使有餘毋令不足等語又經王大臣議照所請
辦理在案今尹繼善來京陛見朕詢及苗疆事務伊一一陳奏大約以逆苗產業分屯屯軍之舉尙未妥協朕再四思維數年以來
經理苗疆原期寬輯地方化導頑梗未利其一絲一票是以苗地應輸之正供朕皆仰體 皇考聖心永行革除不使有輸將之
累豈肯收其田畝以給內地之民人乎從前屯田之意原因該督等奏係無主之絕產故有此議今看來此等苗田未盡係無主之
產或經理之人以爲逆苗罪在當誅今既有其身命即收其田業亦法所宜然故如此辦理殊不知苗畝自有之業一旦歸官伊等
目前雖惕於兵威勉強遵奉而非出於本心之願安能保其久遠甯帖耶至於撥換之舉在田地有肥瘠之不同而畝數又有多寡
之各異其能銖兩悉合屢服其心使苗眾無絲毫較論之念乎總之頑苗叛逆之罪本屬重大國家既施寬大之恩待以不死予以
安全而此區區之產業反必欲收之於官則輕重失宜大非 皇考與朕經理苗疆之本意矣料此時張廣泗正在辦理屯軍之事
可速將朕旨馳寄令其即行停止查辦之官應撤出者即行撤出其絕產實有幾何如何布置之處必熟籌萬妥請旨施行不可固
執前見張廣泗向有郡縣其地之請今屯軍如此經營伊意中尙不能不瞻顧前說也又諭古州等處苗人等爾等苗眾向來未歸
王化素性兇頑每多自相仇殺視人命如草菅且時時出擾內地戕害居民劫奪行旅爲黔省之患久矣後該省督撫奏稱
爾等有向化之忱是以我 皇考世宗憲皇帝天地爲心不忍棄置僻壤之外諭令督撫經理收入版圖使得均霑實惠共享昇平
之福乃爾等性多反覆又復反叛干犯城池荼毒百姓纏以國法罪在必誅朕又念叛亂必有爲首之人特諭經略等分別勦撫職
厥渠魁督從罔治俾爾等得保首領全其家室又念從前所定糧額雖至輕微而官吏徵收不無擾累將命將維正之供盡行革除
又以苗地風俗與內地百姓迥別諭令苗眾一切自相爭訟之事俱照苗例完結不治以官法則所以加恩爾等者可謂至矣前者
內外大臣等請將苗地收爲郡縣朕不允行今督臣又奏稱苗逆絕戶叛產令自行首出分給屯軍其中叛苗絕產與餘苗見種田
畝彼此多有攙雜應將見戶之田攙入絕田內者查明坵段歸併屯田即以絕田之在旁列者按數撥還眾苗無不歡欣樂從等語
朕思此等田畝未必盡係無主之產不忍以爾等自有之業強令歸官且撥還之舉恐有以瘠易肥以少易多之弊况爾等叛逆之
罪最爲重大國家既施浩蕩之恩樂行寬宥予以安全又豈肯將此區區之田產收之於官致有虧爾等之故業乎用是特頒諭旨
令經理大臣停止屯軍之事另行熟籌萬妥以又安爾等苗眾爾等受此重恩當各思悔過遷善安分守法永爲天朝良民以長享
太平之福澤爾等具有人心其敬聽朕旨無負諄諄訓誥至意○以尹繼善爲刑部尚書調慶復爲雲南總督以那蘇圖爲兩江總
督○戊辰名溫而遜來京以范琛爲河南布政使由江南調○己巳諭外省有荒缺銀兩之處向例在於知府以下等官俸工內扣
除抵補朕念佐雜微員力量單薄不應在扣除之內已於乾隆元年三月內降旨諭令在督撫司道大員及知府正印官俸工內酌

以養贍其家若因荒缺扣除則伊等餬口無資情有可憫查此項共計銀一十二萬餘兩著於乾隆戊午年為始各省大小衙門人役工食俱准於地丁項下照額定之數全行支給免其扣荒使執役之人均沾恩澤○命培築直隸清河隄岸○庚午諭聞今年夏秋開有小琉球中山國裝載粟米棉花船二隻遭值颶風斷桅折柁颶至浙江定海象山地方隨經大學士嵇曾筠等查明人數資給衣糧將所存貨物一一交還其船隻器具修整完固各赴閩省附伴歸國朕思沿海地方常有外國船隻遭風颶至境內者朕胞與為懷內外並無歧視外邦民人既到中華豈可令一夫之失所嗣後如有似此被風颶泊之人船著該督撫督率有司加意撫恤動用存公銀兩賞給衣糧修理舟楫並將貨物查還歸本國以示朕懷柔遠人之至意將此永著為例○壬申除江西袁州饒州二府雜稅減南昌等三十二縣茶課○己卯諭朕前因各省軍屯額糧過重密諭各省督撫確查今據尹繼善奏稱滇省軍丁一項從前未曾攤入地畝原議俟查有欺隱軍屯田地陸續抵補每丁自二錢八分至六錢二分不等共應納銀一萬五千三百八十兩內除自雍正四年至十一年抵去銀三千餘兩外尚有應徵丁銀一萬二千二百七十餘兩歷年惟按冊載老丁名字徵收或已無寸土而追比無休或已絕後嗣而波及同伍等語滇省軍丁一項從前既未曾攤入地畝而見在完納丁銀之人又係無田之人邊地屯民未免輪納雜糧深可憫恤著將應徵軍丁銀一萬二千二百七十餘兩自乾隆三年為始槩予豁免俾無業屯民永釋苦累○命修永定河隄壩○榮江南陽山縣毛城鋪減水壩○壬午賜哈攀龍等一百七人武進上及第出身有差○甲申諭從前雲南布政使陳宏謀摺奏廣西借墾報捐一事與金鉞所奏互異朕已諭令督臣鄂彌達撫臣楊超曾秉公查究毋得徇徇目今尙未覆奏而陳宏謀又復具摺曉曉演陳陳宏謀身為滇省藩司此並非伊任內之事其始出之奏猶云據已知而直陳以備採擇既降旨與他人查議則伊事已畢惟有靜候無再言之理乃伊不待督撫諸臣議覆而又為是演奏竟儼然以為不如伊所奏不止者是誠何心且伊為粵人即所言盡是而從之猶敢鄉紳挾制朝廷之漸兄未必盡實乎殊屬冒昧之至著交部嚴加議處以為將來之戒

戒尋降補
天津道

冬十月乙酉朔諭策楞劄親因伊母之喪奏請守制二十七月情詞懇切凡滿洲大臣官員遇有親喪於百日之後即入署辦事者以旗員人少若皆守制三年則公事必致有誤亦出於勢之不得已也滿洲服制以百日為期今年朕因木和林之奏特降諭旨令滿洲大臣於二十七月之內不與朝會宴集之事而持服一節尙在交議未定但思滿洲官員及世職等俱藉俸祿以贍其家口如皆令離任開缺無以為養贍之資其事亦屬難行雖人子之於親喪盡哀盡禮以答劬勞之德乃出於天性至情初不計及俸薪而朕養育旗人之意則不得不為之籌畫萬全今訥親之奏若抑令止循舊制人子之心必有展轉難安者其應作何斟酌分別定制俾公事私情俱得兩盡之處著大學士會同九卿妥議具奏武職自副將以下向無丁憂之例今應如何酌量定制一併議奏尋議

嗣後文武旗員遇有親喪百日後仍令入署辦事並照常支俸至入朝進署及一切公所准用素服惟進至御前應用吉服時則仍從吉服凡朝會祭祀謹遵本年諭旨免其執事其升遷之處除奉特旨升用外暫停開列至服滿後較俸之時仍准算俸其八旗生監舉人進士二十七七月內暫停考試銓選再武職官員定例副將以上准其丁憂參將以下不准丁憂亦不准給假葬親其果係獨子家無次丁者查所管防守營汛倘非緊要許該督撫提鎮奏明給假近者不得過六箇月遠者不得過十箇月蓋武職防守汛地緊要若一槩丁憂離任恐更易生手於武備汛防大有不便是以不准丁憂定例遵行已久毋庸再議惟給假治喪之例非獨子槩不准行情殊可憫請嗣後參將以下等官除軍機調遣仍不准給假外其餘各營武職自參將至于把無論獨子與非獨子凡遇親喪俱應給假其父母歿在任所者准其扶柩歸葬在籍者准其回籍奔喪近者不得過六箇月遠者不得過十箇月該督撫將給假日期報部事畢依限回營素服辦事二十七月之內遇朝會祭祀齊集一切應穿吉服之處俱免隨班行走未滿服前毋庸升轉至服滿後仍准算俸從之○復元儒吳澄從祀 文廟○丁亥諭朕聞浙江嚴州府桐廬縣屬有官抄秋租二項額徵條銀較之民產科則多至三五倍不等前代相沿事隔久遠不知起於何時而此二項田土多屬瘠薄又因賦重輸納維艱每至催徵逋逃相繼甚可憫念查此二項原徵銀七百九十九兩若依民產科則共應減銀五百八十一兩零著從戊午年為始減去淨多之數照民產一例徵收俾小民均沾實惠○戊子 上以馬蘭峪 陵寢工竣 躬親展謁啟鑾○己丑命山東濟陽等十六州縣兩次被災地方改徵折色○辛卯 上詣 昭西陵 孝陵 孝東陵 景陵行禮○壬辰祭 景陵回鑾○甲午諭據孫國璽石麟等奏晉省被災五州縣請銀米兼賑隨經部駁令其撥動鄰縣穀石分別散給如不得已而銀米兼賑令該撫酌定價值報部已降旨允行朕思積貯之設所以裕民食也當荒歉之歲地方米穀必致缺乏發粟散賑既可令無食貧民藉以餬口而奸商之囤積者亦不得借以居奇此救荒之常理也且米石出入眾目共覩上司亦易於稽查若以銀分給殊非周濟貧民之本義而貪官猾吏浮冒侵蝕更弊端百出矣但恐晉省倉糧平日原未必充裕而今年被災之處或尚不止五州縣儘或倉儲無幾輓運需時則災民之迫不及待者不得即沾升斗又非朕軫念窮民之至意用是再頒諭旨著孫國璽石麟等詳查地方實在情形如果鄰郡巨米多易運即照部議撥給若糧少運難著暫行銀米兼賑仍酌定價值報部一面辦理一面奏聞總在多方稽查務使官吏無所容奸窮黎均沾實惠○丙申除福建南平縣浮冒丁銀○實授崔紀陝西巡撫尹會一河南巡撫張楷湖北巡撫許容山西布政使楊錫紱廣西布政使戴承椿江蘇按察使張坦麟安慶按察使魏定國陝西按察使凌燾江西按察使○丁酉免雲南新開夷疆借給壘荒銀兩○以雙喜為盛京戶部侍郎由內閣學士遷○甲辰命水師毋輕調陸路○乙巳減江西南昌等七州縣淨糧○調趙殿最為吏部右侍郎由戶部調○庚戌命清理馬政○癸丑湖北巡撫張楷奏請 聖訓得旨覽康之一字何庸訓汝但汝初到任正當留心地方大務俾綱舉目張庶

以女為名之流及其所實 聖訓得旨覽康之一字何庸訓汝但汝初到任正當留心地方大務俾綱舉目張庶

王大臣議行矣此言或改行頒發或無庸頒發之處卿於彼案議覆歸結可也卿既熟悉苗情又屢經籌度且以身家相保朕自然聽卿料理至陸見之時尙早以苗疆甫定須卿彈壓卿其候旨可也

十一月丁巳禮部奏朝鮮國王李昉請封世子李愷年未及歲與例不符應否准其册封得旨該國王既稱還暮之年伊子李愷知識漸長輿情所在願名位早定情詞懇切著照所請行○己未撥通倉米六萬石備近京東北州縣冬賑○韓呂耀會爲戶部左侍郎調王鈞爲戶部右侍郎以陳惠華爲刑部右侍郎由詹事○庚申減免江南蘇州松江二府浮糧免額銀二十萬兩○壬戌命裁八旗官米局嚴禁鋪戶囤積○命額駙策凌護送準噶爾夷使來京以海蘭署理副將軍○丁卯以吳拜爲內閣學士由詹事○戊辰 上以三年服闋恭謁 泰陵啓鑾○辛未 上謁 泰陵○命增熱河駐防兵丁改總管爲副都統○免江南銅山碭山二縣逋賦○壬申祭告 泰陵 上釋服回鑾○乙亥 上還宮○庚辰命增修七政時憲書○莊親王允祿等辭免總理事務○免山西興縣等四州縣旱災丁銀○辛巳命大學士鄂爾泰張廷玉尙書訥親海望侍郎納延泰班第爲軍機大臣○除山東商河縣離鹵荒地徵銀

並雍正十三年乾隆元年逋賦○壬午諭翰林坊缺仍帶俸深編修檢討二十員引見○諭大學士鄂爾泰辭總理兵部事務大學士張廷玉奏辭兼管吏部戶部事務情詞懇切至於再三即數年來亦屢有人陳奏大學士不應兼管部務者此乃就常例而論不知國家委用大臣隨時變通止期有裨政治難以拘執成規亦多有與例不符而出於不得已者諸臣未能盡知也 皇考當日

命鄂爾泰張廷玉兼理部務迄今多年朕御極以來亦知兼攝爲難二臣亦屢以爲請而其中實有難於更易之情勢蓋兵部尙書

訥親雖年力精壯實心任事而蒞任未久諸事尙未諳習吏部職總銜衡繫甚鉅非謹慎練達者未易勝任此二臣者實爲朕心之所倚賴今乃辭解部務將來之繼二臣辦理者其事事妥協與否朕尙未能豫知豈肯遽從所請在二臣受國家厚恩當視公事如己事亦不當以任事簡少易於盡職而忽視部務往復瀆陳也俟數年之後朕酌量再降諭旨鄂爾泰仍著兼管兵部張廷玉兼

管兩部事務實多難於兼顧准其解退戶部仍兼管吏部其他兼管部務之大學士選柱徐本不必兼管工部刑部○癸未諭朕御門聽政之時翰林院修撰編檢與科道一同侍班翰林班次在科道之上科道懸帶數珠而翰林未有定制朕思侍從之臣理應畫

一嗣後修撰編檢亦著一體懸帶數珠以肅朝儀○諭劉元燮奏辭廣西蒼梧道請仍留御史之任查劉元燮於八月內奉旨外轉旋於閏九月內吏部引見道員劉元燮即隨班入見彼時並未奏請留京今閏五月有餘而忽爲此奏明係不願前往廣西捏辭規

避且伊又稱吏部應來單請旨不應照康熙年間之例將伊入於月選等語不知缺有繁簡之不同有應請旨補授者有應歸於月選者從前閏九月內有請旨缺出吏部已將劉元燮交單引見一次朕未降旨補用是以仍在候補之列今遇有月選之道缺吏部

照例銓選此一定之理並無錯誤劉元燮何得挾其私心支離瀆奏將前後情節藏匿希圖蒙混以惑朕聽不自知其矛盾也劉元

變若果欲留京效力何不奏請於奉旨外轉之時又何不奏請於初次引見道員之日及至籤掣廣西之後忽為此奏其居心尚可問乎且劉元燮摺內引周昌汲黯自比彼與古人誠偽邪正相去天淵乃不自知分量而公然引以自况見之章奏其奸邪無恥亦已甚矣又伊今年六月開因外開偶有謬傳李紱張坦麟除官一節曾經奏聞朕降旨嘉獎以鼓勵言官究竟亦極平常之事其餘伊所條奏則皆流拾陳言苟且塞責並無有裨政治可見諸施行者今何得大言不慚輒以敢言自詡試思伊所敷陳有一裨於政治切於朕躬可以萬一彷彿周昌汲黯者耶至於月選道府州縣等官由吏部過堂掣籤九卿在午門公同驗看此乃國家定制無人不遵而劉元燮以為凌辱豈有九卿同在班聯而目擊書吏筆帖式凌辱道員之理此又不問而知其為欺罔也似此巧詐狂妄挾私規避之人竟敢以直言自居是實有玷於周昌汲黯者也朕若再加姑容則將來言路必至於不可問而假公濟私朋黨之風因是而起矣不得不嚴加處分以示懲儆劉元燮著革職發往廣西以佐武等官令其效力贖罪若再有規避不實心盡力處即著該督撫題參從重治罪○除山東德州蓬萊等州衛雜稅○增熱河副將以下員弁○湖南巡撫高其倬奏報收成分數得旨語云湖南熟天下足朕惟有額手稱慶耳

十二月甲申朔補熙丁憂以查克丹為漕運總督由工部書選○實授來保工部尙書○免直隸大興等七州縣八旗餘地畝乾隆元年額賦十分之三○丙戌改內閣典籍為七品官○丁亥 上御太和殿册立 嫡妃富察氏為 皇后封高佳氏為 貴妃那拉氏為 嫺妃蘇佳氏為 純妃金佳氏為 嘉嬪○庚寅命江西瀘溪縣漕糧改徵折色○壬辰命嗣後御殿大學士於殿內賜茶

○甲午以册立 皇后禮成加上 皇太后徽號曰 崇慶慈宣皇太后○除江蘇鹽城阜甯二縣濱河地糧○丁酉諭各省常平倉原為濟民而設每年青黃不接之時存七糶三以給民食秋成之後照數買補出陳易新不致紅朽以備歉歲賑恤之用法至善也但有司奉行不善其弊遂有不可勝言者當其出糶之時惟附近居民就近赴買而鄉民則往返守候不能徧及且城中矜戶役戶牙戶囤戶與倉書聲氣相通捏名報買而州縣之內丁隨役亦乘機暗竊通同盜買雖倉額有虧總期秋熟買補還倉時於斗秤

溢額淨收填補遮蓋此平糶時之弊也至買補之際往往擇縣中富戶發給銀兩令其交穀有照時價短發十之一二者有銀色低潮者或令自運還倉腳價無出又或用斗則以大易小用秤則以重易輕且交倉折耗盤倉供應之費皆出之小民此富民受累也乃更有照糧派買之弊每處派一買頭總斂各戶照數交倉此等窮黎二月新穀五月新穀尚然不敷豈能堪此擾累朕思穀貴則出糶穀賤則買補自然之理然天時豐歉靡常而價值低昂難定僅或買補之時不能無賠累之苦則官吏不能不問之閭閻而不肖者更欲藉此獲利則其害益不可問矣其中弊端種種朕知之甚悉即臣工參奏者亦甚多但再三思維若明降諭旨又恐啓奸

民阻撓公事之漸可密寄各省督撫將如何籌畫辦理使官吏無累而蓋藏常足之處悉心定議具奏○特准八旗另戶兵丁考試

筆筆一文○命官員推丁本生父母受一年○追封 皇后之父李榮保為一等公以其子博文承襲一等侯○戊戌諭軍機大臣

筆筆一文○命官員推丁本生父母受一年○追封 皇后之父李榮保為一等公以其子博文承襲一等侯○戊戌諭軍機大臣

等前據陝西巡撫崔紀奏撥行令民間鑿井以爲灌田之用此亦有益於稼穡之事朕已允行今聞崔紀辦理未善自蘭州至潼關一帶井面圍圓止合抱有餘深者不過二三丈淺者僅有丈餘卽有深處又多係沮滯之土南能及泉旋卽壅塞潼關一帶如此則飽處可知秦中地勢本高積土深厚今開空若此儻遇天時亢旱禾苗未見焦枯而各井已先涸矣且以十畝之地勒開三井所起土塊卽堆積田中是今歲方朔之秋麥已損傷一二又嚴限四十日告成小民奔走不遑甚苦竭屬凡民間開井砌軌者非數十金不可卽土井亦須數金今瓶井發價七兩土井發價三兩實不敷用民有怨言是崔紀欲求速效草率從事而不知其無益有損也朕所聞如此可速傳諭崔紀令其悉心體察詳加籌畫務收鑿井之益而去閭閻之擾儻有地勢不能開挖者亦卽聽從民便毋拂輿情○禮部侍郎方苞奏懇解部職專力修書允之命仍食原俸在書館行走○己亥命江南贛榆沐陽二縣酒糧改徵折色○庚子諭 先師孔子聖集大成教垂萬世我 皇祖聖祖仁皇帝 皇考世宗憲皇帝親詣辟雍登堂釋奠儒臣進講經書諸生圍橋觀聽雍雍濟濟典至盛也朕承承丕緒嚮慕心殷國學 文廟特命易蓋黃瓦以展崇敬俟工程告竣之日朕躬詣程莫用昭重道隆師作人造士之意○議敘總理事務王大臣莊親王允祿果親王允禮各賞給一鎮國公平郡王福彭賞給奉國將軍大學士鄂爾泰張廷玉各賞給一騎都尉大學士徐本尙書訥親海望各賞給一雲騎尉世職○追復誠郡王允祉原封諡曰隱○追賜訥親曾祖額亦都巴圖魯雲騎尉○王寅以莊親王廷甯和襲封鎮國公平郡王弟福靖襲封奉國將軍○大學士邁柱以病免○以吳家駮爲禮部右侍郎由內閣學士遷○癸卯諭大學士張廷玉在內廷宣力多年輔弼贊襄勤勞著朕之視大學士鄂爾泰張廷玉一切恩眷均屬一體今大學士鄂爾泰因賞給騎都尉已由一等子照例歸併授爲三等伯張廷玉亦著加恩由三等子從優授爲三等伯仍著伊子張若鸞承襲○乙巳諭朕聞雲南昆明縣有老丁田地一項原係督撫兩標牧放營馬之區坐落首會見海之濱本屬草澤嗣因沙壅淤成可墾之地節年以來定爲額收租米二千五百六十八石除完納稅糧條編並給發老丁口糧兵需米九百二十三石外尙餘米六百四十五石從前題報歸公遵行在案但此額收數目乃照豐收之年科定者而地處海濱土壤瘠瘠若遇水大歉收之時則小民完納甚艱可爲軫念除老丁米石並糧條仍應照舊完納外其餘公米六百四十五石著該督撫查明永行豁免俾租額減輕民力寬裕卽從乾隆二年爲始○辛亥諭閩省丁銀勻入地畝已歷多年上年朕查出通省缺額田地五萬四千餘畝已降旨將糧銀豁除以紓民力但所勻丁銀未會裁免仍屬小民之累著將應納丁銀九百六十一兩悉行免徵承著爲例又聞延建邵三府有運解省城之糧米二萬四千石於耗米之外又徵運費每石一錢一二分至五六分不等交官之數若此其官吏需索之費正恐繁多小民輸將匪易著將此項永遠免徵所有運費三千兩卽於存公銀內支給以除閩閩之擾○是歲朝鮮琉球安

南南掌來貢

乾隆東華續錄七

乾隆三年戊午春正月乙卯命福敏為武英殿大學士兼工部尚書以馬爾泰為左都御史由兵部奏戊午諭從前宗室王公等

嫁娶候旨指配者居多凡人嫁娶理應及時今宗室蕃衍若不分別遠近一槩候旨指配不無逾時久曠之慮朕意世系近者若年

已長成婚姻結定令其奏聞若尚未結定令其請旨世系遠者當各聽其便其如何分別遠近定例之處著宗人府王等詳議具奏

尋議 皇上伯叔輩王貝勒等子女兄弟輩王等子女至十五歲請旨其餘宗室子女特旨指婚者令候旨行餘酌量及時婚嫁應

得品級該部照例奏給從之○辛酉祈穀於 上帝恭奉 世宗憲皇帝配享○諭青年各省解京餉銀有隨平賑規一項雍正元

年蒙 皇考諭令停止嗣因清查部庫約計虧空銀二百五十餘萬兩事歷多年難於究問經怡賢親王以各色浮費既已禁革奏

請將京餉平餘陸續彌補以重國帑每餉銀一千兩收平餘二十五兩較之從前隨規雜費減省已多至雍正八年虧空補足欽奉

皇考諭旨嗣後解部平餘銀兩著照從前之數減去一半此項原出於錢糧耗羨即留於本省以備地方公事之用欽遵在案是

以年來解部之平餘已較原數裁減一半矣朕思平餘即係耗羨並非別有加徵解交部庫與存貯藩庫均為國家公事之需但目

前尚有平餘解部之名恐外省官吏或有借端需索者亦未可定著從乾隆三年為始將減半平餘銀兩一槩停其解部即存貯本

省司庫遇有地方荒歉及裨益民生之要務確應賑恤辦理者即將此項奏明動用報部查覈此項既出民力輸將仍令一絲一粟

均濟百姓之緩急朕何取焉若該省大小官員有奉行不善使百姓不沾實惠者朕惟於該督撫是問○癸亥諭朕惟四子六經乃

羣聖傳心之要典帝王馭世之鴻模君天下者將欲以優入聖域茂登上理舍是無由我 皇祖聖祖仁皇帝 皇考世宗憲皇帝

時御講筵精研至道 聖德光被比隆唐虞朕夙承 庭訓典學維殷御極以來勤思治要已命翰林科道諸臣繕進經史格言正

論無日不陳於前特以亮陰之中經筵未御茲既即吉亟宜舉行所有典禮該部其誦日具儀以聞○諭閩省丁銀勻入地畝完納

數年以來朕留心體察如甯洋壽甯南平等處地少丁眾小民難以輸將已降旨減輕以紓民力又如通省缺額田地既將糧銀豁

除則丁銀亦應寬免復降旨令該督撫查辦無非欲薄賦輕徭去閭閻之擾累也今聞各州縣丁銀俱已適中惟漳州府之平和縣

汀州府之清流縣延平府之永安縣尚有田少丁多之苦每田糧一兩徵丁銀四五錢不等較之別邑多至加倍有餘所當酌量變

通俾此三邑一體沾恩著該督撫斟酌本地情形當如何裁減便民之處悉心定議具奏○甲子 上幸圓明園奉 皇太后居暢

春園凡慶節恭迎 皇太后御長春仙館以為例○乙丑諭都城西郊地境夾堦水泉清潔於頤養為宜昔年 皇祖 皇考皆於

此地建立別苑隨時臨幸而辦理政務與宮中無異也朕孝養 皇太后應有溫清適宜之所是以奉 皇太后駐蹕於此不忍重

勞民力另築園圍朕即在圓明園而敬葺 皇祖所居之暢春園以為 皇太后高年頤養之地一切悉仍舊制畧為修繕無所增

加伏思我 皇考盱眙宵衣勵精圖治親勤政務屬額懸諸殿楹朕瞻仰思慕時時做惕不敢稍自暇逸庶承 先志而踵 前

徵文武大臣等當共勵精勤勉職業若以朕駐蹕郊圻節勞勩將應辦應奏之事有意減少遲延則不知朕心之甚矣向來部

院及八旗大臣皆輪班奏事自仍照舊例行至諸臣中有陳奏事件卽行具奏不必拘定輪班日期大學士等可通行傳諭知之○
庚午諭國家昇平休養戶口繁滋生聚日多蓋藏未裕儲蓄之方不可不豫爲籌畫從來積貯以常平爲善但地方有司每以歲久
徵變易罹參處折耗補數貽累身家一見積穀稍多卽爲憂慮而無識之上司亦遂被其搖惑而不爲緩急可恃之計獨不思民閒
既少蓋藏而倉庾又無備備天時旱潦豈能保其必無一旦年穀不登其何賴以無恐向有常平捐監之例後因浮費太多捐者甚
少遂漸次停止歸於戶部乾隆元年朕將捐款盡停而獨留捐監一條者蓋以士子讀書向上者日多留此以爲進身之路而所捐
之費仍爲各省買穀散賑之用所降諭旨甚明今再四思維積穀原以備賑與其折銀交部至需用之時動帑採辦展轉後期不能
應時給發曷若在各省捐納本色就近貯倉爲無事之備足濟小民之緩急乎去冬侍郎孫國璽從晉省回京請將捐監事例移回
本省朕降旨詢問該撫重諭他省不得援以爲例今思貯粟養民乃國家第一要務果於民生有益則當因時變通不必固執前議
著各省督撫確查所屬見存倉穀若干足數本地之用與否若將捐監之例移於本省令捐本色於地方有無裨益各據本省情形悉
心妥議若事屬應行卽將如何定例定數之處詳議具奏至於在外收捐則有包攬苛索種種弊端而積穀既多則存七糴三出陳
易新之際其弊更難悉數此皆該督撫所當隨時稽查盡心董剔俾閭閻實受常平之益官民無賠累之苦方不負愛養斯民之重
寄○癸酉以朱漢爲直隸河道總督顧琛協理河道事○乙亥諭履親王自管理禮部以來恪慎周詳實心任事三年之內備極勤
勞今大禮已成禮部事務該堂官自循照辦理履親王不必兼管○諭湖北忠尚等土司改土歸流增設施南一府統轄恩施宣恩
咸豐利川來鳳建始六縣除恩施係屬舊縣建始自川省改歸並恩施分歸咸利二縣之田地人丁向有定額無庸另議外其餘改
土地方新入版圖者該督撫見在查勘分別升科但該土司向來輸納秋糧不計田地多寡每年統計止納七十三兩六錢四分今
若照內地升科則徵收必至加於前數朕心愛養土民望其共受國恩原不計貢賦之多寡乾隆元年會降諭旨將容美司改設之
鶴峯長樂二州縣成熟田地卽照原額秋糧銀九十六兩之數作爲徵收定額今忠尚土司與容美事同一例著將查明成熟田地
卽照原額秋糧銀七十三兩六錢四分之數按田分派作爲定額無庸另擬科則俾土疆黎庶永沾薄賦之恩至乾隆二年未完秋
糧一併豁免○命福敏馬爾賽議政處行走○以王承燾爲內閣學士_{由禮部}○遣散秩大臣祥泰內閣學士岱奇册封朝鮮國王李
昫子愷爲世子○準噶爾使臣達什等奉表至京表曰準噶爾台吉噶爾丹策零奏言恭進 大皇帝聖明雍正年間 世宗憲皇
帝與我父當日情事 大皇帝既盡知之不敢復瀆陳近者屢欲遣使恭請 聖安因前歲吹納木喀齋同 敕書內有爾誠遵
皇考前旨定界則遣使來不然亦無庸復遣之諭竊思邊陲 大皇帝諭旨我屬下人不得至阿爾台山實有未便僭冒昧陳請恐
有乖 諭旨勢不得已暫爾停遣去秋我邊界人言蒙古在我境內安設卡倫攜二人來因念既不得遣使事又不容中止不若卽
藉此二人致書車臣汗令其轉達車臣汗報書令我繕奏遣使一切情事當代爲詳悉具陳故今復遣達什等入奏向來阿爾台山

本係我部遊牧之地若盡令移駐山陰恐地窄不能容納多人請嗣後喀爾喀與厄魯特各照見在駐牧無相掣肘庶幾彼此兩安以廣黃教以息羣生伏祈 大皇帝鑒情隨表進貂皮三十一張奏入 上諭軍機大臣曰爾等准噶爾丹策零遣使求額駙策凌轉奏之疏甚屬恭順其事有易竟之機可遣使齎救前往與噶爾丹策零將定界之事定議完結著侍郎阿克敦充正使御前三等侍衛旺扎爾乾清門頭等台吉額默根充副使將應議事件皆明悉曉諭之即與準噶爾來使一同起程

二月癸未朔諭果親王持躬耿直賦性剛方辦理公事不避嫌怨 皇考素敦友愛眷注維殷朕御極以來命王總理事務方資倚任乃王舊疾時作去歲轉劇朕常加存問令御醫用心調治今年正月二十日大醫奏稱王病勢沈重朕欲親往看視因值齋戒之期特著和親王代往自此以後王疾漸減且精神稍增移住郊外林亭朕心喜慰方謂從此調理可望痊愈從容召見今聞薨逝深為震悼著莊親王履親王經紀其後事朕即於本日親臨其喪一應典禮該部速議具奏是日 上詣王邸第賜奠享予加祭一次立碑造墳諡曰毅○乙酉奉 皇太后懿旨以皇六弟弘瞻為果親王嗣襲其封○丙戌諭本年春季 文廟朕降旨親詣行禮查

文廟春秋二祭舊例俱是違官我 皇考尊 師重道始定親祭之禮開年舉行乃從來所未有者今覽太常寺奏進儀注朕躬獻壽一次其亞獻三獻之爵豫先陳設香案上朕思既行親祭仍當從三獻之儀著另繕儀注進呈○駐藏侍郎杭奕祿等奏員勒頗羅薩以額納特珂克部落拉克汗德忠那木札爾所上表文及貢物交臣轉奏查拉克汗德忠那木札爾乃呢瑪那木札爾之子父子並感國厚恩凡得準噶爾消息輒附頗羅薩以聞自 聖祖仁皇帝 世宗憲皇帝數加恩賚今復進表貢物若更頒予敕命量施恩澤當益勸勉傾心內向奏入命賜德忠那木札爾敕書一道如賞段匹器有差○丁亥釋奠 先師孔子懸 御書扁額 大成殿○壬辰命湖南平江縣漕糧改徵折色○命修山海關邊牆○癸巳以佾奇為刑部右侍郎由內閣○甲午 上御

正大光明殿噶爾丹策零使臣達什博濟爾入覲諭曰定界之事朕前降旨甚明今以額駙策凌奏請故許見爾等噶爾丹策零奏章朕已觀覽其與額駙策凌書亦經奏聞奏內稱喀爾喀與厄魯特請悉駐牧如故彼此兩安庶幾推廣教休養羣生伏乞大皇帝鑒憫觀噶爾丹策零此次奏言極其恭順有誠心求和之意朕甚嘉之爾等舉止亦謹慎可嘉但於分界之處仍未指明尚屬蒙混蒙古游牧無常冬夏隨時遷徙若不定山河為界日後邊人保無爭乎必彼此各守其界無得踰越庶可永固和好若噶爾丹策零未嘗明諭爾等爾等自不敢擅議朕當另遣大臣前往與噶爾丹策零詳悉定議又爾等曾告額駙策凌乞我國卡倫稍向內移卡倫之設由來已久於今豈得議移且噶爾丹策零奏中並未及此據爾等私見陳請不惟與噶爾丹策零所奏不符亦非爾等分所宜言也達什等奏言此係噶爾丹策零口屬不然使臣等何敢妄言今 大皇帝既許遣使自可與噶爾丹策零面議而定

上復諭曰爾等云噶爾丹策零口屬便爾瀆陳若朕遣使至爾部彼不過遵旨而言何敢於敕諭之外復增一言朕為中外共主無分喀爾喀與厄魯特成一體視之並無欲益喀爾喀損厄魯特之意今噶爾丹策零請邊界人居住如故此事尚可俯允若乞我卡

爾喀與厄魯特成一體視之並無欲益喀爾喀損厄魯特之意今噶爾丹策零請邊界人居住如故此事尚可俯允若乞我卡

倫內徒殊未合理爾部邊界人且不肯移徙我 聖祖暨 皇考時舊設卡倫反可動耶朕於厄魯特尚無異視之心豈肯曲從爾

意轉騷擾我喀爾喀乎凡事合於理朕無不允不然雖百請亦不允也朕即日遣使噶爾丹策零其遵旨定議以固信好朕面諭之

言爾等詳悉記憶歸告噶爾丹策零爾等臨行時朕尚有敕書付朕使者頒示噶爾丹策零知悉尋賜達什等銀兩段布有差○乙

未 上啓鑾謁 泰陵○戊戌 上謁 泰陵○命公產旗地准民人置買○己亥祭 泰陵回鑾○辛丑 上幸南苑行圍○壬

寅 上還京師○癸卯諭直隸宣化府屬懷來保安二縣採辦楊木長柴供 郊壇 宗廟焚帛之用向無開銷之例俱係兩縣捐

貲繼因添用柴薪分派宣屬他縣協辦相沿已久朕思州縣公捐易啓借端科派貽累小民之弊不可不防其漸著從乾隆三年為

始將每歲需用楊木長薪照辦解之數動用正項造入地丁冊內報銷令出產之懷來縣承辦以專責成○乙巳諭各省常平社倉

歉收借領免息著為令○以徐家賓為雲南布政使張坦熊為雲南按察使由直隸天○丙午 上御經筵○丁未濬江南運河工

竣○已酉設臺灣北路義勝永勝二寨○湖北武昌府江塘成○命元聖後裔五經博士東野衍光恭遇視學大典一體陪祀觀禮

從衍聖公孔廣榮請也○庚戌暫免臨清天津兩關米豆稅○辛亥 上親耕藉田三推畢加一推自是以為常○壬子趙宏恩以

納賄解任以高其倬為工部尚書張渠為湖南巡撫由江蘇布

三月甲寅 上詣太學釋奠 御彝倫堂命講中庸尚書廣太學鄉試中額召衍聖公孔廣榮等入見訓諭之賞賚有加○調許容

為江蘇布政使以胡瀛為山西布政使鄭禪寬為浙江按察使原任布○乙卯諭陝西鑿井灌田一事從前律紀辦理不善苟且興

工止務多井之虛名未收灌漑之實效經朕訪聞降旨申飭命其聽從民便毋拂輿情乃伊接奉諭旨之後即檄行藩司轉飭地方

官務須挖深砌固不得草率從事又差遣佐雜等官分路勘驗凡屬淺井悉令掘之使深而土易淤塞者則令修砌堅固其從前開

挖而未成井者又復勒令填平以至井底之寒泉無處灌注勢必傾瀉於地中井中之渾土無處搬移勢必堆集於麥上不但麥苗

無益亦且大受其損况去冬得雪充足今值麥苗青蔥秀發之時農民及時鋤治轉盼播種秋禾東作方興正田功不遠之候而乃

迫令掘井砌井使農民廢時失業人心甚覺勞瘁是朕諭令俯順輿情而崔紀則勒令深挖修砌以掩其非又令填平廢井以掩其

過重負朕委任封疆諄切訓誨之意矣再者大學士查郎阿因見陝省收成款薄穀價昂貴不得已禁止商販運赴他省曾經具摺

奏聞而山西蒲州與陝西郃陽韓城等縣僅一河之隔彼地商販遂串通郃陽韓城等處奸徒指稱縣民糴買口糧舳舻相接揚帆

直下一過河東即達山西地界崔紀未會究問陝西之人遂以崔紀庇護桑梓縱違禁之私販噴有繁言觀此情形崔紀不便仍留

西安之任著調補湖北巡撫將張楷調補西安巡撫遂赴新任張楷到任後崔紀交代再赴楚省至秦省鑿井灌田之事張楷可善

體民情妥協辦理○諭近京地方上年被水今春少雨民間米價昂貴朕心甚為憂慮悉心細籌添設米廠減價平糶其他有益於

民食者莫不慮及原欲使閭閻小民易得升斗以為餬口之計也乃發米日多而市價並不稍減轉或加增其中必有居奇之人糴

買官米展轉羅買獲重利以肥身家是但知有己而不知有人矣獨不思太倉之粟原以備官兵俸餉之需今因民食維艱減價發糶此軫念民瘼之至意諒為中外所共悉凡屬良民見朕如此焦勞如此審畫俱當感發善心縱不能出其所有以濟窮困奈何將官家惠養貧民之物轉為一己圖利之資而坐視多人之謀食艱難曾不一動念乎又如京師錢支昂貴朕不得已設立官局以平市價而錢價近復加昂亦必有奸民囤積不肯輕售以待厚利者夫商賈即百姓也朕一視同仁並無區別乃朕施一利民之政而伊等即多一營私之謀何人心之不古難以化誨遂至此極耶至於入旗之人動輒望實望借以濟匱乏不知國家經制有常為政有體豈有無端賞借以博眾人一時感悅之理且國家之有恩施亦如上天之有雨澤若雨澤下降而播種不豫力作不動亦不能望收穫况一時之賞借猶如一時之驟雨可暫而不可常能給而不能足加之伊等又不能擇節愛惜隨手浪費於生計絲毫無補其裨益果安在耶朕實不忍兵民等之癡愚不悟特頒此旨再行曉諭各該管衙門可刊刻宣布俾人人觸發本心痛改惡習庶幾感召天和兩陽時若不獨蒙福佑於無窮而人心風俗亦可望漸歸於敦厚矣○復設八旗官米局○戊午以雅爾呼達為內閣學士由太常寺卿題○丁卯 上詣 黑龍潭祈雨○諭李世倬條陳改鑄錢文一事經九卿三議具奏凡廷臣會議之案原令各抒己見不必強同至於隨聲附和之弊乃人臣所當切戒者今此案三議覆奏正得各抒己見之義朕深取之不必以互異為嫌但錢文關繫重大必須斟酌盡善著大學士悉心定議具奏尋議據吏部衙門議稱欲平錢價必須改輕錢質竊思錢價之低昂原不在錢質之輕重縱復再減一分錢價亦恐不能平且改鑄錢文與見在錢文一體行使新舊夾雜重輕不一民間更易紛爭所議似不可行又據尚書孫嘉澐稱銅斤留供兩局鼓鑄外請將餘銅陸續分發售賣竊思售賣餘銅止應於產銅之省聽商民購買市價若令運解來京統入官局再分發售賣不獨徒費腳價轉滋紛擾即論體制亦屬未協所議亦不可行又據戶部等衙門議稱查歷來錢法過重則慮私銷過輕必致私鑄今制錢酌重一錢二分若再減二分與從前所鑄重錢一體使用則奸民必致銷毀重錢而鑄輕錢李世倬所奏亦無庸議從之○命大學士九卿舉堪任道府人員○以包括為甘肅按察使由山東登萊道遷○戊辰賜准噶爾台吉噶爾丹策零敕書曰准噶爾台吉噶爾丹策零前歲爾遣吹納木喀來朕以廣教安民之故欲與爾議定疆界罷息干戈在朕甯有食言之理爾誠遵我 皇考諭旨以阿爾台山為分界止諸喀爾喀游牧稍令移徙勿動原設卡倫朕尚可俯允降旨指明喀爾喀游牧所止之處乃爾並不遵旨反請以哲爾格西喇呼魯蘇為爾邊界如此則遣使何益故朕復諭以遵我 皇考前旨則遣使不然則無庸復遣使降旨甚明此次爾令達什來致書額駙策凌又有進朕奏章之額駙轉奏朕故召爾使入見又聞爾奏內云請令喀爾喀與厄魯特游牧俱照見在居住無相牽掣彼此兩安言已近正但分界地名未經指明蒙古游牧無常冬夏隨時遷徙若不指定山河為界他日邊境細入或起紛爭仍難要久以爾奏言恭順故朕特命大臣前來朕使到時爾與酌合機宜必使分界之事此次即得定議若仍不揆情理偏執已見託故推諉則於事無益即往復遣使亦徒然耳朕為天下共主凡各部民人皆欲令其安生並

無彼此異視之意事屬隨便朕無不允若有一不便任誰奏請總無偏私之理爲此特降敕書命侍郎阿克敦侍衛旺扎爾台吉類默根同爾使達什等前往隨敕賜各色采段十端命額駙策凌亦致書噶爾丹策零隨書用各色采段四端○濟東便門護城河○庚午召劉統勳回部辦事○壬申以早命刑部清理庶獄○癸酉命大學士鄂爾泰等照元年例舉任文衡者仍令一體考試○丁丑禮部議覆尙書銜徐元夢奏鶴論所記四科止就陳蔡諸賢記載後人據此定爲十哲從祀 文廟正殿嗣以顏子升配先師因升顏孫子師於殿以補其數 聖祖仁皇帝又以朱子熹昌明聖教升位其次是十哲可不必拘矣考魯論文章卽載有子之說其言行氣象皆與聖人相似則有子若直得升堂配享確然無疑再如宰子子冉子求一因短喪有不仁之斥一因聚斂有非徒之責論者謂宜移祀兩廡其兩廡中如南宮子适宓子不齊俱以君子見稱孔子自宜並于升配等語謹按十哲之祀昉於唐開成至宋咸清升子張以補缺數以孟子稱得聖人一體故也有子若最爲游夏所服孟子亦稱智足知聖從前未躋十哲實爲缺典應如所請升有子若於殿內東旁卜子夏之下移朱子熹於西旁顯孫子師之下通行國子監直省府州縣學一體遵奉至宰子冉子皆聖門高弟未容輕議其餘諸賢經稱許者甚多亦豈能槩躋十哲所請兩廡升配均毋庸議從之○戊寅諭督撫升調非特奏論旨均俟交代後起程○己卯命考選科道一體引見○禮部議覆河東河道總督白鍾山奏陳留縣廟祀河神黃守才偃師縣人靈顯昭著宜加封號從之賜號曰靈佑襄濟之神○辛巳以直隸旱截留北倉米二十萬石備賑

四月甲申諭各省督撫向來有進貢方物之例朕御極之初卽降諭旨令三年之內停止進貢俟卽吉後再行請旨數月以來雖各省督撫尚未舉行但朕思此事甚屬無益蓋進貢之意不過曰藉此以聯上下之情耳殊不知君臣之閒惟在誠意相孚不以虛文相尚如爲督撫者果能以國計民生爲務公爾忘私國爾忘家則一德一心朕必加以獎賞若不知務此而徒以貢獻方物爲聯上下之情則早已見輕於朕矣且朕見在諭令督撫等毋得收受屬員土宜誠以督撫取之屬吏屬吏未必不取之民間目前所受雖微久之必滋流弊若進貢方物雖云督撫自行製辦而展轉購買豈能無累閭閻是所當行禁止者惟織造關差鑿差等官進貢物件向係動用公項製買以備賞賜之用與百姓無涉不在禁例其督撫等有牧民之責者舉行停止貢獻○以早申命求言○信格免以納延泰爲理藩院尙書由刑部左侍郎遷○大學士管川陝總督查郎阿參奏承辦軍需道沈青崖等私運侵帑詞連前任陝西總督劉於義遣馬爾泰往鞫解劉於義吏部尙書任○戊子撥山東德州臨清倉穀於直隸備賑○己丑調孫嘉淦爲吏部尙書以趙國麟爲刑部尙書孫國璽爲安徽巡撫田兵部侍郎遷○壬辰諭直隸總督事件繁多難以兼顧河務李衛不必管理其一切河工事宜應交總河專辦俾事權歸一方有神益顧琮仍著會同朱藻悉心辦理○癸巳命納廷泰議政處行走○丁酉減安徽遠武平兩屬屯田科則○己亥命九卿等舉劾月官○命各直省題奏本章按季咨內閣通政司查覈○辛丑調二格爲工部右侍郎以班第爲兵部右侍郎勒爾森爲理藩院左侍郎由禮部寺卿遷○以玉保爲理藩院右侍郎由理藩院郎中遷○壬寅諭今日御史李賢經具摺條奏事件其

聞頌揚之詞甚多如德尙寬仁政從簡易廣開言路納諫如流等語朕臨御以來雖夙夜孜孜求治堯而一切敷施措置豈能悉協於中撫已捫心實難自信時時省惕今見臺臣極口稱揚益重朕之愧也且朕之行事其是非得失當聽天下後世之公論尤不在進獻之諛詞從前已降旨訓諭今李賢經又蹈此習特再曉諭俾眾知之至其條奏內稱天下之事繁則擾擾則勞勞則倦應請嗣後在內各部院在外各直省所辦一切瑣屑事務不必盡煩審覈其無益於治道或有傷於治體者請內會九卿外飭督撫公同酌議可裁減者裁減宜禁革者禁革如果事關重大方請斷自上裁所謂勞於求賢逸於任人等語從來爲政之體自應總攬大綱不規細務然而因時制宜亦有不以繁論者昔我 皇考卽位之初庶務紛繁有不得不兼綜整理之勢是以雍正四五年以前殫心竭慮日昃不遑其精勤勞瘁之心實從古帝王所罕有朕承百度維貞之後率由舊章遵循惟謹較之 皇考之時已覺前任其勞而今享其逸矣然此亦當時會之適然耳若使目前有應行辦理整頓之事如 皇考當日之情形則朕心亦必驅勉效法竭蹶靡甯詎敢圖旦夕之暇豫乎朕此時之宣猷布政斟酌緩急權衡輕重固不敢廢弛而叢脞亦不致瑣屑而紛更此朕心可以自信者若如李賢經所奏將諸事委之臣僚而朕居九重之上端拱無爲則廢弛叢脞之弊必不能免不但心有未安卽揆之於理亦斷乎其不可也况朕春秋方富年力正強乃勵精圖治之始凡節勞省事之說尤不當陳之於今日也又條奏內稱土地不增稅糧如故經費之數亦應調停在官吏則職業不加於昔而雙俸已倍於前在太倉則輸納不益於前而賑糶幾倍於舊源少易窮後將安繼等語此奏甚屬錯謬朕之加恩官僚雙俸者原非博惠下之美名冀人之感頌也蓋以厚其恩贍方可固其廉恥冀臣下自知興廉興義恪共乃職之意儻俸祿既增而仍有貪汙受賄不守官箴者朕必按律治罪不稍寬假此正激清吏治之一端不必於臣工養廉之典較此多寡之數也至於太倉之粟見在有三年之蓄不爲不裕况國家儲積以備不虞所謂不虞者正謂年歲荒歉黎民艱食以此平糶散賑惠濟閭閻俾不至於饑餓若此時而不用倉穀又於何處用之豈有太平無事之秋而必專指兵革之屬以爲不虞之備乎又條奏內稱進退人材之際當嚴邪正之辨必須權衡在己兼採眾論使好善惡惡輕重長短不齊之限量一一中乎當然之則無少差謬等語虞書曰知人則哲惟帝其難之蓋爲治之道莫難於用人而用入之道莫難於分別邪正自古人君斷無有知其爲邪而用之知其爲正而斥之之理惟是隱微難明疑似難辨以致舉錯不當用舍失宜其辨別之法欲採輿論而輿論每不可憑欲加密訪而密訪又不可信若立科條以爲鑑別進退之標準則所立之法卽爲百弊之所叢生矣此實難之又難有莫可名言者又條奏內稱各省軍政所薦或號令嚴明弓馬嫻熟或持己廉潔諳練營伍不過此數事求其洞曉韜畧謀勇兼長深得士心若孫臏穰苴吳起者其人不多見請於本京設韜略之科廣爲收羅等語夫所謂弓馬嫻熟營伍諳練等事尙係實而可見者至於韜略運於一心其神明變化之妙全在當機粹應平居無事之日何從試驗而知之若設韜略之科採其議論便加錄用不過如目前試士之策論半屬紙上空談何以定將才之優劣乎况孫臏穰苴吳起數人乃不世出之才卽求之史冊中亦不多得而李

無可採者著大學士會同九卿閱看定擬具奏尋議考績之典三年舉行已久况卓異之外又有行取保舉各途如有實心
愛民之員各省督撫自可循例保薦正不必又定以歲擢一二人之例徒事紛更各省督撫提鎮皆由特旨簡拔所屬員弁儻有廢
弛滋事冒功搆毀自必加意查察參處即大臣升轉加銜官弁保舉議處見在俱有成例均不必再行更張邊境倉儲原屬緊要但
查先經戶部議覆大理寺卿汪滌摺奏直隸各省州縣酌量地方之大小戶口之多寡分別加倍積貯以備不時之需其應買穀若
千應勒何項銀兩以及作何採買貯倉之處俱已行令各督撫妥議經畫至所稱鎮守之兵必諒其性習土宜以便人情則直隸山
西川陝以及雲貴沿邊等省俱係於土著內召募充伍即見在調遣兵丁北路換班西路駐防者俱於附近營分派撥並無南北易
地不便人情之處且有定例賞軍功給糧餉養家口儘定以示鼓勵何必另立勳格若夫邊關墻垣屯堡各該督撫提鎮久經相度
建造修葺緊要地方皆有大員彈壓按汛防守各有專責何至有互相推諉之事該御史所奏均無庸議從之○轉仿奇為刑部左
侍郎以鍾保為刑部右侍郎○癸卯增廣西各營兵額○甲辰諭各省所有學田銀糧原為給散各學廩附食生之用但為數無多
或地方偶遇歉年食生不能自給往往不免飢餓深可憫念朕思伊等身列膠庠自不便令有司與貧民一例散賑嗣後凡遇地方
散賑之時著該督撫學政飭令教官將貧生等名籍開送地方官覈實詳報視人數多寡即於存公項內量撥銀米移交本學教官
均勻散給資其餽粥如教官開報不實給散不均及為吏胥中飽者交督撫學政稽察即以不職參治至各省學租務須通融散給
極貧次貧生員俾沾實惠此朕體恤貧生之意若生員等不知感激自愛因此而干預地方特有生監護符以致肆行種種不法之
事該督撫等仍應照例查察毋使蹈於罪戾○丙子內閣學士吳金以奉使挾私妄奏革職○戊申轉吳應榮為兵部左侍郎以凌
如煥為兵部右侍郎由內閣學士選○辛亥命見任教職中式准留任

五月癸丑諭王大臣等據漕運總督查克丹奏漕船過淮之後尚須經歷各處閘壩方能渡黃自四月起運河之外清口之內湖水
微弱黃水漸盛河流倒灌停蓄沙淤以致清口風神廟前積有橫埂二道各寬十餘丈糧船輕者起剝重者守候經河臣委員挑挖
並添築草壩攔截湖流束水衝沙無如旋挖旋淤一時未能暢達等語朕思湖水之弱或係運河已開深通而湖水流入運河者過
多故其勢弱不足以刷黃耶抑或高斌去年請將運口舊制稍改為曲灣雖清流可以濟運而緩水不能敵黃遂用此有橫埂耶從
來治水機宜惟在隨時利導成法具在可循而不可拘爾等即寄信高斌令其詳細籌度務使淤沙盡去運道暢達毋致阻滯糧運
或並河道更費周章可也尋奏清口淤淺實因黃水一時過盛兼之東北大風所致保黃盛於清非清水比前微弱及入運過多之
故今一雨之後風恬浪靜黃水平退湖水立時暢出淤淺之處衝刷寬深清口通利已有明驗至運河挑濬不過就淤淺處開挑非
大開深廣萬無入運過多之事至運口改入三汊河之內形勢稍灣正為將入運之水減少分數不令過多而清口全湖之水自裝

家廠張福口等引河暢出形勢通順並無灣曲之形及多分入運之患臣伏查明臣潘季馴河防一覽書載防清口淤漕一條云偶遇黃水先發淮水尚微河沙逆上不免淺阻然黃退淮行深復如故不爲害也正與今日清口情形適合得旨覽此奏朕懷釋然○丁巳諭直隸河工樁手准食戰糧○辛酉貴州定番州逆苗滋事總督張廣泗派兵討平之○甲子予故大學士連柱祭葬諡文恭○丙寅定各省水旱災五分卹准蠲免例○丁卯諭 黑龍潭龍神福國佑民靈顯素著每遇京師雨澤愆期祈禱必應是 明神功德實能膏潤田疇順成年穀爲萬姓之所仰賴昔年 皇祖式廟廟貌建立豐碑 皇考又復易以黃瓦用昭敬禮今應加封號以示尊崇大學士會同該部定議具奏尋加昭靈沛澤神號四字○庚午諭副將參將引見督撫嚴實加考○辛未諭楊永斌久歷外任聲名素優是以用爲蘇州巡撫近聞伊年將七旬精力不逮難勝繁劇之任著來京署理禮部侍郎蘇州巡撫員缺著布政使許容署理蘇州布政使著徐士林前往署理朕因蘇藩事務緊要一時不得勝任之人不得已命徐士林往署且伊服制亦將屆期滿况又與實授者有別徐士林可卽由本籍起程來京請訓再赴新任不必以服制未滿回辭○壬申命江西湖南連穀接濟福建連日忽陰忽雨見在入土尺許尚未透足等語天下豈有得雨尺許而尚未透足之理明係雨澤短少而爲捏飾之奏觀此則從前所報未必尺許者竟屬全無雨澤矣又稱麥收已畢市價平減誠恐麥賤傷農等語自古穀賤傷農之說原指屢豐之後而言然亦非常理况直隸地方舊歲旣屬歉收今年麥秋長短不一以此日之情形而爲麥賤傷農之說豈不背謬乎又伊所開米價單內保定府稻米每一倉石價銀二兩六錢至二兩七錢五分稱爲價中大名府稻米每一倉石價銀一兩七錢五分至二兩一錢四分稱爲價賤豈有如此米價尙得爲中尙得爲賤乎朕念切民依固不肯以年歲歉薄委咎於督撫然亦豈可置之不問蓋督撫身膺民社之職凡遇雨暘年穀最緊要之事當倍極周詳慎重庶能上感天和下紓民困今陳奏於朕前者尙且如此則其辦理措施豈能妥協大出朕意料之外可傳旨訓飭之尋李衛奏覆備陳感悚得旨汝先不是此樣人其所以忽而至此者朕實不能解其故慎之勉之○乙亥諭前都察院奏九卿等驗看月官時有素知其品行端謹或才具優長者卽填入名單以爲引見時的調繁簡之助朕批准施行今刑部郎中王燾奏稱此例一行恐九卿詹事科道中袒護知交曲徇戚誼始以情託繼以賄求而借端招搖指名撞騙之弊俱從此生等語從來人君敷治用人爲最要而知人爲最難內而訪之九卿外而問之督撫此卽詢四岳闢四門之義雖諸臣之中公私未必一致將來徇情作弊之事亦未能保其必無然經朕覺察自有國法不容寬貸而未事之先朕則不忍存逆詐僥倖更信之心因噎廢食將廷推公舉一槩竟置不用也况自舉行以來九卿驗看月官尙未有填註薦語者豈有出令未允又欲遽議更張朕之令諸臣不時條奏並許司官參領等亦得奏事者一則欲博採眾論以資治理一則觀其陳奏可以知其人之識見才具如何諸臣既奉詔進言必當有關於國計民生之要務或朕躬闕失或政事乖差據實指陳朕不難收回成命今觀諸臣所奏並無議

論嘉議不遇目前一二事反復辨論朝更夕改從來國家政務必行之數年而後可以徐收其效焉有取必於旦暮聞者即如禁銅一案議論即不一而無所適從若以為當開則既開禁之後錢價未必平減若以為當禁則從前禁止多年銅斤之缺少如故並未見其充盈今日之言當禁者何不早言之於開禁之日也諸臣之條奏朕多敕交部議若部臣皆以不行議覆又似不體朕從善如轉圜之意者依違遷就姑且准行則徒事紛更而無益於政治朕熟察近日情事如此因王業條奏特頒此旨曉諭諸臣共知之○戊寅以喀爾吉善為內閣學士原任兵部侍郎

六月癸未 上憂旱虔禱自是日至甲申大雨○諭向例外省主考官開命之日即速就道蒙 皇考世宗憲皇帝念其辦理行裝

未免忙迫伊等既奉命典試自知奉法惟謹不必過於防範特令稍寬起程之期此體恤臣工之厚意也近聞奉差諸臣起身甚遲

有至十餘日外者殊非速嫌之意著禮部酌定日期著為定例尋議雲南四川貴州廣東廣西福建湖南七省以十日為限浙江江

西湖北陝西江南五省以七日為限河南山東山西三省以五日為限逾限參奏從之○諭朕聞雲南麗江府原係土府於雍正二

年間改設流官比時清查田地戶口時有土官莊奴院奴等類共二千三百四十四名伊等並無田地糧皆願自納銀以比於齊民每

名編為一丁每年納銀六分六釐共徵丁銀一百五十四兩七錢零迨滇省民丁改為隨糧派納而此項夷丁不得與有糧之戶一

例難派至今照舊徵收其中不無貧乏之家親於輸納者著該督撫查明稟請豁免俾邊地夷民永無催科之擾○乙酉諭朕聞江

南州縣徵收錢糧有加增火耗之處可傳諭那蘇圖許容等嚴查閩屬如果有劣員暗地加耗立即題參治罪以為殃民肥己者戒

但以朕所聞江南如此恐別省亦有此風不急為查禁則貽害百姓將不可言朕御極以來政崇寬大而人心澆薄漸啟玩縱之端

以為不妨稍有假借不知所謂寬大者乃愛養良民俾無失所求盡父母斯民之道耳非謂舉殘暴害民之輩而悉寬之也即如蠲

租稅以裕物力減重賦以恤民艱水旱偏災立行賑恤雨暘愆候先事綢繆無一不為民生起見至於官吏處分之從寬者非其心

有可原則由才尚可用刑章議罪之從寬者非其情原可憫亦必迹在可疑若謂貪官污吏一切包容惡棍奸民槩從釋宥以示寬

大是滋損莠而妨嘉穀縱虎狼而賊生靈殘忍酷虐無過於此尚何寬大之有前後屢頒諭旨至為明切而尚誤以玩縱為寬大是

非誤會朕意直任意行私賂脂膏而肥囊橐乃國法之必不可宥者矣從前火耗未經提解州縣恣意橫徵飽其谿壑苦累百姓是

以 皇考允各省督撫提解火耗之請而優給各官養廉令不得額外巧取所以懲貪風而紓民力用意誠善即養廉稍薄之州縣

亦必就其所辦事務酌予足用該員量入為出自無不敷何得暗加重耗刻刺小民以為自潤之計情罪至為可惡該督撫等不時

體訪如有不肖州縣於應收火耗外絲毫加重者立即題參嚴行治罪如不行覺察經朕訪聞確實必將該督撫一併嚴加議處斷

不姑容○命各部院引例不得刪減亦不得例外兩請○丙寅以唐綏祖為廣西按察使由太常寺少卿遷○丁卯河南巡撫尹會一奏豫

省折中之法始自明朝至我朝復經丈量定則民間承業完糧百年有餘相安已久今欲釐定科則非履畝丈量實難憑信設一丈

量必致妨廢農業紛擾閭閻若舍此而令里書開報業戶自陳則飛灑捏飾諸弊叢生是除弊適以增弊於民更多未便請將涪州等二十四州縣並延津收併之肱城縣地畝錢糧仍各照舊制折中行糧停其釐定科則以免滋擾從之○戊子葛森因病解任以吳拜為盛京刑部侍郎由內閣學士遷○乙未諭從來利之一字乃聖人之所不諱而為賢者之所謹防易乾文言釋元亨利貞曰利者義之和也利物足以和義繫辭曰理財正辭禁民為非曰義論語亦曰因民之所利而利之與周易正相發明惟放利自私則不可耳蓋義利本非兩截用以利物則公而溥是利即義也用以自利則貪而隘是利即害也後人但見言利之害遂將義利判然分為兩途如水炭水火之不相入孟子恐人舍義言利日趨於害而不自覺所以有何必曰利之說也所謂利物者以百姓之貴財謀百姓之衣食上之人不過為之董率經畫而已所謂自利者指克聚斂取下民之脂膏充朝廷之府庫以致民力益竭民怨日增其為害孰大焉今鄂彌達奏請廣東潮州府屬海陽六縣民隄請借給商人關稅銀十萬兩營運生息次第興修經戶部議准御史陳高翔以為督臣不應言利復行條奏朕交爾等會議又各抒所見兩議迨呈朕覽後議以借帑營運辦理公事為非持論未嘗不正但經理天下之事必須總攬全局期於可行如海陽等六縣隄岸係小民自修之工程因其力量不足是以仰賴官修而廣東所有公項又不敷本省公事之用不得已而為營運之舉但廣東商人資本無多往往不惜重利向人借貸以圖利息是以向來皆借給帑銀出息收鹽以為裕商之計今借給官稅銀兩既可稍紓商困又可裨益民田頗稱兩便若以借帑築隄為不可行則商人之借帑收鹽亦不可行矣推而至於內外惠濟兵丁銀兩皆營運出息之所出若以生息為非則向來之賞資兵丁以為吉凶之用者可以一

且中止乎兵丁惠濟既不可中止而國家之經費有常又何從措辦此格外之恩賞乎將來有人援照海陽隄工之例以請停止營運者爾等其將議准乎抑議駁乎可知議天下事者本有因時制宜之道識見不可不廣也夫以義為利以利為利之辨朕籌之已審目前實有不得不通盤算計權宜辦理之勢如果將來國用充盈百姓家給人足則見在施行之事又何不可變通之有此案者照前議行可將兩議並朕諭旨俱行頒發俾各省督撫知之若非大有益於民生之事而輒以生息營運為辦理公事之善法則又不知為政之體者矣○丙申定八旗家奴開戶例○戊午命內外科參六法官願引見者聽○准江蘇買洋銅○旗織斛○辛丑諭

一月以來京師喧傳尚書孫嘉淦密奏在朝大臣多人如大學士鄂爾泰張廷玉徐本尚書公訥親尚書海望領侍衛內大臣常明皆在所參之內是朝中大臣得免者鮮矣諸臣皆係朝廷簡用之人守法奉公實心盡職並無可指摘之處而鄂爾泰張廷玉尤保

皇考特簡之大學士為國家之棟梁以孫嘉淦較之識見才猷豈能與二人為比朕特以其操守廉潔尚有端方之名故屢次加以擢用非以其才識在二人之上也如果其才識在二人之上朕何難即為大學士而仍在尚書之列乎且朝廷政務繁多正賴

宣猷佐理之羣彥豈有將諸人悉行罷斥而專用孫嘉淦之理乎至於伊密奏之語毫無影響如果諸臣有可參之事孫嘉淦身為大臣何不可登之露章而乃見之密奏既云密奏惟有孫嘉淦自知之伊又豈肯漏洩於人以招眾怨乎朕不知造作謠言之人是

何肺腸或忌嫉孫嘉淦之人見朕將伊升用而造為此說以排擠之耶或趨附孫嘉淦之人欲相引重而造為此說以揚其特立獨行之直名耶此語朕聞之已將一月而都察院堂官及科道等遇此等應行參奏之事何以默無一言也若置之不問則造言生事之人方且以為得計而無知之官員或且疑為實有是事將見黨援門戶之風從此而起無所底止矣前我 皇考因都下謠言甚多曾降諭旨令步軍統領五城御史等訪拏重懲此風稍息今復蹈故轍於國體大有關係但此事傳言已久目前姑不深究止令步軍統領巡城御史嚴行禁止之嗣後如有此等造言之人必當查拏根究其所自來重寘於法以杜人心風俗之害至於大小臣工有陳奏事件既不見之明本而用密摺便賞加意謹慎不令一人知之方合謀猷入告之義且朕見諸臣有參奏彈劾之類外人每不能得其確耗而加恩渥澤之舉則論旨未發之前或論旨既發之後外人往往傳播知為某人之奏豈非向人陳說以為居功干譽之計乎朕為天下主一切慶賞刑威皆自朕出即臣工有所建白而採而用之仍在於朕即朕之恩澤也豈以諸臣市惠為嫌而較量一時之稱道但國家辦事有體名不正則言不順如事之不當密者即應明見之章奏如用密摺封達朕前者必係當密之事而又宣露於人其居心尚可復問乎事君之道當如是乎朕御極以來崇尚寬大內外臣工當加倍恪慎益矢公忠以成朕寬大之治若因禁令稍疏始而廢弛漸且流於踰閑蕩檢是諸臣自干罪戾國法具在豈能曲為寬假耶此意朕於雍正十三年即宣示臣工矣奈日久怠生今因一二近事並將朕衷宣諭令內外諸臣共知之○予唐儒韓愈裔世襲五經博士○癸卯命湖南撫恤貴州難民○除廣東崖州虛升地畝額賦○乙巳增苗疆府州縣養廉○以福十寶為內閣學士由少詹事選○丙午左都御史楊汝毅乞休允之

乾隆東華續錄八

秋七月壬子復起彭維新為左都御史○乙卯以徐士林母病未痊命許容兼管蘇州布政使○辛酉諭各省督撫身任地方皆有父母斯民之責於所屬州縣水旱災傷自應速為訪察加意撫綏朕前屢經降旨訓示諒督撫等自能仰體朕心不致玩視民瘼稽延時日朕念水旱之災固宜賑救而水為尤甚旱災之成以漸猶可先事豫籌水則有驟至陡發之時田禾浸沒廬舍漂流小民資生之策蕩然盡待命旦夕尤當速為賑救庶克安全不至流移失所見在成例分別極貧次貧其應行辦賑者原係不待部覆但恐各省辦理不一或仍有拘泥遷延致災民不能及時沾惠者用是再降諭旨嗣後各該督撫可嚴飭地方官凡遇猝被之水災迅文申報該督撫即刻委員踏勘設法賑濟安置一面辦理一面奏聞務使早沾實惠俾各甯居以副朕憫念災黎之至意儻或怠玩需遲致傷民命或有司奉行不力胥役侵蝕中飽以及借名捏飾浮昌開銷等弊該督撫照例嚴參儻辦理未協積弊未除朕惟於該督撫是問將此永著為例○壬戌諭昨據參領金術奏稱八旗滿洲蒙古漢軍各省駐防官弁子弟離京稍遠應試為艱請嗣後科歲兩試令該將軍考試馬步射即送附近府院考試酌量人數多寡以定去取等語朕思此事斷不可行雍正十年間嘗奉 皇

考論旨國家之設駐防弁兵原令其持戈荷戟以備千城之選非令其攻習文墨與文人學士爭名於場屋也在弁兵之子弟有能讀書向學通曉文義者原聽其來京應試以廣伊等進取之途並未嘗禁其從事文學今若悉准其在外考試則伊等各從其便競尚虛名而輕視武事必致騎射生疏操演怠忽將來更有何人充駐防之用乎況 聖祖仁皇帝臨御六十一年所以教養弁兵者至周至渥如果應行早已著為令典又何待今日之喋喋數陳乎數年以來陳奏朕前者重見疊出不下百餘次其識見甚為庸鄙朕悉置之不論未嘗降旨申飭乃近日仍有不知而妄瀆者是以特行宣諭以覺愚蒙欽此仰見我 皇考睿慮周詳 聖諭至為明晰朕臨御以來亦有以此陳奏者槩未准行蓋以滿洲蒙古漢軍在京者人數眾多就近考試原無礙於操演至各省駐防官弁子弟為數無幾若科歲考時不必來京就近在外應試不但事有難行且必至競尚虛名荒廢騎射殊失設立駐防之本意背謬已極金珩身為參領乃煌煌 聖諭豈竟毫無見聞而復混行瀆奏著嚴行申飭並將此旨宣諭中外臣工嗣後不得以此謬論再行妄瀆○甲子復設稽查內務府御史○工部尚書趙宏恩以納賄革職○乙丑調史貽直為工部尚書高其倬為戶部尚書○丁卯命查郎阿入閣辦事調鄂彌達為川陝總督以馬爾泰為兩廣總督查克丹為左都御史托特為漕運總督備部選○己巳諭周廷燮奏請蠲除米稅以裕民食朕御極以來加惠民生免賦蠲租不下千萬計算米糧之稅於國課所增幾何何難槩為蠲除以廣恩澤但為民生計有必須詳加籌畫者蓋各省豐歉不一偶遇歉收之省除賑恤平糶撫綏安頓外又特免開權米稅俾客商圖利爭趨雲集轉運流通此昔日 皇考屢行之善政近歲朕踵而行之具有成效是蠲免米稅實亦救荒之一策也若平時槩令蠲除則各省地方豐歉盈虛均屬一例富商大賈趨利若鶩歉收之處與豐收之處毫無分別國家又何以操鼓舞之權而使商賈踴躍從事於無米之地哉惟是各省情形或朕一時未及周知該督撫等當仰體朕軫念民瘼之意遇地方歉收有藉外省接濟者即行奏聞免收米稅如情形孔亟奏請需時者卽一面奏聞一面停其輸稅將此永著為例○辛未以喀爾吉善為戶部左侍郎領內閣○丁丑大學士尹秦乞休允之○戊寅禮部議准刑部郎中柴鶴山奏科場慎重關防一族之人雖服制稍減而親誼尚存或考官閱

文將本族之人取中未免有涉嫌疑請嗣後內簾官子弟及本族之人仍照舊例槩令迴避從之○庚辰原任陝西總督劉於義以狗庇屬員糜費軍需革職○是月貴州總督張廣泗奏古州苗疆自奠定以後各苗皆知畏服而安設軍屯一事實有必應如此辦理之勢今兩廣督臣鄂彌達奏請量移營壘安駐險要擇苗民中為眾所信服者設立巡檢頭目以約束之至苗民遺產盡行入官安屯恐日後苗民生齒漸繁地少人多必至怨久亂生且屯兵不能耕作仍須召苗佃種其役使凌虐勢所不免等語查該督臣從前請將古州鎮遷設丙妹八寨協移駐爛土汛或荔波縣清江協移駐天柱縣各處均係彈丸之地不能安駐鎮協大營見在新疆以內所有營汛不甚聯絡之處俱請添設汛防又於天柱荔波等處酌量增駐官兵防維周密苗人必不敢再滋事端至苗蠻向無酋長雖有本寨中之強有力者一二人亦不能約束其眾况苗類賦多統以文武鎮以官兵倘敢蠢起跳梁又豈一二巡檢頭目所

能

能約束再屯兵之說乃係苗內之絕戶田產始行入官其未絕者仍令各本戶照前耕種並未一粟歸屯且新疆未墾之地甚多雖此後苗民生齒日繁亦不至無以資生原不必以日後之地少人多爲慮其招墾屯戶均係人才壯健可充屯軍者令其承領不許倩人佃種而所設屯田已飭令與苗田標明界址以免攙越侵占並無召苗耕作之事惟所奏屯軍凌虐苗民實爲目前第一要事查苗疆驟安屯軍至八九千戶之多而苗民經懲創之後其勢易於欺凌見已嚴行查禁並擬酌定章程以爲永遠遵守得旨既經卿詳悉敷陳知道了至新疆何處安設屯軍何處仍係苗田何處爲警勢相聯之鎮協卿其明悉爲圖以進朕將覽焉

八月癸未 上御經筵○錄用賢良祠大臣子孫○甲申諭御史王峻奏奏彭維新一案經九卿兩議上請朕交與大學士等議今

議稱彭維新身在制中聞命之後違制到任應照後議革職等語彭維新朕素不知其人御極之初曾有言其人材可用者朕因伊係 皇考舊臣所犯罪案尙有可原之情與涂天相張楷俞兆晟等俱加錄用未幾伊即以親喪回籍近因左都御史缺員朕以彭

維新服制已滿例應起復原官是以降旨補授亦未有在朕前薦揚之者今經御史參奏大臣等議以革職乃屬循照常例但當時大臣官員在任守制者頗有之卽如彭維新此等情節者亦不止伊一人可將大學士九卿等所議原摺暫行存貯至彭維新之爲

人朕究未甚知其從前丁憂後到任之處朕更無從得聞仍著來京候朕召見再降諭旨○乙酉諭御史穉魯奏稱八旗生計艱難請每旗各設一庫每庫用銀五十萬兩借與本旗官員以及包衣兵丁每月每兩令出利銀二分計年終之時每庫可得利銀十二

萬兩以五萬兩歸還庫帑餘銀七萬兩散與本旗兵丁十年以後帑銀歸完卽將此項銀兩永作八旗公庫等語朕御極之初加恩借給旗人庫銀本期有益生計乃邇年以來細加體察知伊等所領銀兩隨手花費每月扣除額餉於生計轉覺艱難是以降旨豁免未完之項停止再借所降諭旨至爲明晰而穉魯復有此奏是誠何心且資本必須營運方能獲利旗人辦事當差日不暇給何

術而能坐獲二分之厚息乎原不過隨手花銷而按季按月交納利銀將受永遠無窮之剝削是非欲以厚其生計而轉以廢其膏脂此富豪盤剝小民之計而穉魯反以爲養贍資生之良策悖謬極矣又奏稱八旗生齒日繁與其多設養育之方無如廣開墾進

之路凡近京省城府道州縣副參遊守等官俱宜參用滿洲京營遊守千把俱以滿洲補用滿洲之人農工商賈俱非所習除居官爲兵外別無資生之策等語國家分職授官量材器使必其人克勝厥任方可擢授年來滿洲中堪任外官者朕未嘗不量行擢

補然不可定爲成例蓋八旗官員文則六部院等武則都統參佐員缺甚多材畧儘可施展遵循舊例爲官擇人尙恐人材不足何必更開外用之途且其意以登進之路爲養育之方尤不可訓文武員弁原藉以分猷宣力爲國爲民今因資生無策優以官爵將

居官者惟利是圖安望其潔己奉公實心任事乎況員缺有限而生齒日繁以此爲養贍之法豈非妄亂之甚乎又奏請鑄當十錢每錢一文重四錢當小錢之十見今制錢之五大錢四十文得銅一斤則錢價浮於銅價盜銷之弊不可不屏自除並請復設錢行經

紀等語錢法一事屢經條奏定議自當漸次清楚若改鑄大錢銅質輕而獲利厚盜鑄之源自此而開奸民私毀制錢改鑄大錢盜

銷之弊自此益熾於錢法有益乎無益乎至經紀蠹役經御史條奏革除積魯又請招募此超券之人能必其即愈於所革之人乎彼所奏三摺持論悖謬妄欲變亂成法今畧撮其大要宣示於眾稽魯著交部嚴加議處○庚戌諭朕聞本年七月有飛蝗從江南海州禮堰集飛入山東鄒城縣界約長四五里寬二三里不等山東官員督率民夫竭力撲捕旋即飛去未嘗傷及田禾朕思飛蝗成陣至數里之廣既從江南飛來而總督那蘇圖並未具摺奏聞則地方官之怠於撲捕可知可即寄信詢問那蘇圖令其明白回奏凡督撫膺封疆之重寄原以惠養百姓為地方第一要務若舍此而言辦事則其所留心豈不過末節耳今年江南久旱不雨計地亦廣朕心憂灼無一刻去諸懷抱屢降諭旨多方籌畫而那蘇圖並未先期經理亦未將實情詳奏奏聞今具摺為朕躬祝壽又無一語及地方情形其玩視民瘼顯然可見朕以又安萬姓為心豈有因壽誕之月而暫忘體問休戚之理如果經理得宜民人得所則仰慰朕懷所以為朕祝釐者莫大於此若或以萬壽屆期不肯奏及早豫等事以為寬慰朕懷則尤不知朕心不識大體之甚者矣似此識見朕深為兩江地方憂慮可將此一併曉諭那蘇圖知之○丁亥修南北棧道○命酌定各省緩徵錢糧分別帶徵○己丑諭今日雅爾哈善奏參御史邱玖華條奏九卿各部及督撫等議事不公一摺之外臣聞外人傳說邱玖華另有一摺請將賢良祠大臣之子孫錄用見交大學士密議尚未覆奏而邱玖華輒向人傳說且邱玖華乃勵宗萬之門生久在伊家居住勵宗萬之祖係入賢良祠者故教邱玖華上請以冀復用又恐止此一事或啓形迹之疑故以議事不公等項漫無實據之套語將內外大臣籠統參論以形其剛直不私之槩而以此摺並進名為條陳公事實欲起用勵宗萬等語朕思加恩賢良祠子孫者不過因其家見無出仕之人或給以虛銜或予以微秩亦視其人才尚可錄用然後酌量加恩以示優禮著書之意豈有身為侍郎之人緣事獲罪因其父祖在賢良祠而即可復用之理勵宗萬雖至愚亦計不出此至於參奏九卿議事不公一摺實切中時弊近日九卿辦事每多瞻顧廢弛如伊摺中所奏情節諸臣見之各當深自慚懃倍加儆省若更遷怒於建言之人則全不知愧恥者矣朕意雅爾哈善向在辦理軍機處行走明係伊探聽邱玖華摺奏賢良祠之事而反坐邱玖華以自行宣洩之名以博九卿之歡心不然必九卿中有一二不端之人欲中傷邱玖華而示意於雅爾哈善令其參奏不然縱邱玖華自行宣洩彼係疏遠新進之臣何以知交大學士密議尚未覆奏耶此風斷不可長所當究問明晰以示儆戒如邱玖華條奏果有情弊或自行宣洩則自有應得之處分乃雅爾哈善巧詐居心希圖陷害邱玖華以取悅眾人其情實屬欺罔其罪更重雅爾哈善著解任此事著莊親王平郡王大學士九卿詹事科道秉公詳確嚴察議奏○建甘肅擺羊戎土城增設兵弁○庚寅工部議准貴州總督張廣泗奏黔省地方鎮遠以上自昔不通舟楫查自都勻府起由舊施並通清水江至楚屬黔陽縣直達常德又由獨山州屬之三腳至達來牛古州抵粵西屬之懷遠縣直達粵東乃天地自然之利請在各處修治河道鑿開縴路以資輓運而濟商民從之○癸巳設各部院督備所○丙申以納爾奈為內閣學士○戊戌諭朕覽王大臣等所議雅爾哈善參奏邱玖華一摺全未盡心據雅爾哈善原奏內稱御史邱玖華奏九

卿各部及督撫等議事不公一摺奉旨交議越數日臣聞外人傳論云邱玖華是日另有一摺請將賢良祠大臣之子孫錄用交大學士密議尚未覆奏而邱玖華輒向人傳說等語此數語究係出自何人之口並未究詢不知爾等所審者何在又雅爾哈善在爾等前供稱陳履平向我說邱玖華另有請用賢良祠大臣之子孫一摺本意專為起用勵宗萬萬我聞此事大約是揣摹之言勵宗萬做過大臣如何因此便得復用陳履平云此事紛紛傳為笑談如何是揣摹之言等語勵宗萬身為侍郎豈有因賢良大臣之子孫便復官之理此朕前日所降之旨而雅爾哈善捏稱為與陳履平問答之詞藉為枝梧之計詐偽顯然若從前果有此語則其心疑而不信矣既疑而不信安得有此參奏之舉以此詰問伊斷無辨處爾等並不置問何也王大臣等皆屢經審訊重大案件之人豈竟見不及此耶雅爾哈善種種應行詰問之處俱含糊了結而將一傳說浮話之陳履平與雅爾哈善一體議以革職明係朕嚴飭雅爾哈善欲治其罪而爾等遂遷怒於陳履平也且雅爾哈善雖革去文官尚有武職陳履平一經革職便屬齊民輕重失倫莫此為甚王大臣等如此辦事殊非朕委任之意姑念此案尚非必應徹底窮究之事特降旨曉諭俾各做省雅爾哈善著革職並將佐領革去陳履平著交部議處○己亥 上以 世宗憲皇帝三週年恭奉 皇太后謁 泰陵啓鑾○壬寅 上謁 泰陵○癸卯 上詣 泰陵行三週年祭禮奉 皇太后回鑾○甲辰減直隸正定府城河地畝額賦並免遺賦○乙巳以奉天山東豐收准海運至天津平糶○丙午 上奉 皇太后駐蹕南苑 上行園

九月庚戌朔 上自南苑奉 皇太后還宮○濟江南甘泉泰州支河○癸丑以劉吳龍為左副都御史由通政使遷○乙卯諭本年江南旱災除免漕外額糧均准折徵○丙辰給遣犯攜眷口糧○丁巳定湖南湘鄉瀏陽湘陰等三縣額賦比照長沙縣則例徵收歲減額徵銀二萬一千九百六十四兩有奇○辛酉諭原任大學士白璜向在巡撫任內有清廉之名告休之後緣事革職今聞病故著給還大學士職銜以示優待舊臣之意○壬戌免山東雍正十三年民欠○癸亥諭大學士嵇曾筠在浙年久今海塘工程漸次就緒著入閣辦事永定河工關緊要嵇曾筠熟諳河務到京之後往來河干指示機宜於河道自有裨益至伊辦理海塘數年經書得宜著有成效著交部議敘○裁浙江總督復設巡撫仍歸閩浙總督管轄○以福建總督郝玉麟為閩浙總督調盧焯為浙江巡撫以王仕任著福建巡撫壽學尹署福建布政使○甲子直隸總督李衛奏總河朱藻挾詐欺公倉廩虐民各款得旨解任命

訥親孫嘉淦往鞫以顧琮管總河印務○丙寅命籍隸大興宛平科道迴避巡城○丁卯諭總管太監等毛團承泰張明慈格胡世係奏事太監王常貴張玉柱劉萬春張玉擅與李衛交談伊等身係內監如何可與總督聚語李英謝成在旁親見不行管束亦與李衛接談王守貴係伊等首領全然不知管教著將王守貴從重治罪李英謝成及奏事太監四名一併議罪具奏小太監等每人重責四十六板○戊辰以沈起元為河南按察使由江西驛○壬申 上御懋勤殿句到雲南貴州四川廣西情實罪犯諭大學士等

曰凡此小民陷於罪戾大都由飢寒切膚及教化未逮而然我君臣皆任其責豈能無愧若不於萬無可貸之中求一綫之生路朕

一月更畫錄 一 七 卷八

五十二

心實有所不忍所當原情察理審度再三固不可有姑息之心尤不可無哀矜之念必求生不得然後置之於法則死者毫無遺憾而刑法得其平矣○甲戌諭尹泰耆舊老成宜力年久 皇考選拔於退休之後屢加擢用游陟輪厓富壽和平奉職謹去年伊子尹繼善來京陛見朕因尹泰年已衰邁留尹繼善在京授為刑部尚書以便朝夕奉養伊旋以老病乞休朕慰留再三始允所請今夏舊病復作特賞太醫診視冀其痊可今聞溢逝深為軫悼已命散秩大臣率領侍衛賜奠茶酒著加太子太傅於應得郵典外加祭一次以示優禮舊臣之至意尋子諡文恪○乙亥浙江海塘工竣○吏部議准湖廣總督宗室德沛奏寶慶府屬城步縣距靖州甚近請改隸靖州寶慶府理猗同知原管綏甯武岡城步新甯等州縣請將城步綏甯二縣分令靖州州判管理加理猗字據歸辰永沅靖道轄其寶慶府理猗同知管武岡州新甯縣務從之

冬十月庚辰朔命查直隸渠淀民閒私築堤壩○免直隸江蘇安徽被災州縣通賦○辛巳諭向令各省督撫保薦所屬教官者原為其文品兼優才能出眾是以加恩格外以優待之為督撫者當存慎重之心方不負國家甄別人材之典乃數年以來各省督撫舉薦來京引見者未見有卓越之才猶幸所舉不多尚未至於大濫惟尹會一 張楷二人到任未久而舉薦之員多於他省此不獨冀屬官之感激稱頌遂輕忽以從事也如此次張楷所舉之侯執信乃由署知縣題請改補教職者則其人之才具可以槩見尹會一所舉之葉徵麟乃從下第舉人中揀選發往者若論俸次則應升知縣之期尚在十數年之後張楷尹會一將此等人保薦冀邀逾格之恩甚屬不合著交部議處以為沽名市恩者戒侯執信葉徵麟著同原任不准帶領引見○辛卯 上奉 皇太后幸甯壽宮視 皇次子永璉疾是日 皇次子永璉薨朝五日○諭二阿哥永璉乃皇后所生朕之嫡子為人聰明貴重氣宇不凡當日蒙我 皇考命為永璉隱然示以承宗器之意朕御極以後不即顯行冊立皇太子之禮者蓋恐幼年志氣未定恃貴驕矜或左右諂媚逢迎至於失德甚且有窺伺動搖之者是以於乾隆元年七月初二日遵照 皇考成式親書密旨召諸大臣面諭收藏於乾清宮正大光明扁之後是永璉雖未行冊立之禮朕已命為皇太子矣今於本月十二日偶患寒疾遂致不起朕心深為悲悼朕為天下主豈肯因幼殤而傷懷抱但永璉係朕嫡子已定建儲之計與眾子不同一切典禮著照皇太子儀注行元年密藏扁內之諭旨著取出將此曉諭天下臣民知之○甲午諭據漕運總督托時奏稱戶部尚書高其倬舟抵寶應縣病劇身故高其倬係宣力年久之大臣今簡用來京中途溢逝深為悼惜其柩擬回旗著沿途文武官弁護送照著尋子祭葬諡文貞○召寶啓瓌來京以方顯為四川布政使由貴州拔○乙未 皇太子金棺發引 上幸 顯芳殿賜奠○丙申調任蘭枝為戶部尚書趙國麟為禮部尚書

史貽直為刑部尚書以趙殿最為工部尚書調楊永斌為吏部右侍郎由禮部調○丁酉 皇太子永璉為端慧皇太子○李衛因病解任以孫嘉淦署直隸總督○庚子諭士子以品行為先學問以經義為重故士之自立也先道德而後文章國家之取士也黜浮華而崇實學我朝養士已將百年漸厚化導培護甄陶所以期望而優異之者無所不至為士者當思國家待士之重務為端人正

士以樹濟民之坊表至於學問必有根柢方為實學治一經必深一經之蘊以此發為文詞自然醇正典雅若因陋就簡止記誦陳腐時文百餘篇以為弋取科名之具則士之學已荒而士之品已卑矣是在各省學臣諄切提撕往復訓勉其有不率教者即嚴加懲戒不少寬貸至於書藝之外當令究心經學以為明道經世之本其如何因地制宜試以經義俾士子不徒視為具文者在學政酌量行之務期有益於膠庠各省亦不必一轍我 皇祖御纂經書多種紹前聖之心法集先儒之大成已命各省布政司敬謹刊刻聽人印刷並准坊間翻刻廣行恐地方大吏不能盡心經理則士子購覓仍屬艱難不獲誦讀著督撫藩司等善為籌畫將士子應讀之書多為印發以為國家造士育才之助○免福建臺灣鳳山等廳縣額徵社餉減徵臺屬各縣驛番地貼餉銀之半○壬寅上幸田村賜奠 端慧皇太子○甲辰命江南招商接濟災區○乙巳諭李衛才猷幹練實心辦事封疆累任宣力多年勇往直前無所瞻顧畿輔重地正資料理前聞患病沈重准其解任調治特遣太醫診視頒賜葭藜其痊可今聞遼浙深為悼惜著侍衛往奠茶酒柩輓起程之日除該省官員照屬員之禮奠送外其經過地方文武官員在二十里以內者俱差人護送照看出境所有應得卹典該部查例具奏尋子祭一次造墳立碑諡敏達○實授孫嘉淦直隸總督以甘汝來為吏部尚書楊超曾為兵部尚書安圖署廣西巡撫嚴瑞龍為湖北布政使彭家屏署湖南按察使由直隸滿○調呂耀曾為倉場侍郎陳世倌為戶部左侍郎○丙午賈授顧琮直隸河道總督

十一月己酉朔諭大學士尚書內原品休致大臣著給食全俸將此示為定例從前已降諭旨若自行奏請朕加恩准令原品休致者即照此旨給食全俸其過京察自陳朕加恩准令原品休致者著該旗該部查明應否准食半俸之處具奏請旨若非自行奏請朕特旨令其原品休致者及過京察自陳部議致仕人員不必給食俸祿至於八旗武官員呈告退俱有量其軍功給食俸祿之例嗣後一二品武職大臣若自行奏請朕加恩准令原品致仕者著該旗將伊軍功及食俸年分查明或給食全俸或給食半俸之處具奏請旨若非自行奏請朕特旨令其原品致仕者不必給食俸祿○吏部議准兩廣總督鄂爾達等奏廣東瓊州府孤懸海外北與雷州府相近米穀貨物俱賴雷州販運接濟向有巡道一員統轄二府權其緩急隨宜料理雍正八年分肇高廉羅道轄之高廉二府雷瓊道轄之雷州一府添設高雷廉巡道一員駐紮高州改雷瓊道為海南道止轄瓊州一府駐紮瓊州不特控制難周即瓊民日用亦多未便請復海南道為雷瓊道改高雷廉道為高廉道各兼兵備道職銜從之○壬子諭直隸河工自應總督會商總河辦理前著李衛不必辦理者以伊等彼此不和於公事無益故耳今孫嘉淦並不似此著仍照舊例亦兼管河工事務○乙卯上幸田村賜奠 端慧皇太子○諭軍機大臣等每科主考差往各省彼此督撫有無餽送路費向無定例其數目之多寡亦無成規伊等同京時有奏聞者有不奏者亦不畫一自應酌定一例俾永遠遵行庶無輕重不均之事今朕酌量道途之遠近分別路費之多寡雲南八百兩貴州七百兩四川廣東廣西福建湖南六百兩兩江兩浙湖北江西陝西五百兩河南山西山東四百兩兩等

可寄信各督撫遵照此數不得以私意增減主考等亦不得於此數之外更有所受將此未著為例○丙辰寶授阿克敦工部右侍郎○己未鑲黃旗漢軍都統納穆圖等奏請年羹堯之子孫年秀等可否准其考試當差得旨年羹堯乃叛逆不臣之人蒙我皇考施恩念伊曾在青海著有微勞因將伊子孫發往極邊煙瘴者俱赦宥回京已屬格外之恩今伊等呈請考試當差該旗都統等遵行奏請甚屬錯謬著將原摺給還○癸亥命八旗包衣歸漢軍考試○丁卯命修 福陵石隄○截河南山東漕糧十萬石留貯津倉續賑平糶○吏部議准閩浙總督郝玉麟奏開省霞浦縣屬桐山地方襟海環山離縣寫遠控制難周請建立縣治所有霞浦近桐之八都至二十四都民屯田畝額徵銀米撥歸新縣管轄從之命縣名曰福鼎○己巳吏部議准廣西巡撫楊超曾奏廣西泗城鎮安二府應各添設附郭縣從之命泗城縣名曰凌雲鎮安縣名曰天保○庚午准河南祥符等三十三州縣徵額匠價攤入地糧○大學士嵇曾筠以病乞回籍允之○吏部議准甘肅巡撫元展成奏蘭州省會請移駐知府以符體制應將臨洮府知府及附府狄道縣移駐蘭州原駐蘭州知州移駐狄道同原轄之金縣河州渭源俱隸移駐省會之知府轄鞏昌府屬靖遠縣改隸移駐蘭城之知府轄從之○壬申寶慶將軍阿魯賽甯夏地震水涌新渠寶豐縣治沈沒發蘭州庫銀二十萬兩命兵部侍郎班第馳往賑恤○甲戌命中書助教等官中式准留原任○飭辦賑州縣侵漁入己者擬罪不得援減○乙亥給河東管河佐雜官養廉○吏部尚書性桂乞休允之○朝鮮國王李昞請頒明史朝鮮列傳允之○丁丑免直隸宣化各府州屬通賦及旗退入官地畝租賦○戊寅立算學○大學士管川陝總督查郎阿奏章嘉胡圖克圖奏請將裏塘巴塘佳塘等處賞給達賴喇嘛經議政大臣會同部臣密議可否給還或有無不便情節令臣悉心籌畫並咨商雲南總督慶復安議具奏本年五月謹就微臣意見將不便之處具奏蒙頒諭旨達賴喇嘛用度不敷著於打箭爐所徵稅銀內每年給銀五千兩在案茲據慶復議覆滇省所屬中甸與川省裏塘巴塘佳塘等處情勢相同從前未歸內地之時頗多不便歸滇以後設弁管轄迄今甯謐應將裏塘巴塘佳塘並中甸等處照舊各歸川滇未便仍給達賴喇嘛管理與臣前奏意見相符得旨所議是知道了

十二月己卯朔調訥親為吏部尚書以鄂善為兵部尚書調喀爾吉善為吏部左侍郎轉申珠津為戶部左侍郎調留保為戶部右侍郎

侍郎由調○辛巳定雲南煙庫官三年俸滿例○癸未移江蘇劉河舊城於舊涇增崇明鎮兵弁○召戴永椿來京以孔傳煥為江蘇按察使兼署布政使由江蘇調

○乙酉命尚書鄂善議政處行走○丙戌諭前左都御史缺出朕因彭維新係服滿候補之員將伊補授嗣御史參奏大學士等以伊服內不應到任議令革職朕以素日不知彭維新之為人諭令來京再降諭旨今彭維新到京奏稱雍正十三年十月十三日命臣署理左都御史臣以未經到任則終制下忱難於仰達是以於十月十八日到任隨繕本奏懇

終制等語彭維新於十三日奉旨署印之後十八日未到任之先曾經謝恩奏事並非未到本任即不能奏達終制下忱者何得引

此以卸己過至伊被參之後雖聞召旨亦應在籍具奏辭職今親自來京而辭職之語亦甚泛泛是其戀職之心顯然可見著照大

學士等原議革職其左都御史員缺著魏廷珍補授○除湖南芷江縣加難糧銀○戊子除湖北房縣保康二縣及河南省雍正十
二三年虛報地畝類賦○甲午諭守令爲親民之官最關緊要而邊疆之地民夷雜處撫綏化導職任尤重更不得不慎選其人以
膺牧民之寄查雲貴諸苗向在王化之外爲害地方近來改土設流漸次安輯然瘡痍初起元氣未復必得循良之員恩信兼著調
劑咸宜者令其心志帖服然後可以久安無事近時督撫於苗疆重地多擇能員以資彈壓殊不知矜才喜事之輩飾文貌以欺耳
目圖聲譽以求升遷非有實心實政以爲撫綏化導之本究於苗疆無所裨補夫苗夷雖極頑悍然亦具有人心非不可至誠感動
者果得廉靜樸質之有司視同赤子勤加撫恤使之各長其妻孥安其田里俯仰優游一無擾累諒無有不可以革面革心者嗣後
遇有苗疆要缺應令該督撫慎選賢員以居其任三年之後察其漢夷相安羣情愛戴者保題升擢以示優獎其有才實功者雖
有才幹不得輕任以茲事端其如何定例之處著九卿妥議具奏至於文武不和乃地方之大患其在苗疆更宜嚴禁而重懲之嗣
後若有懷挾私意彼此齟齬致誤公事者該督撫提臣卽行題參從重議處毋得姑容○除貴州思南等府縣虛報地畝類賦○入
旗通志成○丙申諭向來四川火耗較他省爲重我 皇考暨朕陸續降旨裁減已去其半無非加惠小民使比戶受輕徭薄賦之
恩也今聞該省耗銀雖減而不肖有司巧爲營私之計將裁頭暗中加重有每兩加至一錢有餘者彼收糧之書吏傾銷之銀匠又
從而侵漁之則小民受剝削之害不小矣川省如此他省可知著各省督撫轉飭布政司遵照徵收錢糧之天平法馬製定畫一之
數飭令各州縣確實遵行仍不時密行稽查儻有絲毫多取者卽行嚴參治罪毋得姑容如或失於覺察該督撫藩司不得辭其咎
○革宋藻職○以梁詩正爲內閣學士由翰林院侍講學士遷○戊戌發帑銀一百萬兩修濬江南水利命大理寺卿汪漣前往督辦○王大
臣等議覆履親王允禩等奏定 端慧皇太子安葬瑩地一切典禮 端慧皇太子吉兆應尊稱園寢造享殿五間兩廡各五開大
門五開琉璃花門三座燎鑪一座覆以綠瓦題主時禮節敬擬牛一羊一奠帛爵讀文致祭嗣後祭祀儀與 如園寢同從之○準
噶爾台吉噶爾丹策零遣哈柳等隨侍即阿克敦等奉表至京表曰準噶爾台吉噶爾丹策零具奏恭進 大皇帝聖明去年令達
什等以阿爾台遊牧事具奏奉 大皇帝諭旨爾請喀爾喀與厄魯特以阿爾台山爲界俱照現在駐牧無相掣肘言辭恭謹朕甚
嘉之故復遣使前往幸蒙 聖恩鑒允不勝懼忭又 諭旨有云分界之處尚未指明蒙古遊牧無定若不定山河爲界日後邊
民生畏於久遠之計仍無裨益前者我遣次納木喀具奏亦正爲此耳今議定界請循布延圖河南以博爾濟昂吉勒圖烏克克嶺
噶克察等處爲界北以遜多爾庫奎多爾多輝庫奎至哈爾奇喇博木喀喇巴爾楚克等處爲界我邊界人等仍在山後遊牧不得
越阿爾台嶺其山前居住蒙古部人止在扎卜堪等處遊牧彼此相距遼遠庶可兩無牽涉謹此具奏前者彼此致生嫌隙止以
大皇帝兵至科布多遂於界內築城駐兵之故今托爾和等處恐復如此惟 大皇帝區處若蒙見允邊界自此而定卡倫大半向
前其布延圖托爾和一下倫並在我國境中亦祈 大皇帝垂鑒再車臣汗告我使人班禪額爾德尼已經圍寂詢來使云是實我

厄魯特經典中載班禪額爾德尼乃掌教大喇嘛也如果圖叔當建塔風經意欲遣我人赴藏布施以廣黃教以福羣生奏入報聞
○庚子諭前據總督張廣泗參奏張照在黔糜費軍需銀兩摺內特標百萬軍需於前而下文參其任意支領是顯然軍前所用錢糧皆張照經手之項是以朕降旨令其賠還十分之八後又有人奏稱張照經手錢糧止派發各府銀十三萬兩之數此外與伊無涉朕令戶部行文張廣泗確查具奏今據張廣泗查奏張照經手錢糧止發過銀一十五萬餘兩是此數與原奏迥不相符且遲至二年之久始行覆奏顯有迴護原參礙難措辭之處張照在黔辦理軍務與哈元生等意見參差不能和協朕是以降旨撤回加以處分又因張廣泗有糜費錢糧之參奏是以照例責以賠補並非從前深惡張照而於不應著賠之項罰金以懲之也今細覽張廣泗查奏之摺是張照本無應賠之項何得強令賠還朕惟以大公辦理天下之事初無成見成心並非此時嘉獎張照而欲枉法以寬之也若照戶部所議復令張廣泗再查伊仍不免瞻顧難於回覆此案交與辦理軍機大臣秉公妥議具奏○丙午進噶爾使臣哈柳等入覲諭曰去年爾來使達什等齎噶爾丹策零奏章詞恭順朕故遣使往諭此次所奏乞令托爾和布延圖兩處卡倫稍內移此事斷不可行便與不便爾等亦知之且我 聖祖皇帝時所設卡倫至今豈可移動乎但噶爾丹策零所云遊牧不敢越阿爾台尚近於理念爾等遠來召爾入見若噶爾丹策零止請彼此不越阿爾台此次便可定議乃復言及卡倫故朕令大臣等與爾再議爾為噶爾丹策零大宰桑爾台吉本意爾無不知除所奏外尚有口屬之言否哈柳奏云並無口屬之言但前者以 大皇帝之兵於科布多築城駐兵致起釁端今噶爾丹策零之意以托爾和布延圖離科布多甚近恐日後復於兩處築城駐兵故奏請乞恩耳 上諭曰見今噶爾丹策零所奏不使遊牧卡倫越阿爾台甚屬信實朕甚嘉之至托爾和布延圖等處朕已降旨斷不修築城屋駐紮兵丁朕為中外共主所諭豈有改變之理爾等還其詳記朕旨曉諭噶爾丹策零哈柳奏言祈 大皇帝以所降諭旨繕寫特遣使臣往與噶爾丹策零面議 上諭曰無庸遣使爾等起程時另有敕書即付爾等頒示噶爾丹策零○丁未直隸總督孫嘉淦奏禁止燒鍋侍郎方苞又申前議且謂直隸山東見今奉行未聞民以為病欲將南北各省俱行禁止並欲禁止種煙經大學士等議覆無論豐年各省一體通行嚴禁即宣化之晉高粱山陝之棗柿葡萄等物亦不許復用釀酒種煙之地自乾隆四年為始悉令改種蔬穀種煙之人照私開燒鍋例治罪臣閱邸鈔中心駭懼即以直隸而論前督臣李衛任內一年拏獲燒鍋鹽課三百六十四起人犯一千四百四十八名臣抵任一月拏獲燒鍋運販七十八起人犯三百五十五名凡此特申報總督衙門者耳各府州縣自結之案尚不知凡幾特拏報在官者耳吏役兵丁已拏而賄縱得規禮而不拏者尚不知凡幾特酒犯之正身耳本地之鄉保鄰甲沿途之腳夫店家牽連而受累者又不知凡幾一省如是別省可知酒禁如是煙禁可知煙酒之禁果行四海之內一年之間其犯法之人破產之家不可勝計矣以飲食之故舉萬千無罪之人驅而納之桁楊箠楚之下果欲建萬世之長策致吾君於堯舜似不應為此言也見今直隸大小衙門皆有封貯之酒與酒及器具變價之銀未變之酒棄之則可惜貯之則無用賣之則失體

已變之銀或欲以賞民役或欲以修衙署或欲以充公費官吏兵役虎視眈眈以挈酒爲利數百姓嗷嗷弱者失業強者犯令十百成羣冒挑背負鹽梟未靖酒泉又起山東之事臣不詳知直隸情形則所目親若謂煙酒可以永禁而百姓因此感悅臣實不敢爲此飾說也夫天下事爲之而後知履之而後難從前禁酒禁麪之議不惟大學士九卿等俱屬紙上空談卽臣言宜於歉歲不宜於豐年猶是書生之謬論身親辦理運案發落乃知奪民之貲財而狼藉之毀民之肌膚而敲朴之取民之生計而禁錮之饑饉之餘民無固志失業既眾何事不爲則歉歲之難禁似更甚於豐年周禮荒政舍禁去幾有由然也書曰無稽之言勿聽謂立言而必有事以證之也今大學士及方苞等所議皆保空言不適於事臣不敢復以空言指駁謹將直隸燒鍋躉麪一切案件撮其條目繕呈御覽此則信而有徵之事非臣所能臆造也得旨此奏朕俱悉矣但將此發議於國體甚有關繫朕自有酌量也○管蘇州織造郎中海保遵旨覆奏蘇州巡撫許容從前歷任俱有刻薄之名觀其到任以來操守廉潔精明白實心任事聲名亦好得旨此奏至公之論也○是歲朝鮮琉球安南來貢

乾隆東華續錄九

乾隆四年己未春正月己酉 上御乾清宮西暖閣召王大臣翰林科道及督撫學政在京者九十九人賜宴賦柏梁體詩 御製

序曰我 皇祖聖祖仁皇帝 皇考世宗憲皇帝當集在廷諸臣於乾清宮肆筵設席授以筆札 御製首唱羣臣以次遞成效漢

代柏梁之體續虞廷虞歌之義光垂奕世猗歟盛矣朕敬承丕緒惟日孜孜期與百爾羣工共圖治理言念股肱之佐卿尹之班何

一非我 祖考所貽以與朕寅亮天工者哉宗室屏藩之寄則又派衍天潢分所宜親也宜有以篤親親之情敘堂廉之誼乃者臘

雪盈晴已兆二麥之稔光風應律初回大地之春爰集王公卿貳授几賦詩一如舊制朕非欲誇詞藻以耀羣臣倡爲豐亨豫大之

說也思 祖考遺朕以昇平之業吾君臣何幸得優游以享之夫享昇平匪艱而保昇平爲難羣臣其體朕意焉一宴會之樂尙思

繼 祖考之庥 祖考之良法善政布在方策吾君臣其何以立綱陳紀熙績甯人以覲揚 祖考之光烈乎羣臣其體朕意焉○

壬子載留江蘇漕糧二十萬石備賑○召張鳴鈞來京調范瑛爲直隸布政使以朱定元爲河南布政使原任浙江海道○癸丑命通政

使德爾敏往江南同大理寺卿汪滄督辦水利○乙卯軍機大臣議奏張照在黔糜費軍需一案經總督張廣泗確查除發過軍需

賑務銀二十五萬六千餘兩外餘皆存貯道庫提解藩庫實無應賠之項請免查追從之○庚申諭工部侍郎王紘前以年老乞休

朕未俞允今又閱三年看伊精力較前不逮准以原品致仕○辛酉 皇四子永城生○甲子轉張廷瑑爲工部左侍郎起韓光基

爲工部右侍郎原任工部侍郎○壬申命趙國麟爲大學士調任蘭枝爲禮部尙書以陳惠華爲戶部尙書梁詩正爲刑部右侍郎由內閣

○癸酉諭大學士嵇曾筠才品優長老成練達久任河道總督懋著勤勞繼膺浙督之命經理海塘工程漸次就緒朕心嘉悅念其

外任多年宜召入閣辦事旋聞身患痰疾精力衰頹特遣伊子嵇璜回南省視並頒葯藥在其回籍調養以俟痊可入都嗣聞病勢

加劇正遣太醫馳往療治不意溘焉長逝深為傷悼其應得卹典該部查例具奏外著加贈少保加祭一次以示優禮大臣之至意
尋予諡文敏○丁丑減浙江嘉興等七縣額賦

二月己卯 上御經筵○許容丁憂調張渠為江蘇巡撫以馮光裕為湖南巡撫陳惠榮署貴州布政使宋厚審貴州按察使

○壬午諭戶部所奏各旗省虧空入官未變價之房產德明等五案俱著給還昔我 皇祖臨御六十餘年政崇寬大而內外臣
工奉行不善怠玩成風遂致辦事暗藏弊端國帑率多虧空我 皇考欲正人心風俗之大綱有不得不釐剔整頓之勢此乃出於

萬不容已者迫經理十餘年後人心漸知畏法風俗亦覺改移以時勢觀之可以施悼大之政朕是以將歷年虧空之案其情罪有
一錢可寬者悉予豁免即已經入官之房產未曾變價者亦令該管衙門查奏給還在此時之臣工受朕寬宥之恩未嘗不感激歡

欣俯仰舒暢殊不知從前虧空之所由來皆因心無顧忌不復知有法網以致由小而大由寡而多日甚一日日本身既獲重罪子孫
猶被餘殃其害有不可勝言者矣古人云漸不可長欲不可縱朕看今日內外臣工見朕以寬大為治未免漸有放縱之心即如今

日工部奏 太廟慶成鐘一事遂大有浮冒而工部司官營私作弊之事屢經提督衙門奏參則其他衙門與此相類者正恐不少
謂之無弊可乎國家動用錢糧如果有益於兵民即數百萬金亦所不惜若被官吏侵漁私入囊橐即纖毫亦不可假借此防微杜

漸之道也况在京職官俱已加添雙俸外省大小官員又皆給與養廉伊等養贍之資較從前已覺寬裕不應更有營私作弊之念
自罹罪譴如果能奉公守法將來國用充足朕何難再為加恩奈何不勉為清白以受天家優渥之澤而貪圖一時之小利置身家

性命於不計乎繼之朕施寬大之政而諸臣亦當行謹飭之心諸事秉公絕去弊竇則可以成朕寬大之治而長享福慶於無窮若
因寬成玩故智復萌則姑容於此日者朕必綜覈於將來即朕之子孫亦必無聽其玩法欺公不加重懲之理是不肖臣工縱能僥

倖於一時仍不能脫然於身後人非至愚亦當猛省及此况我 皇祖 皇考之寬嚴相濟乃審時度勢至當不易之成憲後世子
孫豈能外此以求治天下之道乎古人云水至清則無魚人至察則無徒此言在上者當如此存心耳若人臣不知謹守繩墨而欲

以此為自便之術則諸弊滋長國法廢弛又豈可以為訓乎將此曉諭內外大小臣工共知之○命給入閣士子炭○丁亥諭朕昨
閱工部月摺內辦慶成鐘領銀三百兩錢二百串等語朕因工部工程近來每有冒銷之弊看來此鐘不過畧為黏補修理何至用

銀如許之多且朕恭祭 太廟時見鐘穗顏色俱已不鮮是以降旨令工部堂官詳查具奏今據工部堂奏內稱新造慶成鐘發過
銀三百兩錢二百串係豫領之項俟報銷時將應我應繳之處數實准銷等語凡有工程例應先估後領豈可一任司官冒領侵漁

縱有繳還亦不過因朕降旨查察比尋常多交數十兩豈有將大半繳還之理明知浮冒始令查奏該堂官等竟以朕為不諳事務
並不據實查奏任意飾詞蒙混甚屬乖謬著將工部堂官等交部嚴加議處○己丑以蔣溥為內閣學士由翰林院侍○丙申賜琉

球國王尚敬 御書扁額○免湖廣承順承殺新開苗疆鹽課○免浙江上虞等縣積欠○庚子賜準噶爾台吉噶爾丹策零歡書

日前歲爾道進什等進奏言... 哈柳同來疏言今欲定界請循布延圖河南以博爾濟昂吉勒圖烏克嶺噶克察爲界北以遜多爾庫奎多爾多輝庫奎至哈爾奇喇博木喀喇巴爾楚克爲界厄魯特無諭阿爾台嶺蒙古亦止在扎卜堪游牧伏乞大皇帝睿鑒夫定界之議非自今始爾父策妄阿喇布坦已經陳奏誠以喀爾喀游牧原無定處必指定山河爲界庶彼此不致紛爭朕爲天下共主無分畛域一視同仁凡有奏請可行則允之不可行則卻之雖百請亦不允也爾言厄魯特無過阿爾台游牧其言近理朕即信之又請蒙古止居扎卜堪見今蒙古游牧原未嘗踰扎卜堪也爾又請托爾和無築城駐防朕既降旨撤兵托爾和等處安得復如前此科卜多有築城駐兵之事已面諭爾使哈柳矣必無改悔之理也但爾請循布延圖河南以博爾濟等處北以遜多爾庫奎等處爲界謂卡倫大半向前布延圖托爾和兩卡俱在爾國界中意欲我卡倫稍向內移此必不可行之事爾豈不知乃復牽率而言乎況設卡防守所用不過收人何關輕重然自我 聖祖時設立之卡倫豈可於今忽移動之乎夫休兵息民永歸和好卽定界與否亦非要事但使彼此游牧互相隔遠卡倫則安設如故至科布多並不復駐兵止於每年應畧地時各遣二三十人前往巡視約不相害如此區區爾之猜疑亦可盡釋矣台吉其違旨定議俟覆奏到日朕當明諭喀爾喀令其游牧永遠無過扎布堪也如是則事體聲名彼此均有裨益此外更無應行另議之事朕故不復遣使卽以救書付哈柳齎往台吉其熟思之如遵朕旨則遣使覆奏不然數遣使何爲爾又奏稱班禪額爾德尼圖寂欲遣人往藏謁經布施伏乞鑒允朕爲大君有能奉教之人豈忍阻却但從前爾部人潛往西藏殘害土伯特今若經行彼地土伯特懷憤生事亦未可定爾誠心布施須俟遵旨定議後准用百人赴藏朕當特遣官弁護送隨賜賜各色段十端○乙已准舉人會試後揀選知縣○丙午江南河道總督高斌奏清口於明成化間立廟祀張將軍祥今春漕船實資佑助請賜封號尋賜號曰彰靈衛漕之神

三月辛亥 上親耕藉田○壬子欽差侍郎班第奏甯夏地震所屬新渠寶豐率成水海不能建城築堡仍復舊規請將二縣裁汰分別加恩寬恤從之○丁巳免湖南苗匪婦女發遣邊外○戊午命鄂爾泰勒江南新運口並查災賑○吏部奏請行取直隸等省知縣二十一員得旨依議朕恭閱 皇祖實錄內載康熙二十九年吏部以行取知縣事照例請 旨欽奉 諭旨行取知縣以科道用者甚多科道職任關繫緊要著九卿各將平昔所知學問優長品行可用者秉公舉奏尋據尙書都御史侍郎等於部屬知縣內舉出十二人彼時奉 旨彭鵬邵嗣堯陸隴其趙蒼壁俱著以科道用此次考選至今稱爲得人今屆行取之年各部屬州縣內如陸隴其彭鵬等治行卓越者諒不乏人著尙書都御史侍郎遵照康熙二十九年之例各將平日確知之員秉公保舉候候備用此外例應行取之處仍照常舉行○庚申吏部奏工部辦理慶成鐘未行估計先給銀錢應將不據實覈減又查參不實之工部堂官尙書來保等分別降調得旨近來工部諸事懈弛該部司員筆帖式等凡過一切工程俱欲侵扣作弊皆由堂官等平日不留心

查察之所致俱應照議降級調用但一時降調多人衙門無人辦事來保韓光基俱著照部議所降之級從寬留任阿克敦著銷去
 加一級抵降一級免其降調來保仍罰俸五年韓光基阿克敦仍罰俸三年趙殿最因在侍郎任內歷俸年久是以升授尚書乃伊
 任事以來一切事務毫不盡心辦理有負朕儲用之恩趙殿最著照部議降一級調用王紘著銷去加二級紀錄四次免其降去頂
 帶三級○諭近來看得各部院辦事漸覺懈弛天下之事整飭難廢弛易凡人之心敬畏難放縱易即當存敬畏之心猶恐不無疏
 忽若一放縱則不知何所底止爾等部院堂官各有表率司員稽查書吏之責即極力防範尚且實難除若云書吏不能保其無
 弊是開以徑路教之作弊矣夫營私受賄爾等堂官料無此事朕亦不疑爾等至此但司官書吏得錢作弊即是爾等不能稱職爾
 等皆係 皇考簡用大臣先年辦事何等謹慎今朕待以寬大所以存君臣之體爾等因此遂萌懈弛之念是不以朕之心為心即
 不以 皇考之心為心矣若必待朕訓飭一番始知暫時儆惕此乃書吏小人之習爾等大臣不宜存是心也前大學士趙國麟會
 奏稱六部滿尚書都好漢尚書猶有不能稱職者朕看來滿尚書雖不能如臬篆稷契實在尚好漢尚書朕即不能全信如史貽直
 任蘭枝署看情面之事朕不能保其必無吳應棻查審鄂彌達一案雖未必有受賄之事然不免瞻徇情面將來審明自見近來外
 省督撫衙門事件各有章程尚能整飭面各都事件或駁或准多有講究保舉司官亦多瞻徇此斷斷不可者又聞得近日外城司
 官多飲酒宴會即堂官亦頗有此事殊屬非宜今日處分工部兩案來保不過無能其心無他尚可從寬趙殿最由侍郎擢用尚書
 乃並不實心辦事是以照議處分爾等嗣後當各自猛省小心謹慎約束屬員稽察書吏儻再漫不儆惕因循瞻顧朕必重加處分
 不能為爾等寬也○甲子諭在京各部院之弊多由於書吏之作奸外省有一事件到部必遣人與書吏講求能飽其欲則引例准
 行不遂其欲則借端駁詰司官庸懦者往往為其所愚而不肖者則不免從中染指至於堂官事務繁多一時難以覺察且既見駁
 稟亦遂不復生疑以致事件之成否悉操於書吏之手而若輩肆行無忌矣朕思此等弊實在京難於查察而在外省則情節顯然
 某事用銀若干某項係何人經手或督撫著人料理或藩臬等著人料理而督撫亦未有不知者使為督撫者嚴正持躬深知大體
 不為宵小之所搖惑而遇有部書需索之事即據實奏聞置之於法則若輩知所畏懼而舞文弄法之風可以漸息若我 皇考時
 整飭百度各督撫等又仰體 聖心直達無隱幾於風清弊絕朕御極以來政尚寬大若輩故智復萌督撫藩臬等以為所費不多
 何必與之較量止圖案件之完結遂樂為應付而不惜甘為容隱而不言無怪乎奸猾猾吏以詐騙為得計視國法如弁髦也內部
 之書吏索之督撫而督撫應之則彼此效尤無所底止必致督撫之書吏索之司道司道之書吏索之府縣層累而降受其害者仍
 在吾民也蓋未定養廉以前外官尚有贏餘以供意外之費既定養廉以後更無餘資以應苛索不取之百姓將誰取乎各督撫均
 有激清吏治移易風俗之職任豈可視為相沿陋規而躬自蹈之以為官吏之倡貽閭閻之困乎嗣後著嚴行禁止藩臬以下經手
 之案書吏需索之弊書吏之仍前需索者督撫即時奏聞如有不遵朕旨私相授受者必將與受之人照枉法減治罪書撫容
 隱不奏亦必加議處各官倘有違礙等語其旨一覽即行再奏聞各省督撫等其體朕意毋違朕旨

秤較其分兩稍有不足則繳回不收而重者則置而不論此即需索之一端夫段正成於眾手豈能輕重得均畧無差少若此件不足彼件有餘即不得謂之分兩不足矣嗣後交納之時當合總秤其輕重不當每斤秤較若合秤不足方許繳回將此永著為例○
丁卯准河南運漕道遠州縣折漕耗米○命吏部尚書公訥親協辦大學士○戊辰特免直隸江蘇安徽三省額賦共二百五十萬兩○己已諭聞浙江敷文書院內生童讀書者眾多每歲帑金租息銀四百餘兩不足以敷餼廩著加賜帑銀一千兩交與該撫經理歲取息銀以資諸生膏火○庚午諭科道為朝廷耳目之官必知無不言隨時獻替方有裨益於政治近來科道官員條陳甚少即有一二奏事者亦皆非切當之務無關輕重即如鄉會試之夾帶文字殿試之呈送頌聯朕皆得之訪聞而科道官並未陳奏及此者殊有愧言官之責著傳旨申飭並通行諭知嗣後務各清白乃心公道自矢毋蹈緘默陋習以副朕簡用言官之至意○諭趙之坦自簡任副都御史以來毫無建白入亦平常鴻臚寺少卿田懋前為科道時尚屬敢言不愧臺諫之職著從優升授副都御史其鴻臚寺少卿員缺著趙之坦降補○嚴武開臨場關防○命鄉會試內簾頒發 御纂經書○壬申以陳大受為吏部右侍郎

部奏聞

夏四月己卯兵部等部題浙江布政使張若震奏各省衛所守備千總照山東等省之例改歸知府管轄行令各督撫查覆據覆奏除山東山西湖北湖南江蘇安徽已歸知府管轄貴州新設各衛已歸同知通判管轄無庸議外直隸延慶一衛雖順天所屬而府尹非知府可比應由霸昌道管轄天津左右二所已歸知府其通州左右二所並無附近知府仍歸通永道管轄甘肅安西沙州柳溝靖逆四衛赤金一所仍歸安西靖逆兩廳管轄江西南昌等五衛吉安等四所改歸知府管轄四川雷波衛黃螂所改歸敘州府管轄凡督催督緝稽察催徵交代等項悉照知府與州縣之例議敘議處至衛備與廳員仍照舊定儀注行從之○以徐士林為江蘇布政使原任河南布政使○辛巳賜莊有恭等三百二十八人進士及第出身有差○癸未諭朕御極以來仰體 皇考誠求保赤視民如傷之至意廣諮博訪庶幾民瘼得以上聞至於水旱災荒尤闖百姓之身命更屬朕心之所急欲聞知而速為經理補救者是以數年中頒發諭旨不可勝數務令督撫藩臬等飛章陳奏不許稽遲亦不准以重為輕絲毫粉飾儻或隱匿不陳或言之不盡朕從他處訪聞必將該督撫等加以嚴譴蓋年歲豐歉本有不齊之數惟遇災而懼盡人事以挽之自然感召天和轉禍為福若稍存諱災之心上下相蒙其言有不可勝言者是以孜孜不怠惟恐民隱不能上達即天下想亦洞悉朕心矣乃昨冬甯夏地動災傷甚重

朕聞奏即特遣大臣馳驛前往會同該地方官逐戶賑濟安插撫綏毋使一夫失所且不惜帑金數百萬兩以爲招集流移繕完室廬之費此皆明降諭旨者彼時都統弘昇奏稱甯夏地動情形發鈔時宜從簡畧恐有好事小人借端捏造煽惑愚民等語此奏識見甚屬褊小朕不以爲然但其中有軍機要務恐似此傳播於外之語是以朕令內閣議之蓋謂國家政務原有極秘密之件如事關軍機查拏要犯皆不可不密以防洩漏別生事端至於旱潦饑饉災祲之類則斷不應密卽數十年來亦從無刪減情節發鈔者乃內閣誤將弘昇此奏傳播於外一似朕命允彼言者近日朕始聞知因思此奏傳播各該督撫等必致錯認以爲朕心諱言災傷始而觀望繼而欺隱則黎元將何以得受國家賑恤之恩耶是朕力行而猶恐未達者將轉而爲改絃易轍之舉豈朕之初志耶夫民瘼所關乃國家第一要務用是特頒諭旨通行宣示嗣後督撫等若有匪災不報或刪減分數不據實在情形者經朕訪聞或被科道糾參必嚴加議處不少寬貸○免直隸本年地丁耗羨○甲申大學士譚覆食侍郎佟方苞奏遵旨選擇時文告竣請頒御製序文標名 欽定四書文從之○乙酉諭南方號稱水鄉長江大湖洪濤巨浸每遇風浪驟發人力難施向有設立救生船之處每年頗多救濟但恐經費不足則爲數無多而稽查未周則爲善不力善各省督撫確查所屬地方有險扼之處應設救生船隻者酌動存公銀兩估計修造每年給與水手工食若干並交與地方官載入交盤冊內永遠遵行毋許始勤終怠○丙戌以早甲命求言○丁亥論大學士趙國麟向有足疾不能騎馬著坐車進紫禁城到內閣辦事○戊子命刑部清理庶獄減徒以下罪○九卿科道等遵旨覆奏雨澤偶爾愆期 聖躬實無闕事臣等奉職無狀嗣後當益勵恪勤得旨覽刑等所奏謂近日政務實無闕失可以指陳朕自維卽位四年以來朝乾夕惕無非以愛養民生爲念凡有利民之政無不興舉害民之事無不革除寤寐焦勞惟恐一夫不獲其所今爾等以爲事合乎天理當乎人心在朕心猶不敢自信卽爾等所奏雖皆引咎自責亦屬空言無補時政目下直隸望雨甚殷聞得江南亦在缺雨直隸上年亢旱雖不如江南之甚而收成亦屬歉薄儻今歲更復亢旱將來兩省民食作何區處此不可不豫爲籌及者也朕之用人行政實具苦衷多有非臣工所能深喻者如元展成隆昇張照諸人或言其不可復用抑思元展成當年爲貴州巡撫苗疆用兵非其專責時張照董芳哈元生等意見齟齬元展成於中辦理不能妥協是以加之處分然伊任內猶無大過故復用爲甘肅巡撫隆昇在浙人多言其刻薄如辦理海塘工程應發價一萬兩者止給發五千兩若果如是程元章豈有不據實奏聞之理今朕用爲福州將軍乃係管兵武職未嘗任以地方之事也張照辦理苗疆調度失宜以致獲罪但伊原係書生不諳軍務今復用爲學士亦止令司文墨未嘗加之重任凡此諸人若因其小眚遂致廢斥卽見在諸臣任內多有處分之案儻皆棄而不用則天下豈有如許可用之全人乎至朕擢用之人或有言其太驟者又云不宜總督之任者始用爲尙書不知朕之用人自有權衡深意內外職任互相調用原欲令其歷練政務非有所輕重於其間也且如錢法一事向謂不宜禁銅乃銅禁既開而錢價昂則又有以爲銅禁宜嚴者朕思此時若再禁銅或致擾擾是未收禁銅之利而先受其害矣凡爲此等議論者皆由小

臣識見拘墟不能深悉朕用人行政之苦衷耳科道職居言路尤宜一秉虛公遇事直言如果有當言之事自應隨時入告何待朕言儻實無可建白雖經朕訓飭亦不必勉強塞責乃自數月以來敷奏寥寥及朕明降諭旨始有陸續條陳者要其所言又皆不切政務率多抵拾浮詞假公濟私居言職者願當如是乎他若翰林郎中參領等官朕皆令其條奏原欲兼聽並觀有裨庶政乃舉行至今鮮有關繫國計民生實可見諸施行者甚且以朕加恩之事謂爲己所陳請邀譽於人或留中未發又以爲嘉謨碩畫情未施行是以朝廷耳目之寄而爲伊等攬竊威福之資是不開言路不可而開言路又轉滋弊端將如之何而後可耶凡此皆有關於人心風俗朕爲天下元后普天率土皆屬子臣而人心風俗之浮瀆無非朕一人之責也即今在廷諸臣雖無罔上行私之弊而於門生故舊嗜徇在所不免亦非公忠體國之道人非聖賢誰能無過但有過貴於能改朕無事不以至誠待人爾等亦當以朕之心爲心君臣一德交修不違人事既盡庶可感召天和目下直隸江南兩省望雨情形甚爲急切儻甘霖早沛收成可望尙屬無虞如雨澤再愆大關民食不可不爲先事綢繆之計爾等當悉心籌畫將如何可以有備無患之處詳加酌議據實具奏○裁直隸正定府木稅○乙未以陳世倌爲左都御史由戶部遷○白映棠因事解任以李珣爲山東按察使○以許希孔爲內閣學士由少詹事遷○丁酉禁江西龍虎山正一真人傳度○己亥以畿輔缺雨仍弛奉天米船海禁○辛丑命培築北運河隄壩○癸卯飭直隸江南捕蝗○甲辰截留南漕十萬石貯天津北倉○駐藏侍郎杭奕祿奏西藏西南三千里外巴爾布部有三汗一名庫庫木一名顏布一名葉楞雍正十二年會遣使恭請 聖安近年三汗彼此交惡數尋戰攻臣遣員勒頗羅辯宣諭 聖上好生之德中外一視各宜息兵和好仰報 國恩三汗歡欣聽命以三部落戶口數目呈報並各進方物奏聞部議加恩賞賚從之

五月丙午朔申諭收恤養濟院貧民○辛亥刑部議准本部郎中樊天游奏南北兩監各省解到軍流人犯妻孥並遣飲泣吞聲殊堪憫惻請嗣後強盜減等及情罪重大者仍全案發遣其餘軍流人犯或父母年衰家無次丁願留其妻侍奉者准其免食如父母已故毋得與行姪免從之○給各倉監督養廉○轉王鈞爲戶部左侍郎調梁詩正爲戶部右侍郎以田懋爲刑部右侍郎王安國爲左副都御史由左僉都御史遷○丁巳諭朕御極以來廣開言路擴充見聞做效古帝王詢於芻蕘之意原期有益於國計民生是以於

大臣九卿科道外並准部屬參領及翰林等俱得具摺奏事以收明目達聰之效乃行之年餘伊等條奏雖多殊無可採或迂闊而不達事情或瑣屑而無關治體又其甚者假公濟私挾嫌施巧俱難逃朕之洞鑒朕誠恐顯加申飭有妨言路聞或留中不發而伊等每揚言於外以爲嘉謨碩畫情未見之施行甚且以朕所用之人冒稱爲己之薦引朕所斥之人冒稱爲己之參劾種種作威作福搖惑眾聽以致外間人言藉藉科道等屢行奏聞夫古人所謂詢於芻蕘者蓋以卑近之論亦足以備採擇並非置是非公私於不問而使之各逞臆說無所忌憚也即如今日正白旗佐領鄂岱本係不應奏事之人越例奏事而所言又極卑鄙荒唐朕已發與八旗大臣閱看鄂岱摺內有請瞻仰天顏等語是伊本意不過以條奏爲名希圖召見以僥倖於萬一耳近來諸臣奏事者其意大

率類是若行之日久毫無裨於國政徒有害於人心不可不防其漸著將部屬參領及翰林等官條奏之處仍照例停止○戊午諭方苞在 皇祖時因南山集一案身罹重罪蒙 恩曲加寬宥令其入旗在修書處行走效力及 皇考即位特沛殊恩准其出旗仍還不籍又漸次錄用授職翰林晉階內閣學士朕嗣位之初念其稍有文名諭令侍直南書房且升授禮部侍郎之職伊若具有人心定當痛改前愆矢慎矢公力圖報效乃伊在九卿班內假公濟私黨同伐異其不安靜之痼習到老不改朕所共知適值伊以衰病請解侍郎職任朕俞允之仍帶原銜食俸上年冬月因伊條奏事件朕偶爾召見一次伊出外即私告於人會在朕前薦魏廷珍而參任蘭枝以致外間人言藉藉經朕訪聞令大學士等傳旨訓飭伊奏對枝梧朕復加寬宥未曾深究近訪聞得伊向住魏廷珍之屋魏廷珍未奉旨起用之先伊即移居城外將屋讓還以示魏廷珍即日被召之意又庶吉士散館屆期已將人數奏聞內閣定期考試矣伊復於前一日將新到吳喬齡一名補請一體考試朕心即疑之今訪聞得伊所居之屋即吳喬齡之產甚覺華煥顯係受託爲之代請似此數事則其平日之營私可以槩見方苞深負國恩著將侍郎職銜及一切行走之處悉行革去專在三禮館修書效力贖罪其武英殿事務著陳大受劉統勳管理○命挑陶莊引河○庚申諭天道福善禍淫書曰作善降之百祥作不善降之百殃此乃萬世不易之理從未有諂媚鬼神而即可以避災獲福者無如小民知識短淺往往惑於鬼神之說所求禱祀爲費不貲雖仰事俯育之謀皆所不計而其中最爲耗盡者則莫如越省進香一事其程途則有千餘里以及二千里之遙其時日則有一月以及二三月之久初春前往春暮方歸以鄉農有限之蓋藏坐耗於酬神結會之舉以三春最要之時日消磨於風塵奔走之中朕聞直隸山東山西陝西等處風俗大率如此而河南爲尤甚自正月至二月每日千百爲羣先至省會城隍廟疏焚香名曰掛號然後分途四出成行結隊填塞街衢樹幟揚幡鳴金擊鼓黃冠緇衣前後導引男女雜還奸良莫辨圖毆劫竊滋事端此等劣習在目前則耗費錢財而將來即恐流於邪教惟是相沿已久若驟然加以懲治未免又多擾累著各省督撫訪察所屬有越省進香者善爲曉諭化導徐徐轉移俾知惠迪吉從逆凶之正道時存善心勉行善事必崇神祇默佑元神靈隨處降格不必遠求即欲奉佛酬愿亦止於本境祠廟虔誠行之毋得呼朋聚眾跋涉山川以致謀農耗財漸成人心風俗之害○甲子諭九卿會議事件皆係該管衙門主臬眾人不過於事情大槩略加參酌即行定議畫題而主臬衙門之堂官亦不過將大旨說與該司官員書吏創立底窠彙成之後但觀其大意無差錯處便羣相畫諾至文理之通順與否皆置之不問矣即如大學士鄂爾泰查勘河工一案據奏稱新運口可用不必仍開舊口惟新口之外挑水壩稍短應再築長壩以屬穩妥等語此指運口而言也又稱新運口內頭壩二壩三壩向東轉北節天妃開舊運河路自三壩向東南轉轉而北過越關爲新河頭舊河直捷新河紆折爲漕運計應行舊河今新建開壩見俱未開仍取道天妃開既屬便利未宜遵行等語此指運河而言也運口運河原屬判然兩事乃九卿會議不內全係照覆而其措詞則云請飭河道官員不必仍開舊口所有應接築長壩務令堅牢寬圍過水口如磨盤礅式至重運糧船惟期直捷爲

便今新河既屬紆折應令河臣照大學士所議嗣後糧艘應行舊河仍取道天妃閣以利輓運等語九卿此議於事原無錯誤而運口運河分晰不明此行文牽混不通之所致也朕於河工形勢深為究心而又細閱本章方知其因文掩意若他人觀之必疑其前後矛盾矣夫撰文乃辦事之一端專尙文詞固不得為實心辦事若此亦不留意則其苟且塞責更可槩見傳之天下後世甚有關繫九卿中多有科甲翰林出身者於此等文義模糊豈有不能看出之理總之忽略遷就習為固然嗣後當切加儆省毋蹈前轍除將議覆河工之本發還改正外將此曉諭九卿知之○乙丑諭前朕降諭旨蠲免直隸本年錢糧九十萬兩江蘇一百萬兩安徽六十萬兩隨據孫嘉淦具摺請將直隸耗羨一併蠲除朕降旨允行復經陳世倌援照直隸之例請免江南耗羨朕敕交廷議旋據議稱此次蠲免乃係特恩非被災可比應不準免耗羨且江南耗羨節年不敷今若再行蠲豁則地方應用公費益致缺乏之應毋庸議朕降旨依議今據那蘇圖等奏稱此次蠲免仍因上年被災而施恩澤應請一體蠲除耗羨以廣皇仁等語從前陳世倌奏時朕以伊身在京師南北隔越所奏不過遲度之詞廷議既引定例覆奏遂降依議之旨今那蘇圖身在地方目覩民間情形亦復如是陳請諒非市美邀名之舉且朕委養黎元輸將多減一分閭閻即多受一分之益著將江蘇安徽二省所蠲正賦之耗羨一體免徵以示格外加恩之意又據直隸布政使范燾奏稱直隸公用不敷查河南耗羨見餘銀四十餘萬兩若動撥十萬兩以協濟直隸則良多益寡於公事有裨等語此奏見交部議朕思江南蠲免耗羨之後若官員等養廉不足則河南多餘之銀亦可通融撥補總之以天下百姓之物力仍還之天下百姓一時權宜行之不必過存畛域之見其撥補若干之處著該部定議具奏○戊辰命浙江海南縣改築石塘○辛未諭馬齊在 皇祖時即簡任機務倚毗甚殷及 皇考即位特命總理事務嘉子勞績賞給伯爵世襲罔替朕即位之初伊以年老力辭解退朕重違其請俞允致仕頤養高年以示優禮耆舊之意念伊歷相三朝年逾大耋抒忠宣力端謹老成領袖班聯名望夙重舉朝大臣未有若此之八者前聞在家患病即命太醫加意調治繼聞病勢沉重朕不欲躬親看視因值齋戒之期不獲前往特頒諭旨備述前後情事命和親王大阿哥永璜公訥親前往代朕親行並賜帑金經理後事今聞溘逝朕心深為震悼已命和親王大阿哥永璜公訥親等往奠茶酒其應得卹典該部察例具奏外著加贈太傅加祭一次以昭恩禮尋子諡文穆○癸酉諭朕御極以來內外大臣中數人實能體朕敬 天勤民之心輔弼贊襄抒誠宣力有功於社稷有益於蒼生勞績怨昭宜加優獎大學士伯鄂爾泰張廷玉大學士福敏俱著加太保大學士徐本查郎阿吏部尚書公訥親俱著加太子太保吏部尚書甘汝來戶部尚書海望兵部尚書鄂善刑部尚書尹繼善尚書銜徐元夢直隸總督孫嘉淦雲南總督公慶復俱著加太子少保

六月戊寅諭軍機大臣等往昔帝王之治天下每有沙汰僧道之令誠以緇黃之流品類濶雜其閒閉戶潛修嚴持戒律者百無一二而遊手無藉之人借名出家以圖衣食且有作奸犯科之徒畏罪潛蹤伴逃法網者又不可以數計夫一夫不耕或受之飢一女

不織或受之寒天下多一僧道即少一力作之農民苦蠶不耕而食不織而衣且甘食美衣公然以為分所應得不知愧恥是以上
 農夫二三人肉袒深耕之所入而不足以給僧道一人之用既耗民財復涸民俗在國家則為游民在佛老教中亦為敗類誠不可
 聽其日引日多而無所底止也惟是此教流傳已久人數繁眾一時難以禁革是以朕令復行頒給度牒使目前有所稽查將來可
 以漸次減少此朕經理之本意也今禮部頒發各省度牒已三十餘萬張此領度牒之本僧各准其招受生徒一人合師徒計之則
 六十餘萬人矣目下亦止得照此辦理但朕查外省官員情形不過循照部文敷衍了事蓋未深知朕漸次裁減之本意爾等可密
 寄信與各省撫令其徐徐留心使之日漸減少需以歲月不在取必於一時若官吏奉行不善致滋擾累則又不可○庚辰召法敏
 來京調碩色為山東巡撫以方顯為四川巡撫高山署四川布政使由大理寺少卿○辛巳命安徽修水利○壬午添派查旗御史○戶
 部侍郎申珠渾以徇私革職○乙酉諭朕愛養黎元有應行減免之賦稅無不查明豁除以紓民力今聞陝西醴泉縣舊額實徵糧
 二萬四十二石九斗零順治十三年清丈時因弓口窄小積有餘地加算糧二百五十六石二斗一升零後遂造入全書著為定額
 其實有糧無地小民輸納維艱著該督撫出示曉諭從乾隆四年為始將此項永遠寬免俾百姓均霑實惠○盛京工部侍郎希德
 慎以辦理城工遲延巧飾具奏降調○調借奇為戶部左侍郎杭奕祿為刑部右侍郎由工部○丁酉諭昔我 皇考惠愛商民恐州
 縣牙行歲有增添以致奸棍把持爭奪抽分利息為閭閻之擾累於雍正十一年特頒諭旨令直省督撫飭令藩司因地制宜著為
 定額報部存案不許有司任意增添止許將額內各牙行退帖頂補之處查明換給新帖再有新開集場應設牙行者酌定給帖報
 部不許濫增所降諭旨甚為明晰近聞江蘇各省於額帖之外陸續請增者一縣竟有數十張以至百餘張不等此必州縣官員才
 識短淺聽信胥吏播弄借新開集場准其增添之例或舊集而捏為新設或裁牙而濶詳改充徒使貿易小民受其苛索莫可申訴
 江蘇如此則各省亦必皆然著該部即通行各省督撫轉飭布政使將朕此旨出示曉諭該地方果有新開集場應設牙行者該印
 官詳確查明取具印結由府州覈實詳司給發牙帖如非新開集場而蒙混請添者即行題參從重議處儻有仍前滋弊失於查察
 者朕必於該督撫藩司是問○辛丑轉田懋為刑部左侍郎調韓光基為刑部右侍郎由工部

乾隆東華續錄十

秋七月乙巳朔諭甘肅奏安等十五州縣間被冰雹無論已成災悉免本年額賦○丙午轉阿克敦為工部左侍郎以素柱為工
 部右侍郎由內閣學士左○戊申倫達禮因病解任以張嗣昌為福建按察使由四川○乙卯命工部侍郎索柱仍兼內閣學士
 以雅爾圖為左副都御史由戶部○以許希孔為工部右侍郎由內閣○丙寅諭各省府州縣官員均有守土之責不宜輕離職守
 每聞督撫等遇有公事輒將地方官或調至省城辦理或調赴他府辦理動經數月不同本任且一府之中竟有將郡守攸令全行
 調辦者如此則本地事務必致廢弛於守土之義大相乖謬嗣後督撫等各宜留心若遇緊要公事不得不調員辦理之時則酌量

慎重然後檄委勿使守牧縣令等官全離本地致有顧此失彼之慮再者聞廣向來風氣屬員之於上官以趨諂承奉爲能而同寅之中又以宴會酬酢相尚以致廢時失事耗費物力於無用之地此亦有關於吏治地方者朕屢經訓飭聞馬爾泰到任之後粵省漸知悔改而閩省舊習則未全除爲此再加訓諭嗣後備有屬員無故赴省干謁上司或留連宴集忽視政務者經朕訪聞必加以嚴譴○諭吏部尙書甘汝來持躬端謹辦事恪勤久經外任賢聲素著自簡任尙書以來實心供職正資倚用今聞患病溢逝深爲軫惻聞其家計寒素且無經理後事之人著賞帑銀一千兩派該部司官代爲料理命散秩大臣一員帶領侍衛十員往奠茶酒應得卹典著查例具奏尋子祭葬諡莊恪○以郝玉麟爲吏部尙書調宗室德沛爲閩浙總督以班第爲湖廣總督由兵部請○戊辰以雅爾圖爲兵部侍郎舒赫德爲左副都御史讀學士禮○庚午諭大學士等據慶復張允隨奏稱安南奸人自稱交江王見今棄眾投誠傾心向化彼在交國雖有應得之罪而天朝固無不徧之仁投訴即難盡信輸情自有可矜除安插頭目解散兵眾招撫錢塘餘黨及否安南等一應事宜俟臣等查明再行具摺恭請聖訓外理合先將交賊投誠情形奏聞等語朕思安南爲我朝外藩素常恭順與內地無異今彼國奸人忽思播弄生亂且捏稱天朝有兵相助更爲悖逆前次慶復等移文該國王諭以天朝必無助奸人以兵而加於百年臣服藩封之理此處辦理甚是今摺內忽稱出具榜文開賊生路賊遂連遣兵頭求降董芳照依榜文許以不死並邀賊首釋眾親交交賊遂解散餘黨止留親兵三百在馬郡三百屯馬鞍山一百到界河率領頭目十二人親詣邊營懇投誠並呈其上世圖冊董芳等稿以酒食暫安置營內等語據此是安南之叛民該地方官已准其投誠而容納之矣計算奸人糾集不及千人且離滇界甚遠以安南兵力不難擒其首惡而散其黨羽所以不卽遣兵者料聞奸人天朝助兵一語不敢不稍存觀望耳今天朝既容其投降則安南自不能過問爲彼國王計將何以辦理設使安南國王以爲納彼國之叛寬彼國之仇竟行詰問該督等又將何詞以對且與從前行文之意不自相矛盾耶此事辦理之處於情於理均屬不合可卽馳信與慶復等就見在辦理情形悉心妥議務有以服安南國王之心而不失統御外藩之大體不可希圖省事苟且完結也○壬申諭據河南巡撫尹會一奏稱今歲豫省地方六月以後陰雨連綿房屋傾圮糧價較前頗長請將捐監事例照江南被災州縣減三收捐向來豫民食用所需全資小麥今麥價較穀價爲貴折中定額每穀一石折麥八斗爲率如減三收捐請准穀麥兼收應捐穀一石者收麥八斗糧借之時卽可米麥並用於民食更有裨補等語從來養民之道首重積貯而積貯之道必使百姓家有蓋藏能自爲計庶幾緩急可恃雖遇旱澇可以自存不致流離失所若百姓毫無儲蓄而事事仰給於官無論常平等倉見在未能充足卽使充足矣而以有限之穀給無窮之民所濟能有幾人又如荒歉之歲督撫等動以截漕爲請殊不知天庾所關甚重若非萬不容已豈可輕動况以經制之漕糧而供各省之動撥其不敢應用更爲人人所共知者去年尹會一曾奏麥收豐稔之時亦當聽民間自爲流通而程元章則奏稱嚴禁躉運員糧以致民間所收之麥所買之麴皆廢棄於無用之地民甚不便等語今尹會一乃奏稱豫省食用全資小麥可見伊等

平時視穀麥等項爲無足重輕而一遇歉收則束手無策矣又有以宣化府高粱爲苦澀不堪民食僅可供燒鍋之用者此皆未曾
經歷民間饑饉之苦而祖此安常處順之淺見也據省上年秋成頗豐今年麥收亦好不過以夏月被水偏災而民間卽匱乏若此
則平日官民之漫無經理可知一省如是他省自必相同此則朕心所大憂也至尹曾一奏稱比照江南之例減價收捐亦覺未備
緣江南通省上年被旱今年麥復歉收是以如此辦理夫捐監一事原爲積穀而設今以偶爾偏災而輒思變通權宜之計恐將來
積穀之舉仍屬有名無實其所請穀麥兼收及不拘原額並許外省來豫貿易之人一體報捐之處似屬可行著大學士會同該部
另行定議具奏總之騰封疆之寄者爲小民長久之計當豫籌於平日不應拮据於臨時當加意於豐年不應猝辦於歉歲俾閭閻
共知仰事俯育根本之所在中心樂從斯可以易裕移風漸臻康阜不愧父母斯民之任若必待朕每次降旨然後奉行於一時則
平日之視爲具文可知儻一經奉旨卽嚴行查禁則又徒滋擾累於事何益將此通諭各省督撫知之○甲戌以完顏偉爲浙江按
察使

由道

八月丙子諭本日御史張湄奏摺內稱皇上開言路於上而諸大臣塞言路於下凡奉旨交議事件並不平心和氣斟酌可否總以
無庸議三字駁倒爲快甚且極口醜詆勝於怒罵意在箝小臣之口而不知剛愎恣肆已先失大臣之體等語張湄此奏實屬太過
朕觀近日諸大臣能比古之臯陶稷契者固少而公忠爲國實心任事洵無可指摘之處或其中因循寬緩失之不及者亦不能保
其必無而如奏內所稱剛愎恣肆箝制言官之口者則實無其人假如果有其人則言官皆受其箝制必不敢有人攻發其短今以
張湄至庸之人而見有此奏則無剛愎恣肆箝制言官之大臣可知矣况朕御極以來用人行政事事躬親裁度一切是非情偽莫
不洞悉周知若如張湄所奏大臣中竟有阻塞言路蒙蔽擅權之人不知彼意中視朕爲何如主耶又張湄奏稱傳爲請申法禁
一條九卿以爲賭博之禁未嘗不嚴見在步軍統領之番役五城司坊之捕役日夕查拏將此議覆夫京城賭博盜賊等項未嘗禁
絕而小民徒受番捕嚇詐之擾累豈眾人共知而大臣獨不知且主臺之司官亦皆不知等語凡查拏賭博盜賊之事原屬步軍統
領五城司坊之專責儻查拏不嚴或番捕有藉端擾累民間者惟在該管衙門留心懲究若因此而欲變更成例別無善策至於傳
爲訛條陳各款及九卿議覆之奏朕皆一一詳閱其原奏多屬通套浮詞並無切實可行之件九卿就事論事亦止可如此議覆又
豈得謂有意駁詰阻塞言路耶又張湄奏內有臣工奏疏伏願宸衷乾斷之請自古設官分職原以佐理政務兵農錢穀各有專司
朕以一身而萬幾待理祖宗數百年之章程國家千百條之規制不得不諮詢於大臣卽大臣亦不得不詳考典冊參酌古今非
遂驟然可以見諸奏牘也若必欲盡出一人之意事至卽斷不交廷議無論勢不可行且於古聖人之詢於四岳咨二十二人以亮
天工者大相乖謬狂妄如張湄等輩不又將以朕爲專任己見而不博採眾論耶况朕於臣工章奏中見其確有可行者未嘗不卽
降旨施行亦有廷議不行而朕諭令改正者悉皆審理於當幾而不設成見於先事九卿議駁言官之條奏張湄乃以爲極口醜詆

勝於怒罵而張滙於謹慎慎職之大臣驟加剛傲志肆阻塞言路之名所謂公道者安在乎張滙爲此狂言之奏顯係比附傳爲計而薰染方苞造言生事欺世盜名之惡習此風斷不可長本應加以嚴譴以示懲儆姑念言官從寬究特召見本日奏事之滿漢大臣面加曉諭咸令知之朕見臣工條奏尋常事件亦有介在可行可止之間而該部九卿議駁者事本微細而被張滙苛刻之彈章其所以致此之由亦當自愧然不可因此而生畏葸之心辦理公事總以理爲準此則朕之所厚望者○庚辰 上御經筵○辛巳諭編年紀事之體昉自春秋宋司馬光景前代諸史爲資治通鑑年經月緯事實詳明朱子因之成通鑑綱目書法謹嚴得聖人褒貶是非之義後人續修宋元綱目上繼紫陽與正史紀傳相爲表裏便於檢閱河不可少之書也今武英殿刊刻明史將次告竣應做朱子義例編纂明紀綱目傳示來茲著開列滿漢大臣職名候朕酌派總裁官董率其事其慎簡儒臣以任分修及開館編輯事宜大學士詳議具奏○壬午敘張廣泗經理苗疆功加授三等輕車都尉世職○以李鳳藻爲內閣學士由祭○甲申命河南潁河州縣修隄○庚寅江南金壇縣貢生蔣振生進手書十三經賜國子監學正銜○增河南河工料價○壬辰命河南潁城乾河

涯○癸巳以王恕爲廣東布政使潘思渠爲廣東按察使

由道選

○甲午諭凡補授道府等官於起程赴任時皆詣宮門請訓候朕

召見嗣後外省送部引見之道府亦著照此例於起身回任時詣宮門請訓以便諮訪地方情形彼亦得各抒所見而朕益得悉其入材矣○己亥禁各省運弁需索○癸卯諭自古帝王撫御寰區惟以愛養斯民爲第一要務朕卽位以來仰體 皇祖 皇考勤

求保赤之聖心宵衣旰食偶遇水旱災傷眞視爲己飢己溺己溺己計經營散賑籌租動輒數十百萬期登斯民於衽席此薄海內外所共知者無奈蚩蚩之眾頑樸不齊外省官員多言屢賑之後民情漸驕卽如今年江南地方初夏未雨卽紛紛具呈告賑是不以賑

爲拯災恤困之舉而以賑爲博施濟眾之事矣更有一種刁民非農非商游手坐食境內小有水旱輒倡先號召指稱報災費用挨戶斂錢鄉愚希圖領賑謁賦聽其指揮是愚民之脂膏徒飽奸民之囊橐矣迨州縣踏勘成災若輩又復串同鄉保胥役捏造詭名

多開戶口是國家之倉儲又飽刁民之慾壑矣迨勘不成災或成災而分別應賑不應賑若輩不能遂其所欲則又布帖傳單糾合鄉眾擁塞街市喧嚷公堂甚且凌辱官長目無法紀以致懦弱之有司隱忍曲從而長吏之權竟操於刁民之手刁民旣得濫邀則

貧民轉至遺漏是不但無益於國並大有害於民言念及此殊可痛恨再者荒歲春夏之際當有一班奸棍招呼災民擇本地饒裕之家聲言借糧百端迫脅苟不如願輒肆搶奪道報官差緝累月經年塵案莫結在刁猾之徒尙可支撐苟活而被誘之愚民多至

身命不保是災民不死於天時之水旱而死於刁民之煽惑又往往然也今年下江淮一帶及上江鳳類等處多被水患河南水災較甚山東直隸亦有被水之州縣著該省督撫董率有司將朕諭旨通行誥誡如有犯者決不寬貸俾災民知有必遵之書澤帖

然安釋而不致惑於浮言刁民知有難犯之憲章憚然畏懼而不敢蹈乎法網則倉儲皆歸實用而閭閻共沐恩施庶不負朕早夜焦勞愛養斯民之至意也將來地方旱潦不能保其必無該部可行文各省督撫咸知此意一體遵行○以法敏爲盛京工部侍郎

於戚前毫無敬謹之意惟又諂媚莊親王爲事且胸中自以爲舊日東宮之嫡子居心甚不可問卽如本年遇朕誕辰伊欲進獻何所不可乃製鷲黃肩輿一乘以進朕若不受伊將留以自用矣今事迹敗露在宗人府聽審仍復不知畏懼抗不實供此尤負恩之甚者弘昇乃無藉生事之徒在 皇考時先經獲罪圖禁後蒙赦宥予以自效之路朕復加恩用至都統管理火器營事務乃伊不知感恩悔過但思暗中結黨巧爲鑄營可謂怙惡不悛者矣弘昌秉性愚蠢向來不知率教伊父怡賢親王奏請圖禁在家後因伊父薨逝蒙 皇考降旨釋放及朕卽位之初加封貝勒冀其自新乃伊私與莊親王允祿弘哲弘昇等交結往來不守本分情罪甚屬可惡弘普受 皇考及朕深恩逾於恆等朕切望其砥礪有成可爲國家宣力雖所行不謹由伊父使然亦不能卓然自立矣弘皎乃毫無知識之人其所行爲甚屬鄙陋伊之依附莊親王諸人者不過飲食燕樂以圖嬉戲而已莊親王從寬免革親王仍管內務府事其親王雙侍及議政大臣理藩院尙書俱著革退至伊身所有職掌甚多應去應留著自行請旨將來或能痛改前愆或仍相沿錮習自難逃朕之洞鑒弘有著革去親王不必在高牆圍禁仍准其鄭家莊居住不許出城其王爵如何承襲之處著宗人府照例請旨辦理弘昇照宗人府議永遠圈禁弘昌亦照所議革去貝勒弘普著革去貝子並管理鑾儀衛事甯和以獲罪之閒敢宗室因諂媚莊親王王遂奏請與以恩賞伊所得之公爵今既照宗人府議將此公爵革退則甯和在所當革著詢問莊親王若願改令弘普承襲則著以鎮國公管都統事若仍欲令甯和承襲則弘普專任都統之職著王自行奏聞弘皎本應革退王爵但此王爵係 皇考特旨令其永遠承襲者著從寬仍留王號伊之終身永遠任俸以觀後效朕於天潢支派念一本之親皆欲篤厚而成就之伊等若能仰體朕心循理謹度共受國恩實乃朕之至願儻恃恩放縱已露端倪而隱忍姑容不加裁抑則深乖小懲大戒之義將來難以從輕完結殊非防微杜漸先幾保全之道也至於宗室諸人彼此聯親親之情亦須嚴公私之辨若果出於公心則廓然大同無比附之迹豈不甚善今以數人私意網縶暗地往還尙得爲親親之正理乎朕之所以待莊親王與王之所以事朕者天下自有公論王試自思之亦知愧赧否也在朕臨御天下回不敢以親親之一節而忘國家之大法而宗室諸臣亦當知國家之法在所必行若不知儆惕身陷法網朕雖欲敦親親之誼亦斷不能寬假也將此並傳諭宗室等知之○庚寅以劉柏爲安徽按察使

候補按察使

○癸巳吏部給事中倪國璉奏進浙江錢塘縣監生陸曾禹救饑譜四卷命交武英殿刊刻○甲午雲南總督公慶復奏審

明交賊吳長等起事投誠情罪緣由請將吳長等交安南國王發落得旨安南係本朝屬國今既將吳長等情罪審明即可定擬完結該督復請送交該國王自行發落殊未妥協此案或卽行辦理或少待該國事定報聞之後再行定議著軍機大臣等議奏尋議交賊吳長等畏懼官兵又見告示許其陳訴率眾來投既經審明卽當治以應得之罪方合天朝爲屬國處分叛人體統且前經該督等出示榜文有許以不死之語若仍送至彼國勢必盡誅則督鎮大臣未免失信應令該督等卽按例分別定擬請旨發落仍將吳長等治罪之處咨該國王知之得旨依議○丙申釋馬蘭奏於獄○丁酉以口外豐收命撥庫銀二萬兩採買候撥○辛丑申諭

山東河南清查盜數○命盛京工部侍郎法敏赴北路軍營管理糧餉○王寅封弘曠為郡王襲理親王爵○莊親王允祿請仍以
南和襄封鎮國公允之○癸卯 上幸南苑行圍

十一月甲辰朔增武會試內外簾官○丙午 上行大閱禮發五矢皆中的賜在事王大臣銀幣有加○庚申那蘇圖丁憂以都玉
麟署江南總督由吏部尚書署○庚戌御史宮煥文參奏河南巡撫尹會一疲玩不振請另簡賢員諭尹會一自任豫撫以來屬員怠忽不
知畏懼其獄獄弭盜多未妥協今年豫省各屬被水災重所辦賑恤之事亦未盡善實少幹濟之才不勝巡撫之任但其人忠厚謹
慎非有心謀公者可比著解任來京候朕降旨另用河南巡撫員缺著兵部侍郎雅爾圖補授至於國家設立官原期公道敷陳
有裨政治不得摭拾浮詞妄逞私意若內外大臣中確有劣迹應入彈章者指實參奏方為無忝厥職御史宮煥文所參尹會一之
處皆朕所洞悉並非別有私心甚屬可嘉著交部議敘具奏尋議紀錄二次○壬子安徽巡撫孫國璽奏賜祭牛葬○以陳大受為
安徽巡撫由吏部右○癸丑除浙江仁和錢塘二縣虛額丁銀○賜朱秋魁等一百一十一人武進士及第出身有差○己未諭朕
慎重刑獄罪疑惟輕數年之中屢頒恩詔凡有應行赦免之犯俱已在三宥之中矣其不在恩詔中者復於乾隆二年三年特降諭
旨令大臣會同刑部將秋審朝審造冊詳加覆勘如有一錢可原應行減等者酌定奏聞請旨減等發落此次辦理外其未經減免
者皆情罪較重之犯因係久緩不復出決即令終斃固屬已屬寬典無可矜憐但此等人犯淹禁既久積案日多朕再四思維清理
滯獄亦法外之仁著九卿等將秋審朝審緩決五次以上之人犯酌其情罪稍輕尚可貸以生路者逐一分別請旨比照免盜免死
減等之例充發邊遠煙瘴地方如此辦理較之可矜減等流杖之例為重而較之永遠監禁之犯為輕是亦清理滯獄之意至情罪
可惡者雖經多次緩決亦不在減免之例○諭朕聞湖北地方每年額徵糧米二十七萬八千餘石以十五萬一千餘石運赴通倉
名曰北漕以十二萬六千餘石為荊州官米名曰南漕此二項糧米雖有不同而納之於官徵之於民則同一乾圓潔淨之米即額
定之耗米腳價亦屬一例原可合收而分解者乃有不肖州縣巧為多取分設倉口分點倉書令糧戶分作兩處完納以圖多得
餘民間未免苦累近年以來上官訪知此弊已出示禁革小民稱便但未著為定例恐將來官吏貪得餘贏仍有復舊藉藉者著該
部行文該省將南北二項漕糧合收之處永遠遵行如有分項徵收零星多取者該督撫即行查參備例省收漕地方有似此分收
者著該督撫酌量查禁○庚申調田懋為吏部侍郎以王安國為刑部侍郎尹會一為左副都御史○辛酉諭各處河工關繫緊要
而通曉河務之大員甚為難得朕為此留心久矣雍正十一年高斌管理鹽政時 皇考曾降旨令其講究河工事務以期熟練備
用今果得其方朕聞河南布政使朱定元由河南廳員出身歷任浙江海防兵備道於河防事宜素所閱歷今任豫省藩司所有河
道地方皆其統屬而山東為河南下游事屬一體著朱定元將疏濬保護之法加意講求以備將來之任使但不必協同辦理有妨
本任職掌浙江按察使完顏偉亦曾任海防道員其浙江海塘事務亦照朱定元之例不時留心該部可即行文傳諭朱定元完顏

儻知之嗣後道府大員引見時若有曾任河員及諳練河務者著於履歷內註明啓奏○辛未諭已故大學士榜曾筠前在江南河道總督任內悉心籌畫殫力宣防疊沐 皇考諭旨褒嘉至今河渠受益蓋前任河臣靳輔齊蘇勒俱建有嗣宇永享禋祀榜曾筠勞績實可媲美兩人著照靳輔齊蘇勒之例一體祀祀以示優獎以慰輿情

十二月癸酉朔諭額駙策凌至京入覲朕諭以噶爾丹策零送羅卜藏西瓦還時曾告以車臣汗妻子見在此聞若車臣汗念之我當送還據額駙奏稱臣世世受恩深重前準賊入我游牧擄二子及使婢一人而去若等應即自盡以報國恩至今苟且偷生尚在彼處居住全不知恥臣欲得此不肖之子何用且與國事無益噶爾丹策零性本詭詐若臣欲得二子彼必不諱可否安行于請所關非小國事爲重臣斷無念子之意輸誠具奏夫父子之道關乎天性額駙策凌感激 皇祖 皇考及朕之恩止圖裨益於國家顧惜大義不思復與其子相見朕心深爲惻然思有以獎之其長子貝子成衣扎布漢仗好在軍前亦頗效力著加恩封爲世子○

諭四執事總管首領將太監李蟠放假四日往弘哲處將宮內之事信口傳說太監等告假不過一日兩日豈有四五日在外之理已將四執事總管首領查明議罪爾總管等朦朧旗下太監等既已身離旗下復往何爲見今將李蟠夾訊即是榜樣再旗下太監不可在近便隨侍等處當差止宜外圍燒火打掃處服役過十數年試看果好再往內圍挑補尋又諭見今隨侍等處旗下太監不必更換此內有不堪者酌量革退以後新進旗下太監不許留在近處當差○戶部議覆江蘇巡撫張渠奏武進陽湖二縣役田租銀原因明代白糧責成糧長里民運送苦累不堪後經巡撫指銀買田除完辦條漕外另收租銀以抵白糧募船水脚之用我朝糧由官運此役租遂歸白糧經費裁存項下充餉在當時置買此田止令民間領價認租並未開報實在田畝遂有無田領價有田私賣以致日久無著後因迫於清查凡有戶可追者暫將已田開抵其無戶可問者即將租銀攤派圖里認賠請將前項無著田租銀八百十二兩零全行豁免以甦民困應如所請照數除免至見存原置役田從前原係官置其開抵民田一項亦係領價未買均非無著可比今該撫請減半徵收未便議准應令於承辦條漕外照額徵租以濟公務從之○甲戌諭各省安輯流民○丙子免浙

江安吉等縣上年漕糧○戊寅諭宗人府福甯首告弘哲一案經平郡王公訥親一一審訊內有弘哲聽信安泰邪術徇徇袒師降靈一款詢問安泰據供弘哲曾問過準噶爾能否到京天下太平與否及皇上壽算如何將來我運升騰與否等語口供確鑿殊屬大逆不道應照例革去宗室擬絞立決其家產妻子應如何辦理之處交宗人府議奏莊親王將官物私自換與弘哲應照監守自盜律革去王爵准徒五年係宗室交宗人府完結安泰造作妖言談論國事擬以立絞餘俱按律定擬弘哲父子在 皇祖時身獲重罪我 皇考御極屢次加恩封爲親王朕卽位以來又復恩待乃伊並不知感妄以伊父保舊日東宮心懷異志密與莊親王等

交結往來前經敗露宗人府擬以革去王爵永遠圈禁朕從寬但革親王仍准在鄭家莊居住並將伊弟弘瞻襲封郡王以繼理密親王之後今弘哲聽信邪說其所詢問妖人之語俱非臣下所宜出諸口所忍萌諸心者擬以大逆重典以彰國法洵屬允當但朕

親王之後今弘哲聽信邪說其所詢問妖人之語俱非臣下所宜出諸口所忍萌諸心者擬以大逆重典以彰國法洵屬允當但朕

一月東 卷 一 乾隆 一

總念伊係 皇祖聖祖仁皇帝之孫若輩宗室置之重典於心實有不忍且伊亦不過昏庸無知之人耳若從寬免其死罪但不使仍留住鄭家莊善孝交內務府總管在景山東菓園永遠圍禁其家產妻子不必交宗人府另議伊子仍留宗室但不使仍在鄭家莊著來京交與弘皙管束莊親王從前種種朋比黨援之事所犯甚大朕已經寬恩免革王爵今侵盜官物之案在王亦以爲尋常之事耳伊亦不必革去王爵但罰親王俸祿五年以示懲儆令王反而自思其所庇護乃如此妄亂之人伊尙靦顏不知愧恥乎安泰係附和弘皙捏爲邪說之人著從寬改爲應綬監候秋後處決餘依議從前弘皙等朋比往來之事朕命宗人府審奏時已燭其有不軌之心因事未顯著是以從輕歸結以見小懲大戒之意彼時無知之人未必不以朕之處分爲太過今其悖逆之行彰明較著而朕乃復貸其重罪止於禁錮天下之人亦當曉然於弘皙之所犯法無可宥而朕之所以處之者始終念親親之誼也况數年以來弘皙不過隨班上朝並未辦理公事朕於彼無絲毫喜怒之成心伊之居心行事如此豈非自作之孽乎且弘皙前案已經結局卽福甯所首之款亦未嘗及此悖逆之語而安泰於審問之時一一供出豈非天理有所不容 皇祖 皇考在天之靈昭鑒而使之敗露乎朕臨御以來敦睦一本加恩九族逾於常格不獨眾宗室知之卽內外臣工無不知者乃朕如此加恩而近支之中竟有如弘皙等悖亂之徒不能感動其天良朕轉用以自愧至於眾宗室見朕從寬優待益當思國法之不可犯循理守分承承朕寬厚之恩至若觸法抵禁如弘皙之行爲朕雖以不忍之心從寬發落而究未嘗廢棄國法也將此並諭眾宗室知之○已卯諭爲政之道莫先於勤朕日理萬幾惟日孜孜不敢暇逸朕旣恪恭於上亦必須諸臣黽勉於下庶交修不逮疏忽之漸無自而萌近見各部院辦事尙屬秉公但所奏事件較少於前從來政簡刑清原屬國家上理若未能臻上理之實效而徒務清簡之虛名必致將應辦事件日就廢弛矣凡朕御門聽政辨色而起每遣人詢問諸臣會齊集否數次之後始云齊集卽今日亦復如是諸臣於御門奏事尙且遲遲後期則每日入署辦事更可想見自古人君未明求衣聞雞問政人臣夙興夜寐靖共爾位堂廉之問動色相戒誠以勤怠之關卽敬肆之所由判也凡人之心敬難而肆易歌則日習於勤勞肆則日流於安逸心果克勤則雖無事可辦亦不失敬事之意若心圖安逸則雖當事之際亦不過視爲具文耳朕非因諸臣齊集稍遲卽加責備但敬肆之介不可不謹其幾書曰君子所其無逸又曰無曠庶官朕與諸臣當共勉之○普泰以偷安革職以舒赫德爲兵部右侍郎由左副都御史遷○庚辰免陝西榆林等十州縣逋賦○辛巳康親王巴爾圖等議奏弘皙大逆不道乞正法以彰國憲弘皙妻子請照例革去宗室爲民交該旗辦理其與弘皙結黨之莊親王允祿請仍照原議革去王爵諭王大臣所奏甚是弘皙情罪重大理應卽置重典以彰國法但朕念伊係 皇祖聖祖仁皇帝之孫若加以重刑於心實有所不忍雖弘皙不知思念 皇祖朕甯不思念 皇祖乎從前阿其那塞思黑居心大逆子犯國法然尙未如弘皙之擅敢倣照國制設立會計掌儀等司是弘皙罪惡較之阿其那塞尤爲重大但阿其那塞思黑尙屬小有才之人若弘皙乃昏暴鄙陋下愚無知之徒伊從前所犯罪惡俱已敗露見於東菓園永遠圍禁是亦與身死無異凡稍有人心

者請後州引哲倫齒於人制平今既繼王大臣如此奏請與引哲及伊子孫未便仍留宗室著宗人府照阿其那塞思黑之子孫革去宗室給與紅帶之例查議具奏至莊親王前與弘皙私相往來種種重罪俱經寬免今將官物私行抵換在王亦以爲尋常之事何足較論著仍遵前旨行○壬午準噶爾台吉噶爾丹策零遣使哈柳等奉表至京表曰噶爾丹策零謹奏 大皇帝前哈柳至奉

大皇帝敕書云休兵息民永歸和好則定界與否亦非要事誠使厄魯特不得過阿爾台山梁喀爾喀游牧亦無過扎卜堪庶幾彼此游牧隔遠如此定議俟回奏到日朕再降諭旨令喀爾喀等遵守事體聲名均有裨益竊思向來阿爾台爲厄魯特游牧杭愛爲喀爾喀游牧原無覺際今誠廣教安民堅守舊約原不在定界與否前已再三陳請今蒙 大皇帝鑒允不勝懼忭卽此爲定又蒙 諭旨卡倫係我 皇祖 皇考時安設仍應如舊其科布多所在不復駐兵每年止遣二三十人前往略地斷不致彼此相害

互有牽制已降旨爾使哈柳甯有改悔如此則我心亦不疑托爾和布延圖兩卡倫自不妨仍舊矣又 大皇帝諭旨有云朕不阻奉教之人往者爾等潛往西藏殘害土伯特令遠經行彼地恐土伯特懷憤生事果誠心往藏布施俟遵朕旨定議後許用百人赴藏朕特遣官弁護送按前此起釁發兵騷擾是實今一意尊敬黃教斷不致生事但馱載什物百人不敷乞許用三百人至貿易之事令哈柳面懇允行並隨表貢貂皮三十一張奏入報聞○甲申禮部議駁湖北巡撫崔紀奏孟子稱陳良悅周公仲尼之道又稱爲豪傑之士請從祀 文廟查從祀先賢先儒或當時親承私淑證道統之淵源或後來羽翼經傳實有功於聖學故列於兩廡以

光祀典陳良孟子所載因闕許行責陳相而偶舉其師其生平行誼無考又無著述可傳未可遽入聖門弟子之列應毋庸議從之○乙酉諭西藏貝勒頗羅歸遵奉諭旨敬信黃教振興經典練兵防卡甚屬勉著加恩晉封郡王○丙戌大學士鄂爾泰等會議僉都御史陶正靖奏北嶽恆山順治初於直隸曲陽縣祭十七年因臣下之請移於山西渾源州祭廢數千年相沿之典而從流俗附會之說所宜詳訂等語臣等謹按 欽定書經傳說彙纂內北嶽恆山小註載地理今釋云北嶽禹貢作恆山在今大同府渾源

州南二十里接直隸正定府界案恆山自班固漢志載於上曲陽而酈道元水經注以下咸宗之然今曲陽縣治距山一百四十里不若渾源州之近我朝自順治十七年釐正祀典參考輿圖移祀渾源山靈妥備誠宜率由舊章不必更議又奏康熙六十一年增祀前代帝王百四十有三名臣四十當日禮臣未能詳釋 聖祖仁皇帝諭旨故所增祀者尙有未當亦尙闕略等語臣等參考經

史公同詳議如所稱夏王孔甲商王祖甲史記譏其淫亂但史記雜採諸家原有未可盡信者如夏王孔甲蒙龍鑄劍雜見他書別無荒淫之蹟至祖甲爲商賢君書經無逸篇謂能保惠於庶民後之論者自宜援經以正史不應執史以疑經周悼王立未踰年國遭多難左傳並無見害於子朝之文西漢之元成東漢之桓靈以及唐宋之季雖政教式微但業業而安猶然共主明武宗除宸濠

稱唐之憲宗雖不克正終然有中興之功當以明愍帝爲比查憲宗削平方鎮力致中興唐之威令幾於復振但任用非人殞身宦

寺是以 聖祖仁皇帝增祀愍帝而不及憲宗也又稱魏之孝文周之世宗卓然一代令主國家每遇大典專官祭告而廟祀缺焉毋乃自相繆戾等語查魏孝文周世宗勤於為治留心邦本可稱令主但偏據一方從前定議俱不與從祀至每遇大典專官告祭所以著六朝後五代未有如二君之賢者義各有歸應將該僉都御史所奏增祀未當及闕略之處毋用議又稱從祀諸臣遺漏最多等語臣等伏思名臣應運代生祀典尊崇禮宜詳慎故虞室九官工垂不與若商之伊陟臣扈巫咸巫賢甘盤周之閔天泰顛散宜生南宮括載在尚書人所盡曉而當日增祀未經議及他如令德孝恭若君陳世篤忠貞若君牙均不在列實緣人才之盛難備及也東漢第五倫奉公盡節載於記傳但漢代如宋宏卓茂袁安魯恭輩行義俱與倫相上下未可槩從議增魏之高允無論已若唐魏徵宋王旦元耶律楚材明王恕楊廷和等皆有可稱之實而祀典不及蓋於同時同列中較德量功取彼遺此誠難其人而重其事也應將該僉都御史所奏從祀諸臣再加詳訂遺漏之處毋庸議又稱禮書例內正俗一條整齊教化每見臣庶之家簡於祭祀侈於婚喪請飭部通行各衙門傳知屬員並候選進士舉凡本處習俗悖理傷財之事許據實開送到館部臣纂修官會同商酌若所費無多於理未悖者姑從獵較之義其一切傷化耗財等事彙奏飭禁載入禮書犯者以違制論等語臣等竊惟 皇上特諭儒臣編輯禮書務使羣黎百姓易知易行誠宜去奢從儉大為之防以整齊而教化之應如所奏飭部通行辦理從之○己丑頒

聖祖仁皇帝御製文集 世宗憲皇帝御製文集並 御纂諸經於宗學○庚寅以阿里衮為兵部右侍郎由副都統遷希德慎為左副都御史降調盛京工部侍郎○辛卯特授原任大學士朱軾子翰林院庶吉士朱璣為檢討○壬辰進鳴爾夷使哈柳等人觀諭曰爾台吉噶爾丹策零奏章朕已觀覽悉遵諭旨朕深嘉與之朕為中外共主惟思與普天之下共享昇平今噶爾丹策零即違朕旨定界嗣後近邊居人各安故土更無爭競永遠安生矣至所請進藏熬茶乞用三百人朕已允行至貿易之事朕命大臣與爾定議去年爾來今年又至克成和好爾與有榮施朕向欲加恩於爾爾初到時即欲命爾進見因爾有足疾故至今日始令人觀爾善自調理近年節時朕再令爾入朝○是歲朝鮮來貢

乾隆東華續錄十一

乾隆五年庚申春正月壬戌諭今日御史朱續暉條奏三摺第一摺內稱人君之務但當精選賢能以要職則處躬不勞而收效甚大其餘煩碎之處不足留意伏願皇上寡欲以養身握要以圖政謹持大綱保愛精神等語朱續暉此奏大約見朕舊臆微感風寒偶爾違和遂以為煩勞所致殊不知寒暑中人眾所時有舊臘新春因冒寒而咳嗽者甚多不獨朕躬為然豈帝王之身便不容小有寒暑之不適耶一有違和即謂由於煩勞嗜欲此亦狂愚之見耳况新正以來朕恭侍 皇太后筵宴並賜宴諸王大臣及外藩王公等皆歷來應行之典禮豈可一槩停止至於節一身之勞遂將國家政務不事躬親向執要之名而開叢脞之漸則錯謬已甚第二摺內稱近日臣工大槩優柔假諛之意多而震動奮發之意少其勤者亦密於小節而疏於大體此乃人情疲玩之機政令

怠弛之漸等語此數言頗中時弊不獨朱續暉言之朕亦早見及此內而九卿外而督撫俱當時時傲愒吝矢忠純以盡職業務為根本遠大之圖毋徒從事於簿書案牘貽小臣之指摘是我君臣所當共勉者古云王道無近功雖為治有本然亦推行有漸轉移風氣實非一朝一夕所能旋至而立效也朱續暉以為效法漢之文帝唐之太宗不若效法唐虞三代法漢唐而不至則去之愈遠弊端叢生法三代而不至猶無一偏之弊可享中和之福朕再四思維以今日風氣言之不但不能遠追三代即文帝太宗亦豈易幾企亦惟有以實心行實政不期近功不圖速治徐以俟之或可漸臻上理若浮慕虛名有意規倣則效法漢唐尚屬虛假而況於唐虞三代乎第三摺內奏稱督撫舉劾不能弊絕風清舉循良而循良不盡舉劾貪昧而貪昧不盡劾又其狡者循良本不必舉而舉之中必間以循良以塞人口貪昧本不必劾而劾之中必間以貪昧以壓人心等語夫舉劾不當亦有有心無心之別為督撫者所轄通省屬員甚多或識見不到或訪察不周致有錯誤尚屬無心之過至於徇情受賄顛倒是非則過出有心罪不容貸近日督撫中尚未必有其人朱續暉既為此奏想伊必有實據此處甚有關繫著朱續暉逐一舉出據實具奏再朱續暉三摺內既云不實煩勞又云乘時振作是伊前後立言已自相矛盾朕將何適之從耶將伊三奏一併發鈔俾內外臣工共知之○以魏定國為山東布政使倫達禮為西安按察使原任福建按察使○甲子命湖北守巡二道每歲各出巡所轄○乙丑諭國家一應賦稅無論正雜羨餘凡徵之官府者俱係出之閭閻究其實乃以天下之物力供天下官弁兵民之用為上者不過為之權衡調劑於其間若經理其事者稍有纖毫假借則大不可也前者各省臣工不能砥礪廉隅取之民者既極煩苛而侵之官者又多虧空計其贓私動逾累萬以致身罹法網貽害妻孥仰蒙 皇考世宗憲皇帝聖慈矜憫提撕警覺釐剔肅清所有一切陋規悉行裁禁以紓民困俯允直省督撫所請將舊有耗羨一項酌定額數用資各官薪水及地方辦公之需名雖提解耗銀而較之從前私派私收固已輕減數倍矣自奉行之後官員無拮据之憂百姓免需索之累吏治民生稱為兩便此實中外所共見者朕御極之初曾降諭旨飭令督撫毋得重耗浮徵致困閭里凡賦多稅重之地屢加寬減民捐官墊之款悉動存公乾隆三年又將解部減半平餘一項扣存司庫以備荒歉應用蓋因各省公用甚繁而耗羨無幾惟恐所入不敷所出是以不惜部庫之贏餘留備地方之不足各省督撫藩司皆當加意慎重不時查覈減官吏一分之浮費即留百姓一分之實惠此理顯然可見乃比年以來或無關緊要之事遽行動用即例應支給之項亦有浮開部駁覈減時見章疏其扣存備賑平餘銀兩各省有已經報部者亦有未經報部者遇有應辦賑務仍多臨時請撥由此類推則司庫所存公項未必盡歸實用雍正十三年六月內會奉 皇考諭旨將各省耗羨存公銀兩敕令清查原屬防微杜漸之至意朕嗣位之初念耗羨不同正項從前原未定有章程且歷年已久各省規條不一官員更換亦多况復恩詔屢頒縱有拖欠亦當在寬免之列是以諭令暫行停止清查今看各省情形漸滋冒濫若不早加整頓立法防閑必致那移出納弊叢叢生一經敗露國法難寬揆之朕愛養教誨之心固有所不忍即經辦各員噬臍知悔已屬難追是及今綜覈清理亦豫為保全之道也戶部

可行文各省督撫將地方必需公費分晰款項立定章程報部覈明彙奏存案嗣後務將一年之內額徵公費完欠雜支同餘積未給各數目逐一歸款各官養廉照依正署起止月日應得分數並扣除空缺詳悉登記其收數內有拖欠未完者分別應否著追其支數內有透動加增者分別是否應給有無那移虧缺之處俱於歲底將一切動存完欠確數及扣貯減免平餘銀兩造冊咨送戶部覈銷如此年清年款則民力輸將均歸地方實用而經理之員亦免罹於參處矣○丁卯諭前日御史朱續暉奏稱督撫舉劾不能弊絕風清所舉不盡循良所劾不盡貪昧又其甚者循良本不必舉而舉之中必開以循良以塞人口貪昧本不必劾而劾之中必開以貪昧以壓人心等語朕以此處甚有關繫想伊必有實據令其逐一舉出指實具奏今朱續暉奏稱安慶府知府郭朝端衛永彬道許登瀛皆大計卓異之員而又貪婪被劾灤州牧朱煌保題方及數月而以貪革靜海令劉浩基保題甫經一載又以貪革等語朱續暉之意卽以此爲督撫舉劾不公之明證耶殊不知居官之人始終改操前後易轍者往往不免書云惟聖罔念作狂惟狂克念作聖固未可以一時之操履而遂定其生平也是以各省督撫考察屬員有先舉而後劾者又有前後督撫此舉而彼劾者若謂一舉之後不可復劾其勢必至於迴護本身瞻顧他人置公道於不問豈非導天下以徇情怙過之大弊乎其所見甚屬鄙陋朱續暉又稱風聞見審未結事件內如王德純一案有與督撫關涉之處雖風聞未可遽以爲實而有心與無心有不敢違信者又稱臣所愧者學識鄙淺言詞拙滯徒抱獻納之志無能效一得之愚等語朱續暉條奏其中或是或非朕皆一一指示又稱督撫舉劾不公所關甚重豈可徒託空言而不究其實事是以令其明白陳奏此正諄切求言之意伊乃奏稱徒抱獻納之志無能效一得之愚竟似朕不採納其言者朕深鑒拒諫之非是以卽位以來虛懷納善研求治理惟恐涉於偏倚之心人所共知自有公論豈因朱續暉一人巧語微詞欲自盜忠直之名而天下臣民遂疑朕爲不受諫之主乎朕若因是而將彼交部議處未爲不可但朕聽此等狂瞽之言實不介意而巧詐譏刺者亦不可不明白指出以示人耳至王德純一案據伊所奏頗有關繫著伊卽馳驛前往福建會同督撫詳確審明具奏如能審出實情則伊爲行願其言之人矣○戊辰江南壽州麒麟生○湖南綏甯等處苗匪滋事救巡撫馬光裕調兵剿撫○兩廣總督馬爾泰奏上年安南有矣長自號交江王後裔與鄭姓對敵占奪該國興化地方未久卽投誠滇省後復有祿平州土官韋福瑄攻掠諒山欲劫鄭姓旋聞該國已與講和漸俱甯帖臣惟密加巡防外示鎮靜報聞

二月丁丑命直隸山東山西湖南廣東等省招商採煤○己卯賜準噶爾台吉噶爾丹策零敕書曰準噶爾台吉噶爾丹策零朕爲闡教安民之故降旨息兵往者以疆界必宜定議台吉雖數遣使來輒以必不可行之事借端要請是以議久不決前年爾遣哈柳入奏請厄魯特毋得越阿爾台山梁喀爾喀仍居扎卜堪等處此卽與定議無異又奏稱布延圖托爾和兩處卡倫稍向內移朕以卡倫不可移動之處降旨開示令哈柳齎還今台吉復遣哈柳來辭甚恭順且謹遵朕旨每年止遣二三十人巡察科布多其卡倫請仍設置如舊朕覽之欣悅但原議以阿爾台山陽至塔卜塔克拜塔克烏蘭烏蘇羅卜諾爾噶斯口爲界今奏內尙未聲明故朕

命大臣詳問哈柳據稱以阿爾台山爲界業已指明山南之人仍住原處自不待言何庸復議觀此則一切俱遵朕旨更無可議之事朕卽降旨喀爾喀令勿諭扎扎堪等處矣朕爲大君統一中外天下眾生一體愛育今爲廣教安民罷息干戈彼此旣成歸和好當各飭所屬毋違定約妄生事端若違守勿替則黃教自此愈興眾生永享安樂之福爾又奏稱前請往藏熬茶實爲敬信喇嘛之故豈敢生事但帶往什物甚多百人難以運致故此不能與哈即同來伏乞許用三百人爾前以班禪額爾德尼圖寂之故欲使人入藏熬茶誠心奏請朕已諭行止令人數毋過百今爾又以運物百人未敷請增至三百人朕更加恩允准爾須選擇曉事之人其赴東科爾朕當遣人護送至貿易之事朕令大臣與哈柳定議亦如俄羅斯例四年貿易一次人數不得過二百八十日還部來京者道出肅州西安其往肅州者亦以四年爲限數不得過百人除禁物外買賣各從其便再爾部人來若與俄羅斯同在一年恐於爾等無益今定於寅午戌年來京子辰申年至肅先期以起程之日與何日可入境報知邊境大臣俟其奏到更當遣官護理爾亦宜擇信實之人來時更明白曉諭之無得滋事再台吉若別有奏請之事仍更遣使減省僕從勿攜貨物旣入我境更令馳驛前來此次台吉一一恪遵朕旨實心恭順朕甚嘉之用從前和好之禮隨數賞各色段十六端○辛巳命貴州設社學○癸未工部尚書魏廷珍以老病乞休得旨魏廷珍歷任中外凡事推諉從不實心供職 皇考世宗憲皇帝會屢降諭旨申飭此眾所共知着朕御極之初仍留尚書銜將伊派往 泰陵料伊或勉勵思奮痛改前非嗣因左都御史缺出一時不得其人是以前復行起用旋升工部尚書詎伊到任以來並未擔當一事建白一言亦未奏請面陳一語從前習氣並未悔改今又以老病乞休希圖始終保全更冀在家食俸似此因循懈怠持祿保身之陋習斷不可長魏廷珍著革職以爲身爲大臣膜視國事止知自爲者之戒又諭魏廷珍凡事推諉不肯實心供職因循懈怠始終一致有負簡用之恩已降旨將伊革職朕恭聞 皇祖實錄載有 諭旨云九卿會議時但一二人發言眾俱唯唯其漢大臣則必有涉於己之事方有所言其不涉於彼之事即默無一語尤可異者前人書題後人亦依樣畫題不計事之是非但云自有公論甚至有書題已畢始問爲何事者如此甯不愧舉國之清議此 皇祖當日之諭旨也 皇考御極十三年時加訓誠力爲整頓此風已經悔改乃觀近日情形漸有復蹈前轍之意如朕所簡用之大臣內如楊超曾陳惠華田懋未爲習氣所染至於任蘭枝吳應榮凌如煥輩俱非不能辦事之人而從事模稜依違兩可此等陋習若不淨做暢改悔或反以爲得計則廢弛之漸又將從此而開所關匪細從來有實心者斯有實政旣無實心自無實力旣無實力安望其有實政故因處分魏廷珍特行曉諭九卿等嗣後務矢忱忱毋蹈魏廷珍故轍朕實有厚望焉○乙酉諭致仕左都御史楊汝毅謹愼老成宣力年久前以衰老乞休朕允所請俾養餘年今聞溘逝深爲軫惻應得卹典著察例具奏尋予祭葬諡勤恪○丁亥命臺灣調補人員年限年分並准隨時揀發○壬辰命河南巡撫兼提督銜○甲午命直隸山東挑漳水子河○丁酉設唐古特助教○戊戌以韓光基爲工部尚書

由副部左
侍副選

三月丁未召胡濂來京調高山為山西布政使以閻憲熙為四川布政使吳龍應為湖北按察使由武漢黃德道遷○設古北口兵備道○

庚戌召鄂爾達來京以尹繼善為川陝總督由刑部尚書遷○辛亥奉天蓋平縣麒麟生○癸丑挑南運河○乙卯命各省修關隘○丁巳

定國子監南學學規○己未轉王安國為刑部左侍郎以楊嗣璟為刑部右侍郎由大常寺卿遷○以德爾敏為左副都御史由通政使遷○辛

酉諭今日都察院因紅帶子弘暉等懇請迎養嫡母查克丹接呈轉奏天迎養嫡母乃是好事朕若不允是不能成人之孝矣但其

中情節宗人府該旗無不備知今朕面訊查克丹云汝摺內但稱弘暉等曾在宗人府具呈宗人府不曾接奏至伊等曾在該旗具

呈與否汝亦會查明否查克丹回奏未經詢問不知曾否具呈等語夫都察院為申冤理枉之處若人在宗人府具呈不接該旗具

呈又不接都察院原可代接轉奏未有不經該旗而都察院竟代人奏事者且自查克丹為左都御史以來為人所申者何冤所理

者何枉而亟亟代人奏聞此事查克丹原係庸碌無能之人伊何敢冒昧代人奏此等事且宗人府託故不奏亦知其不應代奏耳

乃查克丹並不詢其曾在該旗具呈與否輒為代奏明係受人指使且引錫類之文令朕不得不從即此豈查克丹意料所能及查

克丹著革職交部嚴審其與何人商量受何人指使之處該部必將情由究出定擬具奏弘暉等乃身獲重罪之人朕即位以來格

外加恩給與紅帶子並賞以田宅乃伊等不知感恩守分仍復生事看來終不安靜著該旗嚴行管束如再有生事之處朕惟該旗

大臣是問○乙丑禮部議准江西巡撫岳濬奏饒州府樂平縣明故知縣張彥方捐軀殉節雍正四年奉 恩詔入忠義祠已有小

旱疾疫祈禱輒應靈昭顯立祠於縣儀門右請救加封號以示褒崇從之尋錫號曰忠貞慈惠之神○丙寅晏斯盛丁憂以包括

為安徽布政使陳宏謀為江蘇按察使由直隸天津道遷○己巳以杭奕祿為左都御史調阿克敦為刑部左侍郎以德齡為工部左侍郎

由盛京工部侍郎遷○庚午命奉天廣南義州設旗倉

夏四月壬申命各直省封印後用豫印空白○甲戌諭河南巡撫雅爾圖奏稱田文鏡在豫百姓至今怨恨不應入豫省賢良祠朕

批示此等事何須亟為之若行撤去豈不有悖於 前言乎使田文鏡尚在朕不難去之罪之今已歿矣在祠與不在祠何礙於事

况今日之在祠將來應撤者正不知其幾何也何必亟亟於一田文鏡若出於識見之迂尚可若出於逢迎與彼不合之人之意則

朕所望於汝者又成虛矣朕觀雅爾圖此奏並不從田文鏡起見伊見朕降旨令李衛入賢良祠其意以為李衛與大學士鄂爾泰

素不相合特借田文鏡之應撤以見李衛之不應入耳當日王士俊請將田文鏡入賢良祠係奉 皇考諭旨允行者今若又將伊

撤出是翻從前之素矣試思田文鏡留於祠中於國計民生有何關係而此時必欲行此翻案之事乎又如前日查克丹奏請弘暉

迎養嫡母一事弘暉係獲重罪之人朕所以給與紅帶子者誠恐日久之後漫無分別多有未便乃事之不得不如此辦理者至於

迎養伊母之奏朕若允行在伊一家必感激朕恩然以今日之迎養為恩必以從前之治罪為怨似此市恩翻案之舉朕必不為也

當日鄂爾泰田文鏡李衛皆嘗撫中為 皇考所最稱許者其實田文鏡不及李衛李衛不及鄂爾泰而彼時三人之素不相合

亦眾所共知從前蔣炳條陳直隸裁兵一事又有人條奏直隸總督應改為巡撫皆外間皆以為出鄂爾泰之意前日李衛之子李星垣初到京師即具摺奏稱伊父李衛平日孤身獨立恐不合之人欲圖報復朕命訥親嚴行申飭云汝不過一武職小臣即有與汝父不合之人欲圖報復者朕乾綱獨攬洞察無遺誰能施其報復之私心汝係新進之人即存此念甚屬糊塗將來豈能上進李星垣陳奏時雖未明言朕即知其指大學士鄂爾泰也從來臣工之弊莫大於逢迎揣度大學士鄂爾泰張廷玉乃 皇考簡用之大臣為朕所倚任自當思所以保全之伊等諒亦不敢存黨援庇護之念而無知之輩妄行揣摩如滿洲則思依附鄂爾泰漢人則思依附張廷玉不獨微末之員即侍郎尚書中亦所不免即如李衛身後無一人奏請入賢良祠者惟孫嘉淦素與鄂爾泰張廷玉不合故能直據己意如此陳奏耳朕臨御以來用人之權從不旁落試思數年中因二臣之薦而用者為何人因二臣之劾而退者為何人即今日進見之楊超曾田懋皆朕親加簡拔用至今職亦何嘗有人在朕前保薦之乎若如眾人揣摩之見則是二臣為大有權勢之人可以操用舍之柄其視朕為何如主乎但人情好為揣摩而反躬亦當慎密即如特古勒德爾因派出坐臺託故不往朕加以處分又刑部承審崔起潛一案擬罪具題時鄂爾泰曾為密奏後朕降旨從寬而外間即知為鄂爾泰所奏若非鄂爾泰漏洩於人人何由知之是鄂爾泰慎密之處不如張廷玉矣嗣後言語之間當謹之又謹又額駙策凌到京會奏特古勒德爾年老請令回京又法敏富德常支輩策凌亦曾在朕前獎以好語又謂富德宜補隨侍讀此必鄂爾泰曾向伊言之故伊如此陳奏也今鄂爾泰奏辨並未向伊言之夫向伊言之而奏固屬不可若未向伊言而伊揣摩鄂爾泰之意即行陳奏則勢力更重額駙且然何況他人鄂爾泰亦能當此語乎朕於大臣視同一體不但欲其保全始終且於疑似之際亦每為留意以杜外人之議論即如前日刑部侍郎員缺朕原欲批用張照因彼時鄂爾泰未曾入直而張廷玉在內朕恐人疑為張廷玉薦引是以另用楊嗣璟又如勵宗萬不安靜鑽營生事朕因其小有才具尚可驅策令其在武英殿行走亦足滿其分量矣而外人以為張廷玉所劾不得起用其實當日勵宗萬保舉受賄一節果親王曾經奏聞並非出於張廷玉也朕之用舍悉秉至公朕之繼述期於至當若謂 皇考當日所用之人不應罷黜所退之人不應登進如大學士鄂爾泰豈非吉退閒居而朕特用之大臣乎又如前日吏部為恆德變職事具摺請旨朕因摺內奏稱雖與鈞減之例相符而與奉有特旨多煩羅之案似同一例等語恆德係訥親一族不應如此措辭朕不準行且面加訓諭之鄂爾泰張廷玉乃 皇考與朕久用之好大臣眾人當成全之使之完名全節不受國恩豈不甚善若必欲依附逢迎日積月累實所以陷害之也朕是以將前後情節徹底宣示深欲保全之二臣當更仰體朕心益加敬謹以成我君臣際遇之美

輸將卽借貸完納卽至稻穀登場拮据仍所不免查滇黔兩省土宜物產地氣天時無不相類若做照黔省之例九月開徵次年三月全完有益民生並無虧正賦請自乾隆五年爲始將滇省各屬應徵地丁銀兩照黔省辦理者爲定例從之○乙酉鄂爾達以兩廣總督任內縱庇家人革職○己丑以那蘇圖爲刑部尚書○辛卯賜故直隸總督李衛入祀賢良祠○壬辰免扣出征傷病官兵豫借銀兩著爲令○甲午諭今年春間雨澤尙屬調勻自四月以來漸覺愆期昨雖得微雨仍未霑足若再遲至旬日之後必成旱象二麥收成必致有減分數著禮部虔誠祈禱朕因近日少雨宵旰焦勞無時或釋屢向大學士等諮詢籌畫咸召天和惠濟閭閻之道今日特召爾九卿等面降諭旨朕之念切憂勤無非爲百姓起見蓋以百姓皆朕之赤子也君臣一體朕之赤子獨非諸大臣之赤子乎儻或年歲歉收朕與諸大臣官員豈至有飢餓之患而百姓饑殍不給嗷嗷待哺是猶爲父母者晏然飽餐而聽其子之號飢於側於心忍乎此數日中得邀上天慈恩甘露大沛自可仍望豐收設或竟成亢旱則當豫爲未雨綢繆之計凡有可以裨益閭閻者爾等悉心籌議及時料理庶幾有備無患朕御極五年以來畿輔之地雨暘不能時若上年秋成稍覺豐稔今歲春初頻得時雨朕心方爲慶慰不意目下又有旱象朕於用人行政之閒反躬自省仰承上天眷顧之隆皇考付託之重兢兢業業不敢有負此朕心可以自信者然一日萬幾不敢信爲一無闕失也卽大學士與參機務隨朕辦事又豈能保其一無過愆人苦不自知見人之過易見己之過難如鏡之能照物而不能自照也爾等見居九等之列皆爲朕之股肱儻政事或有失於寬縱及失於嚴刻之處爾等宜平心細想有應入告者或聯銜具奏或各抒所見據實直陳務期於國計民生實有裨益儻撻拾虛詞以用人行政爲無可置議或揆索瑣事苟且塞責皆非朕所諄諄期望於爾等者夫朋友之閒尙有規勸之義况我君臣詭關一體者乎至科道爲朝廷耳目之官朕廣開言路獎勵多方並令翰林郎中參領等官皆得建言原冀有裨國是乃數年中條奏雖多非裨損陋見卽劾獲陳言求其見諸施行能收實效者爲何事乎且近日科道官敷奏亦屬寥寥卽開有條陳多無可採卽如官福參奏工部一事有意苛求皆屬空中樓閣毫無實據朕不准行降旨申飭如此等者謂之不聞言路可乎部院奏事近來亦屬簡少或因朕躬欠安之後尙須調養有意減省遲延耶雖見在事務未見貽誤然如此存心乃婦寺之忠愛非人臣事君之大義也若因朕此旨又復陳奏一二無關緊要之事以見供職之勤此又毫無識見者矣卽如各部司官中頗有年力老邁不能辦事之員該堂官多以無甚過失姑爲優容不知此輩久占員缺凡行取知縣及額外候補人員內才具可用者轉致壅滯無缺可補應將見在司員老邁者甄別沙汰令其休致此等素餐之人仍得原品回籍亦非過刻之舉此卽各部所應辦之一事也總之我君臣皆當以實心行實事刻刻以民生爲念不得稍有粉飾視爲具文乃可上感天和下裨庶政爾諸臣當交相勸勉以仰副朕意並將此旨傳與科道翰林等俾共知之○吏部議准河陳河道總督白鍾山等奏山東黃運兩河止設管河道一員道里懸遠必得大員分任專司防守查兗沂曹道曹單二縣卽其所轄地方東省黃河係在曹單二縣汛內管理甚便該道專司分巡職事稍簡河務不難兼管與其將黃運兩河

令河道一員兼管顧此失彼不若令克沂曹道分任更為妥協請將管河道改為通省運河道專管運河一切蓄洩疏濬開闢事宜仍管河庫事務克沂曹道改為分巡克沂曹三府專管黃河一切事宜於運道民生均有裨益從之○轉浚如煥為兵部左侍郎以王承堯為兵部右侍郎許王猷為內閣學士由禮部○以偉慈為盛京工部侍郎由大理寺卿選○戊戌諭從前師生同年袒護朋比最為惡習關於風俗政治者非淺我 皇考當日屢垂訓誡力為整頓此風已覺改易近日以來又有復萌之意前日陶正靖因升授太常寺卿具摺謝恩朕召伊進見面詢云見在雨澤愆期朕用人行政之閒或有闕失召爾獨對爾當直陳無隱伊沈思良久奏云並無闕失惟有處分魏廷珍一事不無屈抑朕思魏廷珍歷來居官一味因循推諉從未擔承一事不過師友同年援引標榜博取虛譽有負國恩朕是以因其自請罷歸降旨革職伊既請離任已不供職與國計民生有何關繫而陶正靖獨舉此一事為言豈得謂之直陳無隱乎彼時朕並無責伊之詞亦無疑伊之意及恭閱 皇考實錄癸巳科拔取翰林知魏廷珍任蘭枝孫嘉淦等皆係同年朕即疑陶正靖必係伊等之門生昨日禮部引見朕問任蘭枝伊果稱陶正靖係伊門生如此明係任蘭枝將魏廷珍屈抑之處向伊言之而以此奏據任蘭枝辨稱未曾向伊言及則必陶正靖私心揣合任蘭枝之意互相袒護矣因此事有關於師生年誼比周朋黨之漸特令任蘭枝將朕旨寫出申飭陶正靖並使眾人知所儆戒至於陶正靖係任蘭枝之門生朕問任蘭枝始知之並未向他人問及乃伊書寫朕旨作為問陶正靖而知之其居心詐偽避重就輕欲於筆墨之中逞其伎倆朕豈不讀書之主於字句抑揚開不能辨別其用意之所在乎據此朕之所疑者確中情事矣且伊奏稱年老耳聾一時誤聽儼然以舊臣自居試問伊自登仕籍以來為國家宣猷效力者何事亦不過周旋世故依違觀望如魏廷珍之輩為仕途巧宦耳即此刻朕傳見大臣等而任蘭枝係進呈旨意之人竟在外道遙自如以致諸臣等候良久屢經傳喚而後至是何心陶正靖任御史時伊尚肯建言是以屢加擢用至太常寺卿尚欲用為學士侍郎等官此朕之本意也不料其人品心術竟不堪問如此任蘭枝陶正靖俱著交部嚴加議處陶正靖降旨革職○湖南巡撫馬光裕奏報雨水春熟情形並呈進土產祁陽葛布一百疋芽茶一百斤得旨汝守土之官又無兼管關稅此進甚非芽茶此次姑收以後不可○貴州總督張廣泗奏敬知 聖躬安愈伏願稍節萬幾常存頤養得旨覽奏具見卿關切之意然古云朕躬雖瘦天下必肥朕豈懼一身之勞而致庶事於叢脞乎

五月壬寅額駙策凌等奏喀爾喀準噶爾以鄂爾海分界從之○癸卯飭各省毗連州縣會緝逃盜○丁未召崔紀來京以班第兼署湖北巡撫○己酉以汪由敦為內閣學士由翰林院侍講學士○辛亥命蒙古王等源流檔冊家譜五年進呈一次○甲寅 上詣 黑龍潭祈雨○丙辰命刑部清理庶獄○庚申閩浙總督宗室德沛奏署福建巡撫王任任納賄婪贓各款得旨革職嚴審○以王恕署福建巡撫程仁圻署廣東布政使○辛酉御史朱續焯奏臣奉命到閩會同該撫審理王德純一案署撫王任任不願臣等覆審始而好言懇求繼又危言箴制及至會審多方阻撓會彙時又云何承玉一段敘得日月太分明因私立一案要臣照依改用臣

不肯從及騰清葉時仍然畫奏又以好言慰臣惡臣奏也又聞 皇上初發六款交伊質審郝玉麟屬其不可審實故審後未經奏明先錄稟寄信送郝玉麟看此次會稟一定伊又即日飛飭千里馬將稟送至蘇州與郝玉麟看且伊在閩數年品望操守甚劣因畏臣聞知臣行至清河地方即密差心腹暗伴臣行及至省城防閑甚密故未得詳訪其實蹟然細觀其為人機詐為心既義臣節而趨利巧偽成性復借欵案以營私居心行事如此豈堪封疆重界臣不敢不據實奏聞諭王仕任由福建道員朕屢加擢用至巡撫重任伊稍有人心自當潔己奉公感激圖報乃湯檢踰閑婪贓作弊朕不意其負恩一至於此昨據德沛列欵參奏已降旨革職交德沛等嚴審定擬今觀宋續暉所奏則王仕任之喪心病狂小人之情態畢露矣至郝玉麟身為總督以王德純貪婪不法之員不但不行糾參且題升知府又於朕前以才情敏練辦事實心具摺保奏是誠何心郝玉麟著交部嚴加議處督撫為通省屬員之表率必操守廉潔品行端方庶幾樹之風聲可收激濁揚清之實效况朝廷厚給養廉使之用度充裕更不應私收餽送令屬吏得以藉口開巧取之門也聞廣風氣向號奢靡而郝玉麟鄂彌達莅任既久未能屏除一切不知天下事當豫防其漸始而食物餽遺食物不已必至玩好玩好不已必至金銀其為吏治官方之害者實非淺鮮朕今用德沛馬爾泰為總督此弊乃得肅清此亦人所共知者郝玉麟鄂彌達皆 皇考簡用之總督使當 皇考時敢於如此則早遭刑憲矣今敢如此是明欺朕年幼也朕非不欲保全其始終乃鄂彌達信用劣員王元樞庇護劣員袁安煜已經敗露革職而郝玉麟保舉劣員王德純又復敗露國家亦何賴於此等封疆大吏耶宋續暉據實陳奏甚屬可嘉著交部議敘○甲子以楊超曾署兩江總督由兵部調調楊嗣璟為吏部右侍郎以張照為刑部右侍郎由內閣學士遷○丙寅調阿克敦為吏部左侍郎常安為刑部左侍郎以安山為盛京兵部侍郎○是月左副都御史尹會一奏前面奉諭旨各部司官年力老邁不能辦事者彙行沙汰休致今又奉旨江西饒州府知府張鍾年老者照例以京員補用查知府例補員外見在沙汰年老司員而忽有是旨不惟無以服見在沙汰各員之心且旬日之間綽綽互異何以昭畫一之法守乎伏思 皇上日理萬幾雖聰明天縱豈能纖毫不遺拾遺之任責在臣工嗣後請做封駁之遺意凡降諭旨例行覆奏務令述旨之大臣斟酌無異始行頒發備有前後不符及未便奉行之處許其面請較正畫一方稱允協得旨此奏甚是著內閣存記至張鍾可否仍補部員之處大學士會同該部驗明具奏

六月癸酉命阿里衮朱必階查勘山東沂州等處水旱災○命張廣泗來京陛見以張允隨署貴州總督慶復兼理雲南巡撫○丙子諭國家政事理惟一是而臣工所見或有不同各抒己見兩議三議陳於朕前不肯隨聲附和亦人臣以誠敷奏之義但其中亦有不可不杜其漸者近來如河道總督白鍾山所題開濬引渠一案九卿為前議諷親梁詩正為後議朕見後議內恐將來河工開冒銷之弊議駁為是是以批准後議又廣東署撫王夔所題宋廷達誘姦八歲幼女一案吏禮兵工等衙門為前議刑部戶部為後議朕見後議內引上年直隸蔚州舊案會改立決為監候是以批准後議在朕一秉至公毫無成見披閱本章務加詳慎即兩議三

爲兩議未見有無所依傍直抒己見或一人或數人另爲一議者是名爲不附和而暗有附和之意名爲不爭競而潛滋爭競之端朕謂宜杜其漸者此也可傳諭九卿等知之○庚辰諭御史胡定奏稱慎簡人才吏部之職近日吏部選官不過查考冊籍名大某係頂選卽合掣籤無所爲鑑別掣籤之後雖有九卿驗看之例亦多無所可否至引見之時固由睿鑒然掌吏部者並不加以甄別惟聽取舍於九重殊失銓衡之義况知人則哲自古爲難俄頃之趨踰奏對人品亦難猝定請敕下吏部嗣後選用官員務加甄別九卿驗看必加察覈其人或宜繁缺或宜中缺或宜簡缺或宜調補州同或宜改就教職或宜原品休致俱出具考語九卿意見或有所不同另出考語俟引見裁決等語古來銓選之法屢變而皆不能無弊惟按冊掣籤尙有成法可稽比之前明之擬缺注選者實爲公正此天下所共知者蓋吏部大臣與就選人員素非相習其人品之賢否才具之短長斷不能周知卽令其注缺亦不過觀其言貌年齒其入地之果否相宜亦斷不能保其悉當此皆理之顯而易見者至九卿驗看原令伊等將所知若有出身不正行止不端者據實舉出亦非榮論尋常就選之人也今胡定欲委吏部以甄別委九卿以察覈令其出具考語夫考語者考覈其居官行政之實卽虞周三載考績之意今月選官員甫經除授何所據而加以考語乎且伊謂引見之時俄頃之趨踰奏對人品難以猝定然則吏部九卿掣籤驗看之時獨非俄頃乎又何從而定其人品也至酌量繁簡偶有改調此朕量才授任之意出自親裁則可若委之吏部九卿可乎不可乎近日御史中又有條奏各省衝繁疲難之缺不可令督撫揀選題補者夫以督撫身任封疆屬員之賢否易知見任之實蹟可據尙謂不可盡信胡定乃欲責吏部九卿周知天下人才於未經歷試之先能乎不能月官引見時偶有教者休致二項乃因伊等年力甚衰不得已而行之近見舉人就選多至二十餘年以外伊等讀書一生得官垂暮乃無罪而廢黜之既無以服其心朕亦有所不忍也若令吏部九卿察覈其勢必致多所放棄於情亦深爲可憫此皆事之必不可行者吏部九卿皆朝廷股肱耳目朕或咨詢訪採原可各抒所見若者爲成例令其甄別察覈卽在大臣可以信爲無私而屬員親戚胥吏家人等皆謂其可操翻陟改調之柄必致影射招搖而選人之奔競鑽營安希趨避百弊叢生皆從此始矣胡定此奏甚屬錯謬特降諭旨開導之將原摺發還○大學士等議覆雲南總督慶復等奏都電土目翁貴忽帶土兵數百到馬鞍山揚言來請領回矣長該汛弁密訪具知其詐實欲藉是以恐嚇矣長餘黨令賊不敢再近都電之計等語閱安南國第二次咨文云昨者都電土目已於界首請領兇渠希望解來付與接回肆諸市朝以示懲艾經該督等以矣長既投到邊該土目冒昧邀請發人成何體統見今備細訊鞫具誠奏請審斷施行再爲咨達等因咨覆又據該國第三次回文云土目邀請矣長係在本國檄下茲蒙咨示謹合惟命等情是安南內亂其順逆勝負各情形仍在未定所有連界各處關隘嚴謹防範及安輯民夷等事宜各該省俱久經遵照辦理無庸復議惟是矣長一案前據該督於其投降之時照依傍文許以不死隨奉諭旨今天朝旣容其投降則安南自不能過問爲該國王計將何以辦理

設使安南國王以爲納彼國之叛寬彼國之仇竟行詰問該督等又將何詞以對可即馳信與慶復等就見在辦理情形悉心妥議務有以服安南國王之心而不失統御外藩之大體今據該督等所奏都竟上目揚言請領矣長安南兩次回文亦以請領兇渠爲言彼既行屢請並聽後命而矣長又斷不便復行解送彼國臣等酌議在矣長乘隙生亂固爲該國之叛人但彼時該國並未遣兵勦捕若非沿邊將士用兵彈壓明切開諭則羣匪益熾煽惑愈衆爲該國計實不免大恐是以姑示招安以散餘黨而矣長果震攝兵威俯首乞命天朝義不殺降故稍緩其死押解審擬此權宜使然亦信義所在嚮使該國一聞矣長叛亂即便勦捕重咨請協擊則一經就縛自應發交該國明正其罪安南之叛人卽中國之匪類於彼於此何容區分今總督見在覈定請旨與該國自行究治無異無庸復行解送該國亦不必遠行請領應令該督酌照此意咨覆安南至矣長作何發落之處仍聽該督等另行訊擬具奏請旨可也從之又查查慶復等奏稱去年四月開設郡公已將衛南王鄭種謀害仍扶立衛南王之弟爲明都王等語而明都王行下告條內又云奉王兄優游頤養遙處行宮則是衛南王仍在再安南國王稱王其下多稱爲公今衛南明都相繼稱王且告條內居然云王者受命正始爲先語多僭妄或係鄭姓已有篡國之事此皆關彼國順逆情形應令該督等再爲探訪確信具奏奏入報聞

○癸未以謝道承爲內閣學士由舉○丁亥諭吏部鄂容安著補授詹事府詹事大學士等承旨之時鄂爾泰以身任大學士伊子弟果能立志向上諸事勉勵斯能不愧世臣可以爲國家宣力朕看大學士之子鄂容安張若靄朱必階皆能遵守家聲祇受國恩况鄂容安張若靄向蒙 皇考今在軍機處行走原欲造就成人此次擢用乃朕量才如恩即我者培之道大學士鄂爾泰不得以己意固辭並將此旨諭臣工等知之○命親老改近人員准入大計○戊子禁革職人員濫用章服○辛卯吏部議覆江蘇按察使包括奏分巡大通道於雍正八年奏設原因崇明一區地當長江大海武職設有總鎮文職僅止縣令又與通州接壤居民互爭沙地添設道員清釐沙地彈壓地方今漲出沙地在崇明之北通州之南崇人越海相爭該道駐紮崇明勢必越海割斷徒滋奔馳擾累不如移駐通州於海疆更有裨益應如所請從之○丙申湖廣提督杜愷奏綏甯縣上中下三界溪頑苗不法派兵勦捕連破

三寨得旨嘉獎

閏六月庚子朔諭地方官化導游民○命直隸嚴緝盜賊○丙午命浙江省採買滇銅開鑄○丁未諭湖廣總督班第參奏巡撫崔紀袒護崔乃鏞等事二摺朕命崔紀明白回奏今據崔紀回奏情節意甚狡詐詞復支離如崔乃鏞解酒赴淮擅動存公銀兩崔紀奏稱崔乃鏞稟明德沛批有印領及朕面詢乃稱德沛於崔乃鏞稟內批候巡撫批示是德沛並未批准明矣且德沛即便批准如心知其不可亦豈得附和准行乎崔紀又奏伊先曾駁二次因崔乃鏞再三苦求始勉強批准夫督撫之於屬員於事理之當行者

惟乃鑄亦豈肯施之於化人乎至旋權乃鑄初鑄之後查出虧欠銀八百兩崔紀奏稱恐累成己是以代為賠補夫屬員多有虧

預例於本身追賠及力不能完然後著落上司罪亦不過失察從未有屬員甫參而上司即為代賠者伊非與崔乃鑄有固結之私

情肯如此乎又司道府等捐助崔乃鑄一節崔紀奏稱並未授意夫巡撫既為代賠即不明授以意司道府自必仰承捐助此又顯而

易見之情事也崔紀又奏臣若與崔乃鑄稍有私弊德沛豈肯不見諸彈章殊不知當日德沛參劾崔乃鑄劣蹟疊原即奏稱崔

紀與崔乃鑄素有交情若照督參撫審之例交崔紀承審必為開脫朕是以特令新任總督班第審理崔紀又憤然不覺乎又委巡

捕孟炳署理知縣一節崔紀奏稱臣何私於漢軍孟炳而委署之夫同為屬員止當論其才具可用與否何論漢軍漢人今崔紀故

為辨別其懷挾私心於此益見崔紀受朕深恩疊加擢用至於巡撫伊所到之處偏執任性事多徇私與總督皆不和衷朕猶望其

悛改屢有處分悉皆寬宥有復加訓誡以觀其後效乃伊全未做省不肯淨澈私心殊負朕委用成全之德意難稱封疆重任著交部

嚴察議奏○辛亥石麟丁憂以喀爾吉善為山西巡撫由吏部○以圖爾炳阿為江西按察使由題○壬子諭湖南湖北會剿將士

聽提督杜愷節制○設河工糧倉○乙卯命貴州總督張廣泗至湖南與馮光裕會商苗疆軍務○戊午侍郎張照奏元臣郭守敬

做瓊衡遺意製造儀器向在觀象臺上流傳至今四百餘年嗣因西洋人紀理安製造新儀將舊儀銷毀惟存簡儀渾儀仰儀等數

件今又有交養心殿改造器皿之議竊思羲和以來中國所存躔度遺規惟此一綫良可愛重豈宜銷毀之救下禮部會同欽天監

查觀象臺舊儀完全者幾座不全者幾座開造清冊分貯內閣禮部欽天監以昭慎重從之○庚申停雲南鑄錢運京○壬戌浙江

海南尖山壩海塘工竣○湖南巡撫高裕卒賜祭葬○以許容著湖南巡撫○甲子轉阿克敦為吏部左侍郎調留保為吏部右

侍郎由戶部○以二格為左副都御史原在工部○準噶爾台吉噶爾丹策零遣使莽竄進表至京表曰哈柳歸奉 大皇帝敕書諭令

厄魯特在阿爾台山陰游牧不得過山梁喀爾喀亦不得過扎卜堪等處其科布多所在各令巡視又許我進藏熬茶之人數至三

百不勝歡忭 敕書有云原議本以阿爾台南塔卜塔克拜塔克烏蘭烏蘇羅卜諾爾噶斯口為界今爾一切俱遵朕旨更無可議

之事是已蒙 諭旨見許也但 敕書內係蒙古舊語音我等尚未能盡解故遣哈柳入奏懇求定界既以互相牽掣說未定議復

遣吹納木喀入奏亦是此意去年哈柳奉到 大皇帝諭旨云罷兵息民示歸和好即定界與否亦非要事但令彼此游牧互相隔

遠我 皇祖時所設卡倫不得移動其科布多等處朕亦不另駐兵每年應略地時仍各遣二三十人巡視既免相擊之嫌亦解兩

疑惑之心朕不食言荷蒙 諭旨欲釋我疑懇將從前未能盡解之語再降 旨明示至進藏之時候莽竄信到即日起程於八月

二十日左右定到哈密由哈密即赴東科爾但必取道肅州則來人俱未出痘恐途中患病且道遠或遇無水草處無以接濟請一

切生畜路費俱自行備辦由庫克沙什西喇喀勒占至東科爾貿易後前往至進藏時或馬匹疲乏尚需接濟伏乞加 恩奏入報

聞○飭湖廣提督杜愷廣西提督譚行義會剿苗獠